

A. B. C. D. E.

H. I. J. K.

G. H. I.

L. M. N.

7

~~12~~

3

9

17 MG

7


01530.

4-12-19



K

260



D. PETRI

DORLANDI  
DIESTENSIS OLIM  
CARTVSIAE PRIORIS  
DOCTISSIMI  
CHRONICON  
CARTVSIENSE:

IN QVO DEVIRISVI ORDINIS ILLUSTRIBUS, rebusq; in eodem praeclare gestis, nec non & admiranda plurimarum CARTVSIARVM constructione scite pertractatur:

ANTE ANNOS QVIDEM CENTVM AB Auctore conscriptum; nunc autem primò è latebris erutum, ac selectarum quarundã adiectione NOTARVM illustratum, publicoq; bono promulgatum.

STVDIO F. THEODORI PETRAEI, CARTVSIENSIS Coloniensis Alumni:



Ex legat  
Biblioth.

Ant. Ricci  
Lev.


Coll.

COLONIAE AGRIPPINAE  
Apud Petrum Cholinum.




Soc.

ANNO M.DC.VIII.  
Cum gratia & privileg. Ces. Maiest.



VENERABILIBVS SVSPICIENDISQVE  
IN CHRISTO PATRIBVS, D.HER-  
CVLI VVINCKELIO, peruigili Teu-  
thonicæ Prouinciæ VISITATORI, Dô-  
musq; Louaniensis PRIORI benè merito:  
necnon & D. THEODORO STUMP-  
VVICKIO, Cartusix Diestensis  
PRIMATI integer-  
rimo.

 Vantum laboris ac ope-  
ræ pretium fecerint, Ve-  
nerandi suspiciendiq;ue  
Patres, eximix aliquot  
pietatis doctrinæque Viri, qui in eo  
iam olim studium insumpserunt,  
vt res à suis præclarè gestas literarū  
monumentis ad omnem posterita-  
tis memoriam consignarent, hinc  
liquido cuius constare posse existi-  
mo, quod etiamnum apud erudi-  
tos, prudentiæque opinione præ-  
stātes, magno in pretio eorum scri-  
pta habeantur, legantur, commen-  
dentur.

Equidem vix vlla reperitur tam  
vel vetustate incanescens, vel noui-  
tate recens in Christiano orbe reli-

);( 2 gio.

BIBLIOTECA NAZ.  
ROMA  
VITTORIO EMANUELE



## EPISTOLA

gioforum hominum (quātum quidē reputanti subit) familia, quæ non suos aliquando habuerit, aut etiamnum habeat Viros omni literarum genere excultos, qui quidē quid priuatim publicēq; in eorum religione gestum est, stylo excoluerint, bonaq; cum fide ad Ordinis sui decorem, proximorumq; ædificationem in literas retulerint.

Ita nimirum BENEDICTINI à Trithemio celebrantur; AUGUSTINIANI à Iosepho Pamphilo, Signinæ vrbis anrstitute commendantur: qui ab ipso D. Augustini ortu vsq; ad annum Domini 1575. elegans conscribens <sup>a</sup> opus, illos qui aut vitæ sanctimonia, aut literarum gloria insignes isto in ordine floruere, percenset. Quin & DOMINICANI hac in parte suos habent Leandros, Garzonios, Senenses <sup>b</sup> Anthonios: qui quidquid laude dignum à multis retro annis gestum est, publici iuris effecerunt. Insuper & Petrus Lucius, Bruxellensis, Bibliothecam edidit CARMELITANAM. Similiter & Hen-

<sup>a</sup> Prodiit Romæ 1581.

<sup>b</sup> Parisijs apud Niuellin, anno 1582.

<sup>c</sup> Florentiæ apud Georg. Marefchortum an. 1593.

# DEDICATORIA.

Henricus VVillotius FRANCISCANORVM Athenas, non ita dudum Leodij in lucem protulit: nec non & Petrus Rodolphus, Tossinianus, Senogalliꝑ Episcopus, d Seraphicam texuit historiam. Quibus fastigium inde satis magnificum imposuit egregius hoc in genere architectus, Franciscus Gonzaga, Mātuanaꝑ Vr̃bis celeberrimus Antistes: qui intelligens ijs qui præessent rem fore perutilem, si tale quoddam in lucem prodiret virtutum ac rerum præclare gestarum exemplar, in quo quasi in speculo vnico obtutu tanti Ordinis status conspici posset, ingenti labore prægrande confecit volumē, æneis etiam pulcherrimis iconibus illustratum, in quo eleganti sanè methodo tractat, de origine Seraphicæ religionis FRANCISCANAꝑ, eiusq; progressibus, legibus, forma administrationis, cœnobiorū frequentia, personarum abundantia, &c. Hæc quidem illi.

*d Venetijs  
an. 1586.*

*Rome apud  
Dominicum  
Basam in fol.  
an. 1587.*

At verò soli BRVNONIADES (quod dolenter refero) etsi iam annos vl-

):( 3

tra

## EPISTOLA

tra quingentos celebre per Orbem  
 vniuersum, ob insignem vitæ san-  
 ctimoniam, quotidianumque edo-  
 mandæ carnis studium, sibi compa-  
 rauerint nomen, neminem tamen à  
 tam longo temporis interuallo ad-  
 huc habuere, qui illustres sui Ordi-  
 nis Viros in aliorum conspectum  
 produceret. Vel si quid hac super re  
 aliquando desudatum est, id cella-  
 rum angulis protinus abditum, blat-  
 tarum tinearumque morsibus fuit  
 obnoxium. Quod cum non nostrum  
 duntaxat plerique, sed & alij quàm  
 plurimi bonæ æstimationis viri fer-  
 rent ægerrimè, cohortati me sunt,  
 vt quæ PETRVS DORLANDVS, ve-  
 stræ olim Prouinciæ vir doctissi-  
 mus, ac Diestensis Cartusiæ Prior  
 integerrimus, de viris nostri Ordi-  
 nis illustribus ante annos plus cen-  
 tum conscripserat, ea vel nunc tan-  
 dem à situ ac tenebris vindicando,  
 in medium proferrem. Quorum æ-  
 quissimæ sanè petitioni cum relu-  
 ctari diutius non possem, coepi illud  
 quod penes nos erat peractum  
 manu



## DEDICATORIA.

manuscriptum exemplar sub incu-  
dem reuocare, ac Notis quibusdā,  
ad rerum gestarum historiam illu-  
strandam comparatis auctam, Ty-  
pographo euulgandum porrigere.

Cæterum opere iam ad finē per-  
ducto, cū de Patrono illi adsciscē-  
do cogitandum foret, occurrit con-  
festim Hadriani Imperatoris edi-  
ctum, qui vti Aelius testatur Spar-  
tianus, lege quondam cauerat, vt  
*si quis suo in fundo thesaurum quempiam reperis-*  
*set, ipse potiretur; si in alieno, dimidium Domino*  
*daret.* Itaque poscebat hoc meritissi-  
mo suo iure præsens hic à me eru-  
tus thesaurus, ac Dorlandi vestri fœ-  
tus, integerrimi colendissimiq; Pa-  
tres, intra Domini vestri cōseptū  
natus ac educatus, iamque olim in-  
signi Louaniensis Cartusiæ Priori P.  
Ioanni Delpho ab ipso auctore cor-  
rectionis ergo oblatus, vt non alio  
deflectens, sed ad vos postliminio  
rediens, pristinæ habitationis domi-  
cilium libens volensque repeteret.  
Præsertim cū si quis hanc genui-  
no creptam patri prolem, ad aliorū

## EPISTOLA

transferre iurisdictionem conetur,  
insignem profecto iniuriam vobis,  
vtpote legitimis possessoribus irro-  
gasse censeriqueat.

Quod ipsum pro suo erga Superi-  
ores reuerentiæ obseruantiaq; stu-  
dio identidem mihi inculcauit fi-  
delis ille Prouinciæ vestræ filius, ac  
singularis industriæ pietatisq; Vir,  
F. Ioannes Cammotius, rationi æ-  
quitatiq; id nimirum quàm maxi-  
mè consentaneum arbitratus, Præ-  
cipuè cum toti isti Prouinciæ iam  
dudum constet, quantum solatijs e-  
molumentique à V. Patre suo Visi-  
tatore, D. HERCVLE VVINCKE-  
LIO perceperit, non solum cum  
ante annos aliquot vniuersæ coepit  
præesse Prouinciæ, verum etiã quã-  
do in Cartusia Brugenfi ac Bruxel-  
lensi singulari cum industria Prio-  
ris officium horrendis istis Belgico-  
rum tumultuum detonantibus vn-  
dequaque procellis, prudentissimè  
administrauit. In qua quidem com-  
munis patriæ tempestate singulari-  
ter quoq; emicuit virtus ac cōstātia

V. Pa.

# DEDICATORIA.

**V. Patris D. Theodori STUMPVVIERCKII** qui vti olim Brugenſi in domo Procuratoris officium nauiter exercēs, in modico fidelis eſt reperi- tus, ſic poſtmodum dignus eſt habitus, qui ſupra maiora conſtitutus, Dieſtēſi Cartuſiæ, in qua olim Dorlandus noſter quā ſcriptis, quā vitæ ſanctimonia floruit, merito præſiceretur. Inter cuiuſequidem ſcripta, præſens hoc quod nunc damus Chronicon, primas facilè obtinet. In quo non ſolum diuerſas variarū miraculoſè conſtructarum Cartuſiarum origines pertexit, verum etiā præcipuos quoſque totius Ordinis **GENERALES**, qui vel inſigni pietatis ſtudio, vel prudētiæ eruditioniſ. quæ laude perpetuū ſibi apud omnē poſteritatis memoriam nomen perperere, enumerat. Quorum tamen res geſtę ita hætenus ſub modio delituere, vt plurimos non dico homines vita ac conuerſatione ſeculares, verum etiam religioſos ac profeſſione Cartuſianos, qui eorum vel nomina ſaltem nunquam auditu per-

):( 5

cepe-

## EPISTOLA

ceperint, facile sit reperire.

Conqueritur super hoc magno-  
pere eiusdem mecū & nominis &  
professionis vir Loërius noster, qui  
in fine vitæ admirandi istius Extati-  
ci Doctoris Dionysij Cartusiani, or-  
dinem vniuersum seriò contesta-  
tus, quod talium scilicet tantorum-  
que insignium virorum præclara at-  
que in omne æuum prædicanda fa-  
cinora intermori patiatur, ita inter  
cætera ait. *Taceo nunc GVIGONEM, BA-  
SILIVM, aliosq; maioris Cartusie Priores, qui  
hactenus magna te sanctitatis opinione governa-  
runt. Quorum plurimi etiam tam claruere mira-  
culis, quàm fulsere doctrinis. Quos tamen præter  
te, licet innumeros, nouit nemo. Prætereo D. Ber-  
nardum, & Priorem Cartusie Portarum, quem ad  
vitam redeuntes mortui, tacente te prædicant. Et  
paulo post, deficeret me, inquit, tempus, si re-  
censere vellem aliquor reliquorum illustrium Vi-  
rorum legiones, SANCTITATE non minus  
quàm eruditione præstantium. Quos cum alieni  
magnis efferunt laudū præconijs, tu quasi in gre-  
mio abscondos tuos filios hactenus siluisti. Hæc il-  
le, nec immeritò. Si namque solos  
hic enumerare vellem, quos vestra  
duntaxat Belgica illa bellissima Pro-  
uincia*

*e De hoc vide  
Dorlandum  
lib. 4. cap.*

# DEDICATORIA.

uincia in omni virtutum genere celeberrimos nostri Ordinis protulit viros, & maximè Louaniësis ac Diestensis Conuentus, quis quæso orationis meæ tandem finis existeret? Quin imò, vel vnica illa quæ propè Angiam Hannoniæ oppidum CAPELLAE cōspicitur Cartusia, tam admirandæ pietatis eruditionisq; alumnos suo olim cōplexa est sinu, vt fDORLANDO nostro vberrimam commentandi materiam præbuerit.

f l. lib. 7. Chronici Cartus. e, 25. & seq.

Verum enimvero, quandoquidem hæc ex ipso potius Auctore, quàm ex meâ hac prælocutione expiscanda hauriendaque censeo, idcirco quantum quantum possum Vos quæsoque oro, Ornatissimi Colendissimiq; Patres, vt præsens hoc vestri instituti CHRONICON in paternam vestram tutelam suscipientes, meam qualemcunque opellam cōmunis Ordinis causâ bono publico desudatam (vt vel hæc exempla inertiam fulciant huius æui, quod loquentiæ multum, sapientiæ autem

EPISTOLA DEDICAT.

tem veræque pietatis parum effundit) æqui bonique consulatis, meq; sanctis vestris precibus, alijsque pijs exercitationibus sacrificijsque supremo Agonothetę commendetis. Ex Cartusia Agrippinensi, D. BARBARAE Virgini iuxta ac Martyri sacratâ. Anno Dominici Natalis octauo supra millesimum sexcentesium, ipsa Dominica Palmarum.

*VV, Paternitatum Vestrarum  
humillimus Filius*

**Fr. THEODORVS PETRAEVS, Campensis,**

LICENTIA REVERENDISS.  
PATRIS GENERALIS D. BRUNO-  
nis Daffringues, concessa F. Theodoro  
Petræo suâ in lucem scripta  
edendi.

**P**lacet nobis, dilecte fili, pium vestrum & assiduum in-  
scribendo studium. Quod & laudamus, vosq; studiosè  
ad pergendum in illa propensa de re Christiana bene me-  
tendi voluntate hortamur. Cartusie 12. Iunij. anno. M.  
DC. IV.

EX LITERIS EIVSDEM RE-  
uerendiss. Patris, anno 1603. 4. Jun.  
exaratis.

**P**erstate igitur alacriter in hoc gloriosa iuvanda Eccle-  
sia studio. Quod ut faciatis, GENERALEM VO-  
bis LICENTIAM damus edendi in lucem cetera quæ  
EXCVDETIS opuscula.

APPROBATIO CENSORIS.

**P**Ræsens hoc CARTVSIENSE CHRONI-  
CON ante annos quidem centum ab Au-  
ctore PETRO DORLANDO conscriptum,  
nunc verò primò in lucem prolatum, ac NO-  
TARVM quarundam adiectione à F. THEO-  
DORO PETRÆO, Cartusie Coloniensis  
Alumno illustratum; nihil ominò continet,  
quod vel Orthodoxæ fidei, vel bonis moribus  
sit contrarium. Actum in Conuentu nostro, an-  
1603. 15. Martij.

Ita ego attestor F. Gysbertus Spech-  
tius, Prior Dominicanorum Coloniën-  
sium, S.S. Theolog. DOCTOR, &  
hæreticæ prauitatis INQVISI-  
TOR.

SYL

SYLLABVS  
COMPLECTENS  
ARGVMENTA SINGVLO.  
RVM CAPITVM CHRONICI  
Cartusienſis Petri Dor-  
landi.

CAP. I.	<b>D</b> E S. Brunone Ordinis Cartuſienſis principali inſtitu- tore. fol. 8
II.	Quomodo B. Bruno mundum contempſerit & Archiepiſco- patum. 21
III.	Inuentum Brunonem canes honorauerunt ſuosque ſodales. 23
	Miraculum de S. Brunone. 28

SECVNDI LIBRI CAPITA.

CAP. I.	De ſancto Hugone Graſſanopolitano Epiſcopo. 29
II.	De aduentu B. Brunonis ad ſanctum Hugonem & de ſep- tem ſtellis. 37
III.	De corporali eius agrotatione. 40
IV.	Quomodo & alios frenariſ ſenſus ſuos. 47
V.	De charitate eius ad inimicos. 48
VI.	De equitate eius in iudicio & de contemptu munerum. 52
VII.	De efficacia predicationis eius. 54
VIII.	De Zelo inſtitutæ eius & de morte illius. 59

TERTII LIBRI CAPITA.

CAP. I.	Vita B. Patris Hugonis, Pontificis Lincolniensis. 70
II.	De laudabili eius adoleſcentia. 72
III.	Quomodo ſanctum ingreſſus eſt Ordinem Cartuſienſem. 76
IV.	Quomodo factus eſt Procurator Cartuſie. 81
V.	Quomodo a Rege Angliæ Henrico aſcitus, Prior VVitha- mienſis eſt ſcitur. 83
VI.	Quam ſolenniter & glorioſe Epiſcopus electus ſit. 87
VII.	Quam benignus fuerit in pauperes & leproſos. 94
VIII.	Quam deuotus fuerit erga S. Eucharistiā & omnium ſc- pulturam. 95
IX.	De miraculis S. Patris Hugonis in vita. 98



# INDEX

<b>X.</b>	<i>Quomodo VVithamiam suam solium sit reuifere.</i>	103
<b>XI.</b>	<i>De prudemissimis responsis eius &amp; quanam eius opera mirifica.</i>	105
<b>XII.</b>	<i>De decessu B. Patri.</i>	117
<b>XIII.</b>	<i>De sepultura B. Patri &amp; miraculis eius atq; prodigijs.</i>	123
<b>XIV.</b>	<i>De translatione S. P. Hugonis Episcopi.</i>	131

## QVARTI LIBRI CAPITA.

<b>CAP. I.</b>	<i>De B. Landuino secandi Ordinis Generali.</i>	133
<b>II.</b>	<i>Quomodo Landuinus in Calabriam, ad D. Brunonem inuifendum properans, in itinere interceptus carceri mancipatus sit in quo &amp; obiit.</i>	140
<b>III.</b>	<i>De magno Patre Guigone quinto Ordinis Generali.</i>	142
<b>†</b>	<i>Quomodo summi Pontificis Ordinem Cartus. priuilegijs roborauerint.</i>	154
<b>IV.</b>	<i>De S. Anhelmo Episcopo.</i>	157
<b>V.</b>	<i>De zelo iustitiæ B. Anhelmi.</i>	164
<b>VI.</b>	<i>De eius insigni charitate erga salutem proximorum.</i>	170
<b>VII.</b>	<i>De miraculis B. Anhelmi, post obitum eius.</i>	174
<b>VIII.</b>	<i>De Hugone altero Gratianopolitano Episcopo, ac postmodum Archiepisc. Viennens.</i>	180
<b>IX.</b>	<i>De Bernardo, Priore Cartusie Portarum</i>	181
<b>X.</b>	<i>De S. Stephano Diens. Episcopo Ordinis Cartusienfium.</i>	184
<b>XI.</b>	<i>Ex hoc Priore Cartusia Portarum eligunt in Episcopum Diensem.</i>	188
<b>XII.</b>	<i>Miracula, quibus hic sanctissimus Præsul claruit.</i>	193
<b>XIII.</b>	<i>Miracula, quæ post obitum edidit.</i>	196
<b>XIV.</b>	<i>De Patre Basilio, octauo Generali, qui vixit anno 1150.</i>	
	201	
<b>XV.</b>	<i>De B. Iancelino, decimo Cartusianorum Generali.</i>	206
<b>XVI.</b>	<i>De Patre Martino I. vndecimo Generali.</i>	211
<b>XVII.</b>	<i>De Patre Bosone, decimo sexto Generali.</i>	215
<b>XVIII.</b>	<i>De Patre Haymone, decimo septimo Generali.</i>	218
<b>XIX.</b>	<i>De Petro Faucrij, primo quidem Priore S. Crucis Romæ, deinde vero Generali totius Ordinis Procuratore.</i>	219
<b>XX.</b>	<i>De Venerabili Patre Claro, Generali decimo nono.</i>	22

# INDEX

<b>XXI.</b>	<i>De P. Iacobo de Viuiaco.</i>	<b>228</b>
<b>XXII.</b>	<i>De V. Patre Ioanne Birellio, vigesimo secundo Generali.</i>	
	230	
<b>XXIII.</b>	<i>De Patre Helisario.</i>	<b>241</b>
<b>XXIV.</b>	<i>De V. Patre Guilielmo Rainaldi, vigesimo quarto Ordinis Generali.</i>	<b>247</b>
<b>XXV.</b>	<i>De V. Patre Bonifacio, vigesimo quinto Generali.</i>	<b>254</b>
<b>XXVI.</b>	<i>De alijs quibusdam Maioris Cartusie Patribus.</i>	<b>260</b>

## LIBRI QVINTI CAPITA.

<b>C A P. I.</b>	<i>De B. Petro Petronio Senensi.</i>	<b>267</b>
<b>II.</b>	<i>De Guilielmo Laico seu conuerso Cartusie Casularum prope Genuam.</i>	<b>268</b>
<b>III.</b>	<i>De B. Margaria Lugdunensi, Ordinis nostri Moniali.</i>	<b>269</b>
<b>IV.</b>	<i>De S. Virgine Beatrice.</i>	<b>270</b>
<b>V.</b>	<i>De Fratre quem B. Virgo Maria confortauit.</i>	<b>271</b>
<b>VI.</b>	<i>De Fratre Stephano, Magdalenam diligente.</i>	<b>273</b>
<b>VII.</b>	<i>De Mirabili virtute &amp; efficacia vulgaris istius disti, Requiescat in pace.</i>	<b>278</b>
<b>VIII.</b>	<i>De participatione Ordinis, &amp; quid valeat.</i>	<b>280</b>
<b>IX.</b>	<i>Cur Ordo Cartusiensis quotidie Missam de Domina publice priuatimq; persoluat.</i>	<b>281</b>
<b>X.</b>	<i>De quodam Fratre Henrico, Coloniensis Cartusie Monacho.</i>	<b>282</b>
<b>XI.</b>	<i>De quodam conuerso simplici, perperam recitante primum versiculum Psalmi quinquagesimi.</i>	<b>284</b>
<b>XII.</b>	<i>De alio quodam Eximij candoris ac columbinæ simplicitatis conuerso.</i>	<b>285</b>
<b>XIII.</b>	<i>De felici morte Patris Alberti Arnhemensis.</i>	<b>286</b>
<b>XIV.</b>	<i>De Clerico quodam, cui à Deo reuelatum erat, quando moriturus foret.</i>	<b>287</b>
<b>XV.</b>	<i>Prior quidam sacris operans in altum diuina virtutis operibus subleuatur.</i>	<b>288</b>
<b>XVI.</b>	<i>De Monacho quodam admodum consolatorio &amp; in diuinarum laude peruigili.</i>	<b>289</b>
<b>XVII.</b>	<i>De conuerso simplici ac recto cuius anima Angelicorum ministerio spirituum in cælum ferri visa est.</i>	<b>290</b>
<b>XVIII.</b>	<i>Ut Religiosi non differant tempestiuè suas persolvere bo-</i>	<b>ratq;</b>

	<i>ras, debitoq; tempore cubitum concedere.</i>	291
XIX.	<i>De sacerdote quodam seculari, qui cœlesti vocatione adu-</i> <i>nitus, Ordinem ingressus est Cartusienſium.</i>	292
XX.	<i>Quam ſeuere à Deo puniti ſint prædones aliquot, qui Car-</i> <i>tuſienſium diripuerant bona.</i>	293
XXI.	<i>De quodam custode templi admodum ſtrenuo &amp; exempla-</i> <i>ri.</i>	296
XXII.	<i>Benignus quidam ad Laicalem redditorum admiſſus ſta-</i> <i>ium ac laudabiliter in Ordine perſeuerans, poſt obitum</i> <i>glorioſus apparet.</i>	297
XXIII.	<i>De fratre quodam circa Dominica paſſionis exercitiuſe</i> <i>exercente, cui Chriſtus in cruce apparuit.</i>	298
XXIV.	<i>De Priore Prouinciæ Teutonica circa Ordinis diſciplinam</i> <i>ſtrenuo, è cuius tumulo pulcherrimi prodire ſtores.</i>	299
XXV.	<i>De ſelici ex hoc ſæculo emigratione ſacriſſam cuiuſdam:</i> <i>qui infirmorum exiſtens Præſectus, cum erga peſte cor-</i> <i>reptos valde eſſet obſequioſus, tandem etiam ipſe eadẽ</i> <i>infeſtus lue, leni ſuauiq; morte, piẽ in Domino obdormi-</i> <i>kuit.</i>	300
XXVI.	<i>De iuvene qui plurimos vidit Cartuſienſes in cœlo.</i>	302
XXVII.	<i>De quodam Hieronymiano qui Dauentria moriens, ſuſſus</i> <i>eſt, ſe vidiffe innumeram Cartuſianorum multitudinẽ in</i> <i>cœlis.</i>	304
XXVIII.	<i>De Monachi ſanctiſſimi &amp; humilliſimi beatiſſimo exitu</i> <i>ius cella tota comburi viſa eſt.</i>	305
XXIX.	<i>De quodam probatiſſimæ vitæ Procuratore, cuius precibus</i> <i>mater, iuxta ac materierã ex purgatorijs erepte peni,</i> <i>cælum, letæ conſcenderunt.</i>	307
XXX.	<i>Quo pacto idem Procurator ab Apoſtolorum Principe viſi-</i> <i>tatus, conſolatusq; fuerit.</i>	309
XXXI.	<i>Clariuit quoque idem prophetiæ ſpiritu, vii duobus com-</i> <i>tu probatur exemplis.</i>	310
XXXII.	<i>De quodam religioſo Montis Dei, Dominicæ Crucis zela-</i> <i>tore ac amatore feruentiſſimo.</i>	311
XXXIII.	<i>De fratre moriente, quem auicula cœleſtis ſuaviſſimo can-</i> <i>ante obitum demulcebat.</i>	312
XXXIV.	<i>Quædam eximie ſanctitatis voſtri Ordinis Monialis, poſt</i> <i>) : ( ) : (</i>	quin-

# INDEX

rum exhibuata diem, integra ac suauiter fragrans est tē-  
perta. 314

**XXXV.** Colonienſis quadam matrona filium ſuum ab Ordinis Car-  
tuf. ingreſſu auocare modis omnibus ſtuduens, nulla ta-  
men id ratione efficere valet. 315

**XXXVI.** Paſtori cuidam ſeculari à quodam Franciſcanæ familia  
Monacho prædictum fuit, quod Religioſus aliquando ef-  
ſet futurus. 316

**XXXVII.** Quo pacto idem ille Paſtor ſuam differens conuerſionem  
verberibus à Deo adactus ſit, Religionem ingredi atque  
à Prioratus officio, quod aliquamdiu exercuerat, poſtmo-  
dum amoueri. 317

**XXXVIII.** Perdices pro infirmo quodam ad ignem, de medicorum con-  
ſilio aſſæ, in piſces commutantur. 319

**XXXIX.** Nouitiuſ quidam de carniuſ eſu à Diabolo, qui eas acule-  
rattentatus, ad ſuum ſe ſuperiorem conſilij cauſa recipi-  
ens, demonis euafit technas. 322

**XL.** Aliuſ quidam ab eodem maligno tentatus ſpiritu, vt gula  
ſatiſfaciens, piſcoruſ veſceretur in ſculo, conſimili conſer-  
uatus eſt modo. 324

**XLI.** Reſpondetur Calumniatoribus, reprehendentibus Cartu-  
ſianorum inſtitutum, quod perpetuis temporibus carniuſ  
eſui renuntiauerint. 325

## LIBRI SEXTI CAPITA.

**CAP. I.** Nouitiuſ quidam fugam adornans, ac muro inſidens, Magi-  
ſtri ſui iam pridē defuncti monitu reuocatur, ad ſeculū ne  
redeat, ſed potius laudabiliuſ in Ordine perſeueret. 329

**II.** Aliuſ quidam nouitiuſ conſimilem volens ludum ludere,  
voce defuncti reuocatur. 330

**III.** Nouitiuſ cappam nigram, quam Nouitiatuſ tempore no-  
uelliſ Tyrones apud Cartuſianos geſtant, cum tadio por-  
tans, à Chriſto arguitur. 331

**IV.** Orationibus liberatuſ nouitiuſ, rei Muſicæ peritiſſimuſ, cui  
Diabolo procurante & vox, & cantandi peſitia ſubtrahæ  
fuerat. 332

**V.** Nouitiuſ quidā dum ſororiſ irrequiuſ blanditijs, uocationē  
ſuā deſerit, batiſmūq; abiicit in propioqui nemore vna cū  
ſorore.

# INDEX

- VI.** Sorore, ab ignotis bestiis miserè discerpitur. 334  
Novitius quidam insolita vermium diragatione afflitus,  
cū de abitu cogitationē instituerat, facta professione iuxta  
Prioris promissum, quam ocissimè liberatur. 335
- VII.** Novitius Diaboli arte decem potius aureis, intelligens tar  
tarei hostis insidias, abiecta animi instabilitate laudabili  
ter in Ordine perseverat. 336
- VIII.** In Cartusia ultraiectina Novitius quidam, pristinarum  
memor divitiarum deliciarumque cum abitu tacitus se  
cum meditaretur, ab auicula perseverantiam est edoctus.  
 337
- IX.** Novitius per scalam sibi à demone ad descendendum in  
profundam malorum preparatam, in bonum convertito  
men, stabilisq; permansit. 339
- X.** Duo Novitij parentum Lenocinijs ad secularem reuocati  
vitam, ocissimè cum illis pestifera infecti contagine, in  
feliciter hinc emigrarunt. 340
- XI.** Novitius postquam monasticum deseruisset habitum, inge  
rens se lascivis puellarum choreis, tegula è tecto in cerebrū  
decidens, miserè expiravit. 341
- XII.** Novitius non imperitus artis Musicae, post ternam instabi  
litatem, in gutture à Deo horribiliter punitus, vita infeli  
citer privatur. 342
- XIII.** Novitius quidam Coloniae ad Ordinem admissus, cum semel  
discessisset, ac postmodum denuo admitti postulasset, nequa  
quam voto quivis potiri suo. 343
- XIV.** Novitius opibus ac eruditione pollens Diaboli technis ami  
corumq; molestijs, toto Novitiatus tempore mirabiliter  
exercitatus, tandem pridie quàm professionem editurus  
esset, tentationibus omnibus miraculose eripitur. 345
- XV.** Musicus quidam de sua gloriatus insigni animi constantia,  
leui momento à suo quondam collega evertitur. 346
- XVI.** Cur nonnulli religiosi instabiles fiant minusve proficiant,  
nempe ob humilitatis defectum. 347
- XVII.** Novitius Institutoris sui monita despiciens, irridensque ac  
seculum repetens, miserabili est morte precepsus. 348

# INDEX

- XVIII.** *Nomitus timidior hominum, quam Dei, causam redeundi ad seculum fingit.* 349
- XIX.** *Adolescens quidam bonæ indolis, religionis ingressum procrastinans, ense ex inopinato transfoditur.* 350
- XX.** *De miraculosa Cartusiarum quarundam constructione, ac primo quidem de cella B Virginis Mariæ, iuxta Nurebergam diuinitus olim erecta.* 351
- XXI.** *De constructione Cartusiæ Colonienfis, quam Archiepiscopus V Valramus in honorem B. Barbaræ cælesti edoctus monitu, ibidem, edificauit.* 353
- XXII.** *De Arnhemienfi Cartusia, quæ vulgo Monachorum domus nuncupata est, quam Dux Geldriæ propè Arenauim, rægnificè olim construxit, idq; ideo, quod Angelicæ illic aliquamdiu melodiæ essent inauditæ.* 354
- XXIII.** *Cartusia Ruremundana, vbi olim meretricum contubernium fuerat, postmodum Bethlechemitica caput esse domus, ac castissimæ Dei Genitrici dedicari.* 355
- XXIV.** *De Monte S. Beati, prope Confluentiam, quando, & à qua occasione in Cartusiam sit erectus dedicatusque.* 356
- XXV.** *Cartusia Argentinensis quo pacto à quadam solitaria diuinitus præuisa, pari cinium alacritate ac subuentione edificari cæpta sit.* 358
- XXVI.** *Fundatio Domus portæ Mariæ, iuxta Danubium fluium, in Axpach Austriacæ Prouinciæ pago.* 360
- XXVII.** *Fundatio Domus Ordinis nostri iuxta Tornacum.* 362
- XXVIII.** *Quam admirabili euentu constructa sit Cartusia B. Mariæ de Pratis prope Monasterium in Morinis seu Picardia.* 363
- XXIX.** *Quibus de causis inductus sit Odo, Abbas S. Remigij, vbi celebrem illam ac peruetustâ Montis Dei, Cartusiam, Ordini edificaret.* 365
- XXX.** *De Institutione Domus Leodiensis.* 370
- XXXI.** *De Fundatione Domus S. Catharinæ iuxta Antuerpiam.* 372
- XXXII.** *Quo pacto Rex Galliarum cum consorte sua Parisiensem constraxerit Cartusiam, quæ vti spectris amra erat infesta,*



# INDEX

*feſta, ex vallis demoniorum, ſic vallis Dei vocitata eſt.*

374

- XXXIII.** De fundatione domus S. Annæ, prope Brugas, in Flandria, in qua eximie pietatis Moniales etiamnum degant. 376

## SEPTIMI LIBRI CAPITA.

- C A P. I.** De D. Nicolao Alberгато S. R. E. Cardinali. 380
- II.** De V. Patre Dominico, Cartuſiæ Treuerenſis profeſſo. 384
- III.** De carmine Hymnoq; quod idem P. Dominicus in laudem B. Mariæ Virginis composuit. 387
- IV.** De diutina huius eiſdem Patris ægitudine, ac ſingulari animi robore. 388
- V.** De inſigni Viro P. Bartholomæo, Viſitatore Prouinciæ Rheni, ac domus Ruræmundanæ olim Priore. 390
- VI.** D. P. Dionyſio Ryckelio eiſdem Cartuſiæ alumno, eiſq; ſcriptis ac reuelationi. 69.392
- VII.** Primæ reuelatio facta P. Dionyſio. 393
- VIII.** Alia Reuelatio facta eidem. 399
- IX.** Alia eiſdem Reuelatio. 403
- X.** Introduciuntur iam ipſa S. Mater Eccleſia ſuam exponens cum ſletu querimoniam. 407
- XI.** Dionyſius audita ſuperiori S. Eccleſiæ querimonia, ſcriptis hortatur Prelatos ac Principes quatenus opem aſſictæ matri ferant. 410
- XII.** Apologia ſeu excuſatio, cur Dionyſius reuelationem hanc ſibi ſoli factam ad aliorum noſitiā venire voluerit. 412
- XIII.** Alia quedam reuelatio, eidem P. Dionyſio celius facta, ne ſcilicet Arnoldus Geldriæ Dux, bellum ſuo faceſſeret filio, eumq; prælio laceſſeret. 414
- XIV.** Quo pacto malignorum infeſtatione ſpirituum inquietatus fuerit. 417
- XV.** Cur Dionyſius Diabolo tantopere fuerit exoſus. 418
- XVI.** Videt animam Episcopi Leodiensis æternis adiudicaram gehennæ ſupplicijs. 420
- XVII.** Nouitius quidam iam vita ſunctus ſecundum quietem monet Dionyſium, vt promiſſo precum ſuffragio ſibi ſubueniat. 422

# INDEX

XVIII.	<i>Doratus defunctus conqueritur Dionysio.</i>	423
XIX.	<i>Revelationem accipit de statu Patris sui defuncti.</i>	ibid.
XX.	<i>Frequenter in Extasi mentis rapitur, adeo ut non sine causa Doctoris extatici prae se ferat nomen.</i>	424
XXI.	<i>Cartusianus quidam Ruremandanae domus à malignis inquietatus spiritibus summa potitur pace.</i>	425
XXII.	<i>Revelatur es status animae M. Ioannis Louanienfis, insignis S. Theologiae Doctoris ob pluralitatem beneficiorum purgatorijs flammis excruciat.</i>	426
XXIII.	<i>Enarrat iam hic Dionysius executoribus Testamenti, quo pacto viderit cruciari animam M. Ioannis Louanienfis Sanctensis olim Ecclesiae Praepositi.</i>	428
XXIV.	<i>Insignis Dionysij Cartusiani commendatio, &amp; quam pie hinc ad Dominum emigraverit.</i>	432
XXV.	<i>Quo pacto P. Laurentius cōtempo seculo Cartusiense arripuerit propositum, ac quam sanctam in eo vitam duxerit, pie in domino obierit.</i>	436
XXVI.	<i>De admirandae pietatis patre D. Bosone singulari Beauiff. Virginis amatore: quae &amp; morienti adfuisse creditur.</i>	443
XXVII.	<i>De P. Gerardo Bredano statura quidem pusilla, literarum vero cognitione sacrarum &amp; librorum scriptione insigni.</i>	444
XXVIII.	<i>De P. Cuilexmo Priore domus Capellae prope Angiam.</i>	445
XXIX.	<i>Quantae patientiae ac paupertatis fuerit P. Hugo Boletus, patria Delphus, officio Prior.</i>	446
XXX.	<i>Admirandae virtutes P. Theodorici Delphensis, professi domus Capellae.</i>	447
XXXI.	<i>De insigni viro Henrico Loenio diuersarū Cartusiarū Priore, quem patrem patrum nonnulli nominare consueuerant.</i>	449
XXXII.	<i>D. P. Arnoldo Carmano Priore eiusdem istius domus Capellae, ac Theonicae Prouinciae Visiutore.</i>	452
XXXIII.	<i>De P. Arnoldo Gertrudemontano Vicario ac Procuratore domus Capellae.</i>	455
XXXIV.	<i>De Ioanne Aldenardo.</i>	ibid.

De



# INDEX

- XXXV. De Stephano Senensi Priore in Seyss, qui ante Ordinis ingressum B. Virg. Catharinæ Senens. Amanuenssis exiit. 460
- XXXVI. Eximia virtutis P. Osvini de Be. ka, Cartusie Gandensis vti professi, sic ante Ordinis ingressum viriusque iuris Doctoris celeberrimi. 463
- XXXVII. Mores ac conuersatio Anthonij Suriani ex Monacho Cartusiano Venetorum Patriarchæ electi, admiranda pietatis viri. 464
- XXXVIII. De quibusdam reprobis nostri Ordinis Monachis & proprietarijs. 467
- XXXIX. Proprietarius quidam pecunias sibi accepturas, ac respiscere nolens se ipsum tandem laqueo strangulauit. 469
- XL. Alius quidam eodém contaminatus scelere & nequaquam ritè confitens, à maligno spiritu malè hinc eripitur. 470
- XLI. Laicus quidam ex illorum genere, quos conuersos vocamus, in vitio proprietatis peruersè moriens, exhumatur atq; in sterquilinio projicitur. 471
- XLII. Quam horrendæ diuinæ vitionis vindicta desenerit in Monachum quendam instabilem, impostorem, ac varijs sese sacrilegijs contaminantem. 472
- XLIII. Frater quidam tertio ab ordine fugiens, post sedulam inquisitionem nusquam terrarum repertus, furesto exitu vitam finisse putatur. 475
- XLIV. Alius quidam Dordracensis aliquoties quoque fugam adornans & luxuriosè viuens, sine vlla tandem cordis contritione pessimè obiit. 476
- XLV. Duo officiales externis immeris officijs, eaq; improbe administrantes, in curru vna profecti suimine percussi exanimantur, maleq; intereunt. 478
- XLVI. Duo ambitiosi fratres malitiosè inter se contra Priorem cōspirantes, cum voto essent potiti suo, infelici exitu diem clausere extremum. 479
- XLVII. Donatus quidam ab Ordine fugiens, & mulierculam sibi sacrilegè adsciscens, inuisibili correptus morbo, infelicitier expirat. 480

Prior

# INDEX

**XLVIII.** Prior quidam Cruciferorum, Monachis suis suppeditans occasionem statuta Ordinis infringendi, pecuniasq; possidendi, terra hiata cum suis horrendum in modum absorbetur. 481

**XLIX.** Dominicanus quidam prædicando, confessionesq; excipiendo plurimas acquirens pecunias, easq; Superiori suo resignare recusans, infelicissimè moritur. 483

**L.** Terribile quodam exemplum cuiusdam Conuersi, qui in Cartusia Manuana post obitum pecunias possedisse deprehensus, in sterquilinum est proiectus; cuius tamen cadaver reperiri postea non potuit. Adijcimus autem hoc Conronidis loco sicuti propria V. Patris Surij ex ratum manu, inuenimus. An. domini 1550. Cartusianus, &c. 484



EPISTOLA DEDICATORIA

A V C T O R I S D.

P E T R I D O R L A N D I, A D

V. P A T R E M D. I O A N N E M D E L-

phum, Louaniensis Carthusiæ bene

meritum P R I O-

R E M.



PERE hoc nostro Cartu-  
sianæ Coronæ (adhibita  
Dei manu) in finem iam  
vsque deducto, cœpi cir-  
cum attollere oculos, cui id potis-  
simum visendum, castigandumque  
committerem. Statim mihi (vt sæ-  
pe; ita & nunc quoque) tu occur-  
risti, mi suauissime Parens, quem,  
pro tua singulari sapientia, atque e-  
ruditione, dignum sum arbitratus,  
qui hunc laborem meum & inspi-  
ceres, corrigeresque, & ad iustam  
scitè limam deduceres: deductum  
quoque, vt tua eum auctoritate cō-  
tra insultantium linguas defende-  
res, objceresq; te robustum propug-  
natorem pro his Illustribus Viris  
nostri Ordinis, quos hîc statui com-  
memorandos. Constat enim hos

A

fuisse

fuisse Apostolica gloria claros, & inter primas sublimium Sanctorum cohortes dignissime numerandos. Habent Cistercienses, habent Cluniacenses, habent & Diui Dominici & Francisci Ordines viros magna sanctitate conspicuos, & magnorum operum patratores. Sed nos (vtrum pia fiducia loquar) hæc in parte pauperiores non sumus, quod tu, mi Pater, & quisquis hæc legerit, facile comprobabit. Si de internis Sanctorum virtutibus aliquid inquiris, inuenies hinc, qui sublimi humilitate, qui ardentissima charitate, qui & patientia & paupertate altissima splenduerunt. Nec puto (si non videor temerarius) vltimos facile viros in alijs Ordinibus inueniri, qui hos nostros virtutibus ac gratiis superarint. Porro si prodigia ac signa requiris, quæ Sanctum neminem faciunt, sed ostendunt; inuenies hinc complures, qui cæcis visum, qui paralyticis motum, qui claudis gressum, qui infœcundis donauerunt fœtum, & qui inter susci-

tandos

Andos mortuos animas ab inferis  
euocarint, quāquam omnem sem-  
per impenderint operam, non vt  
oris signis clarescerent, sed bonis  
virtutibus refulgerent. Horum Pa-  
trum nostrorū illustria facta, cum  
apud plurimos Scriptores annotata  
vidissem, vt sunt apud Henricum  
Kalkar, apud doctissimum Ioānem  
Trithemium, apud facundissimum  
Bostium Carmelitā, & apud vnum  
huius nostrę Prouincię pium deuo-  
tumq; Carthusianum sacerdotem  
annotata sparsim cum reperissem,  
dignum putaui ea in summam re-  
digere: quam octidē libris compre-  
hendi: pedestrem sic sermonem re-  
perans, ne nimium inflatus turge-  
ceret, neue etiam submissus nimi-  
um laxusq; diffunderet. Nam quem-  
admodum alta ac tumida legis  
stomachū mouent, ita quę abiecte  
ac sordide dicuntur, lectorem citō  
ad nauseam traducunt. Esto igitur,  
doctissime Pater, huius operis pius  
primū & mansuetus inspector,  
tum demum (vbi opus videris) se-



dulus emendator: postremò etiam  
contra mordaces petulantium lin-  
guas firmus stabilisq̃ue defensor. E-  
runt fortasse qui dicent, me aut mi-  
nus vera, aut nimis multa dixisse.  
Hos rogatos velim, ne me arguant  
temeritatis, qui hîc nihil de meo  
posui, sed quæ ab alijs, (quos veraces  
sum arbitrat) amica pietate con-  
traxi. Quòd si omnino caninos ho-  
rum latratus vitare non possum, ni-  
hil curo, dummodò me mihi meis-  
q̃ue canere ac ludere permittant;  
quem amor ad hoc opus adegit, a-  
mor inquam, qui meritò à bono  
homine carpi non potest. Amore i-  
gitur amoris si videor homini deli-  
quisse, apud amoris tamen retribu-  
torem Deum, & gratiam me spero,  
& cum his Patribus, quos memi-  
ni, gloriam meruisse.

Vale.

ALIA

A L I A 5

# A V C T O R I S

## A D A D R I A N V M E I V S .

DEM CARTVSIAE FA-  
milie Monachum Epi-  
stola.



**S**olent, vt nosti, Adriane mi suauis-  
sime, illustrium fortia facta Maio-  
rum humanos animos accendere,  
& ad virtutes capeffendas mirum  
in modum inflammare. Hinc reor  
( vt a Valerius Maximus asserit ) apud Romanos a lib. 2. c. 1. §.  
morem inoleuisse, vt cantores in conuiujs praecla- 7.  
ra praecedentium Patrum facta, poetarum car-  
minibus comprehensa, concinerent. Et non solum  
gentiles homines hanc sunt consuetudinem pro-  
secuti, sed & apud Iudaos b Iesus Sirach viros b à capite 44.  
meminit gloriosos, quorum sublimia facta magnis vsq; ad cap.  
& admirandis praconijs attollit. Apud Christianos 51. Ecclesiast.  
verò hic mos etiam vbiq; celebris est. Nam Euan-  
gelia vt omisero, quae Dei nostri per carnem pa-  
trata miracula narrant, sanctus Lucas Apostolo-  
rum actus, & Pauli virtutes ac prodigia memo-  
rat, quibus ad imitationem prouocet audientes.  
Incredibile est, quàm vehementi igne exempla  
conspicua vel audita Maiorum, animum soleant  
permouere. Nam dum haerent memoria, solent &  
intellectum sua luce percellere, & affectum mira  
suauitate mulcere. Hinc sequitur is pietatis fru-  
ctus, vt in ipsas animi medullas exempla transfu-

sa, vitam instituant, mores informant, & somnificulosum tadium à corde retundant. Hæc ita cum sint, non tibi debet mirum videri, ô dilectissime, si veteres nouosq; imitatus auctores, hanc Coronam Patrum nostrorum intexuerim: cum certum sit & te primum ac tum plurimos, qui hac legerint, sanctioris propositi instituta capturos. Impossibile est enim, qui pietatis exempla introrsum hauriunt, aut ad meliora non dirigi, aut certè vel tenuiter non compungi. Sanctorum etenim egregia facta, quasi quedam specula, nostris obtutibus offeruntur: in quibus quicquid in nobis sordidum est, patenter aspiciamus, aspicientes gemimus, gementes, vt possumus, castigamus. Si igitur, mi Moseliane, non tibi est operimentum in frigore, si te, vt Iob ait, imbres montium rigant, si deniq; iustitia velamento non amictis, hos lapides tenacibus vlnis amplectere, lapides quadros, lapides viuos, lapides pretiosos, in fundamēto fundatos. Nimirum ipsi Sancti, quibus sacri Ordinis nostri structura omnis incumbit, ipsi sunt lapides Sanctuarij nostri: quos iussus est Aaron, mōs fortitudinis, gestare in pectore: quando ingressurus est in Sancta sanctorum. Ita & tu quoq; si ingredi cupis in Sancta, aeterna redemptione inuenta, necesse tibi est, hos lapides pretiosos in ratione deferre: vt horum tibi & labor placeat, & mores sacros imiteris. Hoc opus nostrū, Coronā Cartusianam censui nominandum: coronam vtq; anni benignitatis Dei; coronam, cui semper copioso munere Christi gratia

Iob. 24. vers.  
B.

Exod. 28.  
vers. 29.



*gratia benedixit. Benedices, ait Psalmista, co-* Psalm. 64.  
*ronæ anni benignitatis tuæ. Faucat dexter vers. 12.*

*Deus, vt tu atq; ego in hac misericordie corona fe-*  
*liciter numeremur. Tibi itaq; dilectissime, hanc*  
*lucubrationem nostrā, vt pote amico mihi omnium*  
*amicissimo, dedicare curavi: vt quem inter mor-*  
*tales plus ceteris diligo, hoc nostro labore, pra-*  
*līs aut onerem, aut honorem.*



8 CHRONICI  
CARTVSIENSIS  
LIBER PRIMVS.

CAPVT I.

DE S. BRVNONE, ORDINIS  
*nostri principalis Institutore.*



IROR, mi Dionysi charissime, cur tam manè hodie ad meos postes pulsare volueris. Grande aliquid in causa est. Neque enim sine mira ratione huc ante lucanum aduenisti. DIONYSIVS: Vtique, mi Basili, causa me vehemens huc appulit: quæ tota me nocte penè insomnem egit; nec quiescere potui, donec tibi animi mei æstus oppanderem. BASILIVS: Sed qui obsecro sunt hi æstus tui? DIONYSIVS: Dicam tibi; cœpi mecû cogitare viros illustres Ordinis nostri, qui reuera magnum virtutis & gloriæ lumen vsquequaq; sparsêre, hos tamen quasi neglectos haberi, nec fuisse quempiam ex nostris qui clarissima horum gesta ad liquidum profecutus sit, aut quandam in summam collegerit. Fuêre olim Scriptores, qui facta illustrium Ordinis Diui Benedicti, Bernardi, Dominici, Francisci, reliquorumq; sublimium Patrum egregio sermone palam effecerint, sed, heu, (proh dolor)

dolor) nemo apud nostros inuēctus est, (sic enim nostra viluerunt nobis) qui serenissima gesta nostrorum efferret in lucem. Hac socordia nostrorum nō mediocriter vulneratus, & medelā summopere desiderans, huc hodie tam manē me contuli, vt abs te possem latus integerq; reuerti. **BASILIVS**: Quid igitur tibi faciā? Hoc vulnus tuum, quo pacto vis sanem? **DIONYSIVS**: Facile, mi Basili, id poteris, si quod tantopere abs te fieri desidero, fueris dignatus efficere. **BASIL.** Et quid vis, vt faciam, quæso? **DIONYS.** Vt collectis quasi in vno fasciculo Patrum nostrorum magnificis operibus, (dum hæc nos conclauiā iunctos retinent) ea qua te præditum scimus industria, libens enunties cuncta quæ aut lectu retines, vel auditu. Adfuturi sunt forsā aliqui, qui hanc nostram confabulationem mandent scriptis, posteris relegendam. **BASILIVS**: Verē rem grandissimam petis, & quæ non vno, sed ne decem quidem diebus, possit expleri. Verū quia amicus es, & talis quidem, vt habeam præter te chariorem neminem, dabo operam votis inseruire tuis, **DIONYS.** Habeo gratias humanitati tuæ Oro igitur vt primū dicas, Ordo hic noster Cartusienis, quonam modo exordium sumpsit. **Bas.** Probē admones. Enim-

non sine formidato ingentiq̃ue miraculo  
 Ordo noster erupit in lucem. Vniuersitas  
 Parisiensis vbiq; terrarũ famosissima est.  
 In hac contigit res memoria digna, quam  
 subiicimus. Anno Christianæ salutis M.  
 LXXXII. inuentus est in ea Doctor cele-  
 berimus, qui & vita cæteris & sciētia præ-  
 cellebat. Hũc mores optimi adornare vi-  
 debantur, & vt apparebat, erat vir magna  
 virtute cõspicius. Hic cũ ex infirmitate  
 venisset ad mortem, vt mos expostulat, fe-  
 retro impositus est, atq; in templum lógo  
 Magistrorũ ordine reuerenter illatus, vt  
 animã defuncti commendarēt Deo. Con-  
 fluit cum Clero ignobile vulgus. Interea  
 dum celebres agerentur Vigiliæ, repente  
 defunctus sese erexit è feretro, & lachry-  
 mabili ac terribili voce clamauit, dicens:  
*Iusto Dei iudicio accusatus sum.* Hoc dicto, ca-  
 put deposuit, & vt ante, mortis est somno  
 cõsopitus. Terruit hæc vox cunctos qui  
 aderant, & ingenti formidine tabefecit.  
 Fuit igitur sapientum consilium funus in  
 crastinum reseruari. Sequenti die magnus  
 vndiq; accurrit populorũ numerus, vt vi-  
 deret quid rei futurum esset. Tum ille, vt  
 ante fecerat, se erigens è funere, terribili  
 magna voce inclamauit dicens, *Iusto Dei iu-  
 dicio iudicatus sum.* Audita hac voce omne  
 trepidi, vnusquisq; in iniquitate sua ren-

terri-

Hæc accuratè

in vita S.

Chron. Tom.

3. Surij.



terribilem supra quam credi potest, mirabantur. **DION.** Non mirum certè, si illi trepidi, si pauidi reddebantur, dum hæc viderent; quando ego quoque, qui hæc audio, totus paueo ac tremo. Sed quod coepisti proseguere. **BAS.** Dimissus est ergo etiam hac die inhumatus. Dum illucesceret tertia dies, tota penè ciuitas, audito rumore, ocyus occurrit, pallidi omnes, trepidi, gembundi orabant Dominum, & pro defuncto deprecabantur, & ad inuicem silenter mussitabant, rei exitum præstolantes. Tum ille iterum se patentem attollens è funere, cum ingenti mugitu & desperabili voce clamabat, dicēs: *Iusto Dei iudicio condemnatus sum.* Hoc dicto, caput reposuit, sempiterno absorptus interitu. Incredibile est, quātum mentes omnium sunt ad pauorem concussæ, stupentes hunc virū, quem omnes pro singulari sapientia & vita olim mirabantur, æternis incendijs deputatum, & exigente reatu, mortis perpetuæ subisse sententiam. **DION.** Formidabile est quod dicitis. *O quam terribilis Deus Psal. 65. 1.*  
*in consilijs super filios hominum.* Sed quæso te mi Basili, nemo horum hominū, qui hæc prodigia viderunt, ad melioris sese vitæ tramitem conuertit? **BASIL.** Immò plurimi hoc miraculo mentem pariter & vitam mutauere priorem. Affuit præ cæte-

12. CHRONICI CARTVSIENSIS  
ris inter illos , vir summæ excellentiæ,  
Bruno nomine, qui tum magnis virtutum  
ac scientiarum titulis admirabilis diceba-  
tur. Hic Coloniæ Agrippinæ generosus  
municeps , nobilitatis lampade clarus , &  
pectoris gloria lōgè clarissimus , quasi re-  
fulgens Lucifer inter atra promicabat.  
Huius à cunabulis Mater Sapiencia lacta-  
uerat infantiam, & semper edocuit ad me-  
liora proficere. Hic etiam, dum puer es-  
set, nihil puerile gerebat in opere, sed qua-  
si futuræ religionis speciē ostentans , plu-  
rium Monachorum Institutor à Domi-  
no parabatur. O verè perfectissimum se-  
cularem , cuius imitorem fieri cupiebāt  
viri etiam spirituales. Huic nihil aliud fu-  
it vivere, quàm Christum cum dilectione  
timere, & cum timore diligere. Cuius qui  
vestigia sequebatur , tendebat ad gloriam;  
diuertens autem , mergebatur ad flammā.  
Accreuit huic viro egregio tantum in  
Gymnasijs Parisiensibus lumen, vt inter  
primos Philosophos præcipuus habere-  
tur, & inter Theologos ac Canonistas opi-  
natissimus. Hic igitur Bruno cū huic  
portento interesset, formidatissimo stu-  
pefactus exēplo, totus in lachrymas reso-  
lutus, secum plangere cœpit humanæ cala-  
mitatis angustias, vitæ miseriam, & dubiū  
extremæ conditionis finem. Cogitaba  
quo-



quoq; secum districtum iudicium magni Dei: & quàm terribile sit incidere in manus Dei viuentis. Tunc Bruno cōpunctio- nis spiritu afflatus, ocyus aduocat ami- cos, & infusus lachrymis sic exorsus est: Videtis charissimi quàm incertæ sint res mortaliū, & quàm terribili censura actus humani ante Christi tribunalia ventilen- tur. Ecce hic homo vitam ducebat per cūcta laudabilem, & actus eius omnes vix sub reprehensione cadebāt, & tamen (proh dolor) æterna est morte mulctatus. Hinc nobis summopere formidandum est; Nam si huic Deus non pepercit, vtiq; nec par- cet nobis, qui longè illo & vita & morib<sup>9</sup> inferiores sumus. Quid igitur nobis faciē- dum est? Certè fugiamus à facie formidi- nis Dei, à facie iræ indignationis eius. In- sustentabilis furor eius super peccatores, & intolerabilis ira columbæ: sed inexhau- sibilis misericordiæ Deus est his, qui faciē eius in confessione requirunt, & abdicant à se vias tenebrosas. Nunc igitur, fratres mei, faciant nos hæc pericula cautos, & in perditione pestilentis, insensatus recipiat disciplinam. Si igitur mihi creditis, mun- dum hunc, & quæ in ipso sunt omnia, pō- pas, delicias, diuitias relinquamus: ne cum mundo & ipsi mergamur in barathrum, & arctioris vitæ tramitem consequamur, & tales

tales mores ocyus instauremus, quibus  
veram possimus apprehendere vitam. DI-  
GONYS. Sancta admodum hæc & salubris  
exhortatio. Sed quæso te, quid tum postea  
est subsecutum? BASIL. Magnum certè &  
admirabile opus pietatis. Nā viri illi, qui  
hæc ab ore Brunonis audierunt, vnā cum  
ipso, totis ad Deum cordibus conuersi, vi-  
tam cœlebem agere aggressi sunt. Tum  
suasit Bruno talem esse expetendum lo-  
cum, qui remotus esset ab hominum ac-  
cessibus, & vbi soli Deo tutò vacare pos-  
set. Est in Sabaudia solum inaccessis rupi-  
bus vastum atq; terribile, iuxta ciuitatem

*\*Differt fortè  
ad septem  
leucas Galli-  
as.*

\* Gratianopolim, quod Cartusiam vocāt.  
Hic locus semper niue candet, & rigentē  
frigore horret. Solo aspectu cunctis est  
formidabilis. Huc se magnus Bruno con-  
tulit, poenitentiā acturus, huc ducem egre-  
gium comites subsequuntur. Montium  
difficultates superant, & Cartusiam, non  
armis, sed animi viribus potenter inua-  
dunt. Habitationis loca cum illic nōdum  
haberēt, pro cellulis in abruptis petrarum  
faucibus morabantur. Nouos hīc Paulos,  
nouos hīc vidisses Antonios, nisi quòd  
horum loca multo Sanctis asperiora, quā  
solitudines aut Aegyp̄ti sint, aut Palesti-  
næ. Quippe vbi rarò, ob montium altitu-  
dines, sol possit suos radios immittere. At  
nunc



nunc quis dignè referat, quanta fuerit his viris inter has niues rerum omnium penuria, quàm vrgens necessitas, quanta calamitas? Sed aderat illis profectò qui sua gratia has temperabat angustias, & agrestes coloquintidas sua farinula pius dulcorabat Helisæus. Erant igitur hi patres nostri pauperes seculo, sed diuites Deo; contemp-  
*4. Reg. 4. vers. 41.*  
tibiles mundo, sed Christo Domino honorabiles: & quibus plena mortificatio carnis, sed vita spiritus inerat. Iuge illis (cultus iustitiæ) silentium, iugis contemplatio supernorum: parum corpori, sed plurimum spiritui tribuebant. Nemo de crastino erat sollicitus, immò præsentia vix cogitabant. Tanta illis charitas inerat, vt quisque sociũ præueniret obsequio. Tanta paupertatis cõmunitas, vt nemo suum aliquid æstimaret. Tanta humilitas, vt alter alterum laudi & gloriæ exponere cuperet. Sed dũ quisq; sub vmbra alterius obscurari vellet, tanquam repercussa claritas, omnes irradiabat. Ingens quoque cunctis inerat grauitas morum, & senilis maturitas, & inter tot virtutes totius fuga vanitatis. Angelica ab eis vita in terris ducebatur, in multa patientia, in vigilijs, in ieiunijs, in castitate, in scientia, in longanimitate, in suauitate, in Spiritu sancto, in charitate non ficta, in verbo veritatis, in virtute  
Dei,

Dei. Verum hos mores, & hæc instituta virtutum à sua duce & principe Brunone didicerunt. Ille enim quasi inter sydera sol serenissimus promicabat; huius pectus quasi præcelsam arcem & splendidissimam Christus infederat. Illic enim Spiritus sanctus vigeat. Illic castitas, sapientia, fides, & virtus omnis inhabitabat. Ibi iustitia præfulgebat, & veritas. Hinc factum est, ut patentibus vlnis, & brachijs oppansis in suum amplexum plurimos, hoc est, in amorem Christi, Bruno sanctissimus inuitaret. Non poterat abscondi ciuitas super montem posita, nec effusi balsami odor inter suos se potuit fines cohibere, sed vndique ad illum certatim docti & indocti pariter confluebant. **DIONYS.** Facile tu mihi ista persuaseris. Nam vsque in hodiernum diem, nulla penè sub cœlo natio est Christiana, quæ non Brunonis se gaudeat filios possidere. Sed age consequenter. **BASIL.** Hic Bruno tanta erat gratia decoratus, ut immitissimos sæpe animos mansuescere faceret, & de immanissimis beluis mites redderet columbas. Pellebatur per orationes eius varia pestis animorum, amaritudoque asperitas & rabies locum dabant, & fautore Deo in libertatem respirabant filiorum Dei. Omnium ille pæsiones suas credidit, & tanquam

quam suas benignè defleuit. Impiger Bruno, festinus, infatigabilis perseverabat. Hunc secretò, hunc palam, hunc seuerus, hunc blandus aggreditur, prout cuiusque naturam moresque prospexerat. Hinc facile ab omnibus pro reuerètia timebatur, & pro sua dulcedine amabatur. Magna illi cura fuit, ne quem tristitia affligeret, ne cogitatio sæcularis vrgeret, ne quem nimij labores grauarent, ne quis nimia quiete torpesceret. Valentes corpore ad exercitia, feruentes spiritu cogebat ad requiem. Omnium vires, omnium animos, omniũ stomachos instinctu quodam diuino cognouerat, verè seruus omnium factus propter Iesum Christum. Iugis opera, iugis intentio illi inerat, omnibus mitigare iugum Christi, & pectus cuiusque, tanquam suum excolere, & ad Christi desiderium inflammare. Huius igitur Brunonis beatissimi tanta gratiarũ omnium copia refulgebat, vt, sicut præmisimus, instar serenissimi solis præ cæteris fratribus reluceret. Huius itaq; meritis factum est, vt Spiritus sancti gratia non solum in Cartusiæ loco, sed per cuncta huius Ordinis nostri Monasteria varijs charismatum donis firmata sit: humilitate scilicet, mansuetudine, charitate, iustitia, sanctitate, & vnâ capitis gloria in diuersitate membrorum.

**B**inuenia-

inueniatur effusa. **DION.** Magnus reuera  
& sublimes huius eminentissimi patris  
virtutes enumerasti. Dignus profecto, qui  
huic Ordini nostro tanquam lapis pre-  
tiosus in fundamēto ponatur, supra quem  
tam celsa fastigia constructa cernuntur.  
Sed quæso ad narrationis Ordinem re-  
gredere. **BASIL.** Igitur Brunonē patre  
solitudinem cum suis fratribus incolente,  
incidit ei sancta cogitatio, vt beatissimum  
Hugonem Gratianopolitanum Episcopum  
inuideret, quippe cuius ipse in scolis  
olim comes extiterat. Die vno antequam  
Bruno adueniret, vidit Episcopus spiri-  
tu reuelante, Christum stantem supra  
montem Cartusiæ, & certa habitacula fra-  
tribus construētem, cellas ædificantem,  
& oratoria fundantem. Vidit quoq; sep-  
tem serenissimas stellas eidem loco præ-  
minentes, & in præsagium rei futuræ lon-  
gè lateq; suos radios iaculantes. Hæc vt vi-  
dit Episcopus, stupidus mirabatur, & quid  
hæc vellent portendere, tacitus cogitabat.  
Et ecce adest beatissimus Bruno, cum sex  
suis charissimis amicis, ostium pulsans E-  
piscopi, cui & cum magna humilitate lo-  
qui precabatur. Introducti & pedibus san-  
cti Pontificis prouoluti, petierunt in sua  
Diœcesi, vt illis habitandi locum tribuere  
dignaretur, quo possent spreto sæculo Dei  
seruitu-



seruitutibus inhærere. Tum ille hos septem vt vidit, ( edocente se spiritu sancto ) cognouit illos ipsos esse, quos in septem stellarum fulgoribus præuidisset. Hos igitur multum benignè recipiens, & humanissimè tractans, hospitio suo dignos effecit. Brunonem verò, in quo amplior Dei gratia refulgebat, animo complexans, in fratrem & amicum perpetuum ad se recepit. Tum Bruno locum quem ante elegerat Cartusium, petijt sibi ab Episcopo scripto consignari, vt illic & fratrum habitacula, & orationis locum posset exstruere. Annuit beatissimus Hugo, & sese illis comitem iunxit, valenter adiuuit, impensas dedit, operarios conduxit, loca idonea inquisiuit, & comiter inter illos victitauit. Nunquam illos deferens, nisi quando necessarium illi erat oues suas reuifere. Tantæ siquidem humilitatis hic Hugo sanctissimus inter fratres erat, & tantæ dulcedinis, vt singulis, quasi famulus ministraret, & omne pietatis opus exhiberet. Tam ardenti quoque desiderio ipsam complexabatur solitudinem, vt nunquam inde recederet, nisi quâdo pater Bruno ire illū compelleret, pascere oues, & ad ciuitatis publicum remeare. **D I O N.** Si non fallor, videor mihi intelligere hoc sacramentum septem stellarū. Nam septem hi viri, septem

tem stellæ sunt. Horum mihi velim nomina significes. BASIL. Primus horum Bruno spiritualis militiæ dux erat. Secundus Landvvinus, & duo Stephani, Canonici regulares, & Hugo sacerdos, quem Capellanum suum nuncupabant. Duo quoque laici, Andreas & Guarinus. Hi septem sunt splendidissima cæli luminaria: quorum decoro lumine totus adhuc noster ordo refulget. Qui ideo septenario numero consignantur: ut plenos eos septiformi spiritus munere fuisse cognoueris. Sed prosequamur inceptum. Brunone itaque in rebus spiritualibus prosperè agente: contigit summum Pontificem Urbanum (eò quod ante suus fuerat pædagogus) ut ad se veniret præcipere, volens tanti viri contubernio perfrui, & sanctis eius consilijs adiuari. Hic autem cum non posset summi præfulis mandatis obsistere, licet inuitissimus perrexit ad curiam, regimen ouilis sui sub cura beatissimi Hugonis derelinquens. Venit igitur ad Papam optatissimus Bruno & lætissimis vlnis excipitur, & magno honore effertur ab omnibus. Putabat sanctissimus pater Urbanus, hunc apud se virum mirabilem precibus & blâdicijs posse retinere, sed ille solitudinem cogitans, & strepitum curiæ indignè ferens, nulla potuit ratione induci ut illic diutius

diutius permaneret. Egit tamē apud summum Pontificem, ut incēpto suo ordini fauorem adderet, & licentiam daret verbo & scripto, posse suos sub disciplinæ regulis collocare.

## CAP. II.

QUOMODO BRUNO MVNDVM

*contempserit & Archiepiscopaturā.*

VNum dicam quod præterire non licet.

Dum hic memorabilis Bruno adhuc apud Papam cōmoraretur: contigit Rhenensem Ecclesiā cuius ipse aliquando canonicus fuerat, Archiepiscopi per mortem præsentia priuari. Illi ergo Canonici vnanimi voce Brunonem, cuius & mores, & scientiam, & probitatem nouerant, in Præsulem elegerunt: & supplicatione facta apud Pontificem, hunc sibi virum sua authoritate postulant confirmari. Ostendit Vrbanus literas supplicatorias Bruno, orans atque etiam vim faciens, ut fratrum suorum precibus dignetur annuere. At, ille sciens se iam sæculo mortuum, & pauculas illas oues in deserto reliquissē, nullatenus acquieuit. DION. O virum verē dignissimum, & quem paucissimi nostri temporis homines cupiant imitari. Quis non hunc dignē commendet, qui magis elegit affligi, cum populo Dei, quam temporalis gloriæ habere iucunditates?

B

BASIL.



BASIL. Verè, vt dicis, vir omnino dignissimus, qui tantam eminentiæ celsitudinem sapienter aspernatus sit, & maluerit humiliari cum mitibus, quam cum sublimibus eleuari. Hinc factum est, vt accepta licentia, à summo Præsule repedarit ad suos vir omnium benignissimus. Quem omnes obuijs brachijs exceperunt, lachrymas præ deuotione fundentes. Gaudebant nempe illi se patrem recipere: hic verò se suos filios inuenisse. Mansit apud illos Bruno annis aliquot, sed in votis habens Ordinis sui terminos dilatare, & priuatum bonum in commune deducere, acceptis secum paucissimis fratribus, & Lauduino viro Reuerendissimo, & multo virtutis fulgore conspicuo eis in Priorem instituto, Calabrię partes sua statuit præsentia illustrare. Illi quidem & si à tanto Patre & tam amabili inuitissimè separarentur, ob fructum tamen amplioris iustitiæ, amarum fieri diuortium acquiescunt. Venit igitur Bruno, & pauci cum eo comites, & Calabriae eremum, cui nomen Turris est, cœpit incolere. Et erectis è luto paucissimis domunculis, assiduis in excubijs virtutum, & in Dei laudibus perseuerat, Ingens quidem illis paupertas in sæculo, sed magne erant diuitiæ in Deo. Relicti ab hominibus, sed ab angelis assiduè visitati, Di o-

*Paulò hæc aliter inuita S. Brunonis. To. S. S. iij.*

*In diæcesi Squillacensi.*



**NYS.** Compunctionem mihi ista tua narratio peperit. Fluunt enim per os lachrymæ, dum video hunc virum omnium benignissimum noua rursus prælia intentantem, noua contra dæmones castra erigentem, noua bella concientem, & tanquam præteriti laboris immemorem, rursus agones acerrimos suscitantem. Incredibile puto quanta illic paupertas omnium, quanta calamitas, quanta rerum omnium penuria habebatur. **BASIL.** Verè incredibile, mi Diouysi, sed adfuit miserētis Dei benigna suauitas, qui seruorum suorum labores ocius studuit mitigare.

## CAP. III.

## INVENTVM BRVNONEM CANES

*honorauerunt suosq; sodales.*

**C**ontigit nempe vno dierū, vt dux Calabriae Rogerius venatum isset in syluam, vbi Bruno cum socijs tunc morabatur. At canes hinc inde quasi ad prædam discurrentes, venerunt ad habitacula feruorum Dei, & tacti reuerentia diuini numinis, nusquam vltra processerunt, sed flexis in terram poplitibus, & submisso capite, latratus quidem dabant, non terroris sed admirationis. Hos dux cum esset subsequutus, inuenit prædam optatissimam, non aptam esui, sed spiritui commodissimam. Inuenit nempe inter vepres

& spinas, inter fauces petrarum, & tetra-  
 rupium speluncas, luminaria cœli, amicos  
 Dei, cohæredes Christi. Inuenit illic ad-  
 mirabilem Brunonem, & suos milites er-  
 rantes in solitudinibus, quibus dignus non  
 erat mundus. **DION.** O felicem, princi-  
 pem qui dum feras immites syluestresque  
 venatur, viros meruit mansuetissimos ca-  
 ptiuare: immo vero ab illis capi prome-  
 ruit. **BASIL.** Planè sic fuit. Videns nempe  
 canes cauda blandiri, humique procum-  
 bere, & quasi reuerentia tactos, viros illos  
 submissis capitibus adorare, repentè equo  
 dux ipse defilijt & flexis in terram geni-  
 bus vna cum proceribus summa eos cum  
 reuerentia salutauit, & quinam essent &  
 vnde venissèt humiliter inquisiuit. Tum  
 Bruno venerabilis aduentus sui causam, &  
 quod ob cultum Dei longè lateq; promul-  
 gandum venissent, exposuit. Hoc cogni-  
 to, dux lætus efficit, & adhibita manu lar-  
 gissima, monasteriũ illis instituit, Eccle-  
 siam fabricauit, annuos redditus complu-  
 rimos in munere tribuit, & quia protho-  
 martyre Stephanum dux plurimum dili-  
 gebat, locum ipsum ad sanctum Step ha-  
 num de busto voluit appellari. Hoc nomẽ  
 illi loco in hodiernum vsq; diem perse-  
 uerat. Incredibile est quo affectu, qua vo-  
 ceratione, quo pietatis studio viros illos  
 dux

*Hodie appel-  
 latur domus  
 SS. Stephani  
 & Brunonis.*

dux amplexabatur, plus gaudens hos tales inuenisse patronos, quam si amplissimos auri thesauros reperisset. Hinc factum est, vt eos sæpius visitaret, emolumentis & solatijs refoueret, eorum quoque orationes sedulus ambiret, credens nihil sinisterum sibi posse contingere, vbi horum esset meritis præmunitus. Nec sua eum spes aliquando fefellit: quia diui Bruno- nis suffragantibus meritis, à maximo, est, quod sibi imminebat, liberatus periculo. Dicam id breuiter. Erat inter ducem hunc Calabriae, & Capuæ principem implacabile bellum. Hinc factum est, vt dux ipse fortissima militum manu Capuam obsideret. At princeps Capuæ videns tradendam esse ciuitatem in manus ducis, ad callida otius stratagemata confugit, & dato magno auri pondere, nonnullos tribunos ac milites ducis corripit, vt Dominum suum in suam traderent potestatem. Spondent illi sese id esse facturos, & tempus proditi- onis inquirunt. Ipsam nocte qua debuit funesta traditio celebrari cum dux se so- pori dedisset, venit ad illum Bruno, ostijs obseratis, quadraginta miliaria sub mo- mento permetiens, & dormienti propius assistens, illum sic affatus est. Quid dormis, ô Princeps, quid segniter agis? Surge ocius, vigila, circumspice, intende tibi,

*D. Bruno in  
spiritu st ex-  
hibet Ducem  
Calabriae.*

alioquin iam pecunia venditus, hostibus præda fies. En præualuerunt aduersum te viri fœderis tui, & qui tecum vna præstant ad mensam, contra te calcaneum leuauerunt. Hoc dicto disparuit. Statim dux è somno expergefactus, è strato membra corripuit, & nobiles suos torturæ subijciens, proditoris fraudem reperit quam quæsiuit. Quos omnes iussit, implicitos vinculis in ergastulo custodiri, morte plectendos, die postera, quam meruissent. Sed sequenti nocte rursus ei per visum se Bruno sanctus exhibuit: caue, inquit, caue ne quid mali his tuis militibus facias, ne sanguinem fundens reus diuino iudicio tenearis. Non enim cœpisti eos gladio tuo, sed dum te diuina pietas benignè protexit. Horum tibi perfidiam demonstrauit: non vt eos proderes, sed vt liberatus Deo gratias haberes. Tunc dux hoc oraculo permotus, veniam proditoribus dedit, eos tamen seruituti Cartusiensium suorum perpetuò subiecit. Quandoquidem, inquit, per visum me meus pater Bruno hortatus est, ne de vobis capiam ultionem, hactamen vos pœna iubeo mulctandos, vt & vos, & omnis vestra posteritas, monasterij mei, quod ipse construxi perpetuè subijciamini seruituti. Illi agnoscetes secum factam clementiam, gratias magnificas

ficas agunt Principi, & publicis confectis instrumentis seruitores sacro se dedunt monasterio. Multæ quoque possessiones, castrorum, agrorum, donorumq; (ijs tributibus) dicto monasterio accreuerunt, quas vsq; in hodiernum diem retinere noscuntur. Sunt præterea multæ huius viri signorum virtutes, quas si velimus ad liquidū prosequi, tempus nobis deficeret. Obijt autem vir iste plenus dierū, plenus & virtutum, cum ingenti suorum omnium dolore, & non parua totius ordinis strage. Sepultus est autem in oratorio sacri prothomartyris Stephani, post summum altare, vbi magnificis claret virtutibus, signis, prodigijsque: fons etenim argentæ puritatis & lucidissimæ venæ à capite sepulchri eius magno erumpit profluvio, & in varia sese loca diffundit. Et quicumque hunc fontem fide integra delibarit, continuò conualescit, quocunque etiam teneatur incommodo. Est enim videre mirabile, cæcos illic illuminari, surdis auditum restitui, mancos mutilatosq; sanari, leprosos mundari, & à dæmone possessos, ocyus repurgari. Hæc itaque, mi Dionsy, de diui Brunonis virtutibus dicta sufficiant. Et quia iam Campanæ sonitus nos ad missarum solemnia celebranda inuitat, necesse est nos hic sermonem ponere,

28 CHRON. CARTVSIEN.  
nere, & sumpto prandio, si tunc quid vltra à me quaesieris respondebo.

MIRACVLVM FIDE DIGNVM DE  
S. Brunone Cartusianorum Patri-

à F. P. Laro-  
venio Surio  
Infernum.

archa.

**A**Nno Domini 1544. Pridie illius diei, qui diuo Brunoni sacer est, vir quidā nobilis & clarus genere, sed à calidissimo hæretico Martino Bucero miserè seductus, in Cartusia Agrippinensi sub illud tempus, quo preces vespertinæ aguntur, sedebat in hypocausto, vbi hospites excipi solent: parum aliquid edens & bibens tum religioso Domino Petro Boechem, tum procuratore eiusdem Cartusiae, postea Priore Confluentino. A quo cum audisset die sequenti fore, D. Brunonis festum solenne, non sine stomacho respondet. *Putatis vos illum in Dinorā numerum velatum?* Certè si ille sanctus est, nunquam post hactenus hoc poculum prospera me contingat uti valetudine. Dixit, bibit, moxque tanquam aliud agens, cepit sedere cogitabundus, ut solent phantastici. Paulo post equum conscendens ad castrum suum abiit. Nec mora in lectum decidens, paucis post diebus, ita ut ipse sibi erat imprecatus, ex morbo perijt: vel inuitus approbans S. Brunonis sanctitatem: alijsque suo exemplo consulens

lens, vt non ponant in cœlum os suum,  
nec petulantem linguam in sanctos laxet,  
qui iam vnus cum Deo spiritus sunt, &  
eius filij charissimi.

# LIBER SECVN- DVS CHRONICI CARTVSIENSIS.

## CAPVT I.

DE SANCTO HUGONE GRA-  
*tianopolitano Episcopo.*

**D**IONYSIVS. Ecce adsum mi  
suauissime Basili, & sumpto præ-  
dio corporali, spiritalem abste-  
cibum requiro. Peto itaque: vt sicuti de  
magno Patre Brunone, ita & de sanctissi-  
mo Hugone Gratianopolitano Præsule,  
me quoque sagines, reficiasque. BASIL.  
Prandium sumptuosum petis, & quod vi-  
res meas satis exuperet. Apponam tamen  
quod præstiterit Deus, tu his rogo, (vt  
frugi hominē decet) cōtētus esto. DIO-  
NYS. Probè admones. BASIL. HUGO  
Gratianopolitanus Pontifex, illustri satis  
ortus progenie, parētes habuit secundum  
sæculi dignitatem præcellentes. Est enim  
natione Valentiniensis. Odilone patre, &  
matre admodum proba & venerāda pro-  
genitus.



*Huius Hugonis vitam elegantem conscriptam per Guigonem. vide apud Scrium I. Apr.*

genitus. Ambo iusti & incedentes in mandatis Domini sine querela, habentes etiam testimoniū bonum ab his qui foris sunt. Hunc filium cū mater pręgnans gestaret in vtero; visum est sibi in spiritu, elegantem se paruulum genuisse, quem sistendum Dei conspectibus, sanctissimus Apostolorum princeps Petrus cum nonnullis cœlicolis deferebant in cælum. Hac visione mulier edocta, cognouit ex se filium generandum, qui & in hac vita claret virtutibus, & post gloriosus exaltaretur in cælis. Tradidit igitur eum literis imbuendum, sciens illum singularis fore apud Deum & meriti & gratiarum. Erat itaque ingenio docilis, animo mitis, & in teneris annis venerādā senum canitiem imitans, innocentisq; vitæ simplicem indolem, doctrinæ eruditione componens; Non enim poterat aut segnis studio, aut tardus ingenio inueniri, cui Spiritus sanctus magister accesserat. Creuit ætate, scientia, sanctitate, vt & suis eruditoribus admirandus haberetur, & tam Deo placeret quam hominibus. Puer quidem erat ætate, sed nihil puerile gessit in opere, quippe qui teneros annos, morū maturitate vincebat. Non ille paribus colludebat, non spectaculis, non segni ocio, aut lasciuijs tempus insumebat, sed Christum puerum



puerum imitatus, inter sapientes & doctores in templo se inueniri lætabatur. DIONYS. Magna de hoc puero enarraſti. Non dubium, quin poſt hæc mirabilem ſe virum præbuerit, qui pueritiam tam laudabili decorauit exordio. BASIL. Equidem id verum eſt. Nam regreſſus à ſtudijs in Valentia ciuitate maioris Eccleſiæ Canonicus electus eſt. Illic inter ſeculares & lubricos iuuenes cum pudibundus moraretur, & ſobrius, ſtatuerat tamen ab omni ſe contaminatione immunem integrumque ſeruare. Erat itaq; ſæpe pernox in vigilijs, potens in ieiunijs, & acerrimus iuuenilis corporis ſui caſtigatoꝝ. Ora illi pallebant, & membra iam marcebant arida, mens autem ad cœleſtia ſemper ſuſpirabat. Erat quoque ſedulus in oratione, in lectione ſacra ſtudioſus, in Sancta Meditatione aſſiduus, in fraternâ dilectione feruidus, in charitatis beneuolentia profuſus, & in Dei amore flagrantiffimus. Erat quoque hilaris in vultu, amabilis & decorus aſpectu, blandus aſſatu, prudens conſilio, facundus eloquio, habitu & inceſſu admodum reuerendus. Mores eius humaniſſimi erant, & multam redolentes bonitatem. Animo in pauperes clementiſſimo, quibus, quicquid præter tenuiſſimum victum, quem ſibi ipſi impendebat, habere poterat,

rat, erogabat. In charitate etiam radicatus;  
 1<sup>a</sup> Cor. 9. 7. 19 vt iubet Apostolus, studebat, *Omnibus omnia  
 fieri: vt omnes lucrifaceret.* In humilitate quo  
 que fundatus, sibi etiam infimos quosque  
 præferebat. Hæc fuerunt huius viri dum  
 Canonicum se gessit sancta principia. E-  
 nimuerò dum ijs floureret Hugo virtuti-  
 bus, à Gratianopolitano populo annuente  
 summi Pontificis legato Hugone Archie-  
 piscopo Lugdunensi; in Episcopum re-  
 quisitus, electus, & traditus est. Vbi autem  
 hic vir Dei agnouit, se tradi in Episcopum,  
 totus inhorruit (ita erat omni humilitate  
 submissus, & repentino terrore concus-  
 sus,) ab imis visceribus suspiria duxit. De-  
 hinc cœpit toto annisu renuere, reluctari,  
 & magnis reclamare vocibus, se ætate, sci-  
 entia, postremò moribus & vita, tãtis my-  
 sterijs imparem affirmare: nec vllatenus  
 pati in suæ salutis periculum sua vilitate  
 officia veneranda fœdari. Hanc sententi-  
 am profundissima humilitate conceptam  
 vsq; in finem vitæ sanctus pater non ex-  
 uit. Semper enim quantumlibet sanctita-  
 te aut bonorum operum profectu flore-  
 ret, inutilem tamen se seruum & indignũ  
 Pontificem non erubuit confiteri. Et vt ab  
 officio amoueretur, obnixissimè pre-  
 batur. Verũ quia contra imperium Domi-  
 ni Legati calcitrare non potuit, oneri im-  
 posito,

posito, licet inuitissimos humeros adaptavit. De hinc cum Legato Apostolico Romam expetijt, cupiens à summo Pontifice in Episcopum consecrari. In vrbe Roma tunc constitutus, & diem suæ consecrationis operiens, in ipsis quodammodo diuinæ seruitutis initijs grauissimam hostis antiqui impugnationē rudis miles incurrit. Hæc tentatio sanctam ipsius animā vsq; ad vltimum vitæ terminū die noctuq; nunc acrius, nunc mitius non destitit excruciare. Quia enim sanctæ cōuersationis, & illustrium operum insignibus meritis magnam in populo Dei famam fuerat habiturus, & gloriam, ne forsitan extolleretur, angelum Sathanæ, qui se colaphizaret, accepit: sicuti sacerdos ille magnus Iosedech, cui Sathan stabat à dextris, vt aduersaretur ei. **D I O N.** Vellē summo opere nosse, quænam hæc tentatio fuerit. **B A S I L.** Tentatio reuera admodum

tristis, funesta, execrabilis; tentatio blasphemix, vt de Deo, vel de ijs, quæ ad Deum pertinet, aliquid cogitaret indignum, Hanc tentationem incurrens, cœpit vir mitissimus ab imo cordis suspiria emitte-  
re, lachrymas fundere, pectus tundere: quasi qui iam à Domino esset derelictus, & reputans ne forsitan aduersus se indignatus sit Deus, quod eligentibus se cesserat

2. Cor. 12.

Zach. 3. v. 1.

De hac tenta-  
tione latiusGuigo in eius  
vita, S. 4.

rat vel inuitus electioni in se factæ abrenuntiare modis omnibus deliberavit, & sacras administrationes, quibus se tunc indignissimum reputabat, nullo modo velle contingere. Et aggressus beatissimum Papam Gregorium septimum, qui cum erat consecraturus, humiliter deuotèq; coram illo prostratus, cum multo lachrymarum imbre exposuit illi amarissimam mentis suæ amaritudinem, &, quæ illum vastabat in animo, tentationem, dicens se nullo pacto posse assentiri, vt in Præsulem consecraretur. Tum Papa (vt erat vir omnium benignissimus) Hugonem humi prostratum ad se sustulit in amplexus, & tantam illi consolationis impendit industriam, tantumque erga illum dilectionis ostendit affectum, vt de hac ipsa, quæ in desperationem eum penè compulerat, tentatione, gaudere, & felicioris insuper spei materiâ sumere cogeretur. Et quia Papa beatus in huiusmodi tentationū materia expertissimus erat, ijs verbis benignè eum allocutus est: *Non oportet, fili dulcissime, in ijs cladibus tuis nimium te contristari, sed sapienter agnoscere, eos Dominum arguere solere, quos diligit, & castigare omnem filium, quem recipit. Et ideo, quanto durius cordi tuo flagellum imposuit, tanto euidentius paterna in te dedit dilectionis indicium. P* *enimuerò diabolus iam resensit iam*

*Verba Gregorij Papæ  
ad Hugonem.*

iámque, quanta per te ipse sit damna passurus,  
 quanta per te foret Dei populus virtutis incre-  
 menta sumpturus. Et idcirco omnes contra te ma-  
 lignitatis suæ artes insumere conatus est, ut à  
 sacris te quoquo modo deterreret officijs, per-  
 mittente Deo, ad ipsius quidem ignominiam &  
 pœnam, ad tuam verò coronam & gloriam. His  
 sacris sermonibus non quidem tentatio-  
 ne penitus extincta, sed tamen cōsolatio-  
 ne accepta, animo æquior HUGO sanctus  
 effectus, consecrationem ab eodem post-  
 modū suscepit Episcopalem. Tantus autē  
 in ipsa consecratione, & toto illo, quo ibi-  
 dem demoratus est tempore, summi Pon-  
 tificis amor in Hugonem efferbuit, ut pa-  
 renter ostenderet diuinæ in eo gratiæ ma-  
 gnum aliquid præsensisse præsagium.  
 Comitissa Matildis, mulier prudentissi-  
 ma, in suo famulo Dominum venerata,  
 diei consecrationis eius necessaria cun-  
 cta contribuit, pastorem etiam (quo  
 diu postmodum usus est) baculum dedit,  
 additis Psalmorum secundum Augusti-  
 num, explanationibus, & beati Ambro-  
 sij volumine de officijs: totoque, quo  
 deinceps tempore Hugo vixit in terris,  
 hæc Matildis, uti verum Dei seruum  
 sincera deuotione specialiter honora-  
 uit, & coluit, sitiens eius instanter &  
 consilijs instrui, & oratione defendi.

Assensum  
consecrationis

*Nota deprava-  
tos tempo-  
ris eius mo-  
res.*

His ita & prosperè & religiosè peractis, ad  
susceptam venit Hugo Ecclesiam. Sed e-  
heu inuenit illic clerum & populum in  
diuinis rebus nimis rudem, & incompofi-  
tum: in sanctis etiam obseruationibus ad-  
eò ignarum, vt non solùm Subdiaconi, vel  
Diaconi, sed etiam Sacerdotes, vxores du-  
cerent, nuptias publicè celebrarent, eme-  
re ac vendere sancta non pertimescerent,  
Ecclesias, oblationes, decimas, & cœmite-  
ria laici possiderent, & suæ ditioni Sacer-  
dotes subijcerent; vsurarij sine vlla con-  
tradictione ex alienis damnis lucra impia  
coaceruarent, nec ob id ramen minus Ec-  
clesias intrarent, vel mysteria sacrosancta  
perciperent: adeo illic emigrarat in exi-  
lium omnis iustitia, omnis pudor, omnis  
sanctitas, omnis timor, omnis reuerentia.  
Porro substantia domus Episcopalis ab i-  
psis Episcopis prædecessoribus, tanquam  
à tyrannis dissipata erat, & penè tota con-  
sumpta. Hinc factum est, vt multas illic  
necessarij victus inopias, per plures pertu-  
lerit Hugo sanctissimus annos: eo quòd  
illicitis contractibus (vt pleriq; faciunt)  
suas indigentias supplere nollet, nec etiã  
mutuare præsumeret, cùm sciret se non  
habere, vnde posset restituere. Incredibile  
quoque est, quomodo tot tantaq; suscepti  
populi vitia & peccata, quanta violentia,  
qui-

quibusue prædicationis & disciplinæ flagellis persecutus sit. Quos ibidem labores, quos discursus, quasue sollicitudines insumpserit: quæ ieiunia, quas vigilas tulerit: quos gemitus, quas preces, quosque lachrymarum imbres ad propitiandum Dominum paterna pro eis compassione profuderit, non est nostræ facultatis euoluere. **DIONYS.** Non breuem, credo fructum hoc pietatis opus induxit. **BASIL.** Non breuem utique. Nam repentè tota illa tenebrosa Ecclesiæ facies, in tantâ splendoris gloriam, & in tam sublime religionis decus euasit, ut, si mihi linguæ oraque centum essent, non id tibi possem, ut dignum est, enarrare. Ipse autem cùm omnes proficerent in melius, se quoque meliorem semper exhibuit, & instar pennatorum animalium, quæ Ezechiel vidit, coram sua semper facie sedulus gradiebatur, sese ante se ponere, & sua vel pericula, vel profectus subtili examinatione discutere non cessabat. Infra biennium tutam hanc Ecclesiæ suæ ruinam erexit in sublimia, & se cœlestibus quoque dignum exhibuit.

Ezech. 1.

## CAPVT II.

DE ADVENTV B. BRVNONIS AD

*sanctum Hugonem, & de septem**stellis.*

**C**VM hæc agerentur, vix tribus in Episcopatu



copatu expletis annis, adest Magister Bruno, vir religione, sciētiāq; famosus, quem supra memorauimus, honestatis ac totius maturitatis quasi quoddā simulachrum. Habebat autem socios Magistrum Landuinum, qui post eum Cartusiæ Prior extitit, duos Stephanos Burgensem, & Diensem: qui ad sanctum Rufum Canonici fuerant, sed desiderio solitariæ vitæ, suo Abbate fauente, sese coniunxerant; Hugonem etiam, quem cognominabant Capellanium: eò quòd solus ex eis Sacerdotis fungeretur officio, & duos laicos, quos appellamus conuersos, Andream & Guarinum. Hi autem locum heremiticæ vitæ congruum requirebant. Vt suauis sanctæ conuersationis odore, trahente, ad virum beatissimum Hugonem peruenerūt, quos ille & gratāter, & reuerenter excepit, tractauit, & voti compotes effecit. Ipso namque consulente, iuuante, comitante, Cartusiæ solitudinem intrauerunt & extruxerunt. Viderat enim uerò circa id tempus, reuelatione diuina in eadem solitudine Deum sua dignatione habitacula fratribus construentem, stellas etiam septem duces sibi præstantes itineris. Hæ stellæ, septem isti fratres extiterunt. Quapropter non istorum tantum, sed & omnium, qui post successerunt, fratrum consilia libenter



benter amplexus est, & vsque ad mortem  
eos consilijs semper fouit & beneficijs.  
Licet verò & prius diuini timoris totus  
arderet incendijs, non aliter tamen ad disci-  
plinæ exercitia horum exemplis & fa-  
miliaritate inferbuit, quàm si flammanti  
quis faci plures alias circumponat arden-  
tes. Videres, mi Dionysi, hunc sublimissi-  
mum virum cum his fratribus conuersa-  
ri, non vt dominum aut Episcopum, sed  
vt socium & fratrem humillimum, & ad  
canctorum obsequia paratissimum. Erat  
illic vir venerabilis Guilielmus Prior tunc  
beati Laurentij, & postea sancti Theofre-  
di Abbas, sancto Brunoni religiosa deuo-  
tione feruenter astrictus, beati Hugonis  
contubernalis, (bini quippe per singulas  
habitant cellulas:) hic cum lachrymis ap-  
ud Brunonem conquerebatur, quòd om-  
nia penè ad humilitatem spectantia in-  
tra cellâ officia sibi præriperet, & Episco-  
pus non secum saltem vt socius, sed potius  
conuersaretur vt famulus: non sibi tristis  
licere asserès, ex seruilibus operibus quic-  
quam attingere, quæ sibi facere compete-  
bant, isto sibi cuncta præripiente. **DI O N.**  
Magnam reuera huius optimi viri humi-  
litem prædicasti, qui non segni aure vo-  
cem audiuit eius, qui dicit: *Quanto maior es, Eccles. 3. 20.*  
*humiliate in omnibus.* **BASIL.** Cum hac sua  
C 4 humi-

humilitate heremum adeo denotus & sedulus incolebat, vt cum sanctus Bruno nonnunquam exire compelleret: *Vade*, inquit, *ad oues tuas, eisque, quod debes, exolvere, curato*. Eo tempore tam ingēti est humilitatis & paupertatis ardore succensus, vt voluerit equitaturas suas vendere, & diuiso pauperibus pretio, proprijs pedibus in prædicationem discurrere. Sed homo profundi cordis Magister Bruno (cuius consilijs non aliter, quàm præceptis obtemperabat Abbatis,) non consensit; timens ne à cæteris de singularitate iudicaretur Episcopus: aut (quod dubium non erat) ipsam prædicationem propter asperitatem, & inæqualitatem consummare non posset itineris.

## CAP. III.

## DE CORPORALI EIVS AEGRO.

tatione.

**B**ASIL. Vnum flagellum diuinæ visitationis prius audiuius, sub quo hic vir Domini amantissimus desudauit, & id spiritale: nunc aliud corporale flagellum superest, vt audiamus. Factum est, vt dum contemptis carnalibus spiritualia zelo feruētiore sectaretur, præ nimijs vigilijs, ieiunijs, lectionibus, reliquisq; sacræ Religionis exercitijs, in capitis & stomachi debilitate ciderit in ægritudinem: cuius cruciatibus

Capitis & stomachi  
doloribus affligitur.

ultra

ultra quam credi potest feruentioribus & acrioribus per quadraginta ad minus annos, quoad vixit nequaquam caruit. Itaque ad illum Sathanæ stimulū, quo multipliciter colaphizabatur, hic alter est additus. Quantū autem ijs duabus afflictionibus, tentatione videlicet, & mala valetudine tanquam aurum in fornace decoctus, & purgatus in spiritualem erga Dominum deuotionem, & in omnia afflictorum veram compassionem excreuerit, nec ipse adhuc viuens ad plenum, si vellet, posset exponere. Quod enim plus affligebatur, eò vehementius in Domini refugium totus ferebatur, voluptatē quoque tātō pleniorē hauriens inde atq; non suauiore, quantò fuerat angustiam passus acerbiorē: iuxta illud Psalmistæ: *secundum multitudinem dolorum meorum in corde meo, consolationes tuæ latificauerunt animam meam.* Huiusmodi alternatim in eo vsq; ad mortem nō cessauēre vicissitudines. Nunc enim in superna totis viribus erectus, gustabat & videbat quoniam suavis est Dominus, & gaudijs ineffabilibus replebatur; nunc infirmitatis humanæ pondere relapsus ad solita, prioribus non carebat angustijs. Vtrobique lachrymæ ibi, præ gaudio, hic præ tædio. Ibi præ multa dulcedine, hic præ multa amaritudine. Ibi præ delicijs

cijs spiritus, hinc præ miserijs carnis. Inter  
 hæc igitur & prospera & aduersa; prospera,  
 inquam, spiritus, & aduersa carnis, factæ  
 sibi fuerant lachrymæ suæ panes die  
 ac nocte. Non has illi prospera, non illas  
 siccabant aduersa. Vix legere, vix psalle-  
 re, vix sine ijs vir mitissimus potuit diui-  
 na meditari. Adeo namque lachryma-  
 rum in eo excreuerat gratia, vt frequen-  
 ter inter edendum illi ab oculis promana-  
 rent. Multoties enim propter decurren-  
 tes lachrymas sibi & focijs, qui asside-  
 bant, vel impediabatur, vel tristabatur.  
 Habebat semper ad mensam diuinorum  
 librorum lectiones, vt duplicatis delicijs  
 sese suosq; saginaret. Tuq; inter legendum  
 insigne aliquid de diuina miseratione vel  
 seueritate occurrisset, id ipsum bis aut ter  
 dicere compellebat. Et ecce scriptura-  
 rum voluptate gustata, concussis ab imo  
 visceribus, tantis lachrymarum infunde-  
 batur irriguis, vt voluptatem ventris &  
 gutturis & sibi funditus tolleret, & in fo-  
 cij temperaret. Edocti itaque per expe-  
 rientiam comites, cum tales pluuiarum  
 & imbrium nubes cernerent imminere,  
 innuebant lectori cedere, & aliquantisper  
 à legendo cessare, vt taliter molestiam  
 hanc possent ad tempus declinare. **DI O.**  
 O verè beatissimas lachrymas. O salutares  
 plu-

pluuiam oculorum, quibus, vt tu dicis, & ventris in se delicias stringebat & animam summis saginabat delicijs. BAS. Non solū aut sic super se lachrymabatur, verū et stillabant lachrymæ eius super vniuersam sanctā Ecclesiā: præsertim super populum sibi commendatum, & qui sua illi peccata confitebantur. Clemēter enim hos, humiliterq; suscipiens; confitentes patientissimè audiebat, sapius flens ipse cum flentibus: & duriores quosque suis incitabat lachrymis ad fletū. Quod vno satis mōstratur exemplo. Vir Deo charus Gaucherius, cognomento Calnesius, qui multo tempore laudabiliter apud Cartusiam Monachus vixit, & obiit; hic solebat referre, qd cū adhuc in sæculo positus, suas huic patri confiteretur offensas, (erat enim in Ecclesia Gratianopolitana literis & honore præclarus) incubuerit ipse super caput eius, & tantam vertici eius lachrymarum infuderit copiam, vt madefactis capillis, deorsum etiam riuuli per confitentis ora defluerent. DION. Quomodo dignè has lachrymas commendemus, quæ nō modò proprium, sed etiā de aliorum mentibus peccata lauerunt? Vbi sunt nunc huiusmodi Cōfessores, qui sic spargunt in aliorū calamitatibus fletus? Omnes, heu, duri, omnes ferrei sumus, & sicuti non nostris,

stris, sic nec aliorum cladibus miseremur. BASIL. Hic sedulus animarum fotor, mulierum confessiones non minus cautè, quàm benignè audiebat. Non enim in angulis, aut obscuris, secretisque locis eas audire solitus erat, sed potius ubi à pluribus conspici poterat. Et aurem quidem satis familiariter loquentibus applicabat, oculorum autem in partem alteram vertebat aspectum: auditum solùm propter insidias Diaboli, ijs negotijs asserens admouendum. Quam videlicet oculorum custodiam incredibili semper & ubiq; circumspectione seruabat, ita vt, cùm potentes ac nobiles mulieres ad colloquium honorificè hilariterque susciperet, multa coram se diuque tractantium facies penitus non videret. Dicebat enim, cogitationes illicitas difficillimè posse vitari, nisi quis corporis sensus vigilantia magna cõpresserit. Intrare autem, secundum Prophetã, mortem quasi per has fenestras, & ingredi domos nostras. Non solùm autem à mulierũ verùm etiam à virorum vultibus religiosè mentis auertendum docebat intuitum: asserens per communionem humanę mutabilitatis compassiuè fieri, vt affectiones conspecti frequenter ad conspicientem inæstimabili velocitate pertranscant: vt, verbi gratia, de irato iratus, de tristi tristis,

*Jerem. 9. v.*

*al.*

stis, ac de lasciuiante fiat lasciuiens. Dicebat enim, cuique suas sibi passiones sufficere, & non in se per illicitum aspectum transcribere taliter alienas. D I O N. O documentum saluberrimum, & totis animi viribus amplectendum. B A S I L. Huic sanctissimo Dei famulo tam cauta fuit oculorum custodia, vt nullius diceret se in toto Episcopatu suo mulieris, præterquam vnius, faciem ita conspexisse, vt ex consideratione vultus, si occurreret, quænam esset, posset agnoscere. Quid hac cautela circumspectius? Quid hac vera Philosophia refertius? Quid hac castitate syncerius? Talem se Hugo mulieribus noscitur exhibuisse castissimum, talem in humanis affectionibus sapientissimum præstitisse. Hinc fuit illud quòd cùm venerabilis Guigo, Cartusiæ Pater ab illo quæret de matre sua, quæ cum illo, quamdiu voluit, locuta fuit, vtrum eam valde senecta fregisset, paululum secum præmeditâs, nescio reuera, inquit, vtrum vetus, an recens sit. Hinc fuit & illud, quòd muliere quadam potentia & nobilitate præclara, in eius conspectu, quàm morosè placuit, multa loquète, cùm & ipse quod libuit, respondisset, illaque recessisset, dicerentq; socij eius, viri religiosi, cur non eam corripuisset, quòd se suamque faciem tam superbè



perbè tamque lasciue poliret, respondit ille, non sine horrore quodam & execratione, faciem eius se penitus non vidisse. Neq; id mirum quod faciem huius vnus non videret, qui nullam nouerat. **DION.** Vbi nunc sunt, qui tam libenter petulanti oculo, non solum mulieres aspicere, verum & adiocari, & tangere delectantur? Sed considerent nunc rogo, qui miracula pro magno habent, vtrum mirabilius ab homine mortali carne circumdato, quicquam deberet exigi, & vtrum cuiquam possit non impossibile videri, per quinquaginta & amplius annos grandem Episcopatum à quolibet homine regi, & præterquam vnus omnino faciem sæminæ nesciri. **BASIL.** Rectè tu quidem, ô Dionysi. Et certè hæc ipsa vna parum quidem formosa erat, sed cõsiliij eius satis indiga. Nemo tamen arbitretur, Hugonem ideo se suosq; sensus ab intuitu sæminarum tam disciplinatè frænasse, quod circa libidinis vitium se sentiret infirmum: quippe in quem omnium gratiarum charismata à patre luminum desuper influxerant: sed vt sui habitus & officij qualè decebat maturitatem, seueritatemq; seruaret, & inferioribus, se sequentibus exempla statueret, docēs non debere quemquam de sua puritate vel firmitate præsumere, cum & homo in eo-  
dem

dem statu non perseveret, & aduersarius  
rugiendo circumiens, quærat quem de-  
uoret. Dauidem & Salomonem dicebat  
semper præ oculis ponendos: quorum al-  
ter, quia se circa mulieres exhibuit licen-  
tius, ex summa innocentia in adulterium  
decidit & homicidium; alter de sapientia  
qua mortales cunctos excefferat, in serui-  
tutem vsque desipuit idolorum.

## CAP. IV.

QVOMODO ET ALIOS FRAENARI  
sensus suos.

**B**ASIL. Non autem hunc solum, scilicet  
oculorum sensum, sed & cæteros om-  
nes simili diligentia cohibebat. Aures  
namque, & linguam, cum à cæteris illicitis,  
tum quam maximè à detractionibus  
frænabat, dicens: *sufficere unicuique peccata*  
*propria, nec esse necesse, vt alienis suam vel audi-*  
*endo conscientiam, vel loquendo contaminei lin-*  
*guam.* Rumores nec interrogabat, nec faci-  
lè referebat. De tactu verò, vel odoratu,  
superfluum ducimus facere mentionem:  
quorum alterum, id est, odoratum, ad  
hoc solum curabat, vt odores propter  
passiones cerebri non admitteret: alteri  
verò, scilicet tactui, penitus valesece-  
rat. Desideria porrò ventris & guttu-  
ris vir beatus instantia quanta contem-  
pserit, res ipsa, tacentibus nobis cer-  
tiori-

*Aurium, &  
lingue eius  
continebat.*

rioribus probatur indicijs. Capitis namq; dolores & stomachi, ijs maxime creati studijs, cum ab huiusmodi monstrant abstinuisse delicijs.

## CAPVT V.

DE CHARITATE EIVS AD  
inimicos.

*Veritatis studiofissimus.*

**B**ASIL. Quàm verax, quàm integer in verbis fuerit, quo certius quàm inimici testimonio probare poterimus? Guigo illustris Comes Gratianopoleos, homo satis idoneus secundum seculum, circa eundem Dei famulum tranquillitatis tempore satis deuotus, inuictissimè pro iustitia resistenti Præsuli molestias non paruas intulit. Hic Comes ab eo pro suis excommunicatus excessibus, bis Episcopalibus expulit domibus. Itaque cum grande placitum inter eos haberetur, in præsentia Guidonis Viennensis Archiepiscopi, & vir Dei, vt Leo confidens, iustitiam aduersus Comitem aperta contradictione defenderet, indignatus ille, atque iracundiæ facibus inflammatus, paratusque, sicut apparuit, quicquid posset obijcere, quasi pro graui crimine intulit, dicens: Audiui aliquando abs te dici, quodd utique verum non erat. Ad hæc facer ille Episcopus, coram cunctis, qui aderant, diuersis ordinis viris, interrogauit, vtrum se scienter audisset

*Hic postea  
Papa Calix-  
tus effectus  
est.*

*Prou. 28.*

disset mentitum. Tunc ille, quanquam iratus, quanquam omni furore repletus, veritatis tamen pondere pressus, eum se respōdit scienter nullatenus audisse mentitum. Et hæc quidem de eius veritate sermonis. Nunc de charitate ad inimicos, superest vt disseramus. Infestissimus, vt dictum est, erat hic Comes huic patri, adeo vt non in suis domibus, sed aut apud Cartusiam, aut Lugduni demoraretur. In ijs suis tribulationibus magnam illi reuerentiam, magnumque subsidium sua semper Ecclesia exhibebat. Cū igitur die quadā, cū esset Cartusiæ, & Pater Guigo & ipse inuicem loquerentur de hoc Comite, Ego, inquit, bonam de huius salute spem gero, nec affecuturum Dei misericordiam aliquando: quia nunquam delectabilius, aut feruentius, quā nunc pro eo solitus sum Deum deprecari. Audisti charitatem ad inimicos, nunc superest vt audias, quem ad propinquos & parentes habuerit dilectionis affectum, & hunc spirituale. Hic enim sua saluberrima exhortatione patrem iam senio grauem, & fessum vltiori æuo, tanto fecit feruore sæculum despiciere, vt senectutis immemor & delicatæ cōsuetudinis, duras, quas Cartusia propter verba labiorum Dei custodit, aggredi vias non dubitauit. Illic Monachus effectus, annis ferè decem &

D

octo,

*De charitate  
ipsius etiam  
erga persecu-  
tores & ca-  
lumniatores.*

octo, in tanta vixit humilitate, vt cunctis  
 ibidem Deo famulantibus charus haberetur,  
 & veneratione dignissimus. Hic autē  
 cū ferē centenarius esset, & mori inciperet,  
 venerabilis affuit filius Hugo, eumque  
 proprijs & vixit, & sacra Cōmunionē  
 repleuit manibus: Expletoque, condigna  
 veneratione, tā sancto funere, obitus diē,  
 sicut & suæ matris, eleemosynis, quoad  
 vixit, celebrem duxit & sacrificijs. Non  
 solum ipse patrem ad sacrum habitum  
 suscipiendum instituit, sed ipse quoque à  
 Patre Brunone Cartusiensis factus, habitum  
 sumpsit: quem vsque in vitæ terminum,  
 sanctis moribus decorauit. Nunc de  
 charitate eius ad pauperes pauca dicamus.  
 Eleemosynæ sanè fuit & per se diligens-  
 executor, & in alijs etiā feruidus adhorta-  
 tor. Exceptis enim domus suæ duntaxat  
 necessitatibus, cuncta penè, quæ consequi  
 poterat, non in thesauris congerebat pos-  
 terorum, vel dissipanda vsibus, vel con-  
 sumenda fluxibus, sed sciens illud Apo-  
 stoli: *Hilarem datorem diligit Deus*. Distribu-  
 at lætus egentibus. Deniq; annulos aureos  
 & gematos, calicem etiā aureum, tempore  
 magnæ famis, vèdidi, & alédis dedit pau-  
 peribus. Adiuuabant eū quoq; ad eleemo-  
 synas faciēdas plurimi potētes, & nobiles;  
 qui sanctæ conuersationis eius longè late-

*Eleemosyna-  
 ym studium.*

*2. Cor. 4.*

que

## L I B E R II.

que salubriter suauiterq: fragrantis odore  
 allekti, de remotis etiam regionibus, quā-  
 uis eum non vidissent, ob diuinam tamen  
 reuerentiam, beneficia multa mittebant.  
 Procul aberant non à mensa tantam eius,  
 sed à totis acrijs histriones, vasa perditio-  
 nis, & organa falsitatis, procul militares  
 clientes, tanquam rapinarum & cædium,  
 & totius instrumenta crudelitatis, procul  
 etiam equites, nisi rari, & ipsi rarò, res-  
 pectuque quàm maximè \* spiritualis vtilita-  
 tis. Iniustissimum enim arbitrabatur, Ec-  
 clesiarum bona ( quæ patrimonia sunt  
 pauperum, ) in aliorum expendi, præser-  
 tim malorum vsibus hominum: immò  
 magis seipsum ex pauperibus vnum gra-  
 uiter accusabat, quòd sibi ac socijs de re-  
 bus sibi commissis competentem sumeret  
 copiã; & nò potius cū pauperibus sustine-  
 ret & ipse pauper inopiã. Eleemosynam  
 igitur libèter faciebant, sedulè suadebat, &  
 pro satisfactione etiam poenitentibus in-  
 iungebat, dicens: *Oratione, ieiunjs, & eleo-  
 mosynis animarum sordes, & offensas in Deum  
 commissas, posse deleri.* DIONYS. Magnam  
 huius optimi viri charitatem, & in hostes,  
 & in parentes, & in pauperes ostendisti. V-  
 tinam nostritemporis Praesules, & Præla-  
 ti hanc sequerentur: & præsertim eam,  
 quæ circa pauperes exhibetur. Abundant



enim & plena sunt solaria, cellaria, prom-  
ptuaria, sed nullorum hæc vsibus profunt,  
nisi mimis histrionibus, canibus, auibus,  
meretricibus. Sed comprimo me, ne iniu-  
rias videar: tute sequere.

## CAPVT VI.

DE AEQVITATE EIVS IN IVDI-  
cio. & de contemptu munerum.

**B**ASIL. Illud sanè quo pacto præterire  
poterimus, quin vel breuiter attinga-  
mus, quòd cùm frequentissimè suorum &  
aliorum causas, tum mundanas, tum Ec-  
clesiasticas audiret, ventilaret, termina-  
ret, cumque in subditis sibi Clericis per  
quingenta annos, toties consecratio-  
nes, degradationes, reconciliationes, pro-  
ut causæ videbantur exigere, celebraret,  
*manus tamen suas ab omni, secundum pro-*  
*pheticum præconium, excussit munere.* Eo  
iudice, nulli vnquam personæ dignitas,  
nulli pecuniæ profuit quantitas. Nullum  
paupertas à sacris officijs, nullum officio-  
rum seu natalium secluserit extremitas.  
Non de argentatam conuictis vel confitē-  
tibus imposuit pœnitentiam, non lucro-  
sam in placitis defendit, edidit ué senti-  
am. Non mitiorem amicus, non duriorem  
cum expertus est inimicus. Non conside-  
rabat personam pauperis: non honorabat  
vultum potentis. Quod æquitatis genus  
beati

*Isa. 33.*

*Leuit. 19.*

beati viri, eò præclarius illustrauit meritum, quò rarius vel in præsentibus, vel in præteritis habet exemplum. **DIONYS.** Quanta nobis hîc offertur (Deus bone) materia, in præsentium temporum fæces inuehendi, in quibus, cum decore & euerfione honestatis, Pecunia, templa penetrat, altaria maculat, sacerdotia venundat, innocentiam exterminat, & omnia diuina humanaqûe contaminat. *Excitant nunc, Deut. 36; heu, munera oculos sapientum, & subuertunt Isa. 1. verba iustorum.* Omnes, enim, vt Propheta lachrymatur, *diligunt munera, sequuntur retributiones. A minimo vsq; ad maximum, omnes auaritia student: à Propheta vsq; ad sacerdotem cuncti faciunt dolum.* Postremò in capite omnium auaritia, & pecuniæ obediunt omnia, **BASIL.** Sat est: non enim ista tractanda suscepimus. Ad Dei igitur hominem verba vertamus. Hic enim temporalium negotiorum litigiosas causas, æternorum amore, non diligere, sed tolerare magistrampietate didicerat. Dicebat enim omni febre molestiora esse sibi placita, modisq; omnibus se ijs abrenuntiaturum, si non in hoc Deum se sciret offensurum. Intererat autem iudicijs, tantummodò pacis obtentu, maximè pauperum atque Ecclesiarum: his enim nouerat grauius <sup>\* Guerrarum</sup> motus nocere <sup>prolitium.</sup> guerrarum. Sed quis nunc

dignè in hoc opere eius commendet humilitatem? Si enim ubi inexorabiliora in aliquibus odia, & inexplicabiles repperit iras, tunc demum fortissimè de Dei fìsus auxilio, totusque in charitatis, atq; humilitatis affectum transiens, instantissimè ac deuotissimè, offensus, pro ijs, offenderat, supplicabat. O quoties salutis humanæ quasi cæcatus desiderio, in cœnosa se pro talibus causis loca proiecit? O quoties ad pedes contemptibilem etiam personarum diu prostratus iacuit? Nec facilè, immò nunquam frustrabatur optatis. Nam & si qui negassent, non solum gratis, sed & cum satisfactione petentes offerebant postea non roganti, quod negauerant supplicanti. Tantam quippe omne hominum genus & reuerentiam deferbat, ut Deum grauiter offendisse se crederet, quisquis ei postulata negasset. **DIONY.** Non me capio præ suauitate sermonum horum, dum tantam, tam suauem, tam humilem bonitatem huius viri, te referente, cognosco. Vbi nunc sunt Præsules nostri temporis qui hanc talem pietatis industriam, nedum agere, sed vel cogitare dignantur?

## CAPVT VII.

## DE EFFICACIA PRAEDICATIONIS.

M. C. M.

BASIL.



**B**ASIL. Fuit præterea Hugo noster Præ- *Predicatio eius efficax.*  
 dicator egregius. Erat quippe non

mediocriter lateratus, sed & ingenio, & memoria bene præditus erat, in quantum molestia capitis non obtundebat. Prædicans autem populo, facillimè cuncta suadebat, quia quod verbis docebat, operibus ostendebat. Instruebat igitur ad Confessionem, excitabat ad pœnitentiā, & promptam ad commiserandum diuinam clementiam demonstrabat. Nec quærebat in quo à literatis, quasi sapiens laudaretur, sed quod auditoribus & melius intelligeretur & vtilius retineretur. Deniq; in tantū auditores eius interdū prædicatione ipsius mouebatur, vt capitalia etiā aliqui crimina, Deū magis verentes quā homines, publicè faterentur. Quod sequens declarabit exemplum.

Apud \* Iusnaicum castrum \* *al. Vinnacum.*  
 populo multo ad dedicationem Ecclesiæ

congregato, Sanctus Dei sermonem fecit, quo in multas lachrymas audientium corda resoluit. Ibi mulieres duæ cum eius verba profundius aure cordis haussissent, audientibus populis scelera sua *Nota remoram.*  
 confessæ sunt, quæ commiserant. Et vna quidem quid dixerit, non satis habemus compertum; altera autem se suum prodidit occidisse maritum. Cumque vir Dei necis exquireret modum, retulit in

escam illi se dedisse venenum. Post hæc iussit præsentés recedere, vt ei cæteri, quod volebant, liberius possent ostendere. Fecit igitur illic fructum maximum, & erraticos homines ad viam restituit veritatis. DIONYS. Ex ijs patet quàm abundanter illi inerat ad Dei populum charitas sincera, & fraterna dilectio; qui & verbis, & operibus populum instruebat ad vitam: quem nostri Antistites peruersis moribus præcipitant in gehennam. BASIL. Multa in laudem huius beatissimi Patris hac tenus explicuimus, & id breuiter, & multo inferius quàm tanta sanctitas promeretur. Congesserat namq; in illum, vnum, diuina gratia ornamenta compluriam: quæ dispersita per singulos, plurimos illustres facere possent, & conspicuos. Si enim laudetur castitas, quis illo mundior? Si sermonis veritas, quis illo cautior? Si Dei charitas, quis feruentior? Si dilectio proximi, quis benignior? Si humilitas, quis deiectior? Si eleemosynæ, quis largior? Si oratio, quis deuotior? Si lachrymarum gratia, quis profusior? Si contemplatio, in quo sublimior? Si tolerantia, quis in tribulatione fortior? Si iustitia, quis districtior? Si prudentia, quis circumspectior? Si temperantia, quis moderatior? Et reuera cùm talis esset ac tantus,

*Virtutum eius  
catalogus.*

tus,



tus, ipse tamen quasi seruus inutilis se infructuosum semper accusare solebat, qui Episcopi locum occuparet, Episcopi honorificentiam susciperet, Episcopalia bona consumeret, Episcopi verò nec dignitatem, nec fructus haberet. Et cum posset abundè gloriari, propter immortales bonorum operum fructus, quibus coruscabat, maluit tamen humiliter stare infra se, quàm inaniter extolli super se. Vt enim taceamus quæ Clero pariter & plebi per eum bona prouenerat, hæremus Cartusiæ Calesiensis Abbatia, Excubrarum domus, Regularium Canoniconum apud Misere-num, & apud sanctum Georgium domus, ipso anitente cœperant, ipso spiritaliter & corporaliter fouente, profecerant. Cum igitur suam semper in oculis imperfectio-

*Petit obnixè  
absolui ab E-  
piscopatu.*

nem cerneret, Episcopalem sarcinam, tantquam qui idoneus non esset, modis omnibus exuere desiderabat. Hinc factum est, vt Romam legatos & literas in hoc ipsum ad venerandæ memoriæ Papam mitteret Honorium. Sed legati nihil impetrare potuerunt, cum Summo Præsuli de Hugonis profectio- ne, & vtilitate optimè constaret. Accessit & ipse, quamuis multum senex, & multum debilis esset, ad Pontificem pro hac ipsa causa, sed nec quicquam valuit obtinere: quamuis multas, vt puta-



bat, iustas & animæ, & corporis allegaret  
 occasiones. **DION.** Nostri temporis Præ-  
 lati longissimè ab hac nostri Hugonis sen-  
 tentiam distare noscuntur, qui cathedras  
 suas dum habent, pertinacissimè tenent: &  
 non habent, per indefessos labores ambi-  
 tiosissimè extorquent. **BASIL.** Sanctissi-  
 mus Abbas Claræuallensis Bernardus, cū  
 à remotis sensisset dulcissimam bonæ o-  
 pinionis huius Patris fragrantiam, subiit  
 animum eius, vt Gratianopolim veniret,  
 & Hugonem inuiseret. Quem aduentan-  
 tem noster Præsul tam gratant & reue-  
 renter excepit (intellexit nimirum diui-  
 nam in eiisdem hospitis sui visitatione  
 præsentiam) vt prostratus solotenus ado-  
 raret. Tanta semper inerat huic Dei viro  
 submissa humilitas, vt vix se Præsulem  
 cogitaret. Videns autem seruus Christi  
 Bernardus, Episcopum ætate grandæuum,  
 celebrem opinione, sanctitate conspicu-  
 um, coram se procidentem, vehementer  
 expauit: & ipse quoque pariter corruens  
 ante eum, ita demum susceptus est in os-  
 culo pacis, humilitatem suam tanti viri  
 veneratione confusam, non sine graui ge-  
 mitu causabatur. In cuius pectore singu-  
 larem obtinuit ex eo tempore locum, vt  
 fierent deinceps duo illi filij splendoris,  
 cor vnum & anima vna, & sese inuicem  
 frue-

*Vide lib. 3.  
 vita S. Ber-  
 nard. cap. 1.  
 Tom. 4. Sur.*

fruerentur in CHRISTO. Sicut enim regina Sabade Salomone testatur, vterque in altero longè amplius quàm fama vulgasset, inuenisse gratulabatur.

## CAPVT VIII.

DE ZELO IUSTITIAE EIVS, ET  
*de morte illius.*

**B**ASIL. Defuncto Honorio, cùm per tyrannicam & schismaticam rabiem *Schisma Petri Leonis,* (non suis meritis, sed cognatorum fultus præsidijs) Petrus Leonis, aduersus Papam Innocentium Romanam Ecclesiam occupasset, atque hoc vir Dei certissimè comperisset, non morbo, non ætate tardatus, sed zelo domus Dei, cuius ipse diligebat decorem, perrexit Anicium, vt eundem cum sancto Bernardo & alijs Episcopis excommunicaret Schismaticum. Quæ profectò excommunicatio, propter autoritatē tanti viri, contulit multum & profectū Catholicis, & detrimentū schismaticis. Et certè tam idem Petrus, quàm Pater eius, sancto viro multas olim venerationes & obsequia præstiterant. Sed beatus homo in tali negotio, id est, vbi periclitabatur iustitia, nec amicitia flectebatur, nec potentia terrebatur. Nam & ante aliquot annos, cùm Henricus Imperator Papam Paschalem cum clericis & parte ciuium in Ecclesia beati Petri nefanda pro-

proditione cepisset, & ad illicita pacta coegisset. Hugo præcunctis, vt apud Vienne excommunicaretur, effecit. Qua excommunicatione Ecclesiæ suæ Domino roborante sententiam, tyranni illius in contrarium est mutata prosperitas, & Imperiali dignitate priuata Maiestas. **DION.** Zelum huius, de illius pectore video promanare, qui dixit: *Zelus domus tuæ comedit me.* Multa hic dici possent de zelo Prælatorum, qui reuera iam totus intrepuit, sed quod reliquum est, id abs te audire desiderans, obiurgationibus modum facio. **BASIL.** Nunc superest, vt quem finem vir sanctissimus habuerit, explicemus. Veniente tempore, quo Deus voluit pro innumeris laboribus, Hugoni mercedem reddere, cœpit indies magis magisq; deficere, & morti, molestijs crebrescentibus, propinquare. E duobus itaque Sathanæ angelis, quos ad se colaphizandum acceperat, tentationē scilicet, & infirmitatem, alter angelus, id est, tentatio; ita extinctus est, vt ne vestigium eius saltem vllum relinqueretur: alter verò, id est, infirmitas excrescere quotidianis non cessabat augmentis, donec illo obeunte, ipsa quoq; finiretur. Sed cū & antea semper verbis & operibus in eius anima beata Deum habitare claruerit, tum præcipuè in hac vltima infirmi-

firmitate, quis, vel quanti fuerit meriti, &  
 quàm syncero. Deum veneraretur affe-  
 ctu, & quàm vera dilectione semper iusti-  
 tiam veritatemque defensor sit, latere non  
 potuit. Tam violenta fuit hæc eius infir-  
 mitas, vt omnem illi naturalem dele-  
 remuram, nec quicquam temporalium  
 aut corporalium rerum posset vllatenus  
 recordari; nunquam tamen veritatis, iusti-  
 tiæ, cultusque diuini potuit obliuisci: Sed  
 multo amplius quàm prius, hæc virtutes, &  
 constantiores & feruentiores innotuere;  
 adeo vt Letanijs, & Psalmis, & pectoris  
 percussionibus die ac nocte benignas Dei  
 aures interpellaret. Seruitoribus suis, qui  
 apud illum erant fratres Cartusien-  
 ses, & suis necessitatibus inserviebant, multa se  
 submittebat humiliate, humilitate inquã,  
 qua & plurimum abundabat, quanquam  
 etiam sacris cordis recessibus iam dudum  
 impresserat. Nam quando re aliqua opus  
 habebat, non iubendo, sed per diuinam  
 humiliter remunerationem imprecando  
 poscebat. Etiam si quispiam eum vel mo-  
 dicè reprehendisset, vel aliquam molesti-  
 am in eius famulatu se pertulisse dixisset:  
 protinus pugnis grauitè pectus verberàs,  
 se reum clamabat, virgarumque discipli-  
 nam imponi sibi deuotissimè flagitabat.  
 Quod quia cuncti propter multam circa  
 eum

*Trecentas  
Dominicas  
orationes una  
nocte, agro-  
rans recitat.*

cum reuerentiam recusabant, flebat vbertim, lachrymis & suspirijs indulgebat. Confessiones, Psalmos Scripturarum sententias, Letanias, & orationes Ecclesiasticas diebus ac noctibus incredibili instantia frequentabat, ita vt nocte vna, sicuti nobis veraci narratione relatum est, Dominicas orationes trecentas expleuerit. Cumq; à seruiantibus corripereetur, quòd hæc agendo, augmenta suæ præberet infirmitati, ille non solum nullam hinc suis incrementa miserijs, sed semper magna sibi prouenire remedia prædicabat. Accurrentibus ad visitandum eum Clericis & laicis compluribus, venerabiliter & deuotè pro personarum qualitate, monita saluberrima infundebat. Inter quos Guigonè desiderij, vnum è maioribus post Comitem, erga se præ multis deuotum, cum flexis genibus (ita quippe omnes faciebant) ante lectum eius benedictionem flagitaret, se uera increpatione corripuit; obiurgans quòd iniustas in subditos exactiones faceret, quodque animæ suæ perpetua tormēta pararet. Ille stupefactus, agnouit per diuinum spiritum hæc sibi ab Hugone dici, asserens grauem reuera terræ suæ recenter multam imposuisse, sed nondum eam accepisse, nec post eius monita accepturum esse. Quadam autem vice, quidā ex socijs, tan-



tantis eius fletibus & suspirijs motus, quasi consolaturus: Quid, inquit, Pater mitissimè tantum plangis, cùm nec homicidiũ, nec periurium, nec aliud quid criminale cõmiseris? Protinus ille: *Et quid hoc, inquit, Cupiditas & refert, cùm sola cupiditas, sola vanitas (si diuina vanitas quid adit clementia) humane possint perditioni sufficere.* *vel?* DION. O responsionem dignissimam.

Quid prudentius, quid uè compendiosius ab incolumi & robusta poterat memoria responderi? Omnia nempe quæ vel boni pijs studijs aspernantur, vel mali perniciosi nisibus consecrantur, duobus verbis, cupiditatis scilicet, & vanitatis inclusit. BASIL. Dicens etiam Episcopus Dominus Odoricus, vnus ex eius alumnis, cùm Regularis Ordinis habitum per reuerendas manus sanctissimi senis desideraret accipere, deuotus Episcopum adiit, ipso iam multà morbis ingrauescētibus debilitate grauato. Cuius aduentus causam cùm audisset vir beatus, tanto exultauit in gaudio, tantaque est lætitia repletus, vt infirmitatis oblitus, venienti occurrere gestiens, penè de lectulo sese præcipitavit. Accedente autem Odolrico, exosculatus est eum, & præ gaudio lachrymas fundens, cùm illi habitum imponeret dixit: *Exuat te Deus veterem hominem cum actibus suis, & induat te nouum homi-*



*hominem, qui secundum Deum creatus est, in iustitia, & sanctitate veritatis.* Ecce mi Dionysii, huius viri ad res communes iam deficiente memoria, vides quomodo ad res diuinas & spirituales solito amplius exuberauerit. Hoc actu celebrato, iuuantibus ministris in planum descendit solum, & prostratus in facie, magnas Deo (pro eo quod factum fuerat) lachrymans gratias obtulit; satis insinuans, quantum salutem desideraret humanam, etiam cum iam penè esset extinctus. **DIONYS.** Vbi nunc sunt, quæso, qui non nisi insolita mirari nouerunt? Videant an vnquam vel in Scripturis, vel in humanis relationibus tale aliquid nosse potuerint? Videant, vtrum nõ omnino impossibile, & contra naturam, & ideo incredibile videatur, potuisse hominem cerebri passionibus corporalia & à puero consueta de memoria perdere, & diuina ac spiritualia non potuisse? Cum id potius vel naturæ, vel consuetudinis exegat ratio, vt spiritualia & diuina tanquã subtiliora & minus consueta & captui difficiliora prius abscedant: illa verò, vtpote familiaria & humanæ infirmitati ad cogitandum facilia, diutius maneant. Quod ea, quæ circa sanctos conringere solent, quò rariora, eò sunt & mirabiliora, quid isto mirabilius, cuius pro sui raritate nec

in Scripturis vllum, nec in humanis rebus extat exemplum? Sentiât quisque quod vult, mihi autê videtur (credo & idipsum omnes mecum Physicos Medicosque dicturos) non minus singulare, immò longè fuisse mirabilius, inter tot tamque diuturnas & acerbâs cerebri passiones, diuinam cognitionem & inuocationem, & religiosam non perdidisse deuotionem; quàm inter eculeos, ardentescque lâminas, & succensas craticulas insuperabili constantia Christianam non negasse fidem. Ibi enim quod infestat, exterius totum ingeritur, hîc autem ipsa rationis instrumenta, ipsa quoque diuinorum & humanorum sensuum memoria, quasi cellarium, intrinsecus impugnantur. Horum alterum in reuerendis Martyribus, alterum verò in beatissimo admirantur Hugonê. BASIL. Equidem id ita est, vt tu asseris. Veruntamen istud illi nec nouum, nec recens erat.

In suis namque mentis excessibus, quos v- *Crebras pul-*  
tigue crebros & sublimes habebat, relictis *tur mentis ex-*  
non solum cæteris, sed seipsum quoq; sub *cessus.*  
se prosternens, supernam dulcedinem delectabiliter gustare solitus fuerat. Vnde etiam ad id recurtebat afflictus, quod incolumi fuerat dulcius. Apparet igitur, beatissimum Hugonem (sicut & sanctû Iob) ideo tantis tribulationum procellis exa-

E

gita-

gitatum, tantisq; dolorum fornacibus instar auri decoctum, vt & ad societatem Sanctorum purior & clarior hinc exiret: & quod non in cortice, sed ex totis medullis Deum dilexerit, mundus cognosceret: dum ab eius inuocatione, nec doloris, nec phrenesis illi vis vlla compescuit. Quid plura? In ijs vsque ad vltimum perseuerauit spiritum, erga suam Cartusiam, eiusq; Priorem, specialem dilectionem in tantis afflictionibus memoria non carento demonstrans. Moritur itaq; ætatis suæ octogesimo anno, consecrationis verò ad minus quinquagesimo secundo. Moritur, inquam, Hugo beatissimus, Hugo dignissimus Præsul, inter sui temporis Episcopos operibus & fama singularis. Moritur plenus dierum, pacata domo, & cunctis refert bonis, anno Domini 1132. Seruatū est autem corpus eius inhumatum quinque ferè diebus, & his serenis & calidis, mirantibus plurimis, quod nec elemento aeris, nec circumstantis & constipatæ multitudinis æstu, nec cæreorum calore intabesceret. Ad cuius venerandas Exequias tres accurrerunt Episcopi, Diensis, Gratianopolitanus, qui illi in Episcopatu successit, & Carnatinus. Statim verò vt eius obitus fama percrebuit, accurrerunt & ex remotis regionibus innume-

*Feliciſſimè  
migrat è cor-  
pore.*

*rabi-*

rabiles populi, cereos ac diuersi generis oblationes adferentes. Omnis ætas, sexus, atque conditio deuotissimè osculabantur pedes eius, in tantum, vt sandalia ipsa, tanquàm tincta pellis, saliuà madefierent. Nam & lactentes offerebantur paruuli, quò tam sancti corporis attactu contra omnia munirentur aduersa. Annuli quoque, & nummi, & res aliæ sancto applicabantur corpori, vt eo sepulto, pro Reliquijs haberentur. Quinto igitur die in Ecclesia Diuæ semper virginis Mariæ venerandæ Reliquiæ almi Præsulis in præparato ponuntur sarcophago, cū multa reuerentia, populis ac turbis hinc inde plurimū lachrymantibus: qui circa sepulchrum eius assiduè versabantur, ob spem diuinæ in se miserationis, propter ingentia beati viri merita, quæ & hactenùs perseverant. **DIONYSIVS.** Superfluum iudicò huius viri miracula velle perquirere, cū tota vita eius vnum noscatur miraculum extitisse. **BASILIVS.** Miraculis tamen ( vt noueris ) **HVG O** celebris fuit, sed ideo reor ea scripta non esse, quòd Cartusienses non magnoperè miraculis, sed meritis clarescere cupiant. Scimus nihilominus hunc venerabilem virum, dum adhuc viveret, fontem in rupibus Cartusie precibus eduxis-

*a Fuit hic Innocentius Secundus.*

*b Prefixa est vite S.*

*Hugon. Tom.*

*a. 547.*

se: cuius vena dulcissima in hodiernum usque diem usquequaque diffunditur. *a* Innocentius quoque Papa, qui & hunc Catalogo Sanctorum dignanter inseruit, in epistola, *b* quam sua manu scripsit Guigoni, Maioris Cartusie Priori, asserit eum maximis meritis & miraculis claruisse: utpote qui cæcis visum, claudis gressum, surdis auditum, mutis eloquium (aut id genus infirmitatis pellens) crebris virtutibus reformavit. Hinc exijt ab eo edictum, ut Hugo inter sanctos Dei & electos, assensu omnium Cardinalium, Episcoporum honore & dignitate veneretur, & in sua Diocesi, ut specialis Patronus, cum gaudio solenni in die Assumptionis eius deuotissime celebraretur. Cernis iam diem ad declinua vrgeri, & solem Hesperias se mergere in vndas. Oportet igitur, ut vespertina synaxi soluta, & completorijs redditis, cubitum nos conferamus. **D I O N.** Ego hinc, ô Basili, non abeo, nisi sponfionem dederis, iterum meis te votis cras inseruiturum. Cupio enim alterius Hugonis nostri vitam & instituta cognoscere, quod nemo, præter te, mihi poterit largiri. Cras igitur ante solis ortum huc me reducem fecero. **BASIL.** Fac ut dicis: ego, adiutore Deo, adero votis tuis.

*Finis Libri Secundi.*

**CHRO.**

# CHRONICI CAR-

## TUSIENSIS LIBER

### TERTIVS.

#### PROLOGVS.

**N**OLIM mireris, quisquis huc lector Cartusianus accesseris, cur hos duos Hugones Patres iuxta se sociarim. Id enim ideo feci, vt versis sese inuicem vultibus respiciant, & iuncta meritorum suorum luce, clarioribus radijs sua lumina spargant. Hi sunt, & Cautusiana pubes, (si dignaris agnoscere) Patres tui, veriq; Pastores. Hi propagatores sunt & propugnatores tui, à quibus tibi illuxit pietatis cultus, disciplina rigor, iustitie norma, abstinentie decus, paupertatis possessio, frugalitatis insigne, pudicitie cœlibatus. Ab ijs didicisti in humilitate gloriari, in charitate feruere, in penurijs cœli diuitias cœputare, & quicquid morū est, quicquid virtutis, paci, pietatis diligenter amplecti. Quod omnia silentio premis, quod inanes mundi illecebras aspernaris, quod nil nisi diuinum aut cogitas, aut agis, habeto gratias, à locupletibus his es Patribus affecuta. Hi te docuerunt Deum metuere, Deum diligere, & in Dei lumine obtutum mentis desigere: quem Deum spem tibi facias, finem, gaudium, vitam, & praesidium salutare. Hos igitur libens implectere, dilige, venerare; hinc fiet, vt horum atrocinitio iustorum, vitam merearis aeternam, per uos tantarū virtutum gloriā meruisti. VITA



## VITA BEATISSIMI PATRIS HV.

gonis, Pontificis Lincolnensis.

Obijt B. Hugo  
circa annumDomini mille  
simum, dace  
tesimum.

**D**IONYS. Adsum, mi Basili, quæ hesternò vespere pollicitus es, petiturus. Non sum passus solem exurgere, sed sub ipsa aurora, lectis Dei laudibus, ægrè moram sustinens, te conuenio. Tantus mihi ardor est, de diuino Patre nostro HVGONE te audire loquentem. BASIL. Ardeo & ego, & libens laborem excipio, quem tibi & mihi intelligo profuturum. Scripsit quidem ex nostris stilo satis diserto Hugonis vitam; quam & quinque libris cōprehendit, hanc nos vna hodierna narratione breuiari curabimus. Noui ego mortuum, cui semper abundantior cibus nauseam facit. Huius igitur narrationis hoc sit initium. Hugo noster inter sui tēporis spirituales, vti sol inter sydera, clarus effulsit. Hic ex ditissima & illustri prosapia originem trahens, parentes habuit Deo & hominibus locupletes. Hic cū primā vix vitæ ætatem ageret, matrem perdidit. Hinc cū octennis esset, collegio Fratrum Regularium, quod iuxta Gratianopolim situm est, vna cum genitore sociatus est. Hoc æuum tantillus agebat, cū militiæ spiritualis subiit tyrocinia. DION. Oparentem verè laudabilem, cuius sollicitudi-

ne factum est, ut prius doceretur filius militare Deo, quàm mundo vivere didicisset. BAS. Hoc etià duce parente, factum est, ut noster Tyrunculus, laboribus mox natus exerceretur: ut nō modò ab adoleſceētia, verù etiam ab infantia iugū Domini portare consueſcēs, celerius canos attingeret, quò fieret idoneus solitarius sedere & leuare se super se. Hoc pacto infantile corpusculum flagella pædagogi attrectant, & disciplinæ cōpedes, motus in eo pueriles coercent, ut virtutibus vitia præteriret, & tota vita eius ab ortu vsq; ad occasum vnum esset ac iuge martyrium. Hinc sæpius dicere solitus erat: *Ego mundi huius gaudia nunquam attigi, iocos nunquam didici, nunciam scui.* DI O N Y S. O verbum omni acceptione dignissimum. Quàm rarus est, qui id dicere præsumat. BAS I L. Inter Canonicos illos Regulares, vnus erat & scititia & sanctitate celebrior, qui huic puero literas ingerebat, & teneram mentem amorem spiritualis industriæ accenderecebatur, & à iocis ludicrisque remotum munus eius, honestis serijs cuiusque rei exercitijs implicabat. Coeuis pueris, ut s est, trocho, vel pila ludentibus, illi leniter paternæ dulcedinis hortata instillabat: *Nonte, inquit, dulcissimi, Stulta alliciat lenitas faciorum. Sorti*

*Verba B. Hugonis præclaræ.*

1. Reg. 2.

1. Cor. 14. 38.

Luc. 12. 47.

Job. 31. 13.

Job. 9. 28.

*tua istorum studia non conueniunt. Ego te, mi Hugo, Christo nutrio, iocari non est tuum. His monitis puer egregius locum dabat, & docente se spiritus sancti vnctione, proficiebat scientia, ætate, & gratia, Deo charus & hominibus. Ardebat mens eius sciendi desiderio, magis autem Dei voluntatem ocyus adimplendi. Ardebat, inquam, vt Dei nosceret in omnibus voluntatem, sciens ignorantem à Domino ignorari. Cupiebat tamen, quæ nosse poterat, adimplere; ne sciens & non faciens, vapularet plagis multis. Hunc etenim scientiæ appetitum, in Dei timore quasi in base fundauerat: vt cum beato Iob dicere posset: *Semper vt tumentes super me fluctus, timui Deum, & pondus eius ferre non potui: Et illud eiusdem: Verebar omnia opera mea, sciens quia non pateres delinquenti.* Ardebat quoque in paruo pectusculo egregius diuini feruor amoris, quo iam ad cœlestia suspirabat. DIONYS. Quid hoc tantillo iuenculo clarius, quid vsquam rarius potuit inueniri? Si talis eius emicuit pueritia, quis rogo eius adolescentiam, quis viriles annos satis commendet?*

## CAP. II.

## DE LAVDABILI EIVS ADOLESCENTIA.

**B**ASI. Id equidem difficilè, ô Dionysi, quan-



quantum tamen possumus, adnitamur. Adolescentiam nactus, tanta in illum virtutum & gratiarum charismata Deus miferator infudit, fons omnis virtutis & gratiæ, vt nulla id mens cogitare, nulla lingua narrare sufficiat. Plantatus siquidem hic vitæ surculus secus salutarium decursus aquarum, miserat profundè humilitatis radices deorsum, vt faceret fructum sursum: quem etiam in tempore suo cunctis tribueret abundanter. Sic pijsissimus adolescens suis virtutibus socios lætificabat, roborabat, imbuebat. Pugnabant in eo dona naturæ & dona gratiæ, vt vix quis discerneret, quænam in eo partes agerent potiores. Vincebat tamen naturam gratia, quam & suo munere plurimum decorabat. Erat enim Hugo, natura pulcher, procerus, generosus, mitis, affabilis, acutus, ingeniosus: atque hinc facilè mentes hominum in suum attrahebat amorem. Adeo in illo ingenij vigeat acumen, vt velocius, quæcunque vellet, addisceret. Memoria quoque tam tenax erat, vt nihil abs se elabi pateretur, quod semel dignata fuisset admittere. Sed hæc dona naturæ illustria, superueniens Dei gratia multo illustriora constituit, sine qua impossibile est placere Deo. Erat ergo per Dei gratiâ Hugo in humilitate submissus, fide deu-

tus, spe robustus, charitate feruidus. In paupertate opulentus, in opulentia temperatus, in aduersis intrepidus, in castitate sollicitus, in oratione assiduus, in meditatione sedulus, in contemplatione suspensus, in fratrum necessitatibus obsequentissimus. Adeo nempe in omni opere suo, siue interno, siue externo sollicitus fuit (vt solitus fuit factus Episcopus gloriari) quod nunquam illi \* negligentia aliqua surrepsit. **DION.** Ego hanc in illo diligentiam, diuinam, non humanam prædico. Estque, meo iudicio, cunctis eam agnoscentibus, miranda magis quam imitanda. **BASIL.** Erat quoque in hoc adolescente illud mirabile, vt nullus eius tumultus, nulla importunitas, nulla disceptationis implicitas, nullus denique ex improviso casus emergens impedire potuerit, quin cor semper pacatum & paratum haberet, id ad liquidum perficere, quod tempus & hora iuste poscere videbantur. In infirmorum, senum ac pauperum obsequijs adeo delectabatur vt suauiora ea duceret super mel & fauum. Factus Diaconus, Altare reuerentissimè circuibat, diuinis seruiens mysterijs cum metu & tremore, & feruentissima cordis conpunctione. Crescente itaque dignitate, creuit in eo etiam feruor dilectionis ad proximum, & coepit

verba

\* al. morantia,  
 Quid autem morantiam  
 Cartusiani vocant, vide in  
 animaduersionibus nostris



verba flammantia coram omni populo,  
qui illic conuenerat, prædicare, & corda  
multorum igne compunctionis succède-  
re. Spargebat namque per vulgus igneos *2. Tim.*  
sermones, arguens, obsecrans, increpans  
in omni patientia & doctrina. Docebat  
publicè super tecta, quæ ipse intus in cor-  
de audierat, quæ & opere antea ipse com-  
pleuerat. Dehinc Ecclesiam sancti Ma-  
ximini, quæ annexa erat Monasterio, quæ  
& animarum habebat curam, iussu sui su-  
prioris Hugo regendam suscepit. Huius  
Ecclesiæ exteriorem curam, huius & a-  
gros & vineas rusticis idoneis commen-  
dabat, ipse autem orationi vacabat & stu-  
dijs, & exhortationibus crebris ad popu-  
lum infisilebat. Vnde etiam maximos &  
mansuros animarum manipulos in Chri-  
sti horrea inferebat. Erat vnus ex subdi-  
tis, homo lubricus & immundus, qui  
adulterij crimen non est veritus incur-  
rere, & diu in eo permanere. Quod vbi  
Hugo sanctus agnouit, hominem pri-  
mùm occultè, dehinc ad motis testibus  
increpauit. Sed ille nihil motus, cri-  
men inficiari, Pastorique conuiuari  
non erubuit. Tum bonus medicus ze-  
lo animatus, incorrigibilem pietate  
austera statuit animaduersione curan-  
dum. Hunc igitur palam in Ecclesia  
die



die solenni arguit scelerosum, immanitatem flagitij Dei populo denuntians. *Dico tibi*, inquit, *ô homo, & firmiter asseuero, nisi ocyus resipueris, tradam te Sathana corrigendum, vt noueris, cui domino hæcenus deseruisti.* His ille territus vehementer, sciens illum facere posse, quod minabatur, confusus in medium profiliit, & peccatum suum cum gemitu & lachrymis renuntians, pœnitentiam egit, & veniam, correptus & reconciliatus, accepit. **DION.** Si hunc zelum animarum Pastores in pectus & in opus admitterent, tantas hodie nequitias impium vulgus non perpetraret. Sed nunc vt populus, sic Sacerdos, ambo cæci, ambo in foueam mortis perpetuæ ruituri,

## CAP. III.

**QVOMODO SANCTVM INGRESSVS est ordinem Carrusiensium.**

**BASIL.** Quanquam iam penè omnem virtutis apicem apprehenderat Hugo, ipse tamen, vt erit humilis in oculis suis, initium vix conuersationis se attigisse putabat. Audiens itaque mirabilem, & suaue olentem famam Cartusiensium Monachorum: horum toto animo ambiebat exemplis informari. Venit itaq; hos inuisere, adolescens humilis & timoratus: & videns Dei exercitum, tactus dulcore charitatis intrinsecus, flammæ sui desiderij nō potuit

Inuist maior  
vna Cart. fia.

potuit cohibere. Intuebatur locum semo- *Capitulum loci*  
tum penitus à strepitu seculari, & vacandi *dulcedine.*

Deo vni commodatissimum. Attendebat quoque in ipsis loci incolis sanctis, carnis mortificationem, mentis serenitatem, spiritus libertatem, hilaritatem frontis, puritatem sermonis. Instituta quidem solitudinem, non singularitatem commendabant. Segregabant mansiones, sed animos sociabant. Vnusquisque habitabat secum, nec habebat, nec agebat aliquid suum. Seorsum quisque manebat, ne posset ab altero impediri, sed communiter tamen degebat, ut quisque posset ab altero communiri. Inter hos bonus iuuenis humiliter ut petiuit recipi, libenter & incunctanter admissus est, probatus & tentatus, fidelis inuentus est. Qui mox ut pedem infra cellæ limen posuit, exurgentem nouam entationem sensit. Nec vniformis illa entatio fuit, quia fraudis suæ instrumenta, Zabulus tentator explicuit. Cum enim acer iuuenis in omnium staret arce virtutum, ne magnitudo reuelationum & operum illum extolleret, datus est ei, sicut paulo Apostolo stimulus carnis suæ angelus Sathanæ, qui se colaphizaret. Orabat *2. Cor. 12. 7.* iugo, ieiunabat, pectus tunde-  
bat, & flamas malè vrentes, lachrymarum imbri-  
s restringebat. Aderat pugnanti seruo  
suo

suo Christus Dominus, & de impuro hoste victoriā tribuēbat. Dabat illi Christus gustare manna absconditū, quō faciliē potuit aspernari, quicquid illi Diabolus dulce suggerere poterat vel amarum.

4. Reg. 4. 39. **DION.** Quoties Christus miserator suam farinulam permiscere dignatur, agrestes citō colloquintidas & amaram coctionem in dulcedinem vertit. **BASI.** Post pugnā, formosæ Rachelis potitus amplexibus, sedebat nouus eremicula solitarius in cella, si tamen solitarius: cui Christus aderat, & frequens Angelorum occurſus. Erat Hugo iam Cartusienſis, sanctus cum sanctis, inter humiles humilis, & inter Christi milites egregius propugnator. Omnium vna sententia fratrum illorum erat, domare carnē, impinguare mentē, membra subigere, animum sustollere, pugnas hostis excipere, & victorias egregias reportare. Feruebat ibi studium paupertatis, superfluitatis odium, necessariorum parcitas, obliuio temporalium, ambitus æternorum, cōmunis vtilitas, cordis contritio, sui ipsius abiectio, prelatio sociorum. Inter hos sanctus Pater \* Basilii, qui tunc Prior erat, & hic Hugo noster duces & principes habebantur. Citius me dies deficeret, quam nossem dicere, quantum hic

Hugo

\* Fuit hic

VIII. Gen-  
ialis Ordin.

Hugo profecerit, quantos spiritualium diuitiarum thesauros congererit. Ibat enim, et si iam perfectus, proficiens, & succrescens quotidie, donec magnus & inclytus factus est valde. Orabat sæper aut meditationi, aut lectioni operam dabat, & omne tempus sibi præ desiderio Rachelis & osculis, breuissimum querebatur. Et sicut Magdalena, nunc caput IESU, nunc corpus, nunc pedes vngere gaudebat; sic Hugo nunc Prioribus, nunc æqualibus, nunc etiam infimis dulcis obsequij gratiam impendebat, & quadam deuotionis suauitate refouebat. Hinc factum est, vt cuiusdam, optimi senis & debilis, volente Priore, curam susciperet. Dum hæc ageret, contigit tempore illo, quo sacri Ordines solent conferri, vt sanctus ille enior, quasi HVGONEM tentans, diceret illi: *Ecce fili, iam interest, an velis Sacerdos fieri.* Ille verò cum vehementer areret in amorem Christi, cuperetq; dulce in Altari contubernium, ita respondit: *Quantum in me est Pater, nihil magis appeto hac vita.* Tum senex ad eum: O, inquit, *id est quod dicere presumpxisti? Legitime: Ad Sacerdotium qui non accedit inui-*  
*accedit indignus?* Ad hanc vocem perterritus, ad pedes obiurgantis proster-

nitur,



nitur, & veniam flens deprecatur. Tum senex, hac eius humili deuotione motus, & Spiritu sancto illustratus, iussit cum lachrymis vt surgeret, ac secum parumper sederet. Noli, inquit, *turbari, non iam fili, sed domine mi. Scio, & verè scio, quo spiritu, quo affectu verba illa nuper loquebaris, Tibi igitur dico, & verum dico, mox quidem Sacerdos, & post etiam Episcopus es futurus.* DION. Felix humilitas, quæ quantò plus sub se descendit, tantò plus in sublimiora porrigitur. BASIL. Itaq; in Sacerdotem promotus, creuit Ordine, creuit & deuotione. In Altaris siquidem officio sic se gerebat, quasi visibilem manibus attrectaret Dominum Saluatorem. Visibiles pani & vini species intuitus, ad inuisibilia mentis aciem intendebat. Omnes, qui eius Sacrificijs astabant, videbant cordis oculis, quòd cum dilecto & cum sponso suo amicus sponsi loqueretur, quasi illud Epithalamium canens: *Dilectus meus mihi, & ego illi.* Et secum cogitans Christi puritatem, & passionem, dicebat: *Dilectus meus candidus, & rubicundus, electus ex millibus* Quis dignè commendet imbres lachrymarum, quos sub Sacrificijs profunde-  
bat? Dulces illi ab oculis fluebant guttæ, pietatis indices & amoris. Non perfunctoria hæc eius deuotio fuit, & ad horam compunctio, sed tam stabilis, & in animi  
vigo-

ant. 2. 16.

cant. 5. 10.

vigorem transmissa, ut vultus eius non  
 sint amplius in diuersa mutati. Orabat in  
 Milsis, & etiam sæpe in cellis cum Moyse  
 & Aaron pro toto populo Dei, & diuinam  
 illis clementiã propitiabatur. In audito-  
 rio fratrum constitutus, quasi lapsus è cœ-  
 lo, sancta & cœlestia loquebatur, tanquam  
 is, qui irroratus de cœlestibus venerat a-  
 pothecis. Omnes illum quasi diuinum o-  
 aculum auscultabāt. Seculares quoq; qui  
 eum audiebant, in maximam ducebat ad-  
 mirationē. Docebat diuites nō in incerto  
 iuitarū, sed in prece pauperis spem om-  
 nī ponendam esse; inopes autem ad pa-  
 entiam animabat. Hinc factum est, ut o-  
 nes Hugonem loquerentur, laudarent  
 ad sydera vsque sustollerent. Maximè  
 tem sanctus Pater Basilius, Hugonis me-  
 a & amabat, & commendabat. DIGNA  
 sunt & præclara, quæ hætenus o-  
 ia de hoc egregio viro prædicasti.

## CAP. IV.

OMODO FACTVS EST PRO-  
*curator Cartusie.*

AS I. Maiora audies, & hæc cum volu-  
 tate. Hic desiderans in nidulo quietis  
 morari & mori, & in Rachelis ample-  
 is confoueri, repentè, heu dolor lippa-  
 lia supposita est, & Procuratoris coa-  
 est fungi officio. Quis hinc dignè ex-  
 F plicet,



Cant. 5. 2.

plicet, quas lachrymas fuderit, quæ suspiria ediderit, quas non excusationes fecerit, dum hoc molestissimum illi iugum obedientia mater imposuit? *Lau*i, inquit, *pedes meos, quomodo inquinabo illos?* Horrebat circuire officinas materiales, & res corporales pertractare, qui spiritaliter volare assueverat, & gustare quàm suavis est Dominus. Regebat tamen per suam industriam sibi commissum laicum populum, & cunctis sollicitè ministrabat. Erat nempe in sermone prudens & efficax. Erat illi lingua placabilis, potens, erudita, ut sciret quando oporteret proferre sermonem. In prudentia sermonum suorum domesticis satisfaciebat, & exteris. Quis vnquam vacuus ab illo recessit? Si diues, consilium; si tentatus, solatium; si egenus quærebat subsidium, referebat. Sæpe ex corde postulabat absolui, ut alteri cederet industriori: sed ubi ille inueniretur? Tenebat ergo eum in hoc officio sola obedientia charitatis, laborabat sæpe multum, sed minus omnibus capiebat. Ministrabat alijs necessaria, ipse egens durabat in pluribus. Mores eius omnes & studia non carnè sapiebant, sed feruebant spiritu. Erat Hugo Procurator in disciplinæ custodia rigidus, in castigatione sui corporis seuerus, in contemplatione suspensus, in disponendo

nendo omnia acutissimus. Talis erat in magnis. At in minimis qualis fuerit, quis commendet? In ædificijs, in agris, in hortis, & in cunctis rusticorum operibus, quid vnquam Hugonis subterfugit notitia? Omnium operariorum facile magister erat: & cum esset omnium iudicio sapien-  
 ior, solus in suis oculis non erat sapiens. Erat tamen illi semper inter hæc negotia obria mens, quies grata, oratio pinguis, sequens lectio, feruens affectus. DION. magna gratiæ Dei commendatio, magna reuera in Hugone nostro virtutum perfectio, & quæ in valde paucis hæc est inuenta. Ambidexter ille, in vtraque vita exercitatus, nunc de Lia, nunc de chele filios genuit salutare. Satis horum Hugo sanctus suo exemplo, nullum gerere externorum curam suscipere, nisi eat virtute irrumpere iniquitatem: ad hæc quis tam idoneus?

## CAPVT V.

OMODO A REGE ANGLIÆ  
 Henrico adscitus Prior VVithamiensis  
 efficitur.

IL. Ea tempestate Rex Anglorum Ricardus domum Ordinis nostri VVithamie in suo regno instituerat, sed fratres  
 F 2 illic

fratres illic varijs perturbationū pcelli  
 deficiente bono Priore, miserè fluctuabar.  
 At Rex audita celeberrima diui Hugon  
 fama, quæ iam per regna volitabat ter  
 rum, missis Cartusiam legatis, petijt ar  
 ter sibi donari virum. Tum repentè ing  
 mœror, fletus, & lachrymæ apud om  
 nes fratres, & præsertim apud Patrem Basi  
 um, qui eum vnicè complexabatur. I  
 cum esset omnium vna sententia non a  
 nuere petitionibus Regis, vnus ille diuin  
 attactus spiritu, sic reuerenter, Priori  
 fratribus est locutus: *Non est, inquit, o*  
*fratres charissimi, tutū contradicere regia Maiesta*  
*præsertim cum diuinum sit & salutiferum qu*  
*efflagitat. Cogitate quæso hanc petitionem à*  
*perna providentia occultè disponi, vt sanctus O*  
*do noster per hunc sanctissimum in extremos v*  
*mundi limites splendide propagetur. Nam, vt v*  
*rum fatear, magis mihi semper Hugo noster Ep*  
*copus visus est, quàm Monachus extitisse. H*  
*vita, hoc mores, hoc eius doctrina fatetu*  
 His verbis moti fratres, Hugonem stat  
 unt mittere voto regis, ante tamen intr  
 missus, interrogat eius voluntatem. Tu  
 ille, vt erat humillimus, flens ita respo  
 dit: *Inter vos, o sancti Patres, hætenus conu*  
*satus, & vestro exemplo roboratus & adiutor*  
*numquam tamen vel ad vnum diem animam m*  
*am potui custodire. Vnde miror, quomodo v*

*Verba, Rosilij  
 Prioris Mai  
 oris Cartusie.*

*Responsum  
 Hugonis, orā  
 tiæ, ne ad offi  
 cium promo  
 uatur.*

qui sapiente seſſu, ad regendas animas me procul  
mittere decernitis. Oro itaque, ut viros hos, datu  
pꝛꝑꝫ sermonibus, faciat contentos eſſe, ut de alte  
ro ſibi provideant meliori. Sed urgente Prio  
ris obedientia, licet diu multumque reni  
teretur, lachrymis, votis, ſuſpirijs, aſſen  
ſum tribuit vel inuitus. Erat plenum om  
ni dolore & anguſtia, videre illud triſte  
diuortium, quando datis oſculis Hugo re  
ceſſit à ſuis. Deus bone quot imbres ibi  
ſparſi ſunt lachrymarũ, quot editi gemit  
us, quot auditi ſingultus. Quasi commu  
ne excidium omnibus immineret, ita re  
ceſſum optimi Hugonis ægrè ducebant,  
Migrat Hugo cum legatis, & à rege cum  
ſummo fauore recipitur, & honore. De  
hinc fratres, VVithamienses eum ſibi Prio  
rem præficiunt, nec eum aliter, quàm  
cælitus miſſum, læti omnes ſuſcepere.  
Breui autem tempore, ipſo præſidente,  
ingens incrementum domus accepit in  
virtutibus, in personis, in ædificijs, in poſ  
ſeſſionibus. At Rex Hugoni admodum  
deuotus, vnicè illum complexabatur: vi  
dens in eo ſummam modèſtiam, iuſtiti  
am, pietatem, grauitatem, religionem,  
ſanctimoniam. Et crebrò illi dicere ſole  
bat: *Per ſalutem anima mea, nunquam mihi Pater*  
*à regno meo te patiar abſcedere, ſed tecum parti*  
*bor conſilia anima mea ſalutaria.* Habebat er

*Eius in Ang-*  
*liam diſceſſum*

*Verba Regis*  
*Angliæ ad*  
*Hugonem.*



*Intercessione  
B. Hugonis  
naufragium  
evadit.*

*Quam exigui  
suerit somni.*

go rex Hugonem, & eo audito, multa faciebat, multa donabat, minas pœnasque laxabat, & Ecclesijs plurimis munera tribuebat. At nunc audi, quem fructum suæ deuotionis Rex reportarit. Accidit eum quodam tempore, cùm per mare nauigaret, tempestatibus actum, naufragium sustinere. Tum in se reuersus, & Hugonis sui memor: O Deus, inquit, *ob merita huius famuli tui fidelis, ocyus succurre mihi, & meo populo periclitanti.* Vix verba finierat, & ecce pelagi feruor, & ventorum rabies, extemplo conquieuit. Hoc vno miraculo Rex satis edoctus, agnouit Hugonem magni meriti esse apud Deum. DIONYSIVS: Videor mihi alterum hîc Nicolaum aspicere, qui longè positus, & votis eorum, qui mergebantur, inclamatus, ratem medijs saluauit in vndis. BASIL. Licet illum Rex semper inuitaret ad Palatium, magis tamen Hugo cœnobium diligebat, & maluit esse cum pannosis fratribus, quàm cum phaleratis Principibus. Extructis itaque mansionibus Monachorum, consuetis pietatis exercitijs operam dabat, orando, psallendo, meditandò, & sanctæ exhortationi indulgendo. Dormiebat, vt Ordo iubet, statuto tempore, sed tam moderatus illi sopor inerat, vt nunquam illi mentem præriperet. Quiescens

escens nempe, centies interdum, AMEN, sonora voce, & aperta pronuntiatione, quasi conclusionē præmissæ orationis, proferebat: vt verè illud Canticorum fieri posset: *Ego dormio, & cor meum vigilat.* *Cant. 5. 2.* Expergefactus, sæpe quæ illi Dominus per somnium reuelârat, humiliter aperiebat. Erant enim serena omnia, casta, sancta, spiritualia. DIONYS. In quem non præualuit, dum vigilabat, externa vanitas, cæca curiositas, impura voluptas; huic dormienti non deesse poterat interna serenitas, intima claritas, mera suauitas. BASILIUS. Verum id quidem: Cibus corporis dum sumebat parcissimè, semper magis esuriebat verbum Dei. Habebat enim (& sic hortabatur etiam cæteros) dum pranderet, oculos in mensa, manus in scutella, aures ad librum, cor ad Deum. *Nota è Religiosa.* Solus autem si edebat in cella, partiebatur sibi liber & mensula, oculorum officia, nunc librum respiciētes, nunc cibum. Cibus verò, panis, & aqua, & sal: interdum condiens vtrumque.

## CAPVT VI.

QUAM SOLENNITER ET GLO-  
riosè Episcopus electus sit.

Bas. Interea Lincolniensis Ecclesia Episcopo orba erat. Agente aut. Henrico



rege, Hugo eligitur, pari voto Decani, & omnium Canonorum. Sed ô bone Deus, quantum expugnauit, quanta egit, quas astutias non quæsiuit, vt liber dimitteretur in pace? Horrebat nimirum tam grande pondus innumerabilium animarum. Est enim Diœcesis Lincolnienſis amplissima; continens octo Archidiaconatus, Comitatus decem, vrbes pergrandes, plebem verò innumeram. At licet vir sanctus diu multumque repugnaret, victus tamen bonorum precibus, cessit tandem vel inuitus. Vnum dicam, quod velim diligenter auscultes. Celebrato consecrationis festo in magna multorum lætitia, in ipsa nocte, cùm post lectas Matutinas se orationi precibusque dedisset, audiuit è cœlo Anglicam congratulationis vocem, his verbis Dominum collaudantem: *Egressus es Domine in salutem populi tui, in salutem cum Christo tuo.* Hugonē, Christum Domini appellās: qui non solum exteriori madebat vnctionis oleo, sed & interna Spiritus sancti pinguedine fuerat delibutus. Hoc & ipse, dū consecratus esset, ijs, qui iuxta se stabant, testatus est, dicens: *Nihil ego tam miserabile duco, quàm Episcopum, dum consecratur, exterius madere Sacramentalis olei pinguedine, interius verò squalore arētis conscientia contabescere.* DION. Utinam hanc sententiam nostri

*Vide animadu-  
erſantes, ad  
finē libri ad-  
iuncti.*

*Consecratus  
Episcopus.*

Præ-

Præsules dignentur audire, qui summam gloriam ducunt, exterius vngi, interna Spiritus sancti charismata non curantes. Hinc fit, vt nec sibi, nec plebi ppsint: quibus vt præsenserent, ambierunt. Sed vltterius progredere. BASIL. Nolo silentio præterire rem memorabilem, quæ contigit hoc tempore. Deus siquidem omnipotens & clemens, vt ostenderet populo, quàm dulci pietate suum amaret Antistitem, misit illi in solatium auem mirabilis gloriæ, decoris & pulchritudinis, cygnum albisimi coloris, cuius rostrum, caput quoque & pars colli superioris, erat instar auri rutilantis. Hic olor sicut erat cæteris præclarior, ita & multò grãdiôr videbatur. Iuxta urbem Lincolniensem sunt stagna per amœna, his inuolâs hic olor, omnes quos illic reperit olores, præter vnâ famellam, quam sibi pro vxore retinuit, occidit. Hæc avis regia primo aduentu Præsulis domestica facta, ad cameram suam perducta est. Quæ statim de manu eius panem sumpsit, ei quæ tam perseueranter adhæsit, vt nec eius attactus, nec accedentium tumultus pertimesceret. Solebat sæpè, dum pasceretur, caput & collum, nunc in manicam, nunc in sinum Episcopi extendere, ibique aliquamdiu cum quadam sollicitudine Domino suo congratulans, at-

que præludens, tanquam aliquid quæreretur, mulsitare. Quando post longam breuemue absentiam erat Episcopus Lincolniam reuersurus, hic olor, nescio quo instinctu, id præsentens, tribus aut quatuor diebus prius quàm veniret Præsul, solito alacrius se agebat volitando, alis aquas verberando, crocitando, clamando: & è stagno plerumque euolans, nunc ad portam, quasi suo patrono obuiam veniens, deambulabat. Venienti autem Episcopo, occurrebat rostro, alisq; exporrectis, & voce altisona dominum salutabat. Neminem petebat, præter Episcopum, & si quãdo ab alijs adludendo teneretur, alis se defendebat, & sibilis, tanquam se propriam Hugoni demonstrans, cui soli à Domino fuerat destinata. Nam cùm sederet penes Episcopum, illo vel vigilante, vel dormiente, nec homo, nec canis, nec aliud quodlibet animal, potuit illi propinquare: ita alis pugnabat, & sibilis. Nec obsequijs poterat aut blanditijs deliniri, quin zelo vnius hominis ceteros hoc modo vniuersaliter insequeretur. Absente Episcopo, vnum solum, qui sibi alimoniam præbebat, seruulum dignabatur agnoscere: sed tantummodò dum cibum sumeret; quo sumpto, confestim remeabat ad stagnum. Præsentem aut Episcopo, neq; etiã hunc suum

um altorē vix agnoscebat. Venientem autē Episcopum tā lætis plaussibus & vocibus excipiebat, omīssis cæteris, vt eius se fatigatā desiderio fuisse miris gestibus indicaret. Cū verò introgressa, spectatīū turmis cingeretur, notata demū voce introeuntis patroni, mox & ipsam in clamorē altisonæ vocis insurgebat. Quem & sequebatur vsq; in solariū, per gradus et sublimes p̄gredientē alarum plausu, & modulamine vocis, gaudium insinuans, quo nimīū gestiebat. Perueniens autē ad locū sessioni eius paratū, inde nusquā recedebat. Annis fermē quindecim, hanc vniformiter olor consuetudinē exhibuit. Porro anno illo, quo vir Domini migravit à sæculo, auis mœstū ac moribundū gerens aspectū, nihil in gestu alacritatis ostendit, sed perducta ad Episcopū, capite pendulo, ac velut per omnia gestibus mœstā prætendebat imaginē, quasi citò moriturū lugeret Episcopum. Permanfit autē olor illic in stagnis post mortem Præsulis sancti annis multis, sed nulli se familiarē præbuit, aut cōmunē. **D**ico. Mira sunt, & plurimum iucunda quæ narraſti. Deus *a* Helia coruū cōmunem fecit, & *b* Paulo, & Patri *c* Benedicto. Hieronymus Leonem habuit pro solatio. *d* Aegidium cerua suo fouebat lacte. Porro Hugo noster cygnum habebat in delicijs, auem

*a* 3. Reg. 17. 6

*b* Hieron. in  
vita Pauli e-  
remitæ.

*c* Gregor. lib.

2. Dialog. c. 3.

*d* in vita S.

Aegidij 1.

Septemb.



*Vide animadu-  
versus.*

auem nimirum candidam, & vicinā mor-  
tem cantu prænuntiantem: quæ de neces-  
sitate virtutem faciens, funebria fata ca-  
nendo contemnit. Ita & hic Hugo noster  
meritis candidatus, lætus ad mortem ve-  
nit, cupiens dissolui, & esse cum Christo.  
BASIL. Rectè tu quidem. At cœptum  
nunciter prosequamur. Factus Hugo E-  
piscopus, vt alta creuit dignitate, ita &  
humilitate descendit; & eos, qui grandes  
erant in oculis suis, Prælatos Ecclesiarum  
sua exterioris cultus abiectiōe confun-  
dens, erubescere docebat, & humiliari.  
Semper Hugo viros sapientes & timora-  
tos secum, quocunque ibat, aut agebat, ha-  
bere voluit, sanctitatis & operum suorum  
testes, & adiutores. Non est facilè dictu,  
quàm pulchram citò faciem resumpsit  
Ecclesia vniuersa Lincolniensis hoc du-  
ce, hoc Pastore, hoc prædicatore, hoc  
prouisore. Agebat, currebat, hortabatur  
nunc paruos, nunc magnos; nunc præla-  
tos, nunc subditos; nunc nobiles, nunc ple-  
beios; arguens, obsecrans, increpans, & in  
regnum Dei omnes inferre festinās. Qua-  
si omnium mater esset, sic omnium vtili-  
tati prospiciebat & salutē. Cōuiuantibus  
& secum conuescentibus honestissima se  
dispensatione conformabat. Erat enim in  
mensa hilaris, sed modestus, & lætus, vt  
scri-

*Id. it. 16. 14.*

scribitur, *secundum faciem sanctorum*. Si quando musici interessent solennibus conuijs, tunc quàm maximè studebat grauitati, sese ad interiora traducens, ne sensus exteriores blandior me'odia mulceret. Inter prandendum, Martyrum passiones, & gesta Sanctorum, ac Doctorum scripta, sibi iubebat recitari. Diuinum officium die noctuque horis statutis, deuotissimè exolvebat: quas nec propter quascunque ægritudines, vel occasiones præterire patiebatur, aut præuenire. Psallebat ipse cum psallentibus, eos autem, qui vel neglectè vel properanter psallere cupiebant, voce terribili castigabat. Vicissitudinem quoque standi ac sedendi inter psallendum obseruabat. Et licet multis corporis passionibus laboraret, febre & iliakis doloribus, nunquam tamen officio suo defuit: quin vel Ecclesias dedicaret, vel Ordines conferret, vel aliquod opus pietatis impleret. Et hæc operans, sæpe vsque in seram noctem ieiunus remanebat. Cæteri, qui secum erant, sani lassabantur, ipse verò ægrotus omnia perferebat. Tantus illi inerat amor Dei, & cura proximi, vt & se propter hæc ipsa despiceret, DIONYS. Oper omnia virum virtutis, qui nihil pro cuiuscunq; salute negligendum putauit: *omnibus omnia factus, vt omnes Christo lucrifaceret.* 1. Cor. 9. 19.

QUAM



QUAM BENIGNVS FVERIT IN  
pauperes & leproſos.

**B**ASIL. At nunc quis dignè commen-  
det dulciſſima pietatis viſcera, quæ in  
pauperes miſeros, ac leproſos, Hugo mi-  
tiſſimus exhibebat? Erat enim munificus;  
& profuſus nimis, in omnes pauperes &  
miſerabiles perſonas. Inuitabat ſæpenu-  
merò ad prandium leproſos pauperes tre-  
decim, eoſq; optimis ferculis opiparè ſa-  
ginabat. Et factò prandio ad cameram ſu-  
am eoſ vocans, coram paucis arbitris pe-  
des eorum ſuis manibus ſumma cum de-  
uotione abluens, eoſdem tergebatur, & oſcu-  
labatur, datiſq; inſuper nummis, lætos, &  
à ſe benediſtos, ad propria remittebat. E-  
rat reuera videre mirabile, virum ſacra-  
tiſſimum ſpargentem ſua viſcera in lepro-  
ſorum horum obſequium. Nam quos vi-  
debat præ cæteris ampliori lepra corro-  
ſos, putridos, deſpicabiles, hoſ ille cum  
lachrymis complexans, ac reuerenter  
deoſculans, ſolabatur, & vt ſuas calamita-  
tes patienter ferrent, precabatur. *Vos eſtis,*  
*inquit, roſæ paradifi, vos eſtis lapides pretioſi,*  
*quos in ſuo diademate Chriſtus inferet in æternũ.*  
Hæc dicens, ac ſi Chriſti Ieſu vulnera con-  
trectaret, putrida eorum membra, & te-  
trum foetorem exhalantia, plorans & mi-  
ſerans

*quibus ver-  
bis conſolari  
leproſos ſit ſo-  
litus.*

ferans confouebat. Habebat præterea in Diœcesi sua plurimas mansiones leproso-  
rum, ad quas accedens cum paucis, in me-  
dio eorum, qui elephantiaci erant, reside-  
bat, quos & verbis optimis, & muneribus *quæ benig-*  
recreabat. Et quos cernebat atrocius iam *ius fuerit er-*  
tabe confectos, hos diutius suauiusq; suis *ga leprosos.*  
ad se vlnis constringebat. Quasi Christum  
flagris lacerum, in suum reciperet sinum,  
sic hos, & aspiciebat oculis, & manibus at-  
trectabat. His enim uerò, & cæteris pau-  
peribus, præter illa, quæ secretius eroga-  
bat, tertiam omnium prouentuum suo-  
rum partem miserator impendit. DIO-  
NYS. Ad lacrymas me mouit hic sermo  
tuus. Reuera opus hoc, opus magnæ pie-  
tatis, magnæ dulcedinis, & Christum &  
Christi membra plurimum diligentis. O  
felices Hugonis oculos, quos auerterat  
Deus, ne viderent vanitatem exteriorem,  
vt internam plenius caperent veritatem.  
Non leprosi carnem, sed Christi imagi-  
nem cogitabat, atque ideo eos & rosas, &  
gemmas, & Dei margaritas appellabat.

## CAPVT VIII.

QUAM DEVOTVS FVERIT ERGA

*Eucharistiam, & omnium sepulcrum.*

ASILIVS. Audisti deuotionem hu-  
ius viri beatissimi erga pauperes & ele-  
phantiacos; nunc superest, vt quam fuerit  
erga

*Veritas Cor-  
poris Christi  
in Eucharistia*

erga Eucharistiæ Sacramentum, & mortuorum sepulturam deuotus, libenter auscultes. Cùm vno dierum hic Præsul noster vt quotidie solēbat, Missā celebraret, quidam è Clericis, qui tum aderat, cui & cordis oculos aperuit Deus, vidit inter castissimos Hugonis digitos, speciosum forma præ filiis hominum, in specie paruuli infantis, & suo Pontifici arridentis contineri. Erat verò idem puer permodicus; sed diuino quodam splendore atque candore, super solem longè serenissimus. Is autem, qui hæc vidit, mira deuotione succensus, & plurimum compunctus, tempus illud consummauit in lachrymis. Rursum autem vbi Hostiam Præsul super calicem leuauit, vt frangeret, sub eadem, qua prius imagine, natum de virgine IESVM Dei Filium felicibus oculis meruit contueri. Tanta semper fuit huic Patri, sancto erga Dominica Sacramenta cordis deuotio, quod neque maxima iactatio, neq; morbida valetudo ipsum à diuinorum celebratione potuit cohibere. Hinc factum est, vt vir sanctus quotidie sanctior fieret, & semper seipso melior, & apud Deum, & in Deum proficeret, & Deo tandem inseparabiliter inhaereret. **DI O N.** Hinc quoque (vt credo) singularem, qua præditus erat, cordis munditiam, & insuperabilem con-

constantiae cæterarumq: firmitatem virtutum obtinere promeruit. BASIL. Optimè credis. Nam præter hæc, multa illi reuerenda, cœlestium & spiritualium rerum secreta, per hoc ministerium Altaris reuelata noscuntur.

Nunc qualis fuerit erga sepulturas mortuorum, operæpretium est audire. Ibat enim vir misericors passim ad vniuersos, qui obierant, humandos. His cum summa alacritate, si pauperes erāt, & luminaria, & necessaria omnia tribuebat. Per oēm Diocesim suam inhibuit Pastoribus animarū, ne ipso præsentē quenquam adultum præsumerent sepeliæ, nisi dum ipse adesse omnino non posset. Inter equitandum, si funus fortè humandū vspiā aspexit, confestim ab equo desiliit, & orans deuotius, sepelienti se iunxit, aut ipse metiēpe iuit. In magnis plerūq; cōsistēs vrbibus, tæsedulus sæpē insepeliēdis mortuis operā impēdebat, vt potētes viri, qui cū eo pransuri erāt, tædio affecti, quererentur, quòd ipso hæc agente, ad consuetam prandij horam non occurreret. Apud Rothomagum constitutus Hugo, à Rege Angliæ Richardo, & olim ab eius genitore rogatus ad conuiscendum, non ante voluit ad Palatium venire, nisi adessent, qui poterāt sepeliri. Vrgentibus verò ministris curia, vt accelera-

*In sepeliendis mortuis, quāpiè sollicitus exstiteris.*

G

ret

ret ad Regem, moras ægrè ferentem, ille  
 nil festinantius agens, dicebat: *Non opus est.*  
*ô fili, ut nos Rex ad prandium expectet, vescatur*  
*in nomine Domini.* Et ad suos familiares,  
 conuersus: *Melius est, inquit, ut Rex terrenus*  
*absq; nobis prandeat, quàm mandatum æterni*  
*Regis nostra humilitas inexpletum relinquat.*  
 DION. Hanc sepulturæ tam pertinacem  
 instantiam non memini me in aliquo vſ-  
 piam Sanctorum, præterquam apud To-  
 biam reperisse. Hic quoq; & prandiū suū  
 sæpe relinquebat, & ibat spelire, quos in  
 platea iugulatos inuenerat.

Tob. 2. 4.

## CAP. IX.

## DE MIRACVLIS SANCTISSIMI

*Patris Hugonis in vita.*

**B**ASIL. Nūc reor non me inimportunum  
 tibi futurum, si signa & prodigia huius  
 beatissimi viri breui fuero compendio  
 profecutus. Honoremus ergo eum nostro  
 sermone, quem Dominus multa miracu-  
 lorū claritudine duxit honorandum. Hic  
 dum circa gregis sui curam vigilans, suam  
 sæpe Dicecesim peragraret, in vna villarū  
 occurrit mulier mœsta & lachrymosa, in-  
 fantulum vlnis complexum tenens. Et  
 procidens ad pedes almi Pontificis, tu, in-  
 quit, ille es, quem meus frater, Domino  
 reuelante, in somnis vidit huc hodie ven-  
 turum, & puerum hunc meum ocyus cu-

ratu-



raturū. Nunc igitur miserere pereūtis par-  
 tuuli, miserere & morituræ matris. Cumq;  
 Episcopus peteret, quid mali contigisset  
 infantulo, illa respōdit: Vide Domine mi,  
 quantū guttur omne huius intumuit. Ante  
 hos paucos dies hic meus infantulus par-  
 tē laminæ candentis cūm reperisset, nesci-  
 ens quid esset, ori immisit: quæ in guttur  
 descendēs, nulla potest arte extrahi. Mis-  
 sus igitur huc à Deo tuo, restitue matri fi-  
 lium in supremo iā funere constitutū. Tū  
 ille, vt erat clementissimus, manu sua san-  
 cta guttur leuiter attrectauit, & insufflans  
 ori eius, benedictionē impressit, ac sanum  
 alacréq; constituit. Repēte enim puer fer-  
 rū cum sanguine euomuit, & sumpto cibo  
 refocillatus est. Per aliam viam transitum  
 facienti, oblatus est homo ferreis nexibus  
 irretitus, qui à dæmone obsessus, furorem  
 vocibus atq; oculis intentabat. Erat enim  
 terribilis aspectu. Rogant cognati Episco-  
 pum, vt eum vel benedicere dignetur. Ille  
 motus orantium vocibus, ab equo descē-  
 dit, & aqua benedicta miserum, qui por-  
 recta ē faucibus lingua se deridebat, asper-  
 sit: & lecto Euangelio Ioannis, benedixit  
 homini, & abscessit. Confestim cœpit e-  
 nergumenus dormire, postq; euigilans  
 meritis diuini Patris plenissimè est libe-  
 ratus, & multis postea annis incolumis vi-  
 xit.

*Puero graui-  
 ter periclitan-  
 ti, opem fert.*

Extruxit hic Pater noster magnis impensis & opere præclaro matricem suam Ecclesiã, & à fundamentis penitus innouauit. Ad hoc opus ipse, vt erat humillimus, accepto cophino, calcẽ cementarijs in humeris deferabat: idq; frequentius actitabat vir humilis & sublimis. Vidit istud vir vtroq; latere claudus, vidit, & plurimum mirabatur: & cupiens ipse, licet nõ posset, Episcopi sui vices agere, multis precibus egit, vt cophinũ ipsum portare posset. Mirares, & hæcenus inaudita. Accepit ille gestatoriũ, & duobus innixus baculis reptans & gemens, sementa, vt potuit, inferebat. Mox cœperunt merita sanctis Pontificis operari. Nam post breue tempus, bacillos vtrosque reiiciens, integer, sanus, & erectus latomis ministravit: mirantibus vniuersis, & Præfulis sui virtutes in sydera attollentibus. Super aurum hic vir suum semper cophinum adamauit, quem & penes se, quoad vixit, cum honore detinuit. **DIONYS.** O humilitas virtus Christi, quæ dum in Hugone resplenduisti, abiectissimæ humilitatis hominem erigere meruisti. **BASIL.** Cuius quidam Lincolnienſis raptus à dæmone, in tantam furoris amentiam venit, vt ferreis nexibus cõpeditus, vix à bis quaternis hominibus posset detineri. Tandem in Ecclesiam ad

san-

sanctum præfulem pertractus est. Orant lachrymantes, vt dignetur hominis miserari misereri. Tum statim flexus, iubet dæmonem à Dei plasmate discedere, nec vltcrius vexare, quem Christus sanguine redemit. Hoc dicto, repente æger in terram decidit, ita vt & mortuo similis videretur. Deinde aqua sancta perfusus, & Cruce consignatus à Pontifice, repete surrexit sanus, & alacris, & palmas ferro vinctas attollens ad sydera, in hæc verba prorupit: Tibi mitissime Saluator Deus, & tibi Domine Pater Episcopo, gratias ago, qui me à tam dira peste ocys liberaftis. Et cum supplices illi ac vinctas manus porrigeret, solutus est, liber domum reens, qui nodatus exierat.

Duos filios vna mater habebat; Horū primus grandem in dextro latere tumore cum gereret, nō procul à morte distabat. Alter icteritiam passus, malè admodum se gerebat. Hos mater vnum post alterum beato Episcopo præsetauit. Ille sacra manu tumorem tangens, ac bendicens, omne citius molestiā abegit: ita vt ne vestigiū quidem vlceris appareret. Alterum verò puerum cum signo sanctæ Crucis communisset, infra triduum ictericiam, redita sanitate, procul abegit.

Habuit præterea in sua Diocesi mulierem,

erem, quæ nocturnis congressibus ab incubo dæmone incredibili vexabatur libidine. Hunc cùm primùm mulier spõte ad turpissimos concubitus admisisset, postea cū ab eo cuperet liberari, non potuit. Nulla illi Cõfessio, nulla Cõmunio, nulla parsimonia, ab iinpuro oppressore remedia afferebant. Tandem beatissimo Patri suâ miseriam cum lachrymis pandens, ipso Deū deprecate, à probrosa seruitute mulierẽ eripuit, & castitatis munus impetrauit. Tum dẽmon, vt sacra viri sancti merita obfuscaret, vt vidit interdictam sibi coeundi licentiam, venit ad mulierẽ informa alterius dæmonis, & dans mulieri herbã, quam Græci ypericon vocitant, Latini autẽ herbam perforatam: accipe, inquit, ô mulier, hanc herbã, quam cū penes te habueris, incubus huius virtute pulsus, nõ tibi poterit propinquare. Dico. O fraudes malignas hostis tartarei. Habet quidem hæc herba (vt volunt medici) virtutẽ pellendi dæmones, sed eam nunquam mulieri dæmon ostendisset, nisi vidisset, se precibus pij Patris excludi, vt hoc pacto mulierem doceret, non Pontificis se meritis, sed herbæ viribus liberatam. BASIL. Erat quoque non longè ab Lincolnia vrbe mulier, quæ spiritum pythonicum gestabat in ventre. Hęc, accepto pretio, furta & oculta

*Vide animad-  
versiones.*



culta scelera sciscitantibus reuelabat, eratque admodum procax, & ceruicosa. Adducta autem ad virum Dei, sacris eam precibus incantauit, & dicto citius, dæmoniū ab ea compescuit. Hæc pauca de pluribus. Ex his, quæ nunc diximus, satis potes aduertere, qualis fuerit in reliquis, quæ breuitatis causa præterimus.

## CAPVT X.

QUOMODO VVITHAMIAM SVAM  
*solitus fuerit reuifere.*

**L**Iæ operibus intentus, sæpe suæ Rachelis Hugo gemens recordabatur. Hinc factum est, vt crebrò ad suam VVithamiā secederet, gratia quiescendi. Licet enim semper, & omni loco Deo esset intentus, (quippe quē interno gestabat cordis domicilio) liberius tamen apud suos Cartusianos dilecti sui amplexibus fruebatur. Manebat illic more aliorū in cella solitaria: quæ semper ei ad hoc seruabatur. In qua assiduè orabat, psallebat, somno quoque se ciboq; reficiens. Inde ad publicum subinde, vt salutaret, aut fratres, aut aduētautes, egrediens; ex consortio sermonum Dei, \* cornutā, instar Moyfi, faciem gere-re videbatur. Sermo quoq; eius, vt ignis ardebat, quo audientium corda succendebat in Deum. Et verba sua iuxta qualitatē personarum cum moderari nosset, sapien-

*Exod. 34. 29.*

*\* Non sunt  
hæc literaliter  
intelligenda.*



pientiam tamen loquebatur inter perfectos. Hoc in eo erat considerasse iucundum, ut quotiescunque dilectæ solitudinis regionem intraret, nitor quidam hilaris, colore rubicundo perfusus, faciem eius totam serenare consueuerat. Inter fratres existens, nihil gestabat præter annulum, quo præ cæteris posset Episcopus æstimari. Pellica veste opertus, ibat ad chorum, & ad refectorium cum fratribus, & \* panes, Dominicis diebus, ad ostium refectorij accipiebat, ut cæteri. Celebrabat quotidie deuotissimè, Capellano suo, & sacrista præsentibus. Omni die Sabbati (præter illas, quas assiduè faciebat) purissimæ Confessionis lauacrum frequentabat. Sic Hugo noster suos alebat VVithamienses, verbo & exëplo iustitiæ, ne in arrepto torpescerent proposito sanctitatis. Nā fortes exhilarabat, infirmos roboraret, vacillantes stabiliebat, stabiles verò ad sublimiora prouehebat. Hic beatissimus, circa terminū suæ vitæ, dulcem suā Cartusiā venit reuisere per lōga terrarū & maris spatia, æquore iactatus & vndis. Ingrediens itaq; sanctā domum vir humilis & sublimis, cū indicibili honore, gaudio, & amore omnium susceptus est. Flebāt omnes vbertim præ lætitia, & ipse quoq; lachrymans, & cunctis se deuotè prosternens, super

*Insignis eius  
humilitas.  
+ Viget hæc  
consuetudo  
etiamnum in  
Ordine Cartu  
siensi, ut die  
bus Domini  
cis, post cæ  
nam & pera  
ctas in Eccl.  
si gratias,  
tanquam Chri  
sti mendici,  
ad Refectorij  
ostium, panes  
singuli recipi  
ant.*

per colla plorabat singulorum. Nouus illis sol oriri visus est, in aduentu tam dulcis Patris, tam suavis amici, tam amantissimi patroni. Ille post dulcia colloquia Scripturarum, largissimis eos eleemosynis, & muneribus tanto Præsule dignis, cunctos opprimè recreauit. At ubi satis suam eis præsentiam indulgit, non sine suo, omniumque mœrore, ad suam sponsam regressus Lincolniam, summa ab omnibus expectatione & honore susceptus est. DIONYS. Magnifica sunt & præclara omnia, quæ in huius viri laudem prosequeris. Sed perge ulterius, nam libenter tibi aures accommodo.

## CAP. XI.

## DE PRUDENTIBVS RESPONSIS

*eius, & quadam eius opera mirifica.*

**B**ASIL. Sicuti Hugo noster fuit sublimis miraculorum signis, ita in verbis, & responsis eius gratia magnæ prudentiæ ac sapientiæ refulgebat. Ex quibus pauca commemorare, operæ pretium duxi. Cû fratribus prandens in refectorio, hortabatur, ut oculos haberent in menta, manus in scutella, aures ad librum, cor ad Deum. Monachos, & conuersos fugitiuos ab ordine, admodum inuitus recipiebat, dicebatque; Cauendum est semper nostro Ordini ab leuium instabilitate palearum;

G 5      insta-

instabiles & vagos, paleis similes assignans. Vno dierum, cum Episcopus sederet inter fratres vir quidam in seculo quodam sublimis, & iam Monachus, quæsiuit ab Hugone conditiones pacis initas inter Angliæ & Franciæ Regem: Tum ille leniter illum corripiens, & si, inquit, ad Episcopum pertineat forsân rumor non est, seculi res dicere, ad Monachos tamen eos non spectat audire. Et vertens sermonem, de Deo cœpit magnificè loqui. Libros diuinos summo dicebat opere acquirendos, custodiendosque: *His*, inquit, *pro delicijs utimur ac diuitijs tranquillo tempore, his bellico in procinctu pro telis & armis; His in fame pro alimonia, his in languore pro medela, his religiosis omnibus, maximè autem solitarijs viris utendum regit.* Incathedratus autem in Ecclesia sua, & Cantuariensi Archidiacono solenne ex more donatium postulanti, ita respondit: *Quantum pro mitra dedi, tantundem & pro cathedra dabo.* Vno hoc verbo simoniacos feriens, qui mitras & cathedras aut vendere pecunia, aut emere non pertimescunt. Tanta semper reuerentia & amore est habitus, apud matricis suæ Canonicos, ut semper illi deferrent, quicquid eis aut diceret aut opere exequeretur. Sum, inquit, reuera pipere asperior atque mordacior, qui fratrum meorum præsidēs capitulo,

*Monachorum non est, seculi res dicere, ad Monachos tamen eos non spectat audire. Et vertens sermonem, de Deo cœpit magnificè loqui. Libros diuinos summo dicebat opere acquirendos, custodiendosque: His, inquit, pro delicijs utimur ac diuitijs tranquillo tempore, his bellico in procinctu pro telis & armis; His in fame pro alimonia, his in languore pro medela, his religiosis omnibus, maximè autem solitarijs viris utendum regit.*

pitulo, ex re facili frequenter inflāmor ad irā. Illi autē scientes, quia oportet quālem me susceperunt, talē & sustinere, faciūt de necessitate virtutē, & libenter deferūt mihi. Gratias illis habeo, nunquā vel in vno sermone restiterunt mihi, sed finito capitulo licet asper illis fuerim, nullus de nostra sibi existimat dilectione diffidendū: nec æstimo me à quouis eorū non amari. Talē semper se Hugo per amorē gessit ad suos, vsq; ad mortem: vt illud merito huic adaptari possit: *cum dilexisset suos qui erant in mundo, in finē dilexit eos.* Quorū etiā tuitioni, si quē molestijs viderat prægrauari, ita se opponebat, vt & verbo & facto diceret:

*Qui tangit vos, tangit pupillā oculi mei.* D I O N. *Ioan. 13. 1.*  
O egregium per omnia pastore, qui amat *Zach. 2. 8.*

tam feruenter cū Petro oues Christi. Non est iste mercenarius, non fugit accurrente lupō, sed stat robustus præliator in die Domini. B A S. Hinc factū est, vt gregi suo timere nō norit, nec et sibi ipsi. Audi quid super hoc de se ipso testetur: Noui, inquit, me cū filijs meis bonū vnitatis, & pacis tētatius obseruare: ideo nec regē timeo, nec quenquā mihi mortalē timendum existimo: Alioquin internam securitatem perdo, quæ sempiternę imitatrix existit tranquillitatis. Multā pecuniariam, à delinquentibus suos officiales vetabat accipere.

• Nolo,

Deut. 16. 19.

Nolo, inquit, pro peccatis hominum munera capiatis, ne occasio vobis, detur auaritia, aut ne pro munere opprimatis infantem, aut fontem in suis sceleribus foueatis. Munera enim excœcant oculos sapientum, & subuertunt verba iustorum. Cumq; sui responderent, plus terrere improbos pecuniæ dispendium, quam excommunicationis probum, ille respondit; *Vestra, id est, negligentia tribuendum, qui remissus vos geritis in coercendis delinquentibus.* Nam (heu dolor) multo estis studiosiores ad petendam pollicitam pecuniæ taxationem, quam vt iniunctam impleant satisfactionem. Illi autem cùm dicerent, sanctum Thomam Cantuariensem Episcopum à delinquentibus sumpsisse multas. *Credite, inquit, mihi, non ideo ille sanctus fuit. Alia eum virtutum merita sanctum exhibuerunt, alio certè titulo eimeruit palmam martyrij.*

Immunitatē  
Ecclesiasticā  
acriter pro-  
pugnat.

Privilegia Ecclesiæ suæ, vt S. Thomas, pertinacissimo semper defendit obiecta. Absit, inquit, vt patiar à quacunq; sublimi persona ecclesiastica libertatis privilegium infringi. Non finā ius Ecclesiæ dominæ meæ MARIÆ Virginis, quātum in me est, aliquatenus deperire. Obseruabat quoq; inuiolabiliter ne his qui ad sua beneficia nō residebant, aliqua abundātia largiretur; Sicut inquit, scriptum est, a non alligabis os boui, trituranti, ita qui à altario non deseruit de altario

a Deut. 25. 4.

b 1. Cor. 9. 13.

non



*non participabit. Et sicut oportet laborantē ca-* c 2. Tim. 1. 6.  
*gricole de suis fructibus percipere, ita qui non d* d 2. Thess. 3. 8  
*laborat, non manducet.* Hic cū esset Parisijs,  
 venit ad eum quidam magnæ scientiæ  
 Theologus, dicens illi, Gloriosam, domi-  
 ne Episcopo præcunctis totius orbis Ec-  
 clesijs, vestrā exhibuistis Ecclesiam, infig-  
 nium multitudine clericorū. Esset mihi  
 quoq; delectabile, eorū numero vel qua-  
 licunq; titulo sociari: Cui statim S. Episc.;  
*Et nos, inquit, te libenter illorū numero iungere*  
*curabimus, si inter eos volueris residere, & si sic*  
*ipse deinceps vivere decreueris, sicuti hætenus*  
*docere curasti.* Volo, inquit, ut scientia tua æquis  
*passibus mores tui respondeant.* His auditis,  
 Doctor erubuit, & abiens, vitam in reli-  
 quum instituit meliorem. Libenter cōfe-  
 rebat sanctus Præsul beneficia modestis,  
 pijs & doctis hominibus. Eos verò qui ta-  
 les non erant, nec præce, nec nobilitate,  
 nec paupertate aliquatenus admittebat.  
 DI O N. Vtinam nostri temporis Præsules  
 ad eā mentē induerent: Nunc autem vir-  
 tute, scientiaq; reiecta, eos etiam ignauis-  
 simos promouent; qui blanditijs, qui pe-  
 cunijs, qui nobilitatē generis vim faciunt.  
 BASIL. Tantæ quoq; erat humilitatis, ut  
 nunquam de bono se opere, vel modicè  
 attolleret: semper istud verbum corde &  
 ore sonans, Bona, si quæ ex dono Dei in  
 me

me sunt, meo reatu fit, quod pura satis nō procedunt. Mala vero mea, non alia quam pura esse mala noscuntur. Cū aliquādo diceretur sibi, sanctum Hugonem Gratianopolitanum Præsulem, nullam vnquam suæ Diœcesis fœminam, præter vnā in facie cospexisse, ille respondit: *Ego certè fœminas omnes indifferenter aspicio, sed mox vniuersas excorio.* Quod quidem ideo dicebat, quia exteriorem pulchritudinem non curabat, sed intrinsecus latentem attendebat corruptionis fœditatem. Quidam cū nimium de sua morte anxius esset, & sanctū super hoc Præsulem consuleret, ita respondit: *Da operam vt benè viuas, & cura vsq; ad mortem, pietatis insistere operibus, mortis autem tuæ curam Deo relinque.* Illi enim cura est de nobis; Erat hic primum vir admodum liberalis, & ideo vbicunque hospitio se recepisset, presbiterum parochialem, & suos etiam ministros, ad suam semper mensam inuitari iubebat. Et dicebat iucundo vultu ad suum dapiferum. Scriptum est, *ô, fili, non deferēs Leuitas, qui intra portas ciuitatis tuæ sunt.* Quodam tempore cum venisset in villam quandam, *Ioy*, nuncupatam, fecit sacerdotem vocari, vt secum cœnaret. Ille veritus cum tanto Pontifice epulari, non quidem tunc venit, sed post cenam occurrit salutare eum, & vt san-

Deut. 12. 12.

ibid. 7. 19.

sanctis eius precibus se commendaret: dixitq; adeum multa verecundia. (Erat enim vir grandævus, & corpore marcidus, sed reuerendus aspectu) *Cum essem* (inquit) *iuuenis ordinatus infidante Sacerdos, Diabolo, in grauissimum crimen collapsus sum.* Corde itaque & corpore pollutus, non sum veritus sine pœnitentia, viuifica tremenda altaris Sacramenta consecrare, contingere, ministrare. Et ecce die quadam, cum in altari hostiam, verbis, ore Christi prolatis, consecrarem; cœpi mecum tacitus cogitare, & perfida mente reuoluere, an ego tanti criminis reus, etiam veraciter consecrassem. Credebam namque, infelix & amens, Christum in altari non esse, nec candorem lucis æternæ ad me tenebrosum descendere voluisse. His cogitationibus tristis occupatus, veni ad id, vbi erat hostia trifariè partienda, quam vt per medium fregi, mox cruor liquidissimus effluere cœpit. Dehinc pars vna in carnis speciem subitò est conuersa, altera autem ita cruore maduit, vt primam partem, quæ caro videbatur, rubore sanguineo perfunderet. His visis, totus dirigui præ timore, & perditio mentis consilio, quicquid de ipsis Sacramentis manibus tenebam, in sacrum mox calicem decidere permisi. Erat tunc videre

*Habet etiam  
hoc exemplū  
auctor vitæ  
apud Suriū,  
cap. 27.*

dere ibi, quod & in præfenti tempore cernitur, cunctis sæculis stupédum nimis miraculū, vinū scilicet in sanguinem, & panem in carnem media sui parte conuersum, rem pariter Sacramenti, & formam, significans, & significatum, sub genina specie manifestè præferre. Ad hæc magna lia videnda accurrunt vndique homines, qui procul, & qui circum nos habitant. Cumque hortaretur, Episcopum Hugonem, vt hæc veniens, dignaretur aspicere, omninò contempsit. Cumque sui rogarent, vt cum ipsis vna accederet, non acquieuit, dicens; *Quid ad nos ista pertinet? Habeat ipse secum in nomine Domini signa infidelitatis sue.* Non miramur particulares imagines huius diuini muneris, qui totum integrumque hoc cœleste sacrificium quotidie intuemur fidelissimo aspectu inentis. Quid necesse est illius Sacramenti exiguis portiunculas attingere visu corporeo, qui totum internis fidei obtutibus, luce clarius intuemur? Hæc dicens curiositatem suorum redarguit, & in fidei soliditate roborauit, dicens; Multò certiora sunt quæ fides sancta præscribit, quam ea quæ lux ista visibilibus ostendit. **DION.** O verbum omni veritate subnixum. Eis his liquet palam aduertere, huic beato primum concessum esse, reuelata hominis interioris

*Vtinam & hoc nostro seculo, sola fide contenti, sensibus renuntia-remus.*



ris facie, illa singulariter de hoc Sacramēto visu quodam interno perspicere, quæ nos inuilibilia docemur omnes fide purissimè credenda tenere. BASIL. Præter cæteras authoritates eius præclaras, hanc vnā seriò dicere solebat; Authoritas, inquit, & ratio certa præscribunt, nunquam debere per obedientiam malum fieri, cum debeat interdum propter obedientiam, bonum omitti; Cum tempore quodam territorium sancti Albani esset ingressus, ecce occurrit ei cum apparitorum in turba quidam, ob furta damnatus ad suspendium. Cumque omnes accurrerent ad benedictionem Pontificis, ingressit se etiam vi qua potuit & reus ille. Ruensq; ad ceruicem caballi eius, ac statim sub pedibus eius percidens, misericordiam flebilibus vocibus inclamabat. Tunc Episcopus agnoscens qualis homo esset, & quid peteret, alacri voce dixit. Eia benedictus Deus. Tunc ait apparitoribus. Redite nobiscum in villam, & mihi istum scelerosum dimittite, & iudicibus vestris dicite, me hunc abstulisse vobis. Ego securos vos faciam. Illi pressi reuerentia almi Præsulis, dimiserunt eum. Quem mox solutum vinculis, & lætabundum suo eleemosynario commendauit. Ingressus hospitium, rogāt eum ministri sui ac clerici, vt reum

H iudici-



iudicibus damnandum dimitteret, timen-  
tes ne Rex, qui iam Hugoni infensus erat,  
ex hoc facto grauiores irarum causas as-  
sumeret. Quibus Hv G O. subridens, ô,  
inquit, præclaram vestræ magnanimitatis  
constantiam. Et vocans ad se iudices, no-  
stis, ait, ô viri prudentes sanctæ matris Ec-  
clesiæ generalem prærogatiuam, vt om-  
nem reum qui ad se confugerit immunem  
præstet? Nouimus, inquit, Domine Pa-  
ter. Tum ille. Si id, inquit, nostis etiam  
scire debetis, quod vbicunque fuerit Epis-  
copus cum suis Christifidelibus, illic &  
Ecclesiam esse. Qui enim materiales Ec-  
clesiæ lapides, qui & lapides viuos, vt  
CHRISTI templa fiant, sanctificare ha-  
bet, iure debet, vbicunque fuerit, Ecclesiæ  
dignitatis priuilegio gaudere, & pericli-  
tantibus iuxta illius formulam subueni-  
re. Assentiunt iudices, & verissima esse  
quæ dicit, vtrò profitentur. Orant ta-  
men, vt suo interuentu agat, ne ipsi apud  
regem periclitentur. Rectè, inquit, lo-  
cuti estis. Ego istum de manibus vestris  
tollo, pro qualibet violentia vbilibet re-  
spondebo. Et concito gradu pergens  
Londinum, vt super hac re regem conue-  
niret, reum liberum illic abire permisit,  
gratias maximas Præfuli agentem, & vi-  
tam iam in melius se acturum ex animo

pollicentem. Veniens autem sanctus Pater in Palatium, locuturus Regi, qui tunc illic non erat, inuenit principes ac proceres regis sedentes ad statarium, & pariter colludentes. Tum orat eos Præsul, ut *Forse scacharium, sicuti libro 4 ca. 10 ad marginem.* super hoc facto, alijsque, pro quibus illi rex esset infensus, Regem placarent, & indemnem se ac suam Ecclesiam conseruarent. Qui omnes reuerenter ei assurgentes, & quod petierat obtemperanter se facturos pollicentes, compulerunt eum multis precibus, ut secum vel ad momentum resideret. Quibus ille vix acquiescens, tandem sedit. Vnde illi exhilarati iam, inquit, triumphanter gaudere valebimus qui diem vidimus, quo ad Regis scacharium Lincolnienſis sedit Episcopus. Ad hæc ille secum erubescens, continuo surrexit: & ut erat animo prudens, osculum perrexit vniuersis dicens: *Gloriantur aulici, quod B. Hugo ad breue momentum se illorum scachario lusu sui præsentem exhibuerit.* Iam & ego de vobis triumphabo, si post libatum pacis osculum, in Ecclesiam meam quicquam admiseritis minus pacificum. Quod illius factum & dictum illi nimium admirati mutuo loquebantur, dicentes: O admirabilem prudentiam huius viri. Ecce quam de facili præscripsit nobis, ut etiam iussi à rege, non sine magno nostro dedecore, ei possimus molestias vllas inferre. Quibus ille

benedictione data recessit, & regem adire disponens, post eū in Normanniam transfretauit. In hoc itinere cōstitutus, contigit vt cum Archiepiscopo Cantuariensi, qui sibi etiam erat insensus, loqueretur. Qui volens Hugonem terrere, ita dixit; Tu, o Episcopo, regem offendisti, hinc necesse est tibi ingentem pecuniæ summam colligere, qua furor possit regis extingui. An ignoras, quod vti hydropicus aquam, ita Dominus Rex sitit pecuniam? Cui sanctus subridens, ait: Planè etsi Rex multum hydropicus sit, ego tamen aquam illi non tribuo, quam deglutiat. Venit itaque constanter ad regem iratum, & inuenit eum sedentem in aula fugentem sibi ipsi digitum, quem panniculo inuolutum læsum habebat. Tum Hugo (vt erat acerrimi ingenij) volens regem à mentis superbia parumper deducere, quasi iocatus, dixit ad eum. Quàm similis es iam cognatis tuis de Falesia: Quo audito, Rex miratus Hugonis constantiam, cœpit plurimum ridere, ita vt sui proceres mirarentur. Præuentus namque tam vrbarū inuectionis nouitate, medullitus mouebatur, & conuersus ad suos ait: Num intelligitis qualē nobis cōtumeliam vir iste intulerit? Genitrix proauī mei VVilhelmi de stirpe humili & abiecta traxit originem: Fuit enim de Falesia,

lia, oppido Normannię orta, & pelliparia. Atque hic Præsul me suere digitorum irrisor aspexit, ideo Falesiensibus similem, & eorum me cognatum esse improperavit. Hæc cum lætus diceret, & omnes hic sermo mouisset ad risum, tum in pace suscepit Hugonem, & nedum iniuriam, si qua erat, donauit, sed & auctum honore & gratia secum communem habuit. DIONYS, Præclara omnia, ac laude digna sunt tum dicta, tum facta Pontificis huius, quæ & sapientiam, & iustitiam, & pietatem sapient.

## CAP. XII.

## DE DECESSU BEATI PATRIS.

**B**ASIL. Nunc superest, ut qualiter ex hoc seculo ad Dominum migrarit sanctus Pater noster, disseramus. In vltima siquidem ægritudine constitutus, sicut sæpè ante fecerat, ita tunc maximè impendit operam purè atque integrè cõfiteri, quicquid vnquam, etiam à puero in Dominum commisisset. Et non vno confessore contentus, iussit adesse quatuor præstantissimos suæ Ecclesiæ viros: nempe Decanum, Succentorem, qui ei in Episcopatu successit, & Archidiaconos duos. Coram his cum summa cordis contritione, cum lachrymarum multarum effusione, & acutissima suæ conscientiæ discussione, et-

iam vsque ad minimum suorum delictorum quadrantem, confessionem explicuit. Mirabantur hi viri tantam in Dei sancto copiam fletuum, gemituumq; nec tam exactam confessionem se vnquam audisse, testabantur. **DION.** Parumper expecta. Non sufficio mirari, tam altam, tamq; stupendam in hoc patre nostro humilitatem. Nunquam antea auditum, nunquam lectum puto, quempiam Sanctorum palam fuisse confessum in presentia testium plurimorum. Omnes vno confessore contenti, clam, non palam sua peccata Domino reuelarunt. Hic autem patronus noster, quod melius Deo satisfaceret, quod profundius erubesceret, quatuor delictorum suorum voluit testes adhiberi nouum humilitatis genus condens in semetipso. At nunc ceptum iter magis ingredi. **BASIL.** Celebrata igitur toto biduo confessione; Eucharistiam sibi obsecrat exhiberi. Venienti autem Sacramento saluifico, ille surgens è lecto, obuiam vadit, cilicio indutus, tunica & cuculla. Vadit, inquam, obuiam nudis pedibus, lachrymosis oculis, iunctis manibus, supplici vultu, compuncto corde, alta ab imo pectoris suspiria ducens. Ac tum genua flectens, & suppliciter adorans, coram tremendo sacro consuium in oratione profudit. Dehinc cepit

*Munitur Ec-  
clesiæ Sacra-  
ment.*

com-



commemorare immensa beneficia sibi, & generi humano, ab Salvatore impensa, ita inquit; Tu misissime rerum conditor Deus, tu *Vltima eius*  
 me cū non essem ad imaginem tuam condidisti, tu *precatio ad-*  
 me cum perditum essem reformasti, tu roseo tuo *modum pia,*  
 sanguine me lauisti, tuis vulneribus me sanasti, *& deuota*  
 tua me morte viuificasti & saepenumero tuo corpore delectabiliter refecisti. Hinc te laudo, te benedico, tibi gratias ago Deus meus, & culpabilem me profiteor, qui tam magnificis beneficijs tuis, nunquam, vti oportuit, me gratum exhibuerim. Tu tamen ne me deseras, auxiliator meus, sed in finem dilige, quem dilexisti. Hæc dicens amoris illi ab oculis lachrymæ decurrebāt. Refectus denique æternæ vitæ dapibus, & extrema vnctione delibutus, gratias egit vberrimas Domino Saluatori: & conuersus ad suos, serena facie & vultu placidissimo, dixit; Iam ex hac hora paruam de his morbis meis curam in pectore geram: Ei me commisi, illum suscepi, ipsum tenebo, ipsi adhærebo, cui adherere bonum est: *Psal. 72. 38.*  
 quem qui suscipit, cui qui se commisit, validus, tutus, & securus est; DIONYSIVS: O verba ignem spirantia charitatis; Satis ostendit, in suo pectore, DEVM amoris inhabitare: cuius tam suauia præconia cructuat oris oratio; BASILIVS; Admonitus vt testamentum conderet, respondit; Tades

Sic etiam au-  
 Hor vit. H-  
 gonis, apud  
 S. rium, c. 28.  
 Tom. 6.

Verba Archi-  
 eplsc. Cantua-  
 riens. ad B.  
 Hugonem.  
 Responsum B.  
 Hugonis.

me sanè, huius consuetudinis, iam passim in Eccle-  
 siam introducta: Nam quo ad animam meam,  
 nihil vnquam possedi, aut possideo quod sentirem  
 meum, sed Ecclesia, quam regendam accepi; Ne  
 tamen fiscus suo more ad se rapiat? si quid bono-  
 rum temporalium post obitum meum in Episco-  
 patu fuerit derelictum: ea omnia indigentibus di-  
 stribuenda cōstituo: Et executoribus assigna-  
 tis, orarium suum ceruici appendens, ana-  
 thematizauit omnes qui de rebus suis ali-  
 quid fraudulenter suppressere, aut vio-  
 lenter auferre molirentur. In hac tanta æ-  
 gritudine constitutus, intentissimè sem-  
 per orabat, psallebat, collaudabat: & statu-  
 tis temporibus tum diei tum noctis, cum  
 ministris horas suas deuotissimè persona-  
 bat: Hunc sic ægrotantem Archiepiscopus  
 Cantuariensis venit deuotus inuisere;  
 Dehinc post consolationem exhibitam,  
 ita dixit; Tu nosti, mi Pater Hugo, quod sæpenu-  
 mero me, qui spiritalis tibi pater sum, & Primas,  
 offenderis: hinc suadeo tibi, nūc à me veniam ex-  
 petere, & offensum oculus tibi reconciliare; Cui  
 sanctus; Dum conscientia mea secreta perquiro:  
 quod te sæpe ô Prasul prouocatum inuenio: non pu-  
 to tamen inde mihi magnoperè dolendum; Nam  
 & crebrius solito, si vita comes astaret, sub cuncta  
 cernentis Dei oculus id ipsum me facturum firmis-  
 simè propono; Sæpe namq, vt tibi morem gererem,  
 qua dicenda, carpendaq, erant, subticui: veritus

ne tu ea indignantur admitteres: Hinc Deum offendi, hinc in te deliqui, hinc supplex indulgentiam peto. DION. Quis hunc iustitiæ zelum non admiretur? Carpit suum Me tropolitani, amore omnium Christi, & dolet non se id oportunius importuniusque actitasse. Satis constat hunc Archipræsulem reprehensibilem fuisse, cui oportuit hanc correptionis censuram adhibere. BASIL. Reuera reprehensibilis, sed hunc dimittamus. Crescente ægritudine volebāt, qui illi aderant, amici, vt melius pausaret, ablatο cilicio. Quibus ille. Nolit (ait) Deus, absit vt istud fiat. Non enim lædit, sed lenit nos vestis hæc, nec tam vlcerat, quam iuuat. Incipiente iam illo propinquare ad exitum, circumstabant sui, tristes, gementes mœsti, lachrymosi. Horum fletibus motus mitissimus Pater, his eos verbis consolatus est. Nolite tantopere meam mortē lachrymari. Non enim iudicij sed gratiæ & misericordiæ dies erit: quæ ego defungar. DION. Ambrosij Episcopi vocem me hic audire profiteor. Ego inquit, illo mori non timeo, quia bonum habemus Dominum, prestabilem, mitem, misericordem. At noster sanctus pari spiritu de Christo sentiens, non seuerum iudicem, sed misericordem se Dominum habiturum pollicetur. BASIL. Dehinc ab amico hortatus, vt (quæ multo tempore

*Non vult sibi  
agonizanti auferri cilicium*

*Consolatur  
suos, dolentes  
de sua emigra-  
tione.*

*Admirandi-  
cin hincera  
habueris.*

*Psalm. 90.*

*Luc. 9.  
Feliciſſimè  
obdormit in  
Domino.*

ordinarius fuerat & delegatus iudex plu-  
rimorum) debite confiteretur, si in his of-  
ficijs aut negotijs quid minus recte fecis-  
set, respondit verbum auditu dignissimū,  
dicens: *Odio, seu amore, sed nec spe quidem, vel  
timore persona, aut rei cuiusquam, nunquam à  
veritate iudicij me scienter exorbitasse recordor.  
Si autem iudicando deuiavi à recto, hoc propria  
ignorantia crimen fuit.* Ingrauescente iam æ-  
gritudine, iussit parari quæ funeri erant  
oportuna. Et circumspiciens filios suos  
lachrymantes, supplici voto eos Domino  
commendauit. Et recordatus sponsæ suæ  
Ecclesiæ, Dominus, inquit, *Pastorem ei prou-  
deat commodè profuturum.* Dehinc nudato  
pauimento, in modum crucis benedictos  
cineres asperferunt. Quos ille digitis ecō-  
trabenedicens, demisso capite, cineribus  
impressam crucem adorauit. Illo super ci-  
neres iam iacente, & cæteris completori-  
um psallentibus: cum verò ventum esset  
ad illos psalmi versiculos, *clamaui ad me  
exaudiam eum, cum ipso sum in tribulatione, eri-  
piam eum & glorificabo eum,* vultu placidissi-  
mo spiritum sensim colligebat: quem tūc  
in manus conditoris sui tradidit, cum  
psallentium chorus canticum Simeonis  
recitare cepit. Videns enim beatis oculis  
salutare Dei, in pace dimissus, abiit ad pa-  
cem; & intrauit fidelis seruus in gaudium  
Domini.

Domini Domini fui. DION. O obitum  
 felicissimum, quo de morte transijt ad  
 vitam. Nunc verissimè illud probatum  
 est, nempe, diem mortis suæ, non illi fuisse  
 iudicij diem, sed gratiæ, & misericordiæ  
 inuentricem. Præstante Domino IESU  
 Christo, cui est cum patre & spiritu sancto  
 gloria & imperium, Amen.

## CAP. XIII.

DE SEPULTURA BEATI PATRIS, ET  
*miraculis eius atq; prodigijs.*

BASIL. Hoc sacro Pontifice iam trans-  
 lato ad Patrem luminum, incredibile  
 est, quantus per totam Londoniarum vr-  
 bem) illic enim mortem subiit) luctus au-  
 ditus sit, vlulatus & fletus. Diuites consul-  
 torem, pauperes se Patronum perdidisse  
 querebantur. Defunctus aut reuerendissi-  
 mus Præsul, vitro purior, lacte candidior,  
 rosis vernantior, multis hominū millibus  
 est palā demonstratus. Conditū autem a-  
 romatibus sacrum corpus, à Londonijs ad  
 Lincolniam cœptum est transferri. Cle-  
 rus vero & populus omnis Londoniarum  
 crucibus, cereis atque carminibus sacris  
 venerandas exuias profecuti sunt. Per  
 oppida, agros & villas vterque sexus ob-  
 uiam proruit, & feretrum tetigisse, pal-  
 ma suprema fuit. Sed audi, quæso,  
 quod nunc dicturus sum. Toto sextiduo  
 hoc



*Iustine mira-  
culum.*

*Vide cap. 33.  
vise apud  
Suriacum.*

hoc iter confectum est. In quo temporis  
atque itineris spatio, licet ventorum im-  
petus assurgeret, & pluuiarum, cerei ta-  
men quatuor, qui circa feretrum semper  
ardebant, nulla vnquam cœli inclemen-  
tia hos quiuert extinguere. D I O N. Hinc  
dubium non est, Dominum Hugoni pa-  
rasse lucem perpetuam, qui temporalem  
illi lucem extingui non pertulit. BASIL.  
Sub hoc itinere apparuit sanctus Hugo per-  
visum, cuidam misero, cui in geminas par-  
tes brachium fractum erat. Quod cum ille  
lenissima attrectatione tetigisset, conti-  
nuò pristinum robur recepit. At ille non  
ingratus accepti muneris, ad feretrum  
reuerenter aduenit, & gratificans suo me-  
dico, his qui aderant, mirè lætâtibus, quis  
eum sanauerit, palàm aperuit. Post hæc  
ventum est Lincolniam. Et ecce, mirabile  
dictu, accurrunt sancto funeri Scotorum  
& Anglorum reges, Archipræsules tres,  
Episcopi quatuordecim, Abbates plus  
centum, Comites, Barones, milites quam-  
plurimi, præter Anglos, Normannos,  
Francos, etiam Burgundi, Scoti, Hybernii.  
Porro reges & Archipræsules, tanquam à  
Domino missi, corpus sacrum, in hume-  
ros reuerenter accipiunt, & cum summo  
honore & laudum canticis ad diuæ Mariæ  
Ecclesiam deferunt. Dehinc defunctorum  
offici-

officium tam solenniter pro eo persolutum est, vt soli Episcopi & Archiepiscopi Lectiones legerent, & Responsorialia cantarent. **DIONYS.** Meritò his exequijs attribui potest, quod *Isaias* ante præcinnuit, dicens: *Et erit sepulchrum eius gloriosum.* Et satis *Isa. 55. 10.* credo, ideo Deum hunc famulum suum tam magnifica, & gloriosa voluisse sepultura honorare: quòd præ cæteris sanctis inuenitur in sepulturis mortuorù deuotissimus extitisse. **BASIL.** Credo equidem & ego. Sed dum hæc agerentur, accurrit miles quidam, vir admodum egregius, & multis notissimus, cuius brachium cancer ita corroserat, vt ossa, consumptis carnibus, nuda paterent. Erat enim videre miseria. Tum ille, fide plena aggressus scertrum, orans, brachium applicuit ad os iacentis Episcopi. Et ecce sub oculis omnium ita repentè brachium ipsum conuuluit, vt ne vestigium læsura posset deprehendi. Ingens clamor attollitur, & in Dei laudes voces personant populorum. Erat tum temporis *Lincolniæ* mulier, cuius filius iam grandiusculus, post longas ægrotationes, peruenit ad mortem. Quo mortuo, immò iam frigido & rigente, mater anxiosa, sancti cœpit *Hugonis* suffragia preestolari. *scio*, inquit, tanta esse beatissimi Patris apud Deum merita, vt mortuum

mihi

*Puer mortuum  
à B. Hugone  
resuscitatur.*

mihi possit filium redonare. Et accipiens  
lychnum, vt ad mensuram pueri candelam  
ceream Sancto accenderet, cœpit corpusculo  
commensurare. Mirum dictu, puer ocyus oculos aperuit, matrem agnos-  
cit, surgit à funere, & vitæ redditur, & so-  
spitati. Visitat infans cum matre Sancti se-  
pulchrum, & in Dei laudes omnium ora-  
laxantur. Affuit post hæc adolescens, cui  
paralyfis ab vmbilico deorsum, corpus e-  
mortuum reddiderat, & ambulandi pri-  
uauerat officio. Hic cum pauper esset,  
totos quatuor annos in Hospitali lecto  
decubuit. Tandem ad tumulum beatissi-  
mi Patris nostri delatus, cum illic perno-  
ctaret, vidit in somnis quendam mira-  
bilem virum, multa luce circumdatum, &  
Episcopalibus infulis adornatum; qui  
propius accedens, dixit ei: Surge, & sta re-  
ctus super pedes tuos. Qui mox euigilans  
surrexit sanus, & ambulauit exiliens, gau-  
dens, & laudans Deum. Cœperunt autem  
plaudere, & iubilare præ gaudio vniuersi.  
Paralytica quoque mulier à renibus deor-  
sum emortua, ad Sancti sepulchrum flens  
plurimum, & orans, salutem precabatur.  
Et ecce, auditur à circumstantibus in mu-  
liere ossium fragor, & stridor costarum  
& crurium. Illa verò tanquam violenti-  
am passa, dentes mordebat, & immuta-  
bat



bat faciem præ dolore. Et continuò san-  
surrexit, collaudās cum omnibus, qui ad-  
erant, Deum in sancto Antistite suo. His  
auditis, accurrunt votis calentibus qua-  
tuor alij paralytici. Ex ijs vna mulier,  
quæ lotos in Sabbato panniculos, die Do-  
minico siccandos obiecit ad solem. Hinc  
vltio diuina hanc tetigit, & manum illia-  
ridam vsque ad cubitum tabefecit. Ad-  
monita est in somnis ab Angelo, vt tum-  
bam visitet, sananda, magni Pontificis.  
Venit illa, veniunt & tres paralytici reli-  
qui. Hi omnes, fufis precibus, conti-  
nuò ab HVGONE sanantur, cunctis præ  
lætitiâ gloriam in sublimia attollenti-  
bus. Dehinc adducantur cæci tres: quo-  
rum erat in tenebris mœsta confusio.  
Hi filium perpetuæ lucis; HVGON-  
EM, implorantes, lucem tum cor-  
dis, tum corporis ocyus receperunt, & in  
laudes lucis sempiternæ voces astanti-  
um promouerunt. Aduolant his visis  
muti duo. Et vota quæ ore non pote-  
rant, corde promebant, & lachrymis.  
Hinc DEI munere factum est, & me-  
ritis sancti, vt linguis resolutis, vocales  
Dei laudes palàm concinerent, & linguas  
multorum in HVGONIS præconia con-  
citarent. Erat apud Lincolniam mulier,  
quæ

quæ abortum faciens, fœtus semper mortuos effundebat. Hinc tristis nimium & desolata cum esset, ancilla huius in somnis à quodam nuper defuncto Canonico, ter admonita est, vt diceret dominæ suæ, posse eam viuos in reliquum fœtus parere, si ceream imaginem ad instar pueri fecerit, & sancto Hugoni obtulerit ad sepulcrum. Credidit mulier, ad sepulchrum venit, ceream obtulit, preces fudit, & vitalem deinceps sobolem generauit. Dignum profectò, vt qui semper erat fœcundis meritis, fœcundus etiam fieret munere viuifica generationis. Deferuntur post hanc duæ contractæ mulieres, miserabiles visu, plus tamen miserabiles sibi. Adorant, plorant, deprecantur, & sub oculis omnium eriguntur laudes Pontificis cum cæteris personantes. His mulieribus tres viri succedunt, simili incommodo miserè laborantes, & opem similem cum ingenti omnium plausu, gaudio, & tripudio ferentes. Charitas Hugonis, quæ semper latissima fuerat, contractos iuxta se homines sustinere non potuit. Adducuntur ad sanctum sepulchrum post quinque hydropici, tumentes nimium, qui suo aspectu cunctorum astantium commiserationem prouocabant. Sed liberalis Pater noster, qui hydropisim spiritalem (auaritiam dico) semper



per fuerat execratus, hos aqua tumidos, diu ferre non potuit, sed auditis eorum vocibus, ita eos repentinè sanos reddidit, ut nec prioris quidem morbi vestigium vllum potuerit apparere. Mirantur vniuersi, & se non capiunt præ stupore. Dehinc voces ad sydera efferentes, magnificis laudibus, Hugonis merita collaudarunt. Post hæc attrahuntur decem viri, vinculis & cathenis impliciti: quos omnes à Diabolo possessos, almo Pontifici offerunt, liberandos. Horum vnus, vir nobilis, è manibus tenentium violenter erupit, & agente se dæmone, tectum sublimis Basilicæ velox ascendit. Dehinc multis blanditijs à suis delinitus, tandem descendens, cathenis astringitur: & ad Præfulis tumbam reuocatur. Illic obdormiens, vidit sanctissimum Episcopum in albissimis vestibus astantem sibi, atque dicentem: Surge fili, & recede, iam enim sanus effectus es. Qui surgens, gratias egit, cibum petijt, & mente sanus escam sumpsit, & in reliquum à dæmone tutissimus mansit. Dehinc reliqui nouem à dæmonibus ocys repurgati, omnium corda & ora in laudum cantica promouerunt. Non passus est Hugo noster dæmonem in hominum grassari corporibus, qui illum dum viueret, de hominum cordibus consueuerat exturbare. In-

super & Matrona quædam, cum orationibus intenta, ad sepulchrum viri Dei procumberet, affuit fur clandestinus, qui illi à zona dependentem, cum aliquot solidis, crumenam incidit. Qui mox subita cæcitate percussus, quò se verteret nesciebat. Nam nimio terrore agitatus, quasi amens, aut ebrius nutans, cum ab ipse tentaret, nec posset, oculos omnium in se conuertit, & qui neminem videbat, videbatur ab omnibus. Tenetur, discutitur, coarctatur. Tù manum cum bursa, nihil dicens, tetendit in altum; quid opere egisset manifestans, & quid subito pertulisset, voce lugubri palàm subinferens. Inspicit, agnoscit loculum suum mulier in manu sacrilegi incisoris. Cui ille restituit, quod abstulit, & lumen mox recepit, quod amisit. His visis, attollunt omnes in communi ad cælum digna præconia, & altisonis vocibus pium patronum magnificant: qui & mouit delinquentes benignè corripere, & sibi deuotos indemnes conseruare. Sunt pleraque alia, & hæc quoque præclara, sed ut cernis, tempus nos & alia vocat. **DION.** Sat habeo. In stuporem mihi animum induxisti, & in amorem quoque tam magnifici Præfulis. Verè nunc clarè liquet, quàm sit sepulchrum eius gloriosum. Quis non videat, in quanto honore Deus

animam



animā Hugonis secum habeat in cœlis, cuius exangues Reliquias sic honorat in terris? Quis non videat eum illic mirificè vivere, vbi perpetuo viuit, qui hic sic viuit, vbi mortuus decumbit? BASIL. Rectè tu quidem. At nunc superest, vt huius Patris nostri trāslationem breui sermonis compendio recenseamus.

## CAP. XIV.

## DE TRANSLATIONE SANCTISSIMI Patris Hugonis Episcopi.

BASIL. Anno post dormitionem eius, octogesimo circiter sexto per Reuerendissimum Archiepiscopum Cantuariensem, & per Dominum Oliuerum Lincolniensem Episcopum, magnæ probitatis & sapientiæ virum, perque vniuersum totius suæ Diœcesis venerabilem clerum rege Angliæ & regina præsentibus sacratissimum almi Præfulis corpus à primo suo sarcophago leuatum est, & in capsâ argentea auro gemmisque decora, reuerenter impositum: & in nobiliori Ecclesiæ parte, constructo illic habitaculo, tabulatu marmoreo illatum. Antequam verò id facerent, omnes dederunt operam, ieiunijs, Confessionibus, Missarū Sacrificijs, sua expiare peccata: vt urgati, contactu tam sacri corporis digni

*Translatio B. Hugon. de qua auctor vult esse eius apud Surium, S. vltimo: facta est autem anno Domini 1280. 6. octo. Canonizatus est autem ab Honorio III. Rom. Pontifice.*

ut cunque redderentur. Aperto itaq; man-  
 soleo, odor suaue fragrans erupit, vnde  
 tota aspersa est amplissimi templi latitu-  
 do. Oleum quoque purissimi liquoris in  
 tumba Pontificis, abundè confluere com-  
 pertum est. Cumq; sanctissimū eius caput  
 (quod à corpore separatum, postea auro,  
 argento, & pretiosis lapidibus inclusum  
 est) Oliuerius Lincolnienſis Episcopus in  
 manibus reuerenter teneret, ex eius ma-  
 xilla non parum olei effluxit. Eleuantes  
 autem sanctas exuias, inuenerūt eas quasi  
 adhuc integras: & vestimenta eius penitus  
 illibata conspiciunt. Interfuit, vt dixi,  
 huic solenni translationi, Edvvaldus An-  
 glorum rex, cum Allanora consorte sua,  
 multisq; alijs regnis proceribus & mag-  
 natibus. Affuit quoque Magister Thomas  
 Electus Episcopus Meneuensis, & Archi-  
 episcopus Ragensis, & septem Episcopi  
 infulati, Abbates plurimi diuersi ordinis,  
 & Priores Nauarræ, regina quoq; Nauar-  
 ræ, cum quatuor Comitibus; etiam Lin-  
 colniensis Comitissa, Barones & Milites  
 in multitudine graui. Hi omnes virtuti-  
 bus & miraculis, quibus sanctus Præsul  
 Hugo clarebat, attracti, suam his solennijs  
 exhibuere præsentiam, & Christum Do-  
 minum, qui ita Sanctum suum mirifica-  
 uit, magnificis laudibus collaudarunt. Ce-  
 lebris

*Nota de cor-  
 pore & habi-  
 tu eius peni-  
 tus incorrup-  
 to.*

lebris quoque, sicut eius depositionis dies  
hæc translatio per totam habetur Diœce-  
sin pridie nonarum Octobrium. En, vt  
cernis, tempus nos hortatur ad solennia  
Missarum celebranda. Hoc dum factum  
fuerit, & prandium sumpseris, tum pote-  
ris, si placet, istuc reuerti, reliqua auditu-  
rus, quæ ipse poposceris. **DION.** Probè  
admones, benigneque spondes, hinc igitur  
recedamus.

*Finis Libri Tertij.*

# CHRONICI CAR-

## TUSIENSIS LIBER

QUARTVS.

DE ALIIS QVIBVSDAM PRAE-  
claris Patribus, qui post S. BRVNO-  
NEM in Maiori Cartusia flo-  
ruere.

CAPVT I.

DE B. LAVDVINO, SECVNDO  
*Ordinis Generali.*

**D**IONYS. Sumpsi iam prandium,  
ô Basili, satis aridum exiguum-  
que, faciente id coquinario, qui  
parca manu, præ cæteris diebus, hodie  
nobis pitantiam ministrauit. Sed ego hanc  
iacturam non magnipendo, sciens melio-  
rime



ri me apud te cibo pascendum: non quo ventrem, sed quo mentem abundè reficiam. Tu tantùm sta promissis, & quod spondidisti, adimplere curato. BASIL. Curabò pro viribus, tu dicito, quibus ferculis te pasci desideres. DIONYS. Primus sermo tuus, si meministi, à Diui Brunonis conuersione exordium sumpsit. Dixisti illic quoq; quo stupendo terribiliq; prodigio Ordo noster Cartusianus exordium habuit. Cuperem nunc nosse, quis post Brunonem, Calabriae terras tunc incolentem, Cartusiae sacram domum suscepit regendam. Attamen postea omnium Patrum huius domus, qui prae cæteris clari-

*† al. Specialem*

ori emicuere virtute, \* spiritalem lineam atque Ordinem intexueris, velim. BASIL. Grandem rem postulas, ô Dionysi, & quæ vires meas longissimè superet. Syluam tamen Patrum sacrorum, tuo iussu, ingrediens, aliquos nitar contingere ramos, & eos praesertim, quibus fructus inest copiosior suauiorque. Hinc fiet, vt famem tuam non meis, sed aliorum ferculis copiosè saginauero. BRV-

*\* al. Landui-*

*nus.*

NONE itaque Calabriam ingressus \* Landuinus domum Cartusiae regendam accepit. Hic est ille Landuinus, praeclarum iustitiae sydus, vnus de

driori

priori septenario, & præ cæteris multa  
 virtutum gloria celeberrimus, literis  
 diuinis & humanis apprime eruditus,  
 clarus ingenio, & Tulliana facundia.  
 Hic dum suum gregem verbo pasceret,  
 & exemplo, contigit, Diabolo agitan-  
 te, & tantæ sanctitatis gloriam inuiden-  
 te, vt plurimi ex ijs, qui conuenerant,  
 & locum deserere, & mitiorem Ordinem  
 intrare, disponderent. Mouebat eos  
 non mediocriter asperitas & horror so-  
 litudinis, asperissimum frigus, niues con-  
 tinuæ, rerumque necessariorum gran-  
 dis penuria. His igitur sic vacillantibus,  
 Pater LANDVINVS occurrit, & his  
 verbis eos aggreditur. *Quid in geminas*  
*partes, ô fratres, hæcenus claudicatis? Quid fu-*  
*migantem Sodomam retro conuersi, respicitis?*  
*Veniat quæso vobis vxor Lot in memoriam, quæ*  
*ideo in statuam salu conuersa est, quod ausa sit,*  
*vet ante Angelo, retrorsum oculos intorquere.*  
*Pudeat, rogo vos, non in hoc mente, sed in Segor*  
*velle Saluari. Pudeat quoque manum misisse*  
*ad aratrum, & ad posteriora respicere. Pudeat*  
*inter canes vos aestimari sordidissimos, qui ad*  
*suum vomitum reuertuntur. Currebatis bene,*  
*quis demon vos fascinauit, sacram religio-*  
*nem calce velle reijcere? Si meministis, o-*  
*culum vos similes fideribus, Pontifici \* sancto*  
*Deo*

*De hoc in vi-*  
*ta S. Brigidæ*  
*6 Octobr. 6.*  
*Verum non*  
*defuit.*

*Parænesis*  
*Landuini ad*  
*vacillantes*  
*suos fratres*

\* Hugoni ni-  
 mirum, cui se-  
 cundum quie-  
 tem, septem  
 lucidissimas  
 apparuerunt, eo-  
 dem in loco,  
 septem stelle.

Deus ostendit, olim vos hic mansuros, constructor  
cellarum, Christus miraculose prænuntiavit; qui-  
bus tamen & vos prasagijs ingrati, retrorsum pe-  
dem reducit, ab illo qui vos conuocat in admira-  
bile lumen suum? Persuasio hac non est ex eo, qui  
vocat vos. Hæc dicens almus Pater, iubet o-  
mnes in loco, ubi erant congregati, genua  
flectere ad orationem. Illo autem pro suis  
ouibus Dominum cum lachrymis depre-  
cante, ecce (mirabile dictu) apparuit repē-  
te sub oculis omnium vir mirabilis glorię,  
vir plurimum honorabilis, reuerendus a-  
spectu: cuius caput omne canebat, barba  
crispa & aspersa. Qui hoc modo exorsus  
est fari: *Video vos, fratres instabiles esse, & ab  
hoc, Deo dilecto monte, velle recedere. Sed man-  
dat vobis per me omnipotens conditor Deus, hic  
manere, hic requiescere, hic mercedem operis  
vestri prestolari. Vnum noueritis, sacratissimam  
Dei Matrem MARIAM, vos hic ab incommo-  
du omnibus seruatutam, & patronam vestri Or-  
dinis futuram: tantum Horas eius, vt nuper  
in Romana Ecclesia institutum est, decan-  
tetis, sic tamen, vt Horas Canonicas præ-  
ueniant, sed Completorium subsequatur.*  
His dictis, euauit. Tunc illi omnes sum-  
mo gaudio repleti, nusquam recedere, sed  
perpetuò illic manere decernunt, suauis-  
simam Virginem & Matrem Christi in  
patronam Ordinis eligentes. Dehinc cog-  
nitum

*Celesti visio-  
ne confirman-  
tur.*

*De hoc in vi-  
sa S. Brunonis  
§. Verum.*

*Hore de qua  
ratione in  
Ordinem  
Cartusienſi in-  
ſtituta.*

nitum est, hunc virum, qui apparuit, Apostolici senatus principem Petrum extitisse. DION. Lætabundus & laudans ex tuo hæc ore meritò suscipio. En iam tertio Ordo noster approbatur à Deo. Solet nempe miserator omnipotens, quoties magnæ dignitatis ordinem aliquem instituere disponit, præclaris illum prodigijs præmonstrare. Nam & Cluniacensis Ordo tali quoque miraculo suum sumpsit exordium. Erant simul nonnulli fratres, qui collapsum iam & penitus ruinosum sancti Benedicti, Ordinem erigere ac reparare tentabant. Ac proinde voluptatibus omnibus abdicatis, in magna rerum penuria vitam Monasticam transigebant. Mortuus est autem post tempora vnus ex eis, vir incomparabilis sanctitatis, Euticius nomine. Hic post mortem rediens, & palàm suis se offerens, dixit: Deo gratias. Noueritis fratres mei, quia in ijs quadraginta annis, quibus vobiscum vixi, ne vnum quidē diē memini me præterisse, quin ante cibi sumptionē, defleuerim semper peccata mea. Hodie autem, omni mœrore sublato, consolatus est me Dominus, & inter Angelorum choros requietionis mihi tribuit locum. Hęc dicens, cū caput iterum in feretrum declinasset (stabat autem humandus in medio fratrum) perpetua quie-

*Petrus Apostolus, post Diuam Virginitatem, Maximus Cartus. Ordinis Patronus. Tertia Ordinis approbatio.*

uit in pace. Ordo quoque Cisterciensis non dissimili meruit oraculo roborari.

*Vide vitam*

*S. Roberti Mo-*

*lismensis Ab-*  
*batis, Tom. 2.*

*Survij, 29. A-*

*prilii.*

De Molismensi enim cœnobio cùm nonnulli timorati fratres exissent, & Cisterciensem solitudinem incolerent, austerioris vitæ desiderio, & plurimum tristerentur, quòd nulli è seculo, conuersionis gratia, ad se venirent, vno dierum cùm labori manuum fratres cum Abbate Stephano operam impenderent, Abbas sanctus paululum se, vt Deo orationem funderet, à Conuentu remouit in partem, & intentissima prece, vt gregem suum augere dignaretur, Dominum deprecabatur. Repente vnus suorum, qui nuper vita excesserat, è cœlo veniens, ante illum multa circumdatus luce se posuit, atque ita Patrem consolatus est, dicens: Ne vereare Abba Pater, nec nimio dolore te confeceris: gratum enim habet Altissimus obsequium seruitutis omniũ vestrum, & complacet sibi hæc sacri Ordinis noua plantatio. Hinc noueris, vt stellas cœli futurum semen tuum, & dilataberis vsq; in fines orbis terrarum. Hęc vbi dixisset, & sanctũ virũ apprimè esset consolatus, reuolauit ad astra. Ordo interea Diui DOMINICI, & Ordo sanctissimi Patris Francisci, Deo præmonstrante, originem sumpsit. Vidit nempe san-

*In ipsorum re-*

*bus gestis a-*

*pud Survij.*

ctus



Etus quidam, raptus in spiritu, CHR-  
 istum iudicem igneo subnixum tribunali,  
 perpetuæ damnationis exitia mûdo com-  
 mitantem: & irato vultu voceque terri-  
 bili præcipientem Angelo, qui tum asta-  
 bat, vt tuba caneret. Cecinit ille, & tam  
 horrendo sonitu omnia concussit, vt cœ-  
 lum, terra, ac maria tremefacta quateren-  
 tur. Rursum iussum est illi, vt caneret,  
 & omne genus hominum vocaret ad iu-  
 dicium. Ille vt cœpit aptare tubam, pro-  
 cedit in medium suauissima misericordiæ  
 mater MARIA, & aduoluta suæ sobo-  
 lis genibus, precatur, vt vindictâ differat,  
 ultionemq; suspēdat. Tū ille: Tu (inquit)  
 vides mea Mater, quia mundus totus in  
 maligno positus est, & suis me sceleribus  
 irritare non desinit. Sine ergo me, vt red-  
 dam ultionē hostibus meis. At illa misera-  
 trix generis humani, instantius orat Filiū,  
 vt fusi pro mundo sanguinis recordetur.  
 Permite me (inquit) primū sacris adhor-  
 tationibus populū commouere ad pœni-  
 tentiā. Habeo enim duos, qui me diligūt,  
 fidelissimos seruos: hos mittā prædicare in  
 omnem terrā. Vellem (ait Christus) hos a-  
 micostuos videre. Tunc vbi Frāciscum &  
 Dominicū Christi obtutib. præsetasset, ait  
 ad Matrē. Optimos mihi homines ostēdi-  
 sti, idoneos valde in opus, q̄ ipsa moliris.

*Vide vitam  
 S. Dominici  
 apud Surium  
 lib. 1. cap. 12.*

Eant,

*In vita S.**Francisci à**D. Bonanen-**sura conscrip-**sa.*

Eant, & ad me corda hominum conuertant, ne veniens percutiam terram anathemate. Hæc ubi dixit, visio ipsa ab oculis cernentis extincta est. Statim post breve tempus, vterque Ordo in multa luce confurgens, innumeras plebes attraxit ad gratiam. Alius quoque vidit in spiritu ab ore Seraphici Francisci crucem igneam & multo rutilantem lumine procedentem, cuius cornua vsq; in fines orbis terrarum protendebantur. Hoc significante Deo, de cunctis mundi finibus, sub Francisco, ad Crucis Christi victoriam homines conuocandos. Quod & olim factum cernimus, & nunc quoque videre gaudemus. Sed oro, ne hic sermo meus te fatiget. Visus enim est mihi peropportunos. Tu verò iam Lauduinum tuum, vt cœpisti, prosequere.

## CAPVT II.

**QVOMODO LAVDVINVS IN CALABRIAM, ad Diuum Brunonem inuisendum, pro-**  
*perans, in itinere interceptus, carceri mancipatus sit, in quo & obiit.*

**BASIL.** Non me tæduit sermonis tui: nam & in tempore illum protulisti. De Lauduiuo hoc reliquum est. Hic cùm toto decennio mira industria Ordinem nouellum gubernasset, amore visendi almū **BRUNONEM**, quem suum adhuc Prælatum nouerat, iter Calabriam versus arripuit,

*Capitur in itinere.*

puit, vt vitæ verba inuicem transfunderent. In itinere verò constitutus, in manus incidit Giberti schismatici Præsulis, à quo & vinctus, & cum suis in carcerem est trusus. Egit autem Gibertus nunc promissionibus, nunc minis, nunc blanditijs, nunc violentijs, vt hominem Dei abstractum à vero Pontifice, ad sua schismata retorqueret. Sed fundatū sacrum pectus Laudiui supra petram Christum, nec blanditijs, nec minis cessit, blandientem æquè vt facientem aspernatus est. Hunc miserum in suo post errore defunctum (non enim potuit diu viuere, qui amicum Dei nec dare tentabat) multo lachrymarum imbre sanctus Pater profecutus est, nec minorem suo hosti, quàm David Absoloni curam pietatis impendit. Mirabantur plurimi, quòd illum sic ipse fleret, à cuius perfidia suam Christus eruisset Ecclesiam. Sed Samuelis in eo spiritum, Saulis reprobi illachrymantis interitum, non agnoscebant. Cumq; hunc iam satis defleuisset, ipse vir Dei, vinculis pressus, & maceratus inedia, de tenebris obstrusi carceris, functus morte, ad perpetuæ lucis palatia cœmigravit. Hinc, cum ingenti omniū mœnore ac lachrymis, in Monasterio sancti Andreæ, ad pedem montis (quem Serapim vocant) sepultus est. DIONYS. Ego hunc virum

*Vide notas.*



virum mitissimum, qui sub tam dira ca-  
thenarum custodia, & in tanta rerum pe-  
nuria afflictus occubuit, & pro suo in pœ-  
nis deprecatus est inimico, inter cohortes  
sanctorum Martyrum censeo iure opti-  
mo numerandum. Legimus plurimos, qui  
nihil præter tetri carceris in ediam palti,  
triumphatricibus sanctorum Martyrum  
choris assumpti sunt. Hic autem post mul-  
ta documenta virtutum, post longos se-  
ueri Ordinis labores, post diram pro Ca-  
tholica vnione custodiam, \*Martyrij glo-  
ria donandus non est?

*Improprie et-  
les interdum  
Martyres nū-  
cupantur.*

## CAP. III.

DE MAGNO PATRE GVIGONE,  
*quinto Ordinis Generali.*

**B**ASIL. Immò verò donandus, & in  
Martyrum Catalogo recensendus est.  
Landuino itaque inter Martyres transla-  
to, paucis intermedijs, reuerendissimus  
\*Guigo, rector Maioris Cartusie electus  
est. Qui clarus quidem fuit genere, clarus  
ingenio, clarus eloquio, sed longè clari-  
or scientia & sanctitate. Hic cum esset  
diuinis literis pariter & humanis pluri-  
mum illustratus, Romana tamen in eo  
facundia præminebat. Huius memo-  
ria tenax, sermo dulcis, efficax adhorta-  
tio

*\* alias Guido*

tio erat. Nullum ante se habuit æqualem  
 sibi, qui fama illum, aut scientia, vel au-  
 thoritate præcelleret. Hic primùm no-  
 stri Ordinis instituta, rhetorico satis sty-  
 lo digessit, exemplo ipse monstrauit, &  
 gratia duce, sequaces multos habere pro-  
 meruit. Sub hoc Patre domus Portarum, *Quenam Cæ-  
 Excubiarum, Durbonis, Syluæ benedi-  
 ctæ, Maioreui, Arneriæ, Montis Dei or-  
 tum & profectum sumpsere conspicu-  
 um.* *insit sub hoc  
 Patre funda-  
 te sint.*

Hic post magnū, in temporalibus, fru-  
 ctū, libris perquirendis, describēdis emē-  
 dandisque operam multam adhibuit. Hic  
 beatissimi Hieronymi epistolas, scripto-  
 rum vitio corruptas, ad primam veritatis  
 lineam reuocauit. \* Vitam etiam sancti  
 H V G O N I S Gratianopolitani Episco-  
 pi, iubente Innocentio Papa, nobili stylo  
 descripsit, sicut hesterno ex me alloquio  
 didicisti. Nam inter narrandum, dum  
 vitam tibi H V G O N I S explicui, quan-  
 tum pro viribus potui, styli eius ele-  
 gantiam custodiui. Hic fratres suos, cum  
 esset ipse sanctissimus, per omnes san-  
 ctitatis & iustitiæ tramites deducere stu-  
 duit, vt longè lateque bonus vitæ odor  
 horum fratrum sese diffunderet, & vsque  
 ad beatissimi Patris B E R N A R D I,  
 Clareuallensis Abbatis tempus, suam  
 asper-

*† Exstat To.  
 I. Sarisb. 1. 4.  
 prila.*



Exstat in operibus Bernardi, est que numero undecima.

aspergeret redolentiam. Quam ille dum naribus hausit, supra quàm credi potest exhilaratus spiritu, in hæc verba ad eos dictauit epistolam: *Inter Patres reuerendissimis, & inter amicos charissimis, Guigoni Priori Cartusia, ceterisque sanctis, qui cū eo sunt, Frater Bernardus de Claraualle salutem aternam. Sanctitati vestrae literas tam laetus accepi, quàm auidus & olim desideravi. Legi eas, & quas volebam in ore literas, scintillas sentiebam in pectore: quibus concaluit cor meum intra me, tanquam ex illo igne, quem Dominus misit in terram. O quantus in illis meditationibus exardescit ignis, è quibus eiusmodi euolant scintilla? Et paulo post; Benedicti vos à Domino, qui me in benedictionibus tanta dulcedinis praeuenire curasti, ut daretis puero vestro, vobis primùm scribentibus, fiduciam rescribendi. Volebam ad vos iampridem scribere, sed non praesumebam. Verebar enim sanctam vestram scribendo infestare quietem, iuge illud vestrum sacrumque silentium à seculo, ac pium cum Deo susurrum interrumpere, & auribus secretis ac supernis eulogijs occupatis nostra ingerere formidabam. Timebam omnino molestus fieri, vel Moyse in monte, vel Helie in deserto, aut certe excubanti in templo Samueli; si vos diuinis intentissimos confabulationibus, aliquatenus auocare tentassem. Egonè tam temerarius essem, ut inter sponsi brachia suauiter quiescentem auderem suscitare dilectam, antequam vellet ipsa? Putarem illic me audi-*

auditurum ab illa: Noli mihi molestus esse. Ego *Cam. 2. 16.*  
dilecto meo, & dilectus meus mihi: qui pascitur  
inter lilia. Verum quod non audeo ego, audeat cha-  
ritas. Vnde libenter vestram amplector benignita-  
tem, dignationem admiror, laudo & veneror pu-  
ritatem, qua de nostris, ut putatis profectibus tan-  
ta exultatione gloriamini. Glorior & ego pluri-  
mum tanto testimonio, & seruorum Dei tam gra-  
ta, quam gratuita admodum familiaritate de-  
lector Haftenus D. Bernardus. DIONYS.  
Ex ijs verbis facilè quis potest aduertere,  
quanta tunc sub Patre Guigone in Cartu-  
sia sanctitas, & puritas floruerit. BASIL.  
Ob horum sanctitatem eximiam, semper  
habuit beatus Bernardus summum desi-  
derium visendi eos: sicut vna suarum epi-  
stolarum ipse testatur: *Accedens, inquit, ad* *Est in princì-*  
*parte illas, non potui venire ad vos, & videre* *pio Epistola*  
*facies vestras, & rememorari iniquitates & ne-* *duodecima*  
*cessitates meas. Irascor occupationibus meis, qui-* *ad eundem*  
*bis factum est, non ut neglexerim, sed ut nequiue-* *Guigonem*  
*rim. Felices vos, quos abscondit Deus in taberna-* *scripta.*  
*culo suo in die malorum, in umbra alarum sua-*  
*rum sperantes, donec transeat iniquitas. Caterum*  
*ego infelix, pauper, & nudus: homo natus ad la-*  
*borem, implumis auicula, penè omni tempore ni-*  
*dulo exulans, vento exposita & turbini, turbatus*  
*sum & motus sum sicut ebrius, & omnis scientia*  
*mea demorata est. Misere mini igitur mei, etsi nil*  
*meriti, certè sic affecti. Sic igitur æstuans sa-*

cer BERNARDVS, nec quiescere valens, nisi Cartusienses ipse vidisset, statuit maturare iter, & primū quo potuit, illos in-

*Spirans venis-  
se D. Bernar-  
dum, author  
vitæ eius te-  
statur, lib. 4.  
cap. 4. vide  
notas.*

uisere. Illi autem Spirensē trāseunti ciuitatem, occurrit clerus omnis cum luminibus & hymnis, & introducentes eum in Ecclesiam: *Salve regina* altissimis vocibus concinebant. At BERNARDVS vnā cum clero chorum ingressus, cū genua ad Diuæ Virginis imaginem, orans ac salutans eam, inflecteret; illa dilectissimi amici sui aduentui gratulata, tanquam Sacellanam suum hospitio læta suscipiens, palām cunctis audientibus Gallica eum salutauit voce, dicens: *Optatus adueneris, mi Bernarde.* Ad hanc vocem dulcissimæ Virginis ille plurimum exhilaratus, insiliente in eum Spiritu Domini, cantico, quod clerus inchoarat, hanc clausulam superaddidit, dicens: *O clemens, ô pia, ô dulcis Virgo Maria, hætenus non assuetam.* Hinc factum est, vt si quis illic ingrediatur ECCLESIAM, inueniat adhuc pro memoria huius rei, tabulam ad partem sinistram altaris, Virginis effigiem ac sermonis huius titulum continentem. Post hæc ad Maiorem contendit Cartusiam. Sed quis dignè commendet, qua reuerentia, quo honore, qua lætitia

*Videatur Io-  
annes Naucle-  
rum, anno Do-  
mini 1140.  
Generat. 39.  
in princip.*

titia & exultatione vir tantus, & tam Sanctus ab vniuersis fratribus exceptus sit? Erat videre mirabile, virum humilem & sublimem, cunctorum se brachijs immittentem, procumbentem genibus, oscula reddentem, & accipientem. Omnes de tanto hospite lætabantur, gaudebantque quòd qualem ipsum per famam prius & Epistolam nouerant, talem inuenirent & præsentem. Ipse quoque de tanta omnium sanctitate mirabiliter exultabat in Domino. *Inspiciatur vita S. Bernardi, lib. 3. cap. vnde hæc desumpta sunt.* Vnum tamen fuit quod GVIGONEM nostrum aliquatenus mouit: stratura scilicet animalis cui vir DOMINI BERNARDVS insidebat, minus neglecta, minus præferens paupertatem. Nec silentio præsit GVIGO, æmulator virtutis, quod mente concepit: dixitque vni ex fratribus Abbati: Moueor, & miror aliquatenus, sanctum Abbatem, tam splendidum animal equitare voluisse.

Cumque hic sermo Patri sancto innotuisset, non minus ipse miratus est, & cœpit vehementer inquirere, qualis illa equi stratura esset, quam à Claravalle Cartusiam vsq; veniens, nullatenus attendisset, cui tamen semper insiderat.

K 2 . Quod

Quod verbum venerandus Guigo audiens, hoc potissimum mirabatur, quod sic Bernardus foris oculos circumcidisset, intus animum occupâset, vt quod ipse primò offenderat obtutu, hoc ille tanti itineris spatio non notâset. **DION.** O vtinam nos sic oculos clauderemus nostros, nunquam certè ad animum mors subintraret, nec plangeremus quod in Threnis scriptum est: *Oculus meus depraedatus est animam meam.* Prosequere. **BASIL.** Vno, si placet, probemus exemplo, quàm sancti, quàm timorati sub hoc Guigone fratres fuerint. Fuit illic conuersus, moribus generosus, & vitæ sanctitate conspicuus. Hic summo studio obedientiæ, humilitati, & carnis mortificationi operam omnem impendebat. Hinc amore diuino compunctus, Diuam Dei genitricem totis animi medullis adamabat, hanc sedulò cogitabat, hanc votis, hanc laudibus efferebat. Verùm quantò studiosius diuino se cultui mancipabat, tantò duriores antiqui hostis, insultus atque illius occultas insidias perferebat. Nam nunc clam, nunc palam sese viro Dei obiectabat serpens astutus, vt quoquo modo eum extorrem redderet ab obsequio pietatis. Vna noctium cum post diurnos labores, post sacras preces sese in lectulo, vt quiesceret, collocâset, & tacens secum

*Thren. 3. 51.*

*Refert hoc exemplum etiam, Petrus Cluniac. cognomino Verabilis, lib. 2. mirac. cap. 29. qui ista vixit aetate.*



secum diuinū quid ruminaret, ecce eo adhuc vigilāti dæmonū turba in specie porcorum agrestium palàm se aperit. Hi furentes per cellam omnem cursitabant, & rictu infano atque horrenti longissimis dentibus, quasi in necem eius exacutis, mortem illi proximam intentabant. Pauefactum autem & trementem hominem circumstabant apri cruentissimi, illo sudante & orante, & necem vltimam præstolante. Et ecce grauiora succedunt. Nam repente vidit quendam enormis magnitudinis hominem, omni fuligine nigriorem, cui & de naribus & oculis vorax flamma euaporabat. Quem esse dæmonum principem ratus, audaci ac furenti gressu cellam subingredi. Qui ingressus, se conuertit ad apros, dicens; Quid vos segnes hîc facitis? Cur hunc iam non rapuistis? Cur eum dentibus non lacerastis? Cui illi: Nos, inquiunt, magna conati sumus, sed nihil valent ad prælia vires. Fortior nobis est, qui cum illo est. Tum Sathan; Abite inquit) ô imbelles, ô desides, ego faciam quod vos hætenus non potuistis. Quo dicto, vncum ferreum recuruis vngulis terribilem, minaci manu prætendens stabat contra hominem Dei, quasi illum contumacem discerpturus. Incredibile quâ tum lum timor ac tremor peruaserat: orabat

K 3 tamen,

tamen, & pijsimæ MARIAE patrociniā flagitabat. Nam mox ubi spiritus nequam vncum, vt eum raperet, extendit, repente miserorum & misericordiarum Mater, visibiliter adfuit, ac virga leui manu protensa, dixit; Quomodo huc, ô funesti, ô detestandi, aduenire ausi fuisti? Non est hic vester, nec iam in aliquo contra eum præualere poteritis. Dixit, & dicto velocius spurcum illud collegium, velut fumus, euanuit. Perstitit illa suauissima Parens cum homine adhuc pauefacto, eumque his consolata sermonibus, ait; Placet mihi, ô fili, dulce tuum obsequium ad me, tuamque animi in me pieratem gratam habeo. Age ergo quod agis, & ad meliora proficiscere semper, & à me hæc accipito mandata. *Stude vilibus escis, vestes amplectere abiectiores, operi manuum deuotus insiste, submissus & humilis esto.* Hæc ubi dixit, ingenti cum luminis gloria post consolatum seruulum, in cœlestia se recepit.

*Hæc totidem  
verbis Petrus  
Cluniacensis;  
horum muni-  
rum tempo-  
rum equalis.*

DIONYS. O iucundum misericordiæ opus, ô viscera misereris Virginis Matris. Quam bonum est obsequi tam sollicitæ sedulæque Parenti, super nos assiduè vigilantii. BASIL. Inuenem quendam secularem cum Pater Cuigo ad Ordinem recepisset, huic eum Conuerso tradidit imbuens

buendum. Quem ille Magister bonus recipiens, vti filium docuit, & virtutibus, quibus ipse erat apprimè illustratus, rude pectus tyrunculi, copiosè ditauit. Humilitas, obedientia, charitas, quæ erant in Magistro, in discipulo luce clarius effulgebant.

Verùm cùm Deo placida esset anima eius, morte præuia ad se eripuit, ne malitia immutaret cor eius. Hoc igitur defuncto, Magister pius animam eius, quam vnicè diligebat, precibus & lachrymis sedulus Domino commendabat. At misericors Dominus, volens pium hominem à labore quiescere, & cuius apud se meriti esset ostendere, cœlesti eum visione dignum ducens, puero iam glorificato præcepit, vt doctorem & amatorem suum inuifere, & consolari pergat. Illo itaque vna noctium sub dio excubante & orante, & cœlum intentis oculis respectante, ecce subitò velut per medium discissi aeris lux longè, sole ipso præclarior, de supernis effulfit, eumque ac loca circumiacentia immenso splendore perfudit.

Et ecce vidit de supernis, quem amabat, suum filium venientē, & immenso lumine circumdatum coram se assistentem. Stabat ille mirā gloriam ac lætitiā præferens:

hic autem stupore, gaudio, & timore replebatur. Tum is, qui apparuit, quid, inquit, turbaris Pater? Agnoscis ne filium tuum, quem diligis? Redi ad teipsum, & ut solitus es, loquere mecum. Agnosce mecum omnia prosperè agi: At noueris preces & vota amoris in me tui, mihi plurimum profuisse. Me, fateor, iuuerunt orationes tuæ, lachrymæ tuæ, & pij pectoris tui suspiria. His factum est, ut summa nunc sim donatus beatitudine, & tali nunc apud Deum potestate perfruar, qua & te quoq; in reliquum iuuare possim. Cumq; inter se dulcia vitæ verba confererent, tempus affuit, quo illum oportuit reuiscere cœlum. Solitus est autem huius visionis inspector narrare cū lachrymis, quòd dū à se discederet, cœlestia petens, non auersa facie, non huc illucq; conuersa, sed vultu semper oculisque ad se demissis, æthera penetraret, & tam diu placitam illam faciem suo dilectori exhibuit, quousque patenti cœlo refusus, ultra videri non potuit. **DI O N.** Hæc visio illa videtur fuisse præclarior, quàm suo de se Sulpitio Martinus exhibuit, cū illa facta fuerit Sulpitio dormienti, hæc fratri in orationibus vigilantibus. Sed tu ad cœpta regrederere. **BASIL.** Anno vicesimo sexto hoc reuerendo Patre Guigone \* Priorante, rem

\* Prioris officium exercebat.

multis

multis tunc deploratam lachrymis bonorum operum inimicus in Cartusia machinatus est. Ipse enim non ferens tam splendidam Sanctorum vitam, & quæ iam lumen suum vndequaque diffuderat, niues de altissimis rupibus, quæ super cœnobium pendebant, ingenti mole deorsum impulit inuidissimus latro, & cellas omnes præter vnam cum suis incolis (quorum vnus nouitius erat) subruit, & præfocauit. Sed quos sæuissimus prædo exemit mundo, Christus inseruit cœlo, & Martyrum gloria coronauit. Verum ne superstites nimia tristitia absorberentur, in testimonium beatitudinis oppressorum, die ab ipso casu duodecima, vnus ex eis, natione Lotharingus, de profundo tantæ voraginis erutus, viuus, & integer sensu memoriaq; repertus est. Stupcebant ergo omnes, hominem post tam longam niuium & aquarum immersionem, post tanta frigora, & rerum omnium penuriam viuere potuisse. Leuatur dein sanctorum manibus, & in claustrum deportatur. Ille verò pauca quidem verba, sed miræ dulcedinis & suauissimi affectus, sciscitantibus, respondit. Dehinc confessus, inunctus, & post longam inedia, Dominico corpore, quod auidissimè requirebat, saginatus, post osculatos dulciter omnes fratres,

K 5      placi-



placidissimo fine quieuit in pace. Hic moriens ita cæteros superstites animauit ad disciplinæ rigorem, & ad perferendas antiqui hostis insidias, vt toti mundo miraculo fieret & stupori. **D I O N .** Sunt qui arbitrentur, hunc Lotharingum fratrem, tanto tempore sub niualibus vndis viuere potuisse, & extremis meruisse Sacramentis præmuniri, eo quòd diuæ Barbaræ virginis \* cultor extiterit. Huic enim sacre virgini suus sponsus dedit in munere, vt eam colentibus nunquam extrema & lachrymosa Confessio defutura sit. **B A S I L .** Tu videris, vnde hunc noneris beatæ Barbaræ virginis fuisse cultorẽ; ego, quod nescio, non adfirmo.

\* vide notas.

## CAPVT III.

## QVOMODO SUMMI PONTIFICES

*Ordinem nostrum Priuilegiũ roborauerint.*

**C**Irca hæc tempora Ordo noster non solum à Regibus, Ducibus, Episcopis, & Prælati; verum etiam à Summis Pontificibus, maximo cœpit in honore haberi. Odorem enim huius sacre Religionis cum Alexander Papa quartus hausisset, plurima affectus delectatione, institutiones à sancto **G V I G O N E** conscriptas, vltro neus confirmauit, cum subscriptione omnium Cardinalium, suscipiens

*Alexander  
Papa IV. approbat Cartu-  
sanorum con-  
firmationes.*

ptio-

sanctum Ordinem, & personas omnes *Etiam alij Pa-  
tiffes Roman.*  
tam præsentes quam futuras sub sua & *ordinem eun-*  
beatissimi Petri perpetua protectione, *dem approba-*  
datis insuper priuilegijs, quæ & auxit *runt.*  
Lucius Papa tertius, & Cælestinus simi-  
liter huius nominis tertius. Horum au-  
tem singuli hanc in calce clausulam ad-  
diderunt. Decernimus igitur, ut nulli omnino  
hominum liceat vos super possessionibus vestris,  
vel pascuis temere perturbare, aut super ijs  
molestiam, aut grauamen inferre: vel ea ab-  
lata retinere, imminuere, seu quibuslibet ve-  
xationibus fatigare; sed illibata omnia & in-  
tegra conseruentur, pro quorum gubernatione  
seu sustentatione concessa sunt vsibus omnino  
profutura, salua Sedis Apostolica authorita-  
te. Si qua igitur Ecclesiastica in futuro, secula-  
risue persona hanc nostra constitutionis pagi-  
nam sciens contra eam temere venire tentaue-  
rit, secundo, tertioque commonita, nisi presumpti-  
onem suam digna satisfactione correxerit, pote-  
statis, honorisq; sui dignitate careat, & atq; se di-  
uino iudicio existere de perpetrata iniquitate  
cognoscat, & a sacratissimo Corpore & Sanguine  
CHRISTI IESV, Dei, Domini, & Redempto-  
ris nostri aliena fiat, atq; in extremi iudicij exa-  
mine districtæ ultioni subiaceat. Cunctis autem  
eidem loco sua iura seruantibus, fiat benedictio  
Domini nostri IESV CHRISTI, qua-  
tenus & huius fructum bonæ actionis percipiant.

Honorij III.  
iudicium de  
Ordine Cartu-  
siensi.

*Et apud districtum iudicem premia aeterna pae-  
inueniant. Amen. Papa quoque Honorius  
tertius valde supplici scripto Cartusien-  
ses omnes precatur, dicens: Obsecramus vos  
per Dominum IESVM CHRISTVM, & per  
charitatem spiritus sancti, quatenus immolantes  
Domino pro nobis vestrorum vitulos labiorum,  
pias manus eleuetis ad Deum, vt de sua abundan-  
tia pietatis custodiat Ecclesiam suam propitiatio-  
ne perpetua. Nos enim amulantes Dei amulatio-  
ne, vestri Ordinis honestatem, & nouissima nostra  
vestrorum similia fieri cupientes, vos, & vniuer-  
sum Ordinem vestrum tueri praesidijs, fauoribus*

Item Clemens,  
Papa IV. cu-  
ius parens in  
maiori Cartu-  
sia, laicus, seu  
conuersus ef-  
fectus est:  
quem Petrus  
Sutor vocat  
Petrum Fre-  
coldi.

*attollere, ac beneficijs interdum cōsuoere. Scri-  
psit praeterea Cartusiensibus & Clemens  
Papa quartus, cuius Pater carnalis Cōuer-  
sus Cartusiae effectus, atque illic sepultus  
est. Scripsit hoc pulchro nimis exordio:  
Christi sponsam sanctam Ecclesiam, nullam ru-  
gam habentem, aut maculam. Et infra: Nos ve-  
rò, qui vos & vestrum Ordinē dileximus, & di-  
ligimus ex affectu, in quo bona memoria, qui se-  
cundū carnē nos genuit, Pater noster, & religiosè  
vixisse noscitur, & agonē suam feliciter creditur  
consummasse, &c. Sed tēpus ante succūberet,  
quam explicem multorum Apostolicorū  
Patrum exemptiones, gratias, libertates,  
& priuilegia quibus nostrum Ordinem  
illustrarunt. De his etiam fit mentio in  
decretalibus, vt extra de homicidio, ca. Si-*

*ut ex litterarum vestrarum. & ca. Per tuas.* Et in  
 texto Decretaliū, de decimis, Cap. *Statuto*  
*perpetuo.* Dico. Lætor plurimū ex his, quæ  
 enarrasti. Vbi nunc se abscondent, qui au-  
 dent mentiendo asserere, nostrū hunc Or-  
 dinē nulla Apostolica autoritate roboratū,  
 nullis fultū præsidij, nullis priuilegijs  
 auctū? At nūc sileat lingua, falsa loquētiū.  
 Tu verò quæ cœpisti, oro, prosequere.

## CAVTP IV.

DE S. ANTHELMO EPISCOPO. \* *+ Vixit circa*

**B**ASIL. Defuncto, & ad superos transla- *annum Domi-*  
 to Patre Guigone, sanctus ille successit *ni 1160. tem-*

ANTHELMVS, vir supra modum me- *pare Alexand-*  
 morabilis, ac venerandus. Hic de castro *dri III. Ro-*

Sabaudix quod Signinum dicitur, oriun- *man. Pontif.*  
 dus, claris admodum parentibus, serenif- *teste Baronio*

fima proles effulsit. Ego tibi huius vi- *in Notis ad*  
 tam, & quæ post mortem gessit miracula, *Martyrolog.*

breni sermone describam, te ad eius res *Roman. suis*  
 gestas transmittens, quæ longa serie, huius *verò septi-*

viri & prima & posteriora facta comme- *mus Cartusi-*  
 morant. Hic Anthelmus cū esset in do- *ensis Ordinis*

mo Portarum Ordinis nostri nouitius, *Præfectus*  
 rogatu Sancti \* Hugonis, Episcopi Grati- *Generalis.*

anopolitani, (eo quod multarum virtu- *Vide notas.*  
 tum specimen daret) ad domum Cartusix *Exstant Tomo*

\* transmissus est. Vbi receptus, & profes- *3. Surij, 26.*  
 sus, regulam sacri Ordinis indeclinabili *Iunij.*

feruoris instantia profecutus, plures Deo *+ vide notas*  
*+ Primaria*  
*scilicet.*  
 de se

de se victimas offerre curabat: adeo ut vita eius cunctis præberet pietatis exemplū tā sublimia tamen virtutum vestigia ipsis cernentibus demonstrabat, ut non super solū, sed super cælum videretur incederē. Hinc factum est, ut non tam imitandus esset, quàm admirādus. Supra humanam virtutem ieiunabat, sumens panem arctum, & aquam breuem. Orationes, meditationes, lectiones illi erat assiduæ, nisi quādo ad superna raptus, sponsi amplexibus inhærebat. Ab ijs dimissus, laudum oscula Christo Domino deuotē libabat. Tanta, & tam frequens illi inerat copia lachrymarum, ut oculi eius viderentur esse ut piscinæ in Esebon. Quoties itaque vel oraret vel psalleret, vel aliorum, vel suorum memor esset delictorum, vel desiderio suspiraret fontis superni, toties ex nimio pietatis affectu ab eius oculis, quasi è duobus fontibus, lachrymæ profluebāt. In choro quoque, inter psallendum, per genas eius hæc pluuiarum flumina decurrebant. Missas verò vel dum celebraret, vel audiret, totum se Deo mactans in holocaustum, quasi Deum præsentem vlnis complexans, cerebrum omne, & ipsas ossium medullas, per nimios fletus effundere putabatur. Erat enim pectus huius sacratissimi Patris adeo dulce, suaue, pacificum,

Isa. 30. 20.

Ecclesi. 7. 11.



ficum, & sic amore diuino transfusum, vt compunctionis suæ gratiam capere non posset. Erat videre mirabile, quomodo sæpissimè præ nimia vbertate gemituum & lachrymarum, diem cum nocte iungeret, pectus tundens, genua flectens, & terram madefaciens pluuijs oculorum. Tam crebrò virgarum ac flagellorum ictibus suum lacerabat dorsum, renes, & latera, vt caro eius nunquam nisi saucia, & plena vulneribus cerneretur. Cellam, silentium, disciplinam, obedientiam, infatigabili pertinacia obseruabat. Successu verò temporis necessitatem rei familiaris, licet plurimum lachrymans resisteret, Procurator Cartusie factus, mirum in modum illi se operi impendebat. Sic etenim Marthæ bonum quidem, *Fit Procurator Maioris Cartusie* sed laboriosum implebat officium, vt Mariæ partem, quam elegerat optimam, non desereret. Sic sollicitus erga plurima, vt vni, quod est necessarium, inhæreret, ambidexter, indeficiens vtrobiq.

DIONYS. Mira sunt quæ dicis, & nulli per se homini possibilia. Sed largitor bonorum omnium Deus, cum velle præstiterit, iungit & posse.

BASILIVS. Post hæc Prior Cartusie factus, quantum creuit honore, *Designatur ibidem Prior.* tantum

tantum & sanctitate coaluit. Diligebat omnimodum mitissimus Pastor oves suas, & maternis vberibus eas confouebat. Gaudebat nempe cum gaudentibus, & cum lugentibus lugebat; damnaque suorum, non secus aestimabat, quam sua. Erat enim eloquio suauissimus, charitate profusus, & ad fratrum necessaria paratissimus. Si quando opus erat correptione, hanc cum tanta pietate moderabatur, ut delinquentes potius se emendarent viri illius nimia bonitate, quam austeritate disciplinæ. Sciebat enim optimum correptionis instrumentum, clementiam esse charitatis. Et ipse cum esset sibi admodum seuerus, alijs tamen indulgentissimum se præbebat, offensas remittens, & ingratos beneficijs & amoribus circumdans. Habebat enim pectus mitissimum, & gemina charitate perfusum, hinc facile in bonum, omni se homini coaptabat. Zelus quoque eius tam feruidus erat, ut diuina charitate perustus, etiam sæuiens amaretur. Hoc semper summopere curabat, nequid fratribus aliquando deesset. Nullæ res vnquam caræ videbantur, sed quantocunque constarent pretio, omnia in usus fratrum voluit præparari, bonus & suauissimus dispensator. Sciebat enim, ob defectum rerum temporalium, res spirituales pati solere defectum. Erat quoque in pau-

pauperes tam beneficus, & tam dulcis, vt nihil illis regandum arbitraretur. Hinc factum est, vt tempore magnæ famis, immensos frumenti & hordei aceruos, simul & mille florenos aureos in pauperes distribueret. Ardebat enim pijsimus tœnerator, vt sacras vsuras ageret, & lucra spiritalia quæreretur. Hospitalem quoque sese & lætū hospitem exhibebat, sciens hilarem datorem à Deo plurimum diligī. Detrimentum sibi maximum arbitrabatur, quidquā pro aliorū aut vtilitate, aut salute negligere. **DION.** Magnum reuera, pitum, & beneficium virum describis: cuius velim modernos Prælatos nostros imitatores fieri. **BASIL.** Sed quia impossibile est, ciuitatem in montis vertice constitutam, posse ab hominum abscondi oculis, aut lucernam latere sub modio, hinc factū est, vt Episcopus Bellicensis electus sit. Sed labor ipsis ingens electoribus fuit, hunc induci, vt electioni aliquatenus assentiret. Nam illis Cartusiam venientibus, vt electum suum ad Sedem Pontificalem, cum honore deducerent, ille clam fugiens, se studuit occultare. Christum Dominū imitatus, qui ad regnum quæsitus, montis latibulo se tutauit. Verū quòd Apostolicæ literæ vim illi, ni obediret intentare videbantur, sollicitè a fratribus

*Matt. 9. 14.*

*Fit Episcopus  
Bellicensis.*

*Joan. 6. 15.*

L

quæsi-

quæsitus, flens & eiulans ad medium est pertractus. Referunt legati Pontificis mādatum, fratres quoque ne hoc ægrè ferat, adhortantur. Sed mens Sācti immota manet, preces funduntur inanes. Ad quem legati: Vnum tibi Pater è duobus faciendum est, aut iussis magni obedire Pontificis, aut adire illum, & supplicare dimitti. Hæc dicebant viri industrij, vt illum ab heremo remotum, suis desiderijs coaptarent. Paruit ille, putans apud Pontificem precibus suam posse solitudinem retinere. Venit itaque cum ipsis legatis ad Alexandrum Papam, qui in Gallijs tunc erat, à quo & summo honore, & fauore susceptus est. Tum cadens, & Summū Pontificis vestigia lambens, lachrymis & gemitibus agebat, dicens: *Quid sanctitati tua visum est, beatissime Pater, hominem me idiotam, & qui nullam talium rerum experientiam habeo, huic operi mancipare voluisse? Tu nosti vouisse me, nunquam me heremum deserturum. Huc accedit quodd inuitum & renitentem, tua clementia cogere non debet. Tu igitur dissolue miserum, remitte captiuum, & quos idoneos huic operi magis agnoscis, his iube, Cathedram ascendant, pedum sumant, oues nutriant.* Hæc dicens, lachrymis pedes Pontificis inundabat. Tum sanctus Papa ad se leuatum, ita allocutus est. *Ego, dulcissime fili, huic re operi*

*Immunitatē  
ab Episcopatu  
impetrare a-  
pud Pontifi-  
cem conatur,  
licet frustra.*

praeter ceteris idoneum iudicavi, hinc quaso omittite occasiones praeferre insufficientiae tuae, & esto apud te quidem humilis, sed mihi, ut obediens sis, para. Scis enim meliorem semper esse *Math. 23.* obedientiam quam victimam, & auscultare melius, quam adipem adolere. Quid si putas hunc administrationis calicem amarum tibi futurum, scito quia & illum CHRISTVS bibit, ut non suam, sed Patris perficeret voluntatem. His auditis, vir Dei lachrimas pressit, & acquiescens consecrari manu Pontificis, Episcopij sui Sedem, cunctis gaudentibus, oculis inuisit. Tum videres Dei hominem nouis florere virtutibus, nouis meritorum titulis decorari.

Tanta namque in eo enituit grauitas *Insignes Ant-* morum, tanta in humilitate authoritas, & *belmi virtu-* tanta in autoritate serenitas, in serenitate *tes.* constantia, in constantia autem inflexibilis perseuerantia, ut vita eius omnis, pro summo miraculo duceretur. Cartusianam parsimoniam non minuit, sed auxit, multò quam ante in vigilijs, ieiunijs, orationibus pertinacior, multò ad opus omne pietatis ipse profusior. Concinebat palam in choro cum suis Canonicis Horas diurnas pariter & nocturnas, & viuificam sacri Altaris Hostiam assidue deuotissimus offerebat, cum multis suauibus lachrymis. Sacerdotes, qui meretricibus se sociabant, aut turpius



mulierum contubernijs lætabantur, acri animaduersione carpebat. Qui verò duriores reddebatur, vt se corrigerent, hoc excommunicatos à sacris Ordinibus reiectos, reddebat extorres. His autem qui iniuriam aliquam, aut violentiam suæ facere Ecclesiæ præsumebant, etiam quantumlibet potentes essent, aut nobiles, terribili se obiecit audacia. **DION.** Non erat igitur iste mercenarius, fugere suetus ad luporum occursum.

## CAPVT V.

## DE ZELO IUSTITIAE BEATI

*Anthelmi.*

**BASIL.** Hoc melius disces, vnum si posuero exemplum. Comes \* *Hubertus.* Hupertus, Amedei filius, iussit & coegit vnum è villicis suis potentioribus, vt quendam, qui illi odiosus erat, Sacerdotem in vincula conijceret. Captus & innodatus est. At vbi audiuit Anthelmus Episcopus, villicum repente excommunicationis vinculo irretiuit, & ipso cernente, Sacerdotem, fractis carceribus, violenter eiecit. At Sacerdos, paucis post tempore, à villici pueris, gladio percussus, interiit. Comes verò Hupertus indignatus Antistiti, quòd Sacerdotem tentasset erueri, cœpit calumniari super possessionibus Ecclesiæ, dicens eas ad regalem pertinere censuram: vt hoc pacto

pacto Anthelmo iniuriam strueret. Tum  
 Præsul, ut leo confidens, hortatur princi-  
 pem pro occiso sacerdote pœnitentiam a-  
 gere, & ab iniustis exactionibus manuum  
 retrahere. At Comes seculari potentia tu-  
 midus, hortamenta eius aspernanter acce-  
 pit. Cui Præsul: *Nos tibi, inquit, ô Comes, quæ  
 salutis tuæ sunt, benigno duximus sermone inti-  
 manda. At nunc, quia video te pertinacem, opera-  
 pretium erit, te cum tuo villico spirit ali gladio fe-  
 rre.* His verbis acriori furore succensus  
 Princeps: *Tu, inquit, me excommunicare non  
 potes, cum omnia hæc agam Summi Pontificis pri-  
 vilegio. Hinc tuum gladium non magnipendo.*  
 Tunc constantissimus Præsul, non veritus  
 præcellentissimi Principis magnitudinē,  
 eo præsentē excommunicationis super  
 eum sententiam denotauit. *Ecce, inquit,*  
*data sum, ô Comes, vincula super te, & eris liga-  
 tus in eis, & scito te ex hac hora ab Ecclesiæ filiis  
 separatum, & à salutifera Communionē Sancto-  
 rum.* Cumque ille vnâ cum suis nobilibus  
 acerba indignatione excandesceret, & gra-  
 uia minaretur, vnus cæteris truculentior,  
 dixit ad Episcopum: *Dignum, inquit, te  
 fecit hodie tua temeritas, ô frontose, ut  
 per latera tua traiectus Principis nostri  
 gladius, te funestam, quam meruisti, pro-  
 sternat in mortem.* Ille his verbis constā-  
 tior factus: (optabat siquidem pro iustitia

*Excommunicas  
 Camerem.*

defungi:) *At nunc, inquit, ego latam in eū sententiam confirmo, & à Christi benedicto corpore separatum, trado sathana fatigandū.* Stupebāt mirū in modum qui aderant, tam inuictā animi fortitudinē; & cū illi mortē omnes pertimescerēt prope affuturam, solus ipse trāquillus, & imperterritus perdurabat. **DIO.** Non erat iste è numero Pastorum illorū, quos per Prophetam Dominus reprehendit, dicens: *Non ascendisti ex aduerso. vt staretis in pralio in die Domini, nec opposuistis vos murum pro domo Israel.* **BAS.** Sēper huic maxima cura fuit, arcere lupos tū spirituales, tum temporales ab ouilibus Christi. At nunc vtile est audire quā constātī iustitiæ authoritatē, latam in Comitē sententiā obfirmauerit. Ligatus enim Comes, fecit summo Pontifici querimoniā. Tū Papa misit à latere Archiepiscopū Tarentinū Petrū, & alium quendā Episcopū, orās vt Hupertū Comitē absoluerē dignaretur. Quibus ille respondit: *Qui iustē ligatus est, solui non debet, nisi pro laesa charitate laesor pœniteat & satisfaciāt; & si non dignē pro meritis misericordia tamen occurrente, veritate parcente, Catholica reddi mereatur Ecclesia.* Nam neq; ipse beatissimus Petrus non pœnitescentes absolvere potest. Primū .n. oportuit à Domino Lazarū suscitari, quā iubere eum ab Apostolis solui. Doleat Comes, ploret, pœniteat, satisfaciāt: ego illius o-

*Ezech. 13. 5.*

*Ab anathemate quis absoluendus non sit.*



*cyus miserebor. Alioquin nec à me, etiam si velim, nec ab ipso magno Pontifice, iuste poterit nexibus suis liberari.* Hanc sententiã cū Sūmus Pontifex audisset, miratus est Anthelmi prudentē constantiã: absoluit tamē Comitē, significans Episc. Comitē absolutū. Quod vbi audiuit vir fortissimus, intelligēs Pontificē plus personæ fauisse, quã causæ, motus animo, relicta Cathedra, cellã suã Carthusianã repetijt, vt se sibi redderet, qui hominib. nō posset. Sed huius absentia, Bellicensis Ecclesia destituta, non perferens, multis eū precibus & Apostolicis epistolis vix tandē è solitudine amica rapuerunt, & cū fumo honore & plausu omniū suæ Cathedralæ reddiderūt. Comes tamen, licet eū Papa soluisset, nō se \* tenuit absolutū, sci-

*ens, cōsciētia teste, se suis demeritis iustissimē innodatū. Vno dierū, cū eū Episcopus appellasset in ius, ad cōmissa facinorare respondere, & vt deliquerat satisfacere, Comes respōdit; Ego tibi nō tuo, sed fori iure respōdere paratus sū. Cui Episc. Tu me, ait, iure fori, ego te iure poli cōuenio, diēq; determino, ad diem nouissimum ante iustissima tribunalia Christi. His verbis tremefactus Princeps, mitiorē sese de cætero exhibuit, ab omni iniuria retrahēs manū. Nunc superest, vt duas huius viri virtutes præcipuas attollamus; humilitatē nimirū, & charitatē humilitas in eo tā*

*Relinquit Bellicensem Episcopatum.*

*\* Hoc est, uon se reputauit legitimē ab anathemate absolutum.*

singularis emicuit, vt cùm signis & prodigijs clarus esset, nollet tamen ea in populo vllatenus prædicari. Odio enim vehemētissimo, suam per vulgi ora gloriam, prosequebatur, optans semper pauper, parvus, vilis, & modicus æstimari. Nam die quadam cùm iter ageret, vidit in via, qua transibat, quendam virum miserrimum, humi iacentem, à serpente percussum: cuius omne corpus sic veneno intumuerat, vt instar vesicæ turgidæ distenderetur. Inerat illi etiam vehemens cruciatus, vnde & vicinam sibi mortem nouerat imminere. Tum qui vnà aderant, rogant pium & misentem Antistitem, vt solitam clementiam pereunti impertiatur misero. Stetit ille, & intuitus moribundum, lachrymas compassionis impendit, & breuem pro eo orationem effudit. Et à longè signum crucis iaculatus in tumidum, venenum protinus omne fugauit, atq; omni tumore ac dolore propulso, hominem pristinae reddidit sospitati. Mirabantur omnes, plus tamen obstupuit, se rursus viuere, quem vicina mors penè rapuerat emigrantem. Tum sanctissimus Pater, veritus ne se proderent, acri animaduersione indixit cunctis silentium, asserens suis meritis nil gessisse, sed Dei bonitatem esse misertam viro pereunti. Nunquam sura-

liquis



liquis tantum in sua metuit rapina deprehendi, quantum hic vir verecundus laudibus timebat attolli: qui nihil se præter peccatorem esse arbitrabatur, & hunc vilissimum. Anno ultimo vitæ suæ tanta fuit panis inopia, & tam valida fames, ut plurimi gravissima inopia laborarent. Tum sanctus Pater, apud quem ab infatigabili *Eius liberalitas in pauperes.* creuerat miseratio, modicum quod habebat frumenti, liberalis impertijt: præsertim inopum sanctorum Conuentibus, & pauperum necessitatibus. Videres vndiq; quasi ad sinum matris famelicos confluere: quos ille, etiam cum pauper esset, abunde consolatus est. Stupebant omnes, & intētissimè mirabantur, quomodo & tam pauper esset, & tam multis afflueret. Errat enim illi sementis modicum, sed charitas illud assidue cumulabat; non extrinseca aliqua adiectione, sed occulta diuini muneris suggestione. Nā Dominus Christus, qui quinque panes in pastum extendit multorum milium, hic frumentum Anthelmi pauxillum, in usus innumerebilia pauperum iussit excrecere: ut cui fides non deerat, nec pietatis affectio; opus quoque nec fidei, nec pietatis posset abesse. Hac fide animatus, suis dicere solebat domesticis, qui sibi penuriam verebatur: *Confidite*, inquit, o filij, non deficiet

nobis omnibus frumētum, & ad vsum nostrum & ad vsum pauperum, donec eleemosynā ad mea perfecero vota. Et assignavit eis diem, in quem vsq; suæ eleemosynæ tenderent, factūq; est ita. Nam assignato die, ab hoc exilio migravit in patriā, & misericordiæ opus in pauperes cōplevit, vsq; in consortium diuitū Beatorum.

## CAP. VI.

## DE EIVS IN SIGNI CHARITATE

*erga salutem proximorum.*

**D**I O N. Hæc est Anthelmi charitas in corpora pauperum; nunc eius audi charitatem in animas peccatorum. Non est facilè, mi Dionysi, depromere, quàm pius, misericors, suavis, quàmq; verè dulcis fuerit ad eos, qui pœnitētes sua illi peccata confitebantur. Totis enim viribus compatiebatur illis, & suis eos lachrymis & gemitibus flere, atque ingemiscere compellebat. Et quidem cū ille lachrymaretur præ gaudio, quòd sciret Angelos in pœnitentia peccatoris gratulari, pœnitentes tamen cogebat in sordibus suorum vulnerum tristes fletuum imbres permanere. Hos autem imbres suadebant de spe veniæ erumpere, eò quòd noluit Deus mortem peccatoris, sed magis vt conuertatur & viuat. Tali Præsul vsus industria, innumeras Domino animas conciliabat.

Gau-

Gaudebat quoq; plurimum contubernio leproforum, & visitans horum domicilla, inter hos, quasi inter rosas Paradisi purpureas, medius residebat, lachrymans & consolans eos: quos & diuini verbi dapibus & largissimis eleemosynis recreabat.

DI O. Sublimem nimis, & admodum suauem virum dulci sermone describis. Sublimem humilitate, charitate suauem. BAS.

Vnum nosse te velim, hunc Pontificem nostrum prophetiæ Spiritu muneratum fuisse ab Altissimo: quippe, qui plurima prædixerit, quæ post vidimus adimpleta: Vno nempe dierum, cùm negotij aliquid acturus Gebennas venisset, Buyamundus amicus eius, vir genere clarus & probitate, hunc meruit hospitem lætus excipere. Cumque Sanctus sedisset, dixit Buyamundo: *Vbi est vxor tua? Iube hanc aduenire, quia desidero videre.* Venit illa, verecunda quidem, sed admodum deuota. Tum cœpit eis ANTHELMVS prædicare de coniugij fide, de mutuo inter se & suauitate amore, de pietatis operibus, & timore Dei. His expletis, dixit Buyamundus: Nos Dei munere, sanctissime Pater, cuncta quæ nunc adhortatus es, & hætenus fecimus, & deinceps faciemus. Sed noveris nos tristes, eò quòd nullam nobis vnquam sobolem indulserit DEVS.

Tu

*Exstat hoc mi-  
raculum apud  
Scrium in vi-  
sa S. Anthel-  
m.*

Tu Dominum deprecare pro nobis. Tūc vir beatus aduocans ad se mulierem, vexillum crucis in eius fronte depinxit, & quasi ludens, & aduocans mulieri, dixit: *In nomine Domini fac mihi vnum filium.* Mirares. Mandatum fides, fidem verò ocyus subsecutus est effectus. Nam vt ingressus est ad eam vir suus, statim, quæ erat sterilis, concepit, & nouem post euolutis mensibus, de promisso, & nato filio, gratulati sunt non minimè. Hic cū Dei voluntati administrasset, instaretque bonorum suorum operum remuneratio, lecto decubuit, migraturus ad superos. Quod vbi Comes Hupertus agnouit, veritus, vt credo, ne se vir Dei, vti fuerat comminatus, ad Christi iudicis citaret tribunalia, mentem formauit ad lachrymas, & veniens ad cubile hominis Dei, genibus in terram flexis, & complois manibus eiulans, flens, suspiransque, veniam commissorum in se facinorum precabatur: Scito (inquit ille) ô Huperte, frustra te veniam deprecari, nisi paratus sis calumnias, quas fecisti, dimittere, & nullam in Episcopi aut Ecclesiæ possessionibus vltra exactionem struere. Insuper & super sacerdotis nece præsto sis pœnitentiam agere. Tum ille infusus lachrymis, culpam omnem humiliter fatetur, & iure iurando spondet, se perpetuò

tuò Ecclesiam defensurum, insuper & ad arbitrium eius se pro morte sacerdotis ocyus satisfacturum. His auditis, piissimus Pater exhilaratus est spiritu, & pœnitentem in osculo pacis suscipiens, ad veniam illum, & ad gratiam benignus excepit. Et impositis illi manibus, benedixit, dicens: Deus omnipotens Pater, Deus Filius, & Deus Spiritus sanctus, benedictionis & gratiæ suæ tibi conferat largitatem: crescere quoque te faciat, & multiplicari pariter cum tuo filio. Cumque circumstantes putarent errare Præsulem, dicerentque Comitē filium non habere, sed filiam, respondit: non filiam, sed Comitē se filium benedicere. Et iterum atque iterum repetens, filium benedixit. Quam prophetiam constat esse impletam, cum statim post, cognita vxore, filium genuit: quem sanctus Propheta & promisit, & benedixit. **DION.** Video hunc virum Helisei meritis coequalem, nisi quod Heliseus vnum; hic duos filios cecinit nascituros. **BASIL.** Proximante itaque hora exitus eius, flebant qui aderant vniuersi, & irremediabilibus lachrymis ora rigabant. Quos ille dulcissimis alloquijs solabatur, asserens se non morte defungi, sed ad vitam trāsmigrare sempiternam, nec oportere illum tristitiæ fletibus comitari, quē scirent

4. Reg. 4. 16.



scirent perpetuò gauisurum. Dehinc cœpit eos de pietate, de religione, de charitate, & bonorum operum fructu sedulus adhortari. Ac tunc iussit Sanctorum Letaniam super se legi. Quod dum fieret, sancta illa anima, carnis soluta nexibus, cœlo infusa, cū Sanctis, qui inuocabantur, ad Christi gloriam peruenit. Obijt sexto Kalendas Iulij, anno ætatis suæ plus septuagesimo, Episcopatus verò sui quintodecimo, regnâte magno Salvatore nostro, Domino Iesu Christo, cui est potestas & imperium in secula seculorum. **DI O N.** Amen

## CAPVT VII.

**DE MIRACVLIS BEATI ANTHELMI, post obitum eius.**

**N**Vnc superesse arbitror, vt si vir Deo acceptissimus, miraculis vita functus claruerit, paucis edisseras. **BASIL.** Clauit reuera prodigijs admodum multis, & honorandis: sed pauca de innumeris perstringere attentabo. Nam, vt omittam, quòd ad sepulchrum eius cæcis lumen, claudis gressus, mutis eloquium reformauit (hæc enim quotidiana sunt) nonnulla dicam alia, quæ etsi non maiora, tamen magis insolita sunt. Ipso die, quo sacrum corpus eius traditum est sepulturæ, sub aspectu plebis innumeræ, ecce repente, dum exequiæ celebrantur, tres, quæ illic lampades

pades dependebant, & quas solis diebus  
 solennibus consuevit custos accendere,  
 sub oculis omnium, diuino lumine cœli-  
 tus illustrantur; & tam claro lucis iubare  
 resplendebant, vt nulli esset dubium,  
 Deum hoc voluisse lumine declarare,  
 ANTHELMVM in cōsortium cælestium  
 luminum fuisse translatum. Vincentius  
 Belluacensis, in suo Speculo Historiali,  
 scribit in diē exequiarum huius Patris  
 nostri cereos quaternos, funeri adstan-  
 tes, non humano opere, sed cælesti illu-  
 stratione, fuisse afflatos, & miram exul-  
 tationem spectantibus præbuisse. Nam  
 reueratanta fuit lætantium omnium vo-  
 ciferatio, vt solum tremere videretur.  
 Affuit huic iucundo spectaculo Huper-  
 tus Comes, & Gerardus Viennensis, socer  
 eius, & illustres viri non pauci. Insuper  
 & interterritorio Gratianopolitano, vir qui-  
 dam nobilis, summo optabat affectu, v-  
 nam è sua cōiuge prolem suscipere: quam  
 multis apud se annis sterilem ingemuerat.  
 At vbi audiebat, fama promulgante, mag-  
 nis Anthelmum clarere miraculis, dixit  
 mulier viro suo: Ibo, si iusseris, ad sanctū  
 Anthelmum, dominum & Patrem nostrū:  
 credo quod mihi fructū impetrabit à Do-  
 mino. Venit illa, plena fide, orans & flēs a-  
 pud fecundum meritis Præsulem pieta-  
 tis,

*Metaphor-  
cos.*

tis. Exaudita est, redijt, fructumq; concepit, ac peperit. Non potuit diu sterilis permanere, quæ fœcundum meritis Præfulem flagitabat. Adolescens quidam nobilis oderat sanctum virum, quòd eum aliquoties de suis moribus increpâisset. Hic die quadam transiens per Ecclesiam, ut vidit infirmos complures ad sepulchrum Anthelmi remedia præstolantes, irrisit, & stultos eos, amentesq; fatebatur, quòd à mortuo, & iam putenti, sanitatis remedia precarentur. Vix verba finierat, & ecce tam valida febrium vis repente illum inuasit, ut ardore fatigatus, ocyus se moriturum pertimesceret. Nam robur omne membrorum emarcuit, & inter manus collapsus seruulorum, supremum spiritum attrahere videbatur. Hinc cœpit ab amentia deduci, eo quòd vexatio dederit intellectum. Tum se orat ad Sancti sepulchrum, quem irriserat, deportari. Fundit lachrymas, pectus tundit, veniam petit, & orat sibi pro iniurijs gratiam refundi, Nec mora, pijsimus Præsul iuuenem, quem indeo corporaliter strauerat, ut spiritualiter mederetur, in oculis omnium citius erexit, & sanitate reddita, contulit ut abiret. Tum qui paulò ante blasphemus fuerat, vnà cum adstante populo Anthelmi præconia resonabat. Alius quoque adolescens  
nobi-

nobilis, quem quotidiana simul ac tertiana febris, & caduca insuper passio fatigabant, vino potatus, quo sacrum corpus Præsulis ablutum fuerat; sub multorum oculis & gaudijs, repente conualuit. Hoc vini poculo plurimos nouimus fuisse sanatos. Mercator quidam, vnus ex ijs, qui per mare, per saxa, per ignes pauperiem fugitât, cùm merces omnes suas in nundinis vendidisset, grandem auri & argenti massam conflauit. Ex his pannos sericos comparans, patriam repedauit. Cùm autem Rhodanum haberet fluuium præterire, ingressus nauem omnem substantiam suam, quam in auro habebat & serico, equo suspendit. Inter nauigandum equus casu territus, ex scafa in aquas insilijt cum suo onere, & vndarum vorticibus interceptus, longèque protractus, medijs haustus fluctibus interijt. At mercator hæc videns, vehementer indoluit, seque pauperem, ac miserum perpetuò futurum vociferabatur. Tum naui egressus, per margines, perque ora Rhodani sedulus requirebat, si fortè, & si non animal ipsum, saltem res suas posset vspiciam conspicere. Sed casso labore se fatigabat. Tum audiens nouum Antistitem Anthelmum magnis clarere prodigijs, sepulchrum eius adiit, lachrymas fudit, vota obtulit, & munera

M

gran-

grandiora promisit. Facto mane, Anthelmi patrocinio securus, ad locum illum, unde tristis abierat, redijt. Et ecce omni spe inanis (mirabile dictu) quem profundissima aquarum altitudo absorbuerat, equum in ripa fluminis iacentem repperit, extinctum quidem, sed res omnes domini sui secum in dorso retinentem. Tum ille paruipendens mortē sui animalis, cum immenso gaudio gratia agens, resq; suas recipiens, ubi munera soluit Pontifici, letus & alacer ad propria remeavit. Et id equidē mirum erat, quòd sericum ipsum, licet aquis fuisset immersum, siccum tamen atq; incorruptum omne repertum sit. Fisciliacum rus est sex à Bellicensi oppido miliaribus distans. Hic mulier quædam, cum rebus alijs distenta esset, puerulum iam trimum, negligentius agens, miserranda repperit morte peremptum. Nam cum infantulus ad ripam præterlabentis fluminis incautus luderet, casu lapsus, ab aquis voracibus interceptus & præfocatus est. Tum mater serò sui nati sollicita, cum undique illum anxia quæreret, repperit immersum fluctibus & extinctum. Quem ut rigidum aquis extraxit: *Sancte*, inquit, *Anthelme, redde mihi filium, quem rapuisti. Illum enim nosceris occidisse, quem custodisse potueras.* Et hæc dicens, magnis clamoribus omnia com-



complebat, pectora tundens, & genas vnguibus lacerans. Accurrit mœstissimus genitor, & vicinia tota, perstrepens & plorans. Tunc suatum est matri, ad tumbam sancti Præfulis deferre puerulum. Iungit se plurima multitudo. Illis cum ululatu ciuitatem intrantibus, magna vtriusq; sexus turba matrem ad feretrum comitatur. At illa non minoris fidei, quàm mulier fuerat Chananæa, lachrymis egit, precibusq; & votis apud benignissimum Patrẽ; & quem mortuum detulit ad Sancti sepulchrum, viuum meruit ad hospitium reportare. Iacens nempe humi mortuum cadauer infantuli, repente surrexit; & arripiens bacellũ, qui iuxta se erat, vertit se ad sancti Præfulis tumbã, & illic sanus, lætus, floridusq; refedit. Tum accurrenti, & plurimum lætanti matri, arridens infans, &, vt potuit, alloquens, medium sese amplexantis vlnis & osculis parentis iniecit. Tunc clamor omnium ingēs, gaudio mixtus & lachrymis, in sublime attollitur, & in sancto suo Deus magnifice collaudatur. Puto nunc votis tuis, mi Dionysi, satisfactũ. Nempe, si non fallor, mirabilem virũ, sublimem, singularem, sermo noster explicuit. **D I O N.** Explicuit planè, & habeo non mediocres gratias tibi. At nunc te ipsum ad alia confer.

*DE HUGONEI. MAIORIS CARTUSIÆ Præfecto, ac sexto Ordinis totius Generali.*

**B**ASIL. Florente hoc Patre Anthelmo, magnarum virtutum HUGO claruit Cartusienſis, qui ſancto Hugoni Gratianopolitano Epifcopo in regimine ſucceſſit. Electus ab eo, & præelectus, ob ſingularem piæ religionis ſanctimoniam. Erat nempe Hugo iſte durus ſibi & rigidus, & inexorabilis corporis ſui caſtigatō. Aridus quidem carne, ſed mente pinguiſſimus: cuius etiam adeps dulcedinis ab oculis ſtillabat: tanta inerat ei gratia lachrymarum. Pectus huius optimi viri diuinus Spiritus incolebat: hinc erga omnes pius, dulcis, affabilis reddebatur. Et, cū ob meritorum ſuorum gratiam, ab omnibus mirabilis haberetur, ipſe tamen ſolus ſe non videbat: imò nil de ſe, niſi quæ contemptibilia erant & vilia, æſtimabat. Nec tantum potuit illum mundus erigere, quantum ſolus ipſe ſe deprimebat. Itaque ab omnibus pro pietate amabilis, pro ſanctitate venerabilis, pro autoritate terribilis habebatur. Hic dum magnis virtutibus clareret & ſignis, coactus eſt Cathedram permutare, & iubente Summo Pontifice, factus eſt Archiepiſcopus Viennenſis.

Creuit

Creuit equidem dignitate, sed sanctitate longè semper præcelluit. Habuit tunc Christus in magno grege magnum valde egregiumque Pastorem: qui vita, exemplis, & sermonibus anteibat, & ducem se strenuum demonstrabat. Longissimum sermonis mei obsequium huius vita mirabilis non immeritò efflagitat, sed ad alia festinantem, me retineri non patior: veritus, ne temporis excludar angustiis. Nam huius almi Parris signa prodigiaque non brevis temporis sermonem efflagitant.

## CAPVT IX.

DE BERNARDO, PRIORE CARTUSIÆ Portarum.

**B**AS. Accedo ergo iam nūc, ad reuerendissimum Bernardum, Priorem domus Portarum: quem cū breuiter salutaui, ocyus abscedam. Hic quasi oliua fructifera in domo Dei, copiosissimos pietatis & misericordiæ fructus attulit suo tempore. Hic sanctum Anthelmum, de quo supra hic beatum Stephanum, de quo infra dicemus, recepit ad Ordinem, & sanctimoniæ tramitem, vitæque semitas demonstrauit. Hunc magnus ille Bernardus Clarquallensis Abbas, ob singularem vitæ sanctimoniã, quam in eo repperit, singulari amici tia complexus est. Erat nempe in-

pe inter hos duos Bernardos, dulcis nimis  
& indissolubilis amor, germana societas,  
& vinculū suauissimæ charitatis. Hæc autē  
amicitiā cū nostro Bernardo, S. Abbas tam  
charā habuit, vt gratulabundus ad fratres  
Cartusiēses scriberet in hūc modū: Festiūm

*Est inter epi-  
stolas Diui  
Bernardi vn-  
decima.*

*mibi erit dies ille ducēd⁹, & memoriale sempiter-  
nū, in quo virum illū (Bernardū intelligit) vi-  
dere ac suscipere merui. Per quē factum est, vt in  
cordibus vestris ego reciperer. Retulit .n. ille vobis  
de me quadā, quæ etsi non probauerit, putauit ta-  
men Fidelis quippe & religiosus, absit vt aliter lo-  
queretur, quā credidit. Deinde in fine eius-  
dem epistolæ, etiam hæc de eodē subiun-  
git: Vidit fortassis aliqua parua, & de paruis grā-  
dia astimauit. Vestra autem synceritas facile cre-  
didit, quod libenter audiuit. Gratulor quidem de  
charitate, quæ omnia credidit, sed confundor pro  
veritate, quæ omnia nouit. Hic Bernardus no-  
ster, ob incōparabilem, quā habebat cum  
S. Bernardo familiaritatē, petijt ab eo, vt  
super Cātica Canticorum, pro suo studio,  
scribere aliquid dignaretur. Cui ita ille re-  
spōdit: O vtinam tuo studio ingenioq; dignū ipse  
*Est epist. 153.* aliquid elaborare possem. Lumen oculorū meorū,  
& ipsam quoq; animā, si fieri posset, partirer tibi,  
amice dulcissime, & in Christi visceribus mihi po-  
tissimū in omni plenitudine dilectionis specialiter  
amplectende frater. Cæterum vbi ingenium,  
aut quando otii mihi sufficiens, ad id quod petis?  
Nam voluntatē tuā & curam in hoc satis produāt*

cebra epistola tua, & vehemētior spiritus eas animas. Verū quantō curiosius id velle te sentio, tantō scrupulosius acquiesco. Cur hoc? Ne magna videlicet expectāti, ridiculū producāmur. Et quid mirū, si vereor dare, quod edere verecūdor? Grādis enim sperāti, modica minus grata venire solēt. Tibi studiū est, utpote otioso & vacanti, vnde cūq; perquirere incētiua igni, quo ardes ut ardeas magis, & impleas voluntatē Domini tui, dicentis: Et quid volo, nisi ut ardeat? Laudo, sed si illic ea quæ Luc. 12. ras, ubi te frustratū postmodū nō queraris. Erras, si apud nos quæris, cū illa potius abs te mēdicare debuerim. Sed quid? Num tu ipse melius nos apud te excusabis? Cedo importunitati tuæ, ut velexhibitio tollat suspiciōē. Huc vsq; mellifluus ille Bernard. Ex qua quidē epistola satis patēter aduertis, quā hic noster charus sancto fuerit Abbati, quā bonus, quā pretiosus, quā ē ingenio pręstans, & in Dei amore flagrans. Nempe, 154. et 155. **DI O.** Aduerto equidē, & Dei hominē toto corde complector. Legi & alias magni Bernardi epistolas, quib. hunc Parē affectuosē magnificeq; cōmendat. **BASI.** Claruit verō hic venerandus homo sublimib. post mortē miraculis. Nam ad sepulchrū eius (q̃ magno illic accolē honore venerabile ducūt) cæci, aridi, claudi, paralytici, demoniaci oc̃y<sup>o</sup> liberātur; nec vlla tā maligna vis est, aut tā incurabilis egritudo quæ illic (si fides exigat) mederi nō possit.



**DE S. STEPHANO, DIENSI EPISCOPO, Ordinis Cartusienſium.**

**B**ASIL. Nunc paulò, quàm ſolitus es, peto, vt attentior ſias. Sum enim mirabilem quendam, & ſublimem Ordinis noſtri virum enarraturus: cuius præcellentem ſanctitudinis gloriam, ſicut nec dignè concipere, ita nec enarrare ſufficiam. Eſt enim beatiffimus Stephanus Lugdunèſis, cuius pater vir illuſtris & genere & dignitate, Caſtellionis dominum ſe gerebat. Hic piam conſortem naſtus eſt, & titulis claram, & moribus. Ab hac ſtirpe, tam illuſtri, ſanctus Stephanus procreatur. Qui recens natus, in ipſis iam cunabulis cruci Chriſti configi cœpit, & ante didicit crucem ferre, quàm aut ſe ſentire, aut Chriſtum poſſet per ætatem agnoſcere. Rem penè incredibilem loquar. Hic nempe ad nutricis, ſuæ vbera pendens infantulus, nunquam ſexris feriis cogi potuit vt mammæ ſugeret, immò vel parumper attingeret, ſic diem ſemper eſuriens tranſigebat. Hoc vnum opus tam rarum, & penè haſtenus inauditum, plurimos magno ſtupore confecit, ita vt dicerent: Quis putas puer eſt iſte erit, DIO. Reuera rem magnificam enarraſti, & quam nunquam prius, niſi in ſancto Nicolao nouimus

mus effulſiſſe. Hinc ſatis conijcimus, hunc ab utero matris, Spiritus ſancti munere conſecratum: cuius vnctione, crucem didicit adhuc infantulus baiulare. Quòd autem lacte ſextis ferijs paſci noluit, ſatis portendebat Cartuſianum ſe futurum, qui ſemper iſtis ferijs à lacticiinijs ſolent abſtinere. BASIL. Puer autem factus, cùm poſt rudimenta, ſacris imbuendus literis à parentibus tradiretur, gratia plenus, & claro pollens ingenio, ſupra ætatem, & præcoetaneis ſuis proficiebat, & mirum in modum docilem ſe humilem, & amabilem omnibus præbebat. Erat verò corpore parvus, ætate iuenculus, ſed magnus ſanctitate, & animo canus. Potabat nempe aſſiduè aquas ſapientix ſalutaris, & ſeiſpo quotidie prudentior reddebatur. Morum diſciplina, & ingens virtutum proſectus, vnctione Spiritus magiſtra, hunc ſuper omnes ſe docentes longiſſimè efferebant. Vbi verò iam adoleſcere cœpit, ne caro illum ad opera ſpurcæ Veneris præcipientem raperet, ab omni ſtatuit eſu carnis abſtinere. Stupebant omnes, adoleſcentem delicatum & nobilem, iſtis voluptatibus impoſturam facere, & lubricum iuventutis tramitem aſpernari. At pius Stephanus, ſciens bonum eſſe viro ab adoleſcentia ferre iugum Domini, carnem domabat,

*Vide notas.*

*Eccleſ. 15. 3.*

*1 Threſ. 3. 27.*

bat, & pectus sacrum vallabat ieiunijs, ne blāda pudoris naufragia pateretur. Com-  
 biberat enim iamdudum castitatis amo-  
 rem, vt pectus virtutibus instructum,  
 nulla posset turpi cogitatione turbari.  
 Pepigerat itaque fœdus cum oculis suis,  
 vt necogitaret quidem de virgine. Ora-  
 bat præterea crebrò adolescens, & vigi-  
 lans psallensque manebat, & cū bene vi-  
 uendi formam cunctis ostenderet in se-  
 metipso, nullatenus tamen seipsum osten-  
 tabat.

Morum grauitatem præferbat in vul-  
 tu, modestiam mentis incessu & habitu fa-  
 tebatur, & opus omne pietatis in pauperes  
 exercebat. Verū cū contemplationis amo-  
 re flagraret, nactus iam annos sex & vigin-  
 ti, spretis amplissimis Ecclesiarum bene-  
 ficijs, & paternis rebus abdicatis. Cartu-  
 tufianum Ordinem statuit profiteri. Ve-  
 nit itaque pijsissimus iuuenis, magno deuo-  
 tionis igne perustus, & à sancto Bernar-  
 do Priore Portarum, cuius supra iam me-  
 mini, summa cum veneratione & amore  
 susceptus est. Sacro autem habitu assum-  
 pto, in maximo illic feruore conuersari  
 cœpit, ita vt seipsum imitandi specimen  
 cunctis exhiberet.

VIDE NO-  
 TAS.

Erant enim tunc plurimi magnæ san-  
 ctitatis & pœnitentiæ viri: sed hos noster

Ste-

Stephanus, vt sol sydera, vincebat. Assidue nempe se holocausti hostiâ Domino offerebat, carnem macerans, & mentem igneis charitatis scintillis inflammaus. Nunquam in eius mensa, nisi panem vidisses & aquam, librum quoque apertum, quo sibi vicissim lumina distrahebat, vt vtrique homini alimoniam ministraret,

Erat præterea erga diuinum Altaris Sacramentum deuotissimus; & communicans, aut celebrans, tam copiosis lachrymis perfundebatur, vt totus cruci CHRISTI confixus videretur. Fluebant ab oculis lachrymæ, indices amoris, & adeps pectoris è pijs luminibus decurrebat. In psalmodijs tam alacrè se laudatorem offerebat, vt putaretur angelicis interesse cōcentibus. Et reuera sic erat. Laudabat nempe Dominum cum astris matutinis, & inter filios Dei dulcissimis modulis iubilabat.

Ex his sacris operibus, sanctitatis eius creuit opinio, & grandè nactus est nomen intus & foris. Omnes namque Stephanum Christi militem laudabant, attollebant, mirabantur. Interior homo huius viri, sicuti erat verè pulcherrimus, fortis, integer, incorruptus; ita exteriorem vno sēper modo, eoq; modestissimo efferebāt;

vt



vt nihil in eo prorsus appareret, quod in-  
tuentes offenderet. Quis igitur, nisi coram  
Deo & sanctis Angelis hunc crederet Ste-  
phanum conuersari? Vna nempe dierum  
cū coram imagine Crucifixi orationi &  
lachrymis adhæreret, ecce Angelus Do-  
mini in humana specie iuxta illum maxi-  
ma luce refulgens apparuit, eius operibus  
condelectans, & orationes eius, vt Altissi-  
mo eas præsentaret, excipiens. **DIONYS.**  
Hactenus filui, intentissimè te audiens  
perorantem. Nam stupor mihi sicut men-  
tem, ita & sermonem quoq; occupat, tam  
grandes huius viri melliflui dum laudes  
intelligo. **BASTL.** His clavis virtutibus,  
Portarum Prior electus est. Hoc in officio  
sublimatus, si nosse cupis qualem se gesse-  
rit, librum, qui de eius vita scriptus est,  
legas oportet. Os enim ad alia festina-  
mus.

*Eligitur in  
Priorem Car-  
tisiæ Porta-  
rum.*

## CAPVT XI.

**EX PRIORE CARTVSIÆ POR-  
tarum, eligitur omnium suffragys in Epis-  
copum Diensem.**

**A** Ab hac prælatura super altius cādela-  
brū poni promeruit, vt lōgè lateq; se-  
renissimū vitæ suæ iubar inclaresceret. Nā  
in Diensem Præsulem vnanimi assensu,  
non sine grandi miraculo electus, & con-  
secratus est. Episcopali itaque Sede poti-  
tus,

*Fit Episcopus  
Diensem.*



tus, obseruantias regulares, morum, virtutumq; constantiam, non solum sanctus Præsul non minuit, sed etiam vberiori gratia cumulauit. Ingressus nempe ad regimen sponsæ suæ, diuinum officium non in capella seu loco aliquo secreto, sed in maiori Ecclesia cum suis Canonicis deuotissimè frequentabat. *Diuinum officium cum Canonice suis publicè persoluit.* Omni ferè die salutarem Hostiam Domino offerens, nimia deuotione perunctus, lachrymarum abundantia replebatur. Mirabantur vniuersi contra vsum humanæ felicitatis hominum ex humili heremo, ad summa repente prouectum, plus humilitate, quàm dignitate; plus deuotione, quàm dominatione creuisse. Ipse verò nil tale de se æstimans aut cogitans, ad cordis sui gregisq; custodiam animatus magnos edebat pietatis & sapientiæ fructus. Sed rem tibi nunc aggredior enarrare verè grandem, & hactenus inauditā. Hic sanctissimus animarum Pastor, cum assiduè zelans gregem hortaretur suum, & vigili cura ouium suarum mores discuteret, inuenit populum sibi creditum rudem nimis, agrestem, impium, profanum, irreligiosum, Dei præcepta, ac Sabbata vilipendentem, nec Ecclesijs, nec Sacerdotibus deferentem. Sanctorum quippe festa, plebs impia Diabolo dedicabat, ludicris, tabernis, luxibus, choreis.

Ista. 38.1.

reis, spectaculisq; prophanis. Quæ videns, vir sanctus, ex imo cordis ingemuit, & monens vnumquemque cum lachrymis, nunc seorsim; nunc palam hortabatur eos, viam durissimam deferere, & viam incedere mandatorum Dei. Clamabat sæpenu-  
merò, stans in ambone, & quasi tuba, ex-  
altabat vocem suam, annuntians populo suo scelera eorū, & pœnas Inferni amarissimas intentans. Sed saxeæ & in adamantē cōuersa præcordia, nec minis poterāt, nec blanditijs permolliri. Manebant enim ad fidē impij, ad vitā spurci, ad mores ferrei, & ad omnē disciplinā ceruicosi. Quod ut vidit, acerbiori cauterio hos statuit inurēdos. Putabat enim efficacius signis eos cō-  
uertere, & terrere prodigijs, quos sermo-  
nibus non poterat. Iubet ergo vir Aposto-  
licus S. Stephanus, ad statutū diem solennē cōfluere vniuersos, & audire quippiā no-  
ui, q̃ eis ipse dicturus esset. Accurrit innumera multitudo. Tū ille ambonē cōscen-  
dens, de sublimi eos alloquitur, ita dicens:  
*Hactenus vobiscū egi, o popule meus, verbis, lachry-  
mis, precibus, hortationibus, orās atq; obtestans, ut  
demonū semitis derelictis, viā pacis, viāq; salutis  
ingrederemini. Verū quia nil verbis, nil adhortati-  
onibus proficio, oportet ut nūc palā ostendam vo-  
bis, quibus vosipfos dominis seruos mancipaue-  
rūt, ut ijs agnitis, impiū peccati iugum, à vestris  
cerui-*

*Populum allo-  
quitur.*

*Cogit demo-  
nes visibiles  
se populo ex-  
hibere.*

*seruicibus proijciatis.* Tum iubet ocyus adesse ab infernis specubus teterrimos dæmones. Aduolant illi ad iussum hominis Dei, & populum omnem vallant, ambiuntque per gyrum. Erat videre terribile plurimos illic adstare incensores vitiorum, instar gigantum magnos, turpes, horridos, cornutos, & omni fuligine nigriores. Hi ignem ab ore, oculis, auribusque emittebant, virusque & fumus pestilens è naribus euaporabant. Ungues digitorum rapaces acuebant, quibus sucti sunt animas, raptas ad tartara cruciare. Hos populus cum videret circum se strepere, horribili omnes timore perculsi, signis & crucibus se munientes, diuina auxilia flagitabant. Ad quos S. Stephanus: *Nolite, ait, timere: non enim ut nocerent, sed ut instruerent, hos iussi accedere, abituros rursus dum praecepero. Sed videte quaso, quibus hactenus pestiferis spiritibus deseruistis, isti sunt incensores gula, luxuria, auaritia, ira, superbia, inuidentia, Cū his sine dubio aeterna tormenta passuri estis, nisi ab horū dominio cultus recesseritis.* His dictis, iubet tenebrarū principes ad sua loca reuerti. Necdū factor omnis euauit, & plebs animū recuperavit tranquillū. Apertis autem oculis, neminem viderunt præter sanctum Præfulem: ad quem ita omnes vna voce dixerunt: *Ex hac hora, optime Pater, emendatos nos accipe; & omnes fideles tibi*

*Dæmones dēparent.*

futuras, dignare agnoscere, quos lupos ha-  
 tenus sustinuisti. His dictis, correctisque  
 animis, & mutata iam in melius volunta-  
 te, ad propria feliciter rediêre. **DION.**  
 nunquam prodigium tam stupendum au-  
 ribus audiui. O admirabilem Stephanum,  
 ô Pastorem solertissimum, qui nouit ter-  
 rere salubriter, vt possit subuenire mise-  
 ricorditer. **BASIL.** Affluebat quoque hic  
 Pater ad peccatores pijsimis semper mi-  
 sericordiæ visceribus. Vnus nempe ex hu-  
 ius viri subditis quodam tempore, grauif-  
 sima corporis ægrotatione laborabat. Hic  
 Diabolo se possidente, quem etiam vultu  
 voceque prodebat & motibus, in despera-  
 tionis lapsus abyssum, peccata sua noluit  
 vllatenus confiteri. Hortabantur eum  
 plurimi, verum ille audire verba Dei de-  
 spiciens, rabiosis vocibus inclamabat:  
 Quid mihi scelerato poterit prodesse  
 confessionis antidotum, qui iam totus  
 cum Diabolo damnatus sum? Venit hic  
 sermo ad aures Antistitis. Qui plurimum  
 contristatus, lachrymans, ocyus ad homi-  
 nem venit. Et suadens hortabatur, ne Deï  
 benignissimam clementiam contemnen-  
 dam putet, esseque Deum multo ad mise-  
 rendum proniorem, quàm ille aut spera-  
 re possit, aut petere. Verum miser ille nec  
 lachrymis emolliri potuit, nec hortatio-  
 nibus,

*Hominem de-  
 sperantem  
 Stephanus ad  
 salutem reuo-  
 cat.*

albus, ita cor eius Diabolus peruaferat. Tum sanctus intelligens opus esse fortioribus armis, ad preces se conuertit. Et furfufus humi, Dominum pro illo exorabat, lachrymis pauimentum respergens. Fugit ocyus Dæmō ab ægroti præcordijs, & cōpunctus mente, sua crimina confitetur. Absolutus, & inunctus, viaticum petijt & accepit; & mox spiritum reddidit creatori. **DIONYS.** O oliuam fructiferam in domo Dei. O oleum iucunditatis, vngens & lucens; cuius virtute dæmon pellitur, cuius lenitate durities emollitur, cuius luce peccatorum tenebræ profligantur.

## CAPVT XII.

**MIRACVLA, QVIBVS HIC SAN-**  
*ctissimus Prasul in vita claruit.*

**BASIL.** Hic idem suauissimus Pater paralyticum hominem longa tabe consumptum, & qui se in lecto mouere non poterat, sacra manu palpando, restituit sanitati, gressui, ac labori. Vno dierum, cū ingens grando rueret, & tempestas sonora cladem maximam minaretur, ille decenter signum crucis iaculatus, ita repente eam cohibuit, vt ne lapillus quidem ab aere laberetur. Dum Diocesim circuiret suam almus Pontifex, occurrunt nuntij perstreptentes, & clamantes, in loco proximo mulierem repente in mortem cor-

*Signū crucis  
pellit tempe-  
statem.*

**N**

*ruisse;*



ruisse; & esse à Diabolo præfocatam. Compatitur miseræ mulieri vir mitissimus, & gemens festinat ad locum. Mox commotis visceribus, humi prosternitur, & multis cum lachrymis, CHRISTI clementiam deprecatur. Non distulit pijsimus miserator vota ad se clamantis fidelis famuli sui, sed mox ut ille surrexit à prece, mulier incolumis surgit à funere. Tum Sancti Præfulis aduoluta genibus, meritas gratias deuota persoluit. Obstupuere omnes, & timore pariter & exultatione completi, miris laudibus Dominum in suo famulo prædicarunt. Habebant Dieneses cum finitimis populis implacabile bellû. At Sanctus Dei, sciens post breue tempus è seculo se migraturum, cum nollet Cathedram suam impacatam relinquere, potentissimis egit precibus apud Deum, & citò pax suis & populi sui votis desiderata respondit. Cum iam cælum petiturus, lecto decumberet, accurrunt omnes Ecclesiæ suę filij, ut dulcissimo Patri aliquod exhiberēt obsequium, & suas illi animas commendarent. Accurrunt, inquam, flentes, & tristes, ac gemebundi, certantes inter se, quis prior tanto parēti beneficium aliquod posset pietatis adferre. Tunc reuera extrema gaudij Dięsis Ecclesię, luctus occupauit; quando tam suauissimo Patre cœpit

*Excitat mor-  
tuum.*

cœpit miserranda destitui. Ille enim solabatur afflicto. ipse cum multa alacritate ad superna suspirabat. Instabant autem filij, vt testamentum conderet. *Non est,* inquit, *neceſſe filioli. Nam quicquid vnquam viſus ſum poſſidere, ſponſa mea ſtatui relinquendum.* Illo iam ad extrema vergente, ægra quædam iam penè moribunda mulier, petijt à ſuis, vt ad ſanctum ſe Pontificem introducerent. Intromiſſa verò, ſiſtitur lecto iacentis Episcopi, & votis ac verbis, vt potuit, ſe poſtulabat benedici. Rogant pro ea qui circumſtant lectulo vniuerſi: Tum ille ſacram dexteram extendens, ſigno Crucis mulierem muniit, & benedixit. Tanta viſ gratiæ ocyus conſecuta eſt, vt repente ſæmina conualeſcens, in pedes ſe ſanam erigeret, & ad proprium habitaculum lætabunda & laudans repedaret. Quomodo, rogo, non fieret populus præ gaudio pariter & mœrore: præ gaudio, dum videret mulierem, ſanitati redditam: præ mœrore autem, dum cerneret tam potentem occumbere Pontificem?

*Recuſat con-  
dere teſta-  
mentum.*

*Moribunda  
ſanat.*

DION. Verè potentem Pontificem, qui infirmitate correptus, alijs ſanitati gratiam impertiebatur.

BASIL. Acceptis itaq; cum ſumma reuerentia Eccleſiæ Sacramētis, inter verba

orantium, psallentiumq; sacerdotum septimo die Septembris in sacrae Natiuitatis Mariæ peruigilio, placidissimo fine quieuit in pace. Cuius venerandas exuias mater Diensis Ecclesia summa semper veneratione apud se humatas, retinet.

## CAP. XIII.

MIRACULA, QUÆ POST OBITVM  
edidit.

**S**Tatim verò ut almus Præsul sepulturæ est traditus, cœpit meritis ubiq; in clarescere, & operum miraculis refulgere. Adducebantur namq; ad tumbâ cæci quatuor, quorum oculi vastis densati tenebris, suam lucis influxum capere non poterant. Hi inuocato lucis Præsule, lumen tam corporis, quàm mentis ocyus receperunt, & agnouerunt cordis obtutibus, quanti esset apud Deum meriti, qui novos solis radios illis aspicere contulisset. Post hæc plures adhuc, lumine orbat, interuentu almi Præsulis, diem, quam videre concupierant, aspexere. Impossibile enim erat, illic cæcæ noctis caliginem posse durare, ubi sancti Pontificis lumina meritorum splenduerunt. Dehinc non minus octo claudi, manci, mutilati sacras Reliquias precibus ambierunt & lachrymis. Sed sanctus Præsul, qui consuevit rectos gressus facere pedibus suis, mancos

*Quatuor cæci  
ad eius tum-  
bam visum re-  
cipiunt.*

hos & claudos diu ferre non potuit, sed ab alto miserator aspiciens, bene illis gradiendi, astitandique tribuit facultatem. Omnium tunc ora laxabantur in laudes, & Deum ac Stephanum pijs vocibus prædicabant. Aderat & virgo quædam, cuius vertex capitis iam corruptus, multis è fistulis saniem promebat. Hæc vbi pro remedio supplex Stephanum exorauit, optata citius sospitate potita, grata & lætambunda hospitium reuisit suum. Dehinc adducitur mulier ab oppido Vopinco, caduci morbi incommodo miserè laborans. Hæc statim vbi preces fudit, mirantibus cunctis, sanitatis gratiam reportauit. Poteris quoque non mediocriter obstupescere, si dixerò, mulierem annosagentem plus sexaginta, pedum suorum adminiculis destitutam, inuocato pijsimo Patre, incolumem, suis ad propria vestigijs, remeasse. Mulier Dientis, cum multo iam tempore sanguinis profluuio laboraret, orabat ad tumulum Sancti, plorabat obsecrabat, ingemiscebat. Et sicut illa de Evangelio Emorroissa ad tactum fimbriæ vestimenti, ita & hæc ad tactum sancti sepulchri, ocyus adiuta & liberata est. Dehinc fæmina quædã fistebatur sanâda Pontifici: Fæmina, inquam, tam misera ac miserabilis, vt omnium in se mœstos oculos



concitaret. Erat nempe adeo contracta, & compressa deorsum, vt nec terram aspiceret, nec in dextrum sinistrum uelatus caput posset inflectere. Hæc orans & lachrymans, statim erecta est, & cælum sana respiciens, polorum principi Dei, vnâ cum innumera plebe, gratias personabat. Scire etiam te volo hunc sanctum Pontificem quinque defunctos homines à mortis faucibus reuocasse in pristinam lucem. Miles, dominus castrì, quod Modon, nuncupatur, vir armis strenuus Vapinicum oppidum expugnaturus obsedit. Hic habebat egregium apud se pugnatorem, qui equina percussus yngula in pectore, ocyus expirauit. Cumq; omnem exercitum hic casus miserabilis concitasset ad metum, suadent qui astabant omnes vt sancti Præfulis Stephani, cuius ubiq; iâ signa radiabant, suffragia peterentur. Tunc vniuersi, positis in terram genibus, manus atque oculos extollunt in cælum, & supplicibus votis clamoribusq; almi Pontificis auxilium deprecantur. Et ecce, mirabile dictu, continuò se erigit, qui iacebat exanimis, & flexis etiam in terram genibus, supplices manus extendit in cælum, gratiasq; agens, omnia complet laudum præconijs. Tum totus versus in stuporem exercitus, magnis laudibus sanctum STEPHANVM

com-



commendabat. At miles, postulato silentio: *Habeo, inquit, ô commilitones, immortales gratias optimo Saluatori Deo, & beatissimo Episcopo Diensi Stephano.* Hic meam supremam cladem miseratus, vestris clamoribus p̃ỹssimas aures accommodare non distulit. Ducebar ego infelix demonum impiorum vallatus exercitu, & immergendus perpetuis ignibus, trahebar ad tartara: ubi vidi cruciatus immanissimos, & p̃nas inexplicabiles, meis sceleribus preparatas. Quae quidem tales erant, tam aspera tamq̃, formidolosa, vt eas, dum cogito, totus horreo, tremoq̃. In ijs dum penè mergi inciperem, adest ipso sole splendidior admirabilis Praesul, qui potenti virtute demones terruit, & in fugam compulit, meq̃, manu correptum, corpori restituit: & vt p̃nitentiam agerem, viuere concessit. Hæc autem dicens, plurimos permouit ad p̃nititudinem, & se quoque viæ restituit saniori. Delatus est vno dierum ad sepulchrum hominis Dei adolescens quidam, qui ab excelsa labore deorsum ruens, conquassatus est, & ita toto confRACTUS corpore, vt clausis oculis, defuncto similis videretur. Erat reuera, iam penè mortuus, nec spem vllam viæ medici promittebant. Tunc parentes & amici pro eo suauissimum STEPHANVM votis pulsant, & lachrymis. Et ecce, qui sepulchro

expectabatur inferri, sanitati redditus, domum victurus redijt, non sine ingenti multorum tripudio & gratitudine. Sacerdos quidam habitator castri cuiusdam, è rupe altissima decidens, femoris sui nervos ita detriuit, vt gradiendi officio destitueretur. Hic nostrum præfulem cum visitasset, & preces cum fletibus effudisset, integerrimæ est redditus sanitati. Homo quidam de Brione oriundus, ab hostibus captus, turri fortissimæ est inclusus. Hic sancti Stephani patrocini inuocans, vbi primæ portæ seras, vectes, ac repagula manu tetigit, confestim omnia relaxantur, & patente ianua, secundam portam ac tertiam captiuus tentare aggressus est. Quibus simili facilitate solutis, liber exiijt, & ad tumbam sancti Præfulis veniens, cunctis audientibus & lætantibus, hoc insigne miraculum patefecit. Post hunc accurrunt duo viri, qui etiam adiutorio almi Stephani è carceribus liberati, vincula sua ferrea deferunt ad sepulchrum. Sed quid hætenus laboro verbis rem velle dicere indicibilem? Tu si plura nosse desideras, librum lege, vnde ista pauca decerpsimus. Sed neque illa omnia potuit enarrare. Tu igitur à me nil yltra requiras. DION. Pareo libens, fateor tamen abundè me huius viri magnifici epulis, te ministrante, refectum.

atum. Nunc opus est, ut quod restat, prosequaris. BASIL. Necessè est igitur, ut ordinem, à quo digressi sumus, resumamus.

## CAPUT XIV.

DE PATRE BASILIO, OCTAVO

*totius sacri Cartusienſis Ordinis Generali:*

*qui vixit circa annum Domini*

*1150.*

**B**Eato Anthelmo successit in Prioratu Cartusiae; dignissimae memoriae Basilii Pater. Qui doctrina & eloquentia admodum clarus, multum toti contulit Ordini multumque profuit religioni Cartusianae. Hic non minus sanctitate ac virtutum gratia quam scientia illustris, constitutiones plurimas, Ordini profuturas, instituit, promulgavitque. Hic annis plus quatuor & viginti Cartusiam rexit: vir multum strenuus, sed & mitissimus, praecleara industriae suae post se monumenta relinquens. Columnam hunc in domo Dei robustissimam habuisse, omnes Cartusiae filij gratulantur. Nam alter quispiam, qui eo humilior esset, sanctior, servetior, sollicitior, doctiorque vix potuit inveniri. Edidit enim praeter alia de laude solitariae vitae facundissimae sapientiae epithoma, ubi breui sermonem mirum in modum eam vitam commendat. Hac una eius industria facile, qualis in reliquis suis

*Præfuit annis plus 24.*

*Scrīpsit de vīta solitaria.*

*Gerardi Ni-  
uernensium  
Comitis stu-  
penda humi-  
litas.*

*\* Tabula est,  
in qua scaccia  
ludus exerce-  
tur; de quo  
Hieronymus  
Vida eleganti  
carmine inte-  
grum conscri-  
psit librum.  
Regem leni-  
tatis arguit.*

scriptis extiterit, quis poterit autuma-  
re. Sub hoc Patre ac principe magnifi-  
cus Gerardus Niuernensium Comes, in  
habitu Conuersorum, egregium se Dei  
militem gessit. Qui inter cæteras virtu-  
tum dotes, humilitate singulari radiare,  
pestemq; inanis gloriæ aspernari solitus  
erat. Hic, cùm grauitatis & sapientiæ præ-  
rogatiua sui temporis Francorum aulicos  
omnes antecederet, à Christianissimo re-  
ge Ludouico, & ab regni optimatibus,  
quasi vnus omnium parens, pari coleba-  
tur affectu: nemo vnquam in eius præ-  
sentia, vel etiam rex ipse ludicrum ver-  
bum aut factum proferre audebat. Nam  
vno dierum, cùm Rex ludentibus ad \* sca-  
charium assideret, timens ne comes Ger-  
ardus superueniens, & se spectantem, &  
illos ludentes aduerteret, iussit ocys de  
medio tolli scacos. Sed ille intelligens,  
quid actum esset, Regem dissimulare rem  
cupientem, nec valentem, his verbis cor-  
ripuit: O te, inquit, insignem Principem, & po-  
puli Dei prouisorum, qui mentem regiam his lu-  
dicris subigis, qui omni vita tua tempore, vix ea  
cogitare sufficeres, non solum vt non delinqueres,  
sed qua iusta, quaq; vitia populo tuo sunt in-  
stitueres. Quomodo igitur in his vanis tempus  
insumis, & vigorem mentis effæminas? resolu?  
Hanc obiurgationem Rex sanctus LV-

DOVICVS humiliter exceptit, sciens  
 se à viro iustissimo & optimo reprehendi.  
 Hic GERARDVS Comes inter  
 consules & nobiles viros sæpe cùm in  
 regia concione federet horis solennibus  
 exiens ad orationem, secedebat in par-  
 tem, flexis genibus aut corpore toto fu-  
 sus in terram, cum lachrymis & singul-  
 tibus diuinam super se clementiam im-  
 plorans. Hæc sæpe etiam, cùm in cam-  
 pis aut pratis esset, actitabat, ita vt à  
 suis aut hypocrita, aut vaniglorius dice-  
 retur. Verùm ille hæc audiens, in nul-  
 lo penitus mouebatur, sed stillantibus  
 vbertim per genas lachrymis, verbum  
 memoria dignum loquebatur: *Absit, in-*  
*quiens, absit, vt proditoris crimine pollui ve-*  
*lim, mihi vsurpando gloriam DEI mei. Si a-*  
*doro, & exoro DOMINVM DEVM meum,*  
*non mihi vsq; peccatori, sed gloriam glorioso &*  
*sancto nomini eius do.* Hic tantus & talis Co-  
 mes Cartusiam veniens, à sancto BASI-  
 LIO deuotè susceptus est. Sed multo ip-  
 se deuotius conuersatus. Hic vir sanctus  
 baltheum in funiculum, & sericum in sagu-  
 commutans, inter humiles conuersos vo-  
 luit computari. Vbi crucem Domini quo-  
 tidie tollens, & Agnum sequens, non ante  
 de virtute in virtutem progredi destitit,  
 quàm

Conuersi vo-  
 cantur luchi.



Psalm. 83. 7.

quàm mereretur videre Deū Deorū in Si-  
on. Ad hunc videndū, cū quodam tēpore  
filius, egregiæ indolis adolescēs, profectus  
esset (quē paruulū sibi in Comitatu succes-  
surū in patria sua olim dimiserat,) veniens

*Filius reperit  
patrem ton-  
dentem oves.*

Cartusiam, cū patrem suum videre cu-  
peret, didicit eum tunc in superiora mon-  
tis, tondendis ouibus operam dare. Quem  
diutius expectatum, tandem conspicit in  
habitu pauperrimo descendere, ac vellera  
recenter tonsa, seruicibus deportare. At  
filius eum non agnoscens, accepit à fratri-  
bus, qui illi astabant, hunc suum esse geni-  
torem. Tum ille valde animo compun-  
ctus, occurrit ei, tenensque vestigia eius,  
& exosculans, prægaudio cœpit lachry-  
mari. Qui ad Patris amplexus & oscula e-  
rectus, intueretur sinum & collum ipsius  
barbionum & pediculorum examine sca-  
tere. Quo iuuenis viso, nimium exhorru-  
it, & vermes mordacissimos tollere cupi-  
ens, hoc à patre viro fortissimo respon-  
sum accepit: *sine, inquit, sine fili charissime,*  
*istos vermiculos, vermi, qui non moritur, suam*  
*præripere pradam. Votius & delectabilis est mi-*  
*hi morsus istorum, quos inexplebilem gehennali-*  
*um vermium edacitatem, me, Domino miserante,*  
*spero euasurum.* Sub hoc quoque Patre Basi-  
lio, magnus & sanctus Domino militauit  
Hugo post Lincolnienfis Pontifex. Hoc

VIDE NO-  
TAS.

VIDE NO-  
TAS.

Hugo-

Hugone iam professo, almus Pater Basil-  
 us vita functus migravit ad Dominum.  
 Post huius itaque obitum, tam gravis Hu-  
 gonem carnis tentatio, tamque continua  
 exagitabat, ut plus aliquid quam gehen-  
 nales flammæ se perpeti arbitraretur. His  
 vallatus angustijs, gemitibus abundabat  
 & lachrymis; virgis quoque & abstin-  
 tijs, quibus diuinum auxilium anxius pre-  
 cabatur. Demum athleta fortissimo pro-  
 strato quidem, nec tamen superato; non  
 victo, sed fatigato, tenuis sopor obrep-  
 sit. Continuò velut in excessu mentis posi-  
 tus, vidit sanctum Basilium vultu clarissi-  
 mo radiantem sibi astare, & his vocibus  
 blandiri: *Quid habes mali, charissime fili? sur-  
 ge, & desiderium tuum mihi Patri tuo enarra.*  
 Ad quem ille; O, inquit, optime Pater, ô  
 mi nutritor suavissime, affligit me usque ad  
 mortem lex peccati & mortis, quæ est in  
 membris meis. Et nisi tuo more auxiliêris  
 mihi, ocyus morietur puer tuus. Vix ver-  
 ba compleuerat, en, inquit Sanctus, auxi-  
 liabor tui. Mox patefactis nouacula, quam  
 manu tenebat, visceribus eius, quasi stru-  
 mam igneam inde visus est excuisse. De-  
 hinc data benedictione, pius medicus a-  
 stra repetijt. Aeger verò sanatus, & sibi  
 redditus, somno fugiente resedit. Lætusque  
 super modum de ostensa sibi gloria opti-  
 mi

*consule viâ  
 S. Hugon. Lin  
 col. cap. 7. No  
 uembr. 17.*

*VIDE NOTAS.*

mi parentis, & fotoris sui, corde pariter & carne mirabiliter sese repperit immutatum. Post hæc sacer Hugo non quasi hominem, sed quasi Angelum se gerebat, & ibat proficiens & succrescens quotidie, donec magnus & sublimis effectus est.

*Threa. 3. 16.*

*2. Cor. 10. 13.*

DION. O quàm bonum præstolari cum silentio salutare Dei, qui non patitur fideles suos tentari supra id quod possunt ferre, sed facit etiam cum tentatione proventum.

### CAPVT XV.

DE B. IANCELINO, DECIMO CARTUSIANORUM GENERALI.

\*VIDENO.  
TAS.

BASIL. Succesit \*Basilio Patri magnus & memorabilis Iancelinus. Huius tam sublimis fuit humilitas, & tam humilis maiestas, vt nemo illam vel attingere; & tam feruens charitas, vt vix eam quis potuerit æmulari. Nihil in Prælato ita refulget, vt humilitas mansueta, humilitas temperata, humilitas non segnitie quadam strata humi, sed Spiritus sancti magisterio castigata. Hæc talis est, quæ nouit suum alumnum, ne de se alta & grandia existimet, custodire, & nihilominus in vitia culpasque subditorum sublimem ac constantem attollere; vt rigidus norit, superbè se efferentes, humiliare; & tamen

tamen mansuetudinis terminos non transilire. Hic in tam sublimem sanctitatis apicem excreuerat, & tantorum meritorum vir clarus euaserat, vt de antiquis illis Patribus vnus putaretur. Hic (quod forsitan incredibile apparebit) annis non minus sexaginta ipsam Cartusiam, & vniuersum Ordinem mira rexit industria, moderator egregius, & singularis. Hinc stupor omnibus factus est & admiratio, quod vir scilicet tam grandæuus tanto sufficeret oneri, & abundaret. Sub hoc Patre reuerendissimo ipse Cartusianus Ordo toto iam orbe diffusus, luminis sui gloriam humanis infundit obtutibus, & laudis suæ præconia per ora omniū promulgabat. Singulari tamen prærogatiua sanctitatis, ipsa domus Cartusiæ præeminebat. Hinc factum est, vt bono suo, quem spargebat odore, virum magni nominis Petrum Frecolli, genitorē Clementis Papæ IV. ad se attraheret, reciperet, vestiret, retineret. Nam hic deuotissimè in habitu sancto conuersatus, etiam ibi sepultus, quieuit in pace. Sub regimine huius beatissimi IAN CELINI tam consummata virtutis Monachi & conuersi in Cartusia Domino militabant, vt idonei essent omnes, signa facere. Horum vnus, cū post mortem esset translatus ad  
supra

*Præfuit ad  
annos sexaginta.*

*Nota*

superos , cœpit magnis in terris clarere prodigijs. Nam Dominus non passus serui sui gloriosa merita sub modio contineri, maximis illum miraculis honorabilem fecit. Finitimos quippe omnes valetudinarios, & qui varijs incommotis laborabant, excitauit Deus, vt si cuperent sanitatis gratia donari, sepulchrum inuiserent recentis in Cartusia defuncti serui sui. Accurrunt itaque leprosi & mundantur, cæci & illuminantur, surdi, muti, claudi, & reformantur. Attrahuntur dæmoniaci, & repurgantur, paralytici quoque, & podagrici ad robur pristinum eriguntur. Cumque propter hanc sanitatum gratiam, multo iam tempore durantem , innumera hominum multitudo ad sancti viri sepulchrum conflueret, contigit vt domus ipsa non parua dispendia pateretur rerum temporalium pariter & spiritualium. Accursus enim & strepitus hominum, sanctorum fratrum requiem fatigabant, & temporalia eorum bona consumeabant. Diabolus quoque sese his perturbationibus immiscens, scandalorum etiam moliebatur insidias. Hæc vbi vir beatus Iancelinus animaduertit, moleste nimium suorum inquietudinem tulit. Et lachrymans, hæc Dei Sancto querimoniam fudit : *Hæcine est, o fili dulcissime, retributio, quam retribuisti nobis?*



nobis? Tu in tabernaculis fiducia & in requie opulenta quiescis, & hunc nobis inquietudinis impetum reliquisti? Non ex aquo hac diuisio facta est. Oportet igitur, ut iisdem, quibus Diabolum superasti, te aggrediar armis. Obedientia nempe, quae in certaminis campo viriliter dimicasti, & quae tibi pacem peperit sempiternam, fratribus etiam tuis hoc in loco tranquillitatem afferat, necesse est. Et accedens reuerenter ad tumultum, in virtute, ait, obedientia tibi praecipio fili, ut sicuti mihi, dum hic viueres, semper obedisti, ita & nunc mihi obtemperes. Volo igitur, ut deinceps nullum opereris miraculum: sed potius consulas quieti nostra, uti tu olim tua consulisti. Paruit ille, ut erat humilis corde, & nullum de cetero curationis signum, quasi iussa pauescens, exhibuit. Tanta sub hoc magno Patre in fratribus sanctitudo florebat, ut Deus quoque; fideli custodia, & hos, & horum omnium substantiam vallaret per circuitum, vindex nimirum prauorum operum, vltorem se obiectans acerbissimum. Vnde illustis quidam, & magni nominis Princeps ausus est à Cartulianis fratribus aliquid præripere violenter, & possidere. Quem tamen Deus, uti fecit regi Abimelech, percussit, suamque coniugem puniuit in conceptu & partu sobolis suae. Omni namque tempore, quo mulier parere debuit, non humanam effigiem, sed prodigio-

digiosum quoddam monstrum fundebat in lucem. Istud dum iam certis vicibus contigisset, illa intelligens se ob sua scelera flagellari, rapinam restituit, & obtenta Sanctorum prece, filios deinceps generauit incolumes. Vna quoq; dierum cuneus quidam prædonum impetum faciens, armenta & boues omnes, quæ tum pascebantur in campis, violenter coram se minans, tentabat abducere. Cumq; non longius abiissent, occurrit illis frater, Conuersus illius domus, & agnoscens sua esse animalia, precatur obnixè, ne rem tam sacrilegam attentare præsumant. At illi furda aure transeunt irridentes. Et ecce terribiles quædam antea nunquam visæ bestię repente irruunt è nemoribus, minaces, truces, formidabiles: quæ, intactis ouibus, latrones ocys inuadunt, & membratim discerptos in momento. Quo facto, sese ad nemus recipiunt. Tum Conuersus pauens & tremens ad tam formidatum iudicium Dei, recepta animalia, coram se minauit ad claustrum. **DI O N.** Quàm manifesto exemplo ostendit Deus, verum esse, quod ante per os Prophetæ pollicetur: *Qui tangit vos, tangit pupillam oculi mei. Sed progredi ne moreris.*

*Ezech. 2. 8.*

## DE PATRE MARTINO, ISTIVS

*nominis I. & Ordinis Generali vndecimo.*

**B**ASIL. Iancelino optimo Patri successit magnificæ pietatis Martinus, vir scientia, sanctitate, & authoritate clarissimus. De quo almo, & honorifico viro hoc narrabatur, nusquam scilicet in Ordine reperiri, qui illi scientia secundus haberetur, aut gratia. Erat in eo humilitas singularis, charitas admirabilis, autoritas augustalis. Scire te oportet nostrum Ordinem lentè, & cum quadam pigritia semper processisse. Faciebat quippe rigor vestium, frugalitas ciborum, carentia necessariorum, abdicatio voluptatum. Hinc factum est, ut pauci admodum & hi solum feruentissimi, nostris se contubernijs sociarent. Ordo autem \* Cisterciensis, qui paulo post nostrum exordium sumpsit, mirum in modum in personis crevit, & domibus; & ad quatuor mundi se climata dilatauit. Vna dierum, cum fratres Carthusiæ sub die colloquij inter se de his quererent, & mirarentur, quidam ex eis, loquente in se Spiritu DEI; his verbis tristes solatus est, dicens: *Non fratres, agrè tuleritis illos celerius crescere ac longius progredi, & nos quasi inertes pedetentim*

*\* Anno scilicet Domini 1098. Carthusiæ verò anno 1084.*

*Ordo Carthusiensis pedetentim cur succreuerit.*

subsequi. Nam Cistercij, ut citò crescunt, ita & citò decrescunt: non quidem pluralitate, sed sanctitate. Nos verò incrementa ducimus tardiora, sed authòre Deo, & multitudine & sanctitate durabimus, & alijs de virtutum culmine in imaruentibus, nos mundis manibus addemus fortitudinē, & perseverabimus in Ordine & gradu nostro. Hanc prophetiam etiā in hæc tēpora nostra durare conspiciamus, in quos verè fines sæculi deuenerūt. Quod aut tam segni progressu noster Ordo promouit, fecit austeritas, & religionis rigor. Hinc factum est, ut nonnulli Pontifices Ordinem hunc horroři ducerent, simul & Cardinales, nec facilè induci poterant, ut crederent esse salutiferum, quod tam inhumanum & asperum videbatur. Vnde & Innocentius Papa olim ille Canonista præcipuus, cū adhuc Cardinalis esset, solitus est sanctum quendam heremitam iuuiscere, virum altissimis cōtemplationibus sublimem. Qui quodam tempore adueniens, repperit eū exstasi mentis absorptum, & ita rigidum, ut & mortuus crederetur. Tum qui erant familiares Innocentij, hominem Dei cœperunt vellere, pulsare, agitare. Tandem ad se reuersus, cœpit pectus suum tundere: & vellere crines: & lugubri voce clamans, cum lachrymis dixit: *Ego raptus ad seuera iudicia magni Dei, vidi mirabilia, & horrenda nimis.*

**VIDE NOTAS.**

*nimis. Va, & septies va miseris mortalibus, & infelicissimo hominum generi.* Turbatò autem Cardinali, & his, qui conuenerat, & sciscitantibus quid vidisset, respondit: *Ductus sum ad Infernum, & vidi illic animas impiorum in eternas gehenna flammās incidere, vt solent niues, cum densissime cadunt ex nubibus. Post ad loca purgatoria perductus, illuc rarissime inferebantur animæ, vt mos est, niues deorsum minutim labi, quando nubes ninguida iam defecit.* Deinde raptus ad deliciarum flarentissima loca, tantum tres illic animas introire conspexi, animam scilicet illius, quem tu nosti, Pontificis, animam cuiusdam illius domus Cartusienſis, & animam illius probissimæ mulieris Romanæ ciuis, singulas personas de nomine sonans. At Cardinalis huius rei veritatem nosse cupiens, vbi seruos suos misit inquirere, repperit hac ipsa hora hos tres homines luce functos, ad superna commigrasse. Hinc factum est, vt venerandus Innocentius, qui prius nimium Cartusiani Ordinis rigorem timuit, ob eleuatum ad cælestia Monachum, multo eum sit deinceps complexus amore, & nouam illi domum suis impensis instituerit. Creuit itaq; sub hoc Patre Martino Ordo noster, atque adeo inualuit, vt tritum diceretur vulgo prouerbium: Vbicunq; Cartusienſibus erigeretur horreum, citò ibi



fieri claustrum. Hic itaque pijsissimus Martinus, instar illius Turonensis Præfulis, pauper & modicus, post maxima experimenta virtutum, cælum diues ingreditur. Et quia puto non tibi me esse oneri, si parumper historias attigero, dicam aliquid, quod scimus hoc Patre regente Cartusiam contigisse. Est enim auditu mirabile. Mōs quidam, qui tunc temporis inter Cartusiam & Cambriacum maximus habebatur, sese à montium, cui iunctus erat, societate secernens, ac per multa miliaria cuiusdam vallis pertransiens, alijs se montibus iunxit. Transiens autem villas omnes, quas in valle repperit, ocys oppressit, & agros omnes ac campos lapidibus opplens, quinque hominum millia (irato eis iudice Deo) extinxit, ac præfocauit. Qui illo ipso anno venerunt ad Capitulum generale Priores, retulerunt in Toletō Hispaniæ ciuitate, Iudæum quendam, dum operam daret in suo agro rupem comminuerē, vt illi ad vineam ampliandam locus sufficeret, inuenisse in ipsa rupe quandam concauitatem humana industria comparatam. Ingressus autem repperit librum vnum, qui ligans folijs compactus erat. Hic liber scriptus erat triplici sermone, Græco, Hæbraico, & Latino; tantundem Scripturæ continens, quantum vno posset scri-

*Mirum vide  
vī queat, vn-  
de Dorlindus  
hac habeat.*

scribi Psalterio. Cōtinebat autē volumen  
trium tēporum cursum, ab Adam incho-  
ans, vsq; ad pessimum Antichristum. Lo-  
quebatur enim, & pulchro sermone scri-  
bebat tempus naturæ, tempus legis, & tē-  
pus gratiæ: & hæc tria tempora, tres mun-  
dos nuncupabat, proprietates hominum  
cuiusq; mundi definiens. Principium ve-  
rò tertij mundi posuit in Christo sic. In  
tertio mūdo, tempore scilicet gratiæ, Dei  
Filius nascetur ex Virgine Maria, & pro  
hominum salute patietur. Hæc vbi Iudæ-  
us legit, credidit, & cum omni domo sua  
baptismatis vnda dilui meruit. D I O-  
N Y S. Hactenus silenter te, ac libenter  
audiui: nam saluifica sunt & iucunda om-  
nia quæ dicis. Sed oro, ne progredi fati-  
geris.

## CAPVT XVII.

DE PATRE BOSONE, DECIMO  
*sexto Maioris Cartusia Priore, seu Ordinis*  
GENERALI.

VIDE NO-

BASIL. Martino optimo Patri successit TAS.  
(omissis plerisq; Patribus intermedijs)  
sanctus Boso, vir multa sanctitate reuerē-  
dus, ingenio & doctrina admodum clarus,  
& præstati authoritate conspicuus. Huius  
tā grandia apud Deū merita clarebāt, vt ab  
eo, quicquid peteret obtineret. Fuit enim

magnarum virtutum atq; operum perpetrator. Et cùm in celsa staret arce bonorum, essetque toti mundo admirabilis, in suis tamen ipse oculis sibi vile sciebat. Sublimis ad merita, sed ad præmia capeſcenda humillimus. At ne putes huius sanctitatem, solis me velle iactitare sermonibus, vnum dicam, quo cætera tibi eius opera clariora reddantur. Quodam tempore cū in Cartusia fabrica quædam erigetur, vnus è mancipijs ab alto ædificio in præceps ruens, ad lapides miser se collisit; & fractis, ac dissipatis membris omnibus, animam efflauit. Hic opertoria veste impositus, sub oculis beatissimi Bosonis, eiusque vestigijs deportatus est. Tum orant omnes cum lachrymis, vt solita pietate motus, defunctum hominem, & in suo opere laborantem, vitæ restituat. Ille, vt vidit miserabile infortunium, lachrymas fudit, genua posuit, & fusa super eum breui oratione, absorptum à morte ad vitæ munera ocyus reuocauit. Surgit ille integrè & incolumis, & sese post mortem viuere, seq; sibi ipsi superstitem esse miratur. Cui Sanctus: *Perge, inquit, fili, ad opus tuum, & gratias agens ei, qui te curauit optimo Saluatori, incæptam operam explere curato.* Mirantur omnes post tam lugubrem necem, tam celerem vitam, & sublatis ad sydera vocibus, De-

um in

*Suscitat mor-  
tuum.*



um in Bosonis meritis magnificè attollūt. Est apud Cartusiam quædam ferri fodina, quæ ad ius pertinet Monachorum. Hic quodam tempore plurimi è vicinis locis homines adunati, ferrum non modicum de subterraneis specubus extrahebant. Quod ubi vir beatus audiuit, oblitus suæ inualidæ senectutis, bacillo membra sustentans, montem altissimum, & accessu admodum difficilem potenter ascendit, & aspectum suum illis exhibuit: & vt ab execrabilibus furtis animum reuocent, humili sermone petijt, impetrauitq;. Erat nempe tam sanctæ opinionis Pater, & tam magnæ autoritatis, vt nemo auderet coventante, perperam quid agere. Hinc factum est, vt omnes illi cum metu & reuerentia ocyus abscederent, nec in reliquum simile quid facere attentarent. Hoc Patre, & toto Ordine nostro florente, Templariorum Ordo, iubente summo Pontifice, sub vna nocte de superficie terræ deletus est, & ad impia tartara cum suis cultoribus commigravit. Hi enim funestissimi & perfidissimi homines, omnibus iudæis, paganis, & hæreticis scelestiores, sub agnino vellere, Christianam fidem nitebantur extinguere, & Christum in suis membris crudeliter iugulare. Transco tamen hæc, credens te hæc apprimè nosse. **DION.** No-

*Hæc paulo aliter apud Petrum Sutorum.*

**VIDE NOTAS.**

*Templariorum Ordo quando deletus.*

**VIDE NOTAS.**

*Confirmat hoc  
Petrus Sutor  
lib. 2. de vita  
Cartus. cap. 6.*

ui fateor, & tam occultam & generalem hominum illorum cladem nunquam sine stupore reminiscor, BASIL. Vixit sanctus Boso in officio Prioratus, annis quinque & triginta. Quo ad superos translato, Reliquiæ eius, ut cætera mortuorum corpora, terræ mandata sunt. Creuit autem olim herba super tumbam huius almi Patris, quæ gustata, morbos varios & febres acutissimas pellere poterat. Hinc aduentabāt ex diuersis mundi partibus, viri pariter & mulieres, qui has herbas magnis precibus ambiebant. Rustici quoque illarum partium, in suis infirmitatibus non alia antidota quàm has herbas accipiunt, & accipientes mox liberantur. Sunt præterea complures alij in hoc cemiterio sepulti sanctissimi Patres: quorum merita sunt apud Altissimum, ut possint signis miraculisque clarere, si fides exigit, & si fuerit qui requirat.

## CAP. XVIII.

DE INSIGNI VIRO, PATRE MAY-  
MON E, decimo septimo Ordinis GE-  
NERALI.

Post beatissimum Bosonem, elegit sibi in Priorem Cartusia Haymonem, virū per omnia mirabilem. Cuius tanta fuit in diuinis libris sapientia, ut abundè nō modò suam Cartusiam, sed etiam gymnasia pasce-



pasceret Theologorū. Nam & scripta eius, etiā his nostris tēporibus in pretio habētur, & honore. Magnus itaq; sapiētia & scientia, sed Dei timore & sanctitate nusquā inferior, Tam exuberans fuit in hoc viro contemplationis gratia, & internarum rerum cognitio, vt Prioratus officiu ægerri-  
mē ferret. Delinitus enim Rachelis amplexibus, & dulce eius contuberniū gliscens, lippientem Liam, & ad multa sollicitam, fastidiebat. Huius tempore Prioratus, tota Cartusiana domus, diaboli factione, magno incendio concremata, & in fauillas cineresq; penē redacta est. Sed quam  
dæmonis inuidia succēdit, Dei nostri clementia rursus restituit, multo quā antea nobiliorem ac firmiorem: porrigente  
ad id opus toto Ordine manus adiutrices, vnā cum Principibus, & potestatibus  
mundi.

*Maiores Cartusianae igne deflagravit.*

*Sed restaurata est.*

## CAPVT XIX.

## DE PETRO FAVERII, PRIMO

*quidem Priore S. Crucis Roma, deinde verò*

*Generali totius Ordinis Procuratore.*

**S**Vb hoc Patre Haymone Petrus Faucrius Monachus factus, egregiū se inter ceteros militē gessit. Huius cū esset summa religio, summa tamen illi inerat humilitatis deuotio, & deuotionis discreta cōsumatio.

Hic

Hic Prior domus S. Crucis, quæ Romæ est, institutus, pro morum suorum gloria & ingenij magnitudine Procurator Ordinis Generalis, ad causas actitandas, in Aui-  
nionem institutus est. In hac ciuitate, in qua  
tunc Papa erat, cùm Ordini auxiliaturus  
degeret, contigit graui illum ac peremp-  
toria infirmitate teneri. Vnde dum lecto  
decumberet, moriturus, venit illum inui-  
sere, Dei nutu, Dominus Heribertus, Pri-  
or boni passus, nostri Ordinis, vt ægro ef-  
set solatio. Quem Petrus vt vidit, magno  
gaudio repletus, exultauit in Domino.  
*Gratulor, inquit, aduenisse te, mi suauissime fra-*  
*ter: Nam & hoc corpusculum trades ocyus sepul-*  
*turæ.* Dehinc facta confessione, ac corpore  
Christi præmunitus, sese ad exitum præ-  
parabat. Patre autem Heriberto, ob suas  
operas, ab infirmo paululum digresso, ec-  
ce Sathan, humani generis acerrimus ho-  
stis, ad lectum iacentis se posuit, tetrum, a-  
sperum, formidabilem: & aperiens gran-  
de volumen, quod tenebat manibus, in  
quo peccata omnia ipsius infirmi, quæ vn-  
quam gesserat, stylo exarata tenebat, tūq;  
in faciem viri Dei cum magna se proter-  
uia ingerens, & stomachum mouens, cœ-  
pit cachinnando & irridendo impropere  
illi sensim delicta sua omnia, quæ pa-  
trârat. Hæc videns & audiens Procurator,  
&

& timore horribilis aspectus Sathanę plurimum conturbatus, agebat secum, quid ad tam frontosam obiectionem posset respondere. Sciebat equidem se peccatorem, sed longam & asperam egisse in Ordine pœnitentiam, nec quicquam damnationis esse his, qui sunt in Christo Iesu. Verum quia iudicia Dei abyssus multa, & ne-

Rom. 8. 1.

Psalm. 35. 7.

scit homo, *utrum Dei amore, an odio sit dignus,*

Eccles. 9. 1.

ideo sperabat, & tremiscebat; fidebat in Domino, & pauescebat. At Sathan modis omnibus operam dabat, ut in desperationis foueam præcipitem raperet militem Christi. Ille verò ex aduerso acriter pugnans, fidei se clypeo protegebat, & sudans ac tremens, psallebat & orabat, ac Diaboli pectus spiritalibus telis transuerberabat. At illa mitissima propitiatrix generis humani, omniumque afflictorum adiutrix promptissima, Dei Genitrix Virgo MARIA, videns serui sui acre certamen, de supernis descendit, & inæstimabili claritatis luce refulgens, ad lectum iacentis se collocavit. Stabat formosa illa, & omnium pulcherrima Virgo, puerum speciosissimum niueis complectens brachijs; oculisq; mitissimis suum Petrum aspiciens. Quam ille ut vidit, supra quàm credi potest exhilaratus, spiritu spem suę salutis integerrimam reuocavit. Porro Zabulus Diuę Vir-

Diabolus sagatur accessio  
Diuę Virginis

ginis

ginis lucem non ferens, obscuro quodam,  
 qui illic erat angulo, se recepit. Tum sua-  
 uissima Virgo, ostendens ægro suum Fili-  
 um: *Noli (ait) mi frater timere, noli pertimesce-  
 re. Per hunc nempe puerum formosum, omnia ti-  
 bi peccata condonantur.* Hæc verba vt impius  
 Sathan audiuit, contabuit, & fuga elapsus,  
 confususque in tartara se præcipitem de-  
 dit. At infirmo apprimè consolato, in  
 cælestia regna Dei Genitrix remigravit.  
 Redeunti verò Patri Heriberto, multa  
 exultatione perfusus, dixit Petrus: *Ego, mi  
 Pater, tam magna nunc spei fiducia vtor, tantaq-  
 sum mentis constantia animatus, vt nec mente  
 concipere, nec verbo id dicere possim. Vidi enim  
 non in somnis, sed vigil, & his oculis Dei Genitri-  
 cem, suam vnicam sobolem I E S V M ge-  
 stantem, & salua facta est anima mea.* Tum  
 cœpit enarrare Heriberto, quæ sibi paulo  
 ante contigerant. Sequenti nocte, post  
 Matutinas, cœpit ipse solus alacriter Lita-  
 niam decantare Sanctorum: cui se con-  
 iunxit Heribertus, vt succurreret labo-  
 ranti. Inter psallendum verò, vbi ven-  
 tum est ad locum: *Omnes Sancti orate pro  
 nobis*, subitò sursum porrectis ad cælum o-  
 culis, manu dextera extensa, quasi Heri-  
 berto rem aliquam monstraturus, cum  
 ingenti cordis lætitia, ac sono vocis cla-  
 mauit, dicens: *Omnes Sancti qui huc modò ad-  
 uenistis,*

*uenistis, orate pro me.* Quam postulationem cum summo sæpe feruore resumens, atq; ingeminans, beatum spiritum in Sanctorum, qui illic aderat, manus emisit. Dico. Hinc apertissimè conijci datur, eum Sanctorum præsidio vallatum inimicas acies trāsisse tenebrarum, & cum ipsis ad superna regna Dei commigrasse. BASI. Vnum nunc dicam, quo Haymonis S. Patris zelū possis agnoscere. Erat in Sabaudia Aymarus Comes, vir nobilis excellentiæ: qui ius aliq; sibi in Cartusiæ possessionibus vsurpabat. Erat itaq; improbus, & violentus exactor. Hic quodā tempore Capituli generalis misit satellites suos, vt pontē Cartusiæ perfringerent, & plurimas violētias irrogarēt. Paruerunt crudeli domino ministri crudeliores. Accepta hac iniuria, veritus Pater Reuerendus, ne hæc licētia maioris insolentiæ causa fieret, malignā Aymari audaciam Comiti Sabaudia, & ipsi Delphino Viennēsi intimauit, auxiliū iustitiæ cōpleri desiderans. At hi Principes, cū plurimū Baronē hunc adamarent, inefficacem esse optimi Patris querimoniam protulerunt. Vnde zelo ductus, factam violentiam Regi Franciæ patefecit. Ille re cognita, vehementer incanduit, mandans Comiti, & etiam Delphino vindictam facere in hominem peruasorē: alioquin



quin se daturum operam, vt destructa ad solum Cartusiæ domo, quam illi videbantur habere contemptui, aliam in suo regno multo hac construat nobiliorem. Quod vbi Delphinus, & ipse Comes audiuit, veriti amittere domum, quam summo semper ducebant honore, & quæ in suis est constituta limitibus, Aymarum Baronem, & filios suos, quos habebat, ligato sibi ad colla capistro, Cartusiam ire compellunt, & pedibus se submittere sanctorum fratrum, misericordiam & gratiam petituros. Veniunt innodati, se prosterunt, petunt misericordiam, lacrymantur. Quos vbi Prior sanctus in pacis osculo recepit, petit vt pro cautela scripto id ius resignent, quod se infra Cartusiæ limites habere fingeant, iurentque nunquam in reliquum se talia præsumpturos. Scripserunt, iurauerunt, & vsq; in hanc horam iurata persistunt. Præfuit annis quindecim Pater Haymo Cartusiano regimini, sed cum nimium flagraret Rachelis amplexibus, instantissimis precibus egit, vt vix tandem fatigatis Patribus, solitarius sibi viveret, & suo Deo. Sed quis nunc dignè commédet qualiter hic vir sibi redditus, se suæ solitudini præbuerit diligentem? Tunc cœpit in eo perfici consummata iustitia, & totius sanctitatis sublime cacumen.

men. Nec ante destitit mūdis manibus ad-  
edere fortitudinē, & de virtute progredi in  
virtutē, quā videret Deum Deorū in Sion.  
Dio. Magnū nōstri Ordinis principē me-  
morasti, cuius mihi zelus summopere pla-  
cuit, vtinā & oēs Prælati hunc zelū induāt,  
stare in prælio pro domo Dei. Noui vnum  
Ordinis nōstri Priorem, qui ob sui pusil-  
linitatē, cum non auderet domui Car-  
tusianæ obistere, grandia exigenti, ne Prio-  
ris tandem spoliaretur officio; ingentis  
pretij possessionem suo cœnobio detrunc-  
casse. Vnde & vsq; in hūc diem domus ip-  
sa manet pauperior, in æternūq; manebit.

## CAP. XX.

## DE VENERABILI PATRE CLARO;

*Generali decimo nono.*

**B**ASIL: Patri Haymoni successit vno  
intermedio plurimum venerandus, &  
non solum virtute, scientia, & fama; sed  
& nomine Clarus, & dignitate. Hic Pater  
Clarus, ob multam, quæ in illo erat huma-  
narum diuinarumq; rerum scientiam, mi-  
rabile sese omnibus exhibebat. Erat quoq;  
sermone disertus, & hortaminibus effica-  
cissimus. Hinc publica de illo fama voli-  
tabat, quòd vix quempiam tota Ecclesia  
contineret, qui illo esset aut virtute præ-  
stātor, aut scientia illustrior: atq; ideo se-  
cundus mūdi Clericus à pluribus vocaba-

\* Nempe idē  
cobo; istius  
nominis pri-  
mo.

Vocatur se-  
cundus mūdi  
clericus.

P. tur.

*Ex Priore Parisiensi, fit  
Præfectus  
Maioris Cantusie, hoc est  
totius Ordinis  
Generalis.  
Insignis Ioannis  
Torneij  
sanctimonia.*

tur. Secundus utique, quia nemo illum Domino Apostolico honorificè præferendum arbitrabatur, qui tunc temporis erat in omni facultate celeberrimus. Hic beatus Clarus, cùm Prior esset Parisijs, atque eam domum strenuè gubernaret, ad regimen supremæ domus adsciscitur. Vbi tam grandem fructum exhibuit, ut plurimos sanctitate celebres viros, sub se habere meruerit. E quibus vnum exempli gratia in medium adducam. Erat nempe illic sanctus Ioannes Tornerius, vir magnus, & sublimium meritorum. Hic factus Sacerdos, cùm esset primam Missam celebraturus, & non occurreret ad cāpanæ pulsum, venit Sacrista ad cellam eius, ut vocaret eum. Et aperiens ostium, vidit cellam totam splendore igneo coruscantem, multoque lumine, ad instar meridiani solis refulgentem. At Sacrista, cùm sibi oculorum aciem lucis radij obtudissent, Dei hominem reuerenter inclamitans, orat ad Altare procedere. Venit ille, & ecce facies eius ut flamma ignis ardere conspicitur, & lucis de se radios emittere ex consortio sermonum Dei. His visis territus Sacrista, & tremefactus, oculosque ad dictam cellam sursum attollens, vidit (mirabile dictu) quatuor ingentes cerEOS summo lumine radiantes: qui ad quatuor tecti

teſti angulos in ſublime porrecti, fulgurabant, & diem ipſum lucis gloria vincebant. Dehinc acceſſit ad Altare nouus Sacerdos, nouo ſacrificio, nouoque lumine coruſcus; nec non & noua gratia illuſtratus, nouam Miſſam nouus homo conſummauit, ea ſanè puritatis deuotione quam ſolus nouit Altiffimus. Hic aliquando factus Procurator, venit ad eum ruſticus quidam, vicinus Cartuſiæ domui, deferens in manibus ſuarum poſſeſſionum literas, ſigillo munitas: ipſum ſuper ijs conſuleret, vel (quod magis credo) eas ſuæ cuſtodix deputeret. Adſtanti verò iuxta ſe ruſtico, iubet vir Dei (erat namq; frigus aſperum) vt ligna ac ſarmenta comportaret ad ignem. Ille ocyus obedit, ſed dum ligna proiectat ad focum, literas etiam ſuas in ignem, neſcius, iniecit. Redijt ille ad Procuratorem, de re ſua locuturus. Interea ſurgit ignis validiſſimus, & flamma ſe tollit in altum. Tandem ad ſe reuerſus, dū ſuas literas querit, & nuſquā inuenit, recodatur anxius, eas ſe in in rogū coieciſſe tūc flere eiulare, ac ſeſe dilaniare & deſperāti ſimilis clamores tollere cœpit. At Procurator, vir mitiſſimus, miſericordia motus, ac lachrymis perſuſus, hominē iuſſit Deo fidere, & parūper ab illo ſemotus, orationi incubuit. Ac tunc aduocans hominem:

*Quid admiranda rei huius eodem in Procuratoris officio contigerit.*

*P a*

*Vade,*

*Vade, ait, & instrumenta tua, ubi ea proiecisti, acyus require.* Quærit ille, & schedulas suas integras atq; intactas in medio repperit iacere flammarum. Et licet validus esset ignis, non tamen vel ceras ipsas dissolvere potuit, vel comburere pergamenum. Quas ubi extraxisset, admirandus eas viro Dei ostendit, & immensas gratias agens, illi easdem conseruandas tradidit. Abiens autem, licet multum prohibitus esset, miraculum hoc ubique diffamauit. Sed ad beatum Clarum reuertamur. Hic etenim post magnos meritorum cumulos, post clarissima rerum gesta, quibus effulgit in his mundi tenebris, ad lucem perpetuæ claritatis ascendit, multo illic clarior futurus in præmio quàm hic poterat esse clarus in merito.

## CAPVT XXI.

DE PATRE IACOBO DE VIUIACO,  
decimonono Generali, qui tamen iterata  
vice absolutionem petijt.

**H**OC itaque Patre Claro ad claros lucidosque translato, colendissimæ memoriæ Iacobus de Viuiaco regimini Cartusiano præficitur. Qui amore internæ quietis & contemplationis desiderio, iam pridem hanc dignitatis sarcinam instantissimis precibus à se amouerat, & iam iterum eligitur & confirmatur. Sed quis legem

*Succedis illi  
in officio Iacobus  
secundo.*



gem det amantibus? Adeò nempe insedit  
 cordi eius pulchræ Rachelis aspectus &  
 floridus amor, vt hanc gloriæ fœcundam  
 diligeret, & Liam lippientem ægerrimè  
 ferret. Et conuocato priuato Capitulo, e-  
 git non tam opportunè, quàm importu-  
 nè, vt à Prioratus officio denuò absolue-  
 retur. At vero omnipotès Deus, vt osten-  
 deret ei suam importunitatem displicuisse;  
 quippe qui iam bis vocatus, suas pascere  
 ouiculas detrectasset, tam graui illum ani-  
 maduersionis flagello corripuit, vt & ipse  
 cæteri que omnes nossent pro ingratitude  
 ne se esse percussum. Enimuero qui ante  
 potuit alijs, sed noluit auxiliari, post vsq;  
 ad mortem per annos plurimos eguit ad-  
 iutore. Supra modum tamen in his suis ca-  
 lamatibus, non modò patientissimus, sed  
 & lætissimus perdurauit. Et erat quidem  
 corpore infirmus, sed robustissimus mente.  
 Carne prostratus, sed animo in superna  
 porrectus. Iacebat membris, sed affectio-  
 num pedibus cum cælicolis conuersabatur.  
 Hic vir ita à Deo percussus corpore,  
 & mente sanatus, tam eminentis contem-  
 plationis, tantæ sapientiæ, tamq; sani con-  
 silij ac discretionis noscitur extitisse, vt  
 quisquis aut consilij, aut solatij gratia il-  
 lum adiret, non hominem, sed quasi Dei  
 Angelum miraretur. Ob cuius reuerentiam,

*Secundò ro-  
 gat absolui.*

*Delphinus  
Francie quā  
liberalis erga  
Maiorem Car  
tusiā.*

Humbertus Delphinus Viennensis, centum florenos perpetuos domui donauit Cartusiæ pro pelliceis, & vestibus Monachorum. Dehinc suauissimo fine quiescēs, multis post mortem miraculis hunc Deus omnipotens illustrem fecit, & per ora omnium memorabilem. **DIONYS.** Erunt forsitan, qui hunc Patrem optimum repræhensibilem ducent, quòd nimia humilitate permotus, & internæ quietis gratia, curam refugerit animarum. Ego tamē longissimè æstimo præferendum ijs, qui attrita fronte, suam imperfectionem nolentes aduertere, impudēter ambiunt, seseque ingerunt non vocati; vt Dei ouibus non tam profint, quàm præsint: cupientes se dominos dici, qui serui vitiorum sunt, nescientes Petrum Apostolum dicere: *Nō dominantes in clerum, sed forma gregis facti ex animo.* Tu verò rem prosequere.

*Nota.  
1. Petr. 5. 3.*

## CAPVT. XXII.

**DE VENERABILI PATRE IOANNE Birellio vigesimo secundo Generali.**

**BASIL.** Nunc opportunè in medium se offert magnus, & miræ suauitatis vir sanctus Ioannes Birellius, qui sicut toti Ordini nostro præsuit dignitate, ita & summa sanctitatis gloria antecessit. Hic Deo atque hominibus gratissimus, sicut Deo

Deo placuit pia religione, sic & hominibus mitissima charitatis exhibitione. Erat quoque autoritate & fama celeberrimus. Hinc factum est, ut mortuo Clemente Papa sexto, maior Cardinalium pars hunc in summum Pontificem sublimare decerneret. At Cardinalis Petragoricus, sciens hunc Patrem reuerendissimum summæ æquitatis & iustitiæ hominem esse, nec quempiam contra iustitiam vereri, surgens in medium sic confratribus locutus est: *Ani-  
maduerto, ô Domini mei, quod Cartusia Patrem  
in Pontificem festinatis eligere. Et quidem est  
vir ille tanto honore dignissimus: sed quia nos  
ambitiosi sumus, & mundi huius fastum dili-  
gimus: ille verò hac omnia, quæ mundi gloriam re-  
dolent, totius animi medullis execratur: si electus  
fuerit, cum summus in eo æquitatis & iustitiæ vi-  
gor vigeat, pro certo ad statum nos reuocabit an-  
tiquum, & pulchri obsequii, caballi ac sonipedes no-  
stri, post paucos dies, ad quadrigas, & ad plaustra  
redigentur, & aratra. Non enim personam reue-  
retur, quantumlibet sublimis hominis; sed pro Dei  
Ecclesia fremens ut leo absq; terrore confidit. His  
territi, & pusillo animo facti Cardinales,  
suis honoribus metuentes, hoc Patre præ-  
termisso, dominum Innocentiū Papā VI.  
in B. Petri Cathedram sublimarunt. Qui  
Pontifex factus, nisus est hunc Patrem,  
confratrum suorum adnumerare Collegio,*

*Habet, ali-  
quot suffragia  
ad Pontifica-  
tum.*

*Verba Cardi-  
nalis Petra-  
goricensis.*

*Reusat Cardinalium.*

sed is sua humilitate sublimis, non foris, sed intus crescere appetens, totis se viribus obijciens, nullatenus acquieuit. Iste igitur Ioannes sanctus, cum potens esset in opere, & sermone, staretque omnium iudicio in ipsa cunctarum virtutum arce, omnes illum tanquam cæli Luciferum respectabant. Scribebat Papæ, scribebat & Cardinalibus, Regibus, Ducibus, & sæculi potestatibus epistolas graues, fortes, terribiles: quibus & Ecclesiæ statum in melius reformabat, & praua atque impia, Principum opera arguebat. Cuius equidem literas ita omnes habebant, quasi diuinas voces missas è cælo. Talibus namque epistolis factum est, vt Summus Pontifex nepotes suos & consanguineos minus respiceret, atque eis beneficia parcius largiretur, idoneis ea viris distribuens. Nobiles quoque lectis sancti Patris hortaminibus, à suis se nequitijs temperabant. Amedeus illustris Sabaudia Comites hunc Patrem quasi diuinum Oraculum auscultabat. Cui sæpe sua peccata confitebatur, eumque suum Patrem nuncupabat. Comitibus quoque vxor mira hunc semper est reuerentia prosecuta. Ambo itaque audito Dei famulo, bona plurima faciebant. Vno dierum Comes aggressus eum humili prece, questus est, non se vnquam ex vxore sobolem suscepisse,

*Scribit epistolas ad Praelectos, ac Magnificos.*

*Impetrat Comiti Sabaudia à Deo fidem.*

cepisse, eò quòd sterilis esset, dicens, dolere se ob carentiam filiorum, quòd sua sit ad manus extraneas hæreditas migratura, Cui sanctus: *Confido, inquit, mi Domine, in proximo esse, ut te Dominus consoletur. Non enim, ut tu times, alienos habebis heredes, sed eam, quem ex tua coniuge tibi habebis filium.* Tum orationi incumbens, Dominum pro vxore sterili deprecatus est. Qui mox auditus à misere Deo, mulieri conceptum impetrauit, & partum. Qui fonte baptismatis renatus Amedeus appellatus est, & Patri, uti Sanctus prædixerat, in Comitatus honore successit. Delphinus quoque Viennensis Humbertus, vir serenissimus, hunc seditulus colere & audire solebat, eiusque præceptis ocyus obedire. Hic suusus à Dei famulo, altam seculi gloriam spreuit, & Prædicatorum Ordinem professus, nudum Salvatorem nudus subsequutus est. Hunc Pontius, Decretorum Doctor egregius, quem & Urbanus Papa sextus, ob merita & miracula eius, post voluit Catalogo Sanctorum ascribere, annis singulis Cartusiam petens, inuisebat: ut suus apud illum Spiritus, à curiæ tumultibus solaretur. Cui Confessionem faciens, cordis sui secreta pandebat, opem, auxilium, solatium reportans. Hic vir Dei Pontius, etsi esset in omni scientiarum genere fa-

*Pontius, vir sanctus, inuisebat quotannis Ioannem Birellium.*



mosissimus, hunc tamen Patrem nostrum Birellium, tanta apud se autoritate seruabat, vt inter disputandum, etiam in presentia domini Papæ, ac summorum Clericorum, sententias eius, ad dictorum suorum confirmationem, vt autoritate plenissimas, subinferret. Hæ autem sententiæ, tãtissæpe ponderis erant, vt audientes duceret in stuporem. Nocte quadam cum membra sopori dedisset, vox ad illum de cælo facta est, dicens: *Surge Ioannes, & fratrem tuum, magna agitudine laborantem, vade inuifere: & da operam, illi curationis adhibere medelam.* Ille attonitus, statim è strato membra corripit, & cogitans nullum, pro tempore illo, infirmitate teneri: mirabatur quid vox illa portenderet. Tunc verò venit sibi in mentem, nuper se Nouitium recepisse, quem de Ordinis nouerat asperitate tentari: festinat itaque pius Pastor gemens ad cellam pereuntis ouiculæ, quem repperit sacras vestes exuere, & seculi habitum resumere, & res suas oës complicare, vt asportaret. Sed vir Dei plenus spiritu sancto, verbis saluificis aggressus captiuum, tanto illum verborum Dei imbre perfudit, vt hominem ab amentia reuocaret, & perseverantem redderet in incepto. Alius quoque Nouitius sub hoc Patre tædio Ordinis affectus, sub obscuræ noctis silentio, habi-

habitum reijciēs, seculari se more induit : & timens ob verecundiam à S. Patre licē-  
tiam poscere, clam fugere disponebat. E-  
gressuro autem contigit, vt per cæmiteriū  
præteriret. Inuenit ergo illic duos Mona-  
chos miri candoris habitu refulgentes, qui  
sibi mutuò loquebantur. Mirabatur ille,  
quid sibi vellet in tali loco nocturnus ser-  
mo ; quibus nec in die laxare silentium li-  
ceret. Optabat tamen ab ijs diuertere, nec  
poterat. Dum ergo transirer, vnus illorum  
iniecta manu, corripuit transeuntem, ac  
stare iussit. *Quorsū, inquit, ab tu miser, quor-  
sum fugis ? Quid insane moliris ? Redi festinus ad  
cellam tuam, & resumpto sacro habitu, reuoca a-  
nimus ab amentia, hic permansurus : alioquin  
male multatus, pœnas dabis. Nam scito in hoc cæ-  
miterio neminem sepeliri, quin sanctus habeatur  
in conspectu magni Dei.* Quo dicto illi dispa-  
ruerunt. At nouitius salubri timore cor-  
reptus, cellā habitūq; resumpsit : & perse-  
uerāti animo, agonis sui cursū fæliciter cō-  
sumauit. Verū quod nō taliter facit Deus  
omni nationi, audies ex sequentibus. Cir-  
ca tempora huius Patris fuit in domo  
Ordinis nostri iuxta Moguntiam nouiti-  
us quidam tædio affectus, habitū reijcere  
cogitabat. At Prior domus, suus quoque  
Magister hortabantur miserum multis  
sermonibus, vt in sancto duraret propo-  
sito, ac permaneret. Sed frustra vigilabant.

Nam obstinatus ex utrisque albis vestibus, suas induit, una cum illis veterem hominem resumens. Erat huic Nouitio in cella imago Dei Genitricis eburnea: quæ ad parietem dependebat, quamque aliquoties confueuerat salutare. Egressus itaque cellam, & seculum petiturus, genua flexit, atque *Aus* Virgini dicens, sese illi ore quidem, sed non corde commendauit. Mira res, & dolore plena. Mox ut eam salutauit, imago celeris se motu conuertens, faciem abduxit à profugo, & dorsum illi tergaque, quasi indignans, exhibuit migraturo. Tanquam diceret: Tu me fugis, tu me ore, non corde salutas: & ego tibi non faciem, sed terga demonstro. Verum ille, iam datus in reprobum sensum, hæc videns, non ingemuit, non doluit, non lachrymatus est. Abiens tamen, quod sibi contigerat, Priori & Magistro patefecit. Quod ubi illi audierunt, suadent misero, ne seculum periturus, accedat: sed operam omnem impendat, iratam sibi Dei Matrem mitigare. Sed surdus ille pariter & cæcus, sicut minas Virginis; ita & horum sermones execratus, absessit. Cumque illi non pateret per portam exitus, murum vilis apostata scandit, & ad vomitum redijt secularem. At Prior sollicitus pro animæ eius salute, & sciens Dei furore illum ocyus comprehensum

hensum iri ; quippe quem misericordiæ Mater fuerat aspernata , omnem domus suæ familiam post illum misit ; vt redactus , posset quoquo modo ab amentia reuocari. Diuidunt se illi per omnes exitus viarum ; hominem vagabundum in abditis etiã specubus requirentes : ita vt possent minutissimum quoque animal inuenire. Sed ille nusquam comparuit : haud dubium, Dei indignatione consumptus. Hanc imaginem B. Mariæ Cartusiam post delatam nouimus : illicq; in testimonium veritatis vsque hodie demonstrari. **DION.** Hic palam aduertimus, quàm amara separatione diuidat Deus inter Aegyptios, & filios Israel. Noui quoque in domo quadam Ordinis nostri Monachum, qui etiã Sacristæ officio functus est : qui bis iam transcensis muris fugiens, apostata uerat. Tertia similiter vice adiecit fugere, sed non impunè. Enimuerò Prior domus illius, cùm esset anxius, \* familiares suos omnes post profugum misit, sed diligentissimè quæsitus, nusquam potuit inueniri. Ecce iam anni fluxere duodecim, & adhuc nunquam visus, nunquam auditus est. Hinc multi arbitrantur, illum aut aquis immersum, aut terra dehiscente absorptum, aut à latronibus iugulatum. In domo quoque non longè à nostra distante, ante hos

\* *Domesticos  
intelligis fa-  
mulus.*

hos annos septem, nouitius redijt ad vomitum. Qui paucis post mensibus pestilentia tactus, cùm cerneret se vrgeri ad mortem, tam impatienter id tulit, vt vaniam petere, & se Deo commendare contemneret: sed amaro & obstinato animo perdurans, de morte carnis, ad mortem (vt vereor) transijt æternæ damnationis. Verùm à proposito digressi, iam ad Dei hominem reuertamur. BASIL. Vnum hoc fuit in beato Ioanne singulare miraculum, quòd in contemplatiua vita æquè vt in actiua perfectissimus habebatur. Rapiebatur enim plerumque vir Seraphicus in tam sublimem mentis excessum, vt non tam homo quàm Angelus videretur. Rursum, vt scriptum est, *ascendunt montes, & descendunt campi*, in planiciem sese actiue vitæ, submittebat. Hic ad extrema deueniens, inungi petijt, & communicari. Quo facto, oratocyus omnes, è cella egredi, & ostium fera recludi. Tum vires ex diuino spiritu concipiens, moribunda membra è strato collegit, & \* oratorium petens, sese in pauimento prostrauit. Tantoque lachrymarum imbre se perfudit, pectus feriens, sese reum coram Deo vehementer accusans, vt rugitu & inundantium aquarum profluuiò, locum orationis videretur implere. At vnus è fratribus

\* Locum orationi deputatum.



bus casu cellam præteriens, cùm altissimos singultus & eiulatus audiret, cellam ingressus, inuenit Dei hominẽ humi prostratum, & adeò lachrymantem, vt verba formare non posset. Tum leuatus, ad lectum reductus est: vtpote, qui iam ageret in extremis. Accurrunt trepidi omnes, & Dominicam passionem, vt est moris legere incipiunt. Quam ille corde intentissimo audiebat, ac si nihil pateretur morbi. Nam & lectorem, cùm erraret (licet extremum anhelitum traheret) adnifu quo poterat, corripiebat. Non enim poterat Euangelicæ veritatis verba, vt malè pronuntiarentur, audire. Dehinc vbi cœpit Litania cantari, cum sanctis, qui de supernis aduocabantur, sancta anima illa carne soluta, ad cœlestia commigrauit. Cuius mortem dominus Papa Innocentius cùm audisset, gemens lachrymansque: *Heu, inquit, sanctior religiosus, & totius mundi præstantior clericus, modò defunctus est.* Cumque hic Papa ageret in extremis, magna contritione permotus, dixit magno cum gemitu multis ad lectum eius astantibus. *Vtinam anima mea taliter ante Deum appareat immunis, qualem credo optimi Patris Ioannis animam apparuisse.* Cardinalis quoque Petragoricensis, qui, ne in Papam eligeretur beatus Ioannes, sese obiecerat, audita

audita morte eius, pœnitentia ductus, in hæc verba prorupit: *Vae* (inquit) *nobis Cardinalibus, vœ toti Ecclesiæ Dei, qui talem Pastorem habere contempsimus. Ego prohibui, & ideo vae mihi, quia & nobis omnibus obfui & Ecclesiæ Romanæ malè prospexi.* Post mortem huius Patris, merita eius miraculis claruerūt. Nam Lemouicensēs, vnde hic sanctus oriundus fuit, cognita migratione eius, auxilium super se Domini, per eius merita, inuocabant. Et hinc factum est, vt morbidī, & malè habentes, patrociniō magni Patris, à suis infirmitatibus leuantur. Misit ergo ciuitas Lemouicensis ad Cartusiam, vt aliquid Reliquiarum eius mererentur accipere. Quibus vnum ex cilicijs eius pro grandi munere donatum est. Erat autem nodosum, asperrimo pilo contextum, & instar camisæ vndique clausum; quod & manicas habens, & latera, vsque ad poplites descendebat. Tali lorica dux magnificus vndiq; ad carnem septus, vsq; ad mortem contra spiritales nequitias depugnabat. Vnum adhuc de hoc Patre dicturus sum, quod penè exciderat. Est lapis in Cartusia post tribunal Ecclesiæ marmoreus, quò morientes soliti sunt deportari, & ablui. Vno dierum, dum quidam defunctus, eoq̃ue præsentē, frater hunc lapidem lauaret, ille compunctus, & lachrymis infusus,

**VIDE  
NOTAS:**

**VIDE  
NOTAS:**

fusus, in hæc verba prorupit: *Confido in altissima bonitate Dei, & in diuitijs misericordie eius, omnem super hunc lapidem morientem, lotionisq; gratiam promerentem, iustum ac sanctum diuinis obtutibus presentari.* Non quòd lapis ille quempiam sanctificet, sed qui vsq; ad lapidem perseuerauerit sanctus, saluusque reputetur. Et hæc quidem de sancto Ioanne hæctenus. Puto iam non mediocriter te resectum. **DI O N.** Apprimè resectus & affectus sum: quippe qui gloriosum admodum Principem in medium deduxisti. **BASIL.** Non minoris est gloriæ, qui hunc sequitur Helisiarius, sublimium meritum Cartusiæ Pater.

## CAPVT XXIII.

## DE PATRE HELISIARIO.

**H**ic cùm Monachus esset domus Cartusiæ, in domo boni Passus. Prior est institutus. Post verò totius Ordinis caput ob sanctitatis suæ singularem gloriam effectus est. Hic tantæ austeritatis sibi ipsi, ac rigidæ abstinentiæ noscitur extitisse, ut post Lauduinum, cuius supra meminimus, nullus illi in hac gratia potuerit coæquiri. Hinc plurimi parsimoniam eius considerantes, errare illum, & limites fragillis naturæ excedere querebantur. Tantis in eo feruor erat diuini spiritus, ut vir sanctus naturam vincere conaretur. Sed

Lib. 2. cap.

Q

dum

dum vincere laborat naturam, à natura aliquoties ipse vincebatur. Cadebat quidem a sellis sub onere, sed subleuans Dei manus illum ocyus erigebat. Tam vehemens etiam erat illi, & frequens mentis excessus in Deum, ut diem crebro nocti coniungeret, raptu usque adeò perdurante. Dabat quoque summam operam, ut somnum superaret, orando, psallendo, meditando. Hinc factum est sæpe, ut ambitum claustrum circumiens, meditandi seu visitandi gratia, natura vim faciente, inuentus sit humi prostratus obdormiuisse. In asperrima hyeme, & in magnis, quæ illic rigent, furoribus, semper ferè nudus, discalciatusque, ac detecto capite incedebat. Tantus enim uerò inerat illi diuinus ignis, qui eius pectora conflagrabat, ut externos algores parum respiceret. Vix unquam lecto decumbebat, vix cilicium aut tunicam immutabat, nisi cum nimium detrita, ferri ultra non posset. Superfluum enim arbitrabatur, munditias in veste requirere. Tam pertinax fuit hic vir mitissimus in vigilijs, ieiunijs, spiritualiumque rerum exercitijs, ut ea nec linguis promere, nec calamis quis depingere queat. Modum enim & naturam transibat humanam. Sæpe etiam psallens cum fratribus in Dei templo, visus est rapti ad superna, mente pari-

**VIDE  
NOTAS.**

*Exemplum imitatur Hilari-  
onem, de quo  
D. Hieron.*

pariter & corpore sursum suspensus in  
 D E V M. Missarum quoque Sacrificia  
 contrito semper corde concelebrans,  
 mentis sæpenumero patiebatur exces-  
 sum. Secretis etiam cœlestibus, vtpote  
 verus amicus D E I; crebrius transporta-  
 batur, dignus meritis, cui D E V S secre-  
 torum suorum arcana reuelet. Ad se in-  
 super reuersus; vt nosse daretur læta mul-  
 tum & iucunda illum vidisse, præ nimio  
 cordis gaudio tripudiare, & quasi insa-  
 nire præ iubilo in E C C L E S I A videba-  
 tur. Crebrò namque, ob nimiam men-  
 tis eleuationem sui oblitus, atque vbi es-  
 set nescius, altissimas voces in D E I laudi-  
 bus attollebat, quibus ab alijs plurimum  
 notabili sono discordabat. Ad se autem  
 rediens, de discordantia, quam nesciens  
 fecerat, verecundus, ac metuens, erubef-  
 cebat. Dum ipsa Dominica Capituli Ge-  
 neralis Missam in præsentia tot venera-  
 bilium Patrum, qui conuenerant, cele-  
 braret, adeo circa Offertorium stans ad  
 altare, raptus attollitur, vt Diaconum,  
 calicem offerentem, & graues strepitus  
 facientem, non attenderet, sed immobi-  
 lis diu atque insensibilis perduraret. E-  
 rat præterea in hoc D E I viro summæ hu-  
 militatis submissio. In omni nempe verbo  
 & opere, adeo simplicem humilēq; se ge-  
 rebat,

*Admiranda  
 eius deuotio*



*Insignis, &  
stupenda hu-  
milis.*

rebat, ut multi dicerent, non hoc ad dignitatis suæ celsitudinem pertinere. Cumq; ab amicis super hoc redargueretur, ridens lætusque aiebat. *Verè, ut dicitis amici, nimium rudis sum & agrestis, atq; ideo etiam ad hanc pralationem nequaquam idoneus.* Cardinalis Mimatensis huius, erat nepos admodum propinquus. A quo cum literas acciperet, tristabatur, nec ut rescriberet, operam impendebat. Si quando necesse erat respondere, ex industria tam abiectè humiliterque, & in breui vilique papyro scribebat, ut Cardinalis se ab eo contemni, quereretur. Et iratus dicere solebat, qui per illum transibant, Prioribus nostri Ordinis, non se ultra velle suo nepoti literas scribere, à quo videret se aspernanter haberi. Ipse verò hoc audito, plurimum lætatus aiebat: Absque dubio, id summopere desidero, ut post hac nunquam me suis defatiget literis. Quid enim mihi & illi est? Ille sublimis, & ego humilis: ille vnus è cardinibus mundi, ego ut vilis seculi peripséma æstimatus sum. Agat ergo illè res suas, & ego meas, meque dimittat in pace. Interim verò nolo, ut existimes, ô Dionysi, hunc Patrem dictandi peritia, atque ornatu caruisse (erat nempe scientia & eloquentia singularis) sed se despici ac nihilipendi cupiebat. Summas certè delicias arbitrabatur, quan-

quando despectio sese aliqua offerebat. Sed quis talem sciens, despiceret? Erat enim ob nimiam sanctitatem plurimum venerabilis, & ob suauitatis suæ dulcedinem complexibilis valde. Sed verus mundi aspernator, non honoribus, sed contemptibus letabatur. Secundo regiminis sui anno, vnum ex graui infirmitate oculum perdidit. Qui putans bonam se *Perdit alterum oculum.* occasi-  
 onem, amore quietis & supernæ dulcedinis, in Generali se Capitulo postulauit absolui: causam insinuans, turpitudinem cæcitatis. Cui Patres responderunt, non iustam se causam obiecisse, præsertim cum inter cætera membra corporis nullum, quemadmodum oculus, aliterius soleat supplere defectum. Siquidem orbitas vnius oculi, alteri præstat virtutem acutius peruidendi. Verum Helisarius lætus, quod faciem gestaret informem, iocans dicere solebat: *Ego damnum habens, non queror: sufficit enim mihi vnus pro voto oculus, qui faciem turpem timentem honestet.* Hic post cumulas magnorum meritorum merces, ad cælestē cœpit remunerationē à Domino reuocari. Illo igitur supremæ egritudinis lectulo decubente, fratres tristes ac lugubres Dominum precabantur, vt eis suum Patrem nō auferret. Quod ille vt comperit, accitos, flens increpauit, di-

cens: *Quid est, charissimi fratres, quòd miserum hominem retinere moliminis? Oro Deum, ut non vos exaudiat.* Idipsum dicebat ijs, qui coram illo, eius incommoda lachrymabantur. *Oro, inquit, Dominum, ut lachrymas vestras non respiciat.* Sequenti feria sexta reuelatum est illi à Spiritu sancto, quod hoc ipso esset die migraturus, & cum Christo cælestia regna possessurus. Tunc ille exhilaratus, iussit ocyus Vicarium, & Conuentum adesse, vltima sibi poscens Sacramenta largiri. Mirabantur omnes, cum non adeo videretur infirmus, quòd Sacramenta requireret, eius tamen votis obtemperatum est. Post hæc, cum fratres panem & aquam, ut mos habet, tali die in prandio gustassent, conuenerunt omnes, facto per tabulam signo, ut exitum dulcissimi Patris Domino commendarent. Stabant filij circa Patrem, & vberimis lachrymis ora rigabant. Illis itaque passionis Christi, de more, legentibus, cum ipse sese vellet erigere, & manus ad superna porrigere, in manus Dei Patris Spiritum suum humillimè commendauit, ac tradidit. Obijt verò anno Christianæ salutis millesimo trecentesimo sexagesimo septimo, ipso Barnabæ Apostoli die. **DION.** Virum reuera optimū humillimum, suauissimumq; in medium deduxisti. Sunt tamen qui scribunt, non

in

**FIDE  
NOTAS.**

in ipsa sexta feria, qua sibi sua mors reuelata est, sed in ea quæ illam consecuta est, hunc sanctum Patrem ad superos migrasse. Verùm, parum id refert; hoc autem nō puto à mysterio vacuum, quòd verus crucis gestator amatorque, hunc diem sibi delegerit, quo moreretur: vt qui Christi mortificationem gestarat in corpore, vitæ quoq; finem, ipso quo Christus die mortuus est, mereretur accipere. Tu verò ulterius progredere.

## CAP. XXIV.

DE VENERABILI PATRE GVILIELMO Rainaldi, vigesimo quarto Ordinis Generali.

**B**As. Post Elisiarium Patrem, vtile erit magnū illum & præclarū Guilielmum cōmemorare: virū, qui singulari quodam zelo totū Ordinē, ne in præceps rueret, sed antiquā seruaret dignitatē, oportunē continuat. Hoc nēpe è Monachis Cartusiæ in Generalē sublimato, Vrbanus Papa V. cū *Vrbanus Papa V. studet Cartusianorum moderari rigorem.* Ordinē nostrū singulari cōplecteretur amore, videns, Cartusianos rigidam agere vitam, & mundi gloriam aspernari, & ob hoc quoque eos à mundo contemni, aut (vt verius loquar) haberi formidini, conuocatis Cardinalibus, egit multo sermone, vt rigorem Ordinis temperaret. Nouas igitur quasdam & mitiores ordinationes

instituent, misit eas Capitulo Generali, & Cartusiæ Priori, easque voluit obseruari. Harum vna fuit, vt Dominus Cartusiæ, Abbas in reliquum vocitetur, eo quod Generalis, sit totius Ordinis moderator, Abbatisque statum & gloriam gerat, vti Abbas fuetus est facere Cluniacensis. *Secunda*, vt Monachi Cartusienses, quemadmodum ceteri faciunt cœnobite horas semper Canonicas omnes personent in Ecclesijs. *Tertia*, vt more aliorum Monachorum, quotidie saltem semel refectionem capiant pariter in Refectorio. *Quarta*, vt infirmitatis & læsæ valetudinis tempore, carnibus seorsum vescantur, vt Regula tenet B. Benedicti. Hæc noua, & quæ plurimum valent ac sacri Ordinis nostri enervationem cum audisset reuerendus Pater V Vilhelmus, supra quàm credi potest, indoluit: videns per hoc non secus quàm recēti subintroducta nouitate, omnem Cartusianæ simplicitatis, ac rigoris formam penitus subruendam. Multum enim hæc degenerant ab ijs institutis, quæ sanxerunt Patres nostri. Vnde statim conuocatis Prioribus, qui ad Capitulum venerant, mentem eis aperit Summi Pontificis. Sed omnium vna sententia fuit, scriptis eius non assentiri. Aderat ibi inter Patres vir valde venerabilis, Dominus Ioannes de noua villa,



villa, Prior Auinionis, qui dudum in sacro Palatio grande nomen sibi acquisierat, quique aliquando cum Urbano ante Papatum, legationis fuerat functus officio. Hunc ergo, quia notus, & charus erat Pontifici, Romam misit Pater Reuerendus, ut Papæ animus ab incepto deflecteret. Illo itaque ingresso ad præsentiam eius, & ab eo humanissimè suscepto, Papa quasi gratulans, quod Ordini mitius prospexisset, dixit ad eum: Ecce mi Ioannes, ego de Cartusienfibus benignè cogitans, noua illis atq; optima instituta composui, quæ tibi, uti credo, iam cognita sunt. Cui ille humiliter: Immo (inquit) o sanctissime Pater, ut cum sanctitatis vestra venia loquar, his institutis, nostrum Ordinem non promouere, sed subuertere videmini. Cogitis enim nos transferre terminos, quos statuerunt Patres nostri. Cumque Pontifex miraretur, ille mox subiecit: Si Prior Cartusia Abbas fuerit, Abbatibus etiam eminentiam gerat necesse est. Sed vnde queso illi prouentus & impensa, ut longampos se familiam trahat, equos alat, & statum tueatur suum? Domus Cartusia reuera inopia & paupertate premitur, & ad modicam summam eius prouentus omnes rediguntur. Abbas igitur in tali penuria constitutus, quid atturus est? Item si assidue in Refectorio nos vesci oporteat, peribit iam omnis abstinentia & parsimonia, quibus hucusq; Ordo noster, dum viguit, &

Verba Urbani  
ad Papa.

Diabolum strauit, & carnem superauit. Rursus, si  
 assidue nobis in Ecclesia psallendum est, pereat o-  
 portet omnis deuota oratio, meditatioq, sed & i-  
 psa quoq, contemplatio, qua dicimur ceteris prae-  
 eminere, defatiscet. Solitudo & silentium quoq,  
 quibus nihil est nobis vel sanctius, vel antiquius,  
 interibunt: cum & eundo ad Ecclesiam semper, &  
 redeundo occupemur. Quod verò de esu carniū  
 institutis, omnino vt pestiferum iudicamus: quippe  
 vnde & magna, & calamitosa pericula securura  
 noscuntur. Si concedatur infirmis carniū esus,  
 timendum est, ne multi ad hunc cibum affecti, sese  
 infirmos simulent, aut si verè infirmi sunt ob  
 hanc escam libenter agrotent. Hinc fiet, vt multi  
 semper in infirmaria, pauci autem reperiantur in  
 Ecclesia. Huius itaq, lautitij, Ordo deprauatus, citò  
 lapsus est, vt nunc videmus, heu, plurimos cor-  
 ruisse. Hæc vt Sanctissimus audiuit, con-  
 uersus ad circumstantes Cardinales, ad-  
 mirans nostri Ordinis insuperabilem  
 simplicis industriæ pertinaciam, gaudens,  
 & alacris dixit: Dimittamus, obsecro, dimit-  
 tamus Cartusienses in simplicitatis suæ constan-  
 tia: ex quo nolunt oblatam eis benignitatem, vt i-  
 gratum beneficium, amplexari. Verum quia  
 nunc mentio facta est esus carniū, non  
 puto indignum referre, quid Dominus  
 super hac re ostendere aliquoties digna-  
 tus sit. Hoc Patre VVilhelmo, si nō fallor,  
 Cartusiam moderante, venerunt sub tem-  
 pore

poſſe Carniſpriuij magni quidam & ſubli-  
mes viri, vt fratres ſanctos illic inuiſerēt.  
Qui deprehendentes ſenes aliquos ibi, &  
infirmos eſſe compaſſi, rogāt Reuerendū  
Patrem, vt licentiam donet, qua debilibus  
poſſint miniſtrari carnes: præſertim cū  
& tempus, & cauſa id poſcere videretur.  
Abnuſit ille pertinaciſſimè, dicens, non o-  
portere, eos poſcere, quæ etiam admittere  
nefaſ eſſet. Sic repulſi, petunt vt vel ſibi i-  
pſiſ liceat ad portam carniſbus veſci. Spe-  
rabant enim Patrem ſanctum flecti poſſe,  
ſi coctas carnes multas pingues, delicataſ-  
que emptas, comportent. Vbi verò pontē  
attingunt Cartuſie diuina operatione (mi-  
rabilo dictu) carnes vertuntur in piſces. In  
piſces, inquam, optimos, & inter ſe pluri-  
mum diuerſos. Emptores ergo cū putāt  
exhibere carnes, piſces offerunt, admiran-  
tes & ipſi, nimiumque ſtupentes. Indignati ve-  
rò proceres, cū nēſcirent diuinam ma-  
num hic operari, quærunt à miniſtris, cur  
nō fecerint, quod eis fuerat imperatū. Re-  
ſpondent illi, in veritate ſe carnes coemif-  
ſe, ſed vnde hi piſces venerint, ſe ignorare.  
Nō credūt illis, et iuſiurandum dantibus,  
ſed à Conuerſo fratre, qui ſimul ierat, rem  
ſciſcitātur. Iurat ille, carnes quidē emptas  
eſſe, ſed Dei virtute verſas in piſces. Accer-  
ſitur quoque & is, qui vendiderat: affirmat

*Carnes muſ-  
tur in piſcea.*

*comburi-  
tur domo  
Maier  
Cartusia.*

se illis carnes tradidisse, nec se vnquam pi-  
sces vendere soliturus. His cognitis, mi-  
rantur vniuersi, miratur quoque, & gau-  
det Cartusiæ Pater vnà cum sacro conuen-  
tu, & diuina in communi præconia per-  
soluuntur. Coquuntur pisces, & fratribus  
pro pitantia ministrantur, & nunquam tā  
bonos pisces, tamque sapidos se asserunt  
manducasse. Porro viri illi nobiles, pluri-  
mum ædificati, cum gaudio magno ad  
propria remearunt. Huius tempore Prio-  
ris, tota Cartusiæ domus flebili est incen-  
dio conflagrata. Meridiano nempe sopo-  
re fratribus occupatis, à parte coquinæ  
flammarum erupit insania, Ecclesiam,  
cellas, officinasque omnes ambiens, sub  
breui momento cuncta in fauillas cineres-  
que redegit. Tum Prior, vt par erat, ani-  
mo consternatus, hortatur omnes, vt li-  
bros, quos possunt, è flammis eruant. Eru-  
ti sunt plurimi, & plurimi conflagrati.  
Hinc oportuit omnes descendere ad do-  
mum inferiorem, ibique manere in mag-  
na necessitudine & penuria victitando.  
Cum autē sanctus Pater V Vilhelmus, vt  
erat vir admodum timoratus, formida-  
ret, ne ob peccata aut sua, aut suorum istud  
Deus incendium suscitaret, hoc pacto me-  
ruit à Domino consolari. Erat in Sabaudia  
virgo Sanctimonialis, Deo & familiaris &  
grata.

grata. Hæc ut agnouit huius pijsimi Patris angustias, post acceptum à supernis diuinum Oraculum, misit Cartusiam, qui Patri dicerent in hæc verba: *Noli Pater reuerende, noli mærore tabescere, noli timere Non enim ob culpam, aut tuam, aut tuorum hæc tibi calamitas obuenit, sed maligni hostis inuidentiæ hæc flamma suscitata sunt, qui domum tuam, ob sacra religionis obseruantiam, molitur extinguere. Erit quidem pestifer ille quod potuit, sed citius commentum maligni in suum caput Deus optimus retorquebit. Nam quæ nunc domus iacet in cineres resoluta, multo quàm ante excelsior reflorescit. Quod quidem prophetissæ verbum ocius completum est. Nam Summus Ecclesiæ Præsul, Gregorius vndecimus, audita domus conflagratione, ingemuit, & maximam auri summam, qua domus repararetur, impendit. Cardinales quoque, & Reges, tum Angliæ, tum Franciæ, tum Nauarræ, vnà cum Episcopis, & Ecclesiæ Prælati, seculique diuitibus, largam manum adiutricem contulerunt. Et hæc secunda est domus Cartusiensis deflagratio, sed & reparatio prima facta est sub Patre Haymone, secunda sub hoc Patre. Cuius etiam tempore grande nimis & diuturnum schisma in Ecclesia pullulauit. Quod si, Lector, nosse volueris, nostri Ordinis Chronicas scruteris oportet. Præ-*

VIDE  
NOTAS.  
fuit



fuit autem almus Patre VVilhelmus totū  
Ordini annis sex & triginta, & plenus die-  
rum quieuit in pace, anno Domini mille-  
simo quadringensimo tertio, mense Iun.  
DION. Non dubium est hunc Sanctorum  
Patrum præcedentium Catalogo ascrip-  
tum: qui zelo iustitiæ feruens, eas leges nō  
est passus excidere, quas ante statuerant  
Patres sui. Nunc ergo progredere.

## CAPVT XXV.

**DE HONORABILI ERVDITISSI-  
moq; Viro, Patre BONIFACIO, cognomē-  
to FERRARIO, vigesimo quinto Or-  
nū GENERALI.**

**B**As. Hūc VVilhelmū sanctus subsequi-  
tur Bonifacius: vir nominis sui ethy-  
mologiā egregiē exprimens: quippe qui à  
Deo didicerat benefacere, benedicere be-  
ne & salubriter cogitare. Hic Valétia, cla-  
rissima Hispaniæ ciuitate oriundus, ex an-  
tiqua generosaq; Ferrariorū familia ortus  
fui præmordia traxit. Habuit quippe parē-  
tes apprimē secundū seculū nobiles, sed  
multo, secundū Deū, nobiliores. Hi præ-  
ter quæ illis erāt vsui, rei familiaris neces-  
saria, bona sua omnia pauperibus eroga-  
bant. BONIFACIVS autem à teneris an-  
nis bona agere incipiens, de rudi indole,  
futuræ probitatis optimum expressit in-  
diciū. A laudis nempe puerilibus ani-  
mum

mum abdicans, optimis sese studiis man-  
 cipabat. Hinc factum est, ut statim post  
 vicesimum ætatis suæ annum, vtriusque  
 Iurisconsultus, & omnium sui temporis  
 spectatissimus haberetur. Hic parentum  
 voluntate compulsus, uxorem suo gene-  
 ri, suisque moribus consimilem duxit. *Compellitur à  
parentibus u-  
xorem ducere.*  
 Cuius tanta vitæ probitas, tantarum expe-  
 rientia rerum, prudentia quoque tam sin-  
 gularis emicuit, ut magnæ Valentiaæ suæ  
 Rector, omniumque primus instituere-  
 tur. *Fit Rector  
Valentia.*  
 Eminebat enim supra ceteros sapi-  
 entia, industria, cum gravitate ac fortitu-  
 dine: quibus tam grandem atque illu-  
 stre urbem cum favore ac plausu om-  
 nium moderabatur. Erat quidem subli-  
 mi gloria conspicuus, sed animi bonitate  
 submissus; & ob id ab omnibus & coleba-  
 tur & amabatur. Hic Bonifacius habebat  
 fratrem Vincentium nomine: cuius san-  
 ctitatem & gloriam totus concinebat or-  
 bis terrarum. Hic ille est magnus Vin-  
 centius, Apostolica sublimitate non im-  
 par, vir magnarum virtutum, vir spi-  
 ritualium opum, ac meritorum admo-  
 dum gloriosus. Qui adultus, Ordinem *Est frater  
Vincentij For-  
rarij.*  
 Prædicatorum est ingressus, Diui Domi-  
 nici Patris Regulam postmodum profes-  
 sus. Hic cum apud oēs fama celeberrimus  
 haberetur, nisus est ei Diabolus turpis-  
 simam

fimam ſtruera infamiam , à qua per Boni-  
 facium hunc ſuūm fratrem eſt liberatus.  
 Erat nempe in cœnobio, vbi ſanctus Vin-  
 centius morabatur, Sacerdos Monachus,  
 homo ſuperbus & lubricus, qui bona Vin-  
 centij opinione plurimum grauabatur.  
 Hic vnà traxit in cellam ſuam ſcœminam  
 meretricem, ad lucem obſcœnis operibus  
 ſeſe polluit. Cumq̃ue hanc abeuntem non  
 ſatis muneratur, illa pretij exiguitatem a-  
 ſpernata, quæſiuit ab eo, quo nomine vo-  
 caretur; vt illum publicè infamaret. Tunc  
 ille ſuo ſuppreſſo nomine, & vt Vincen-  
 tio inuidiam conciliaret, *ego*, inquit, *Vin-*  
*centius vocor*. Egreſſa mulier, vt erat impu-  
 dentiſſima, cœpit vbique per urbem Vin-  
 centium, quòd ſibi condormiſſet, infamā-  
 re, & pretium oſtendere, quod dediſſet.  
 Hinc homines repente innocentiſſimum  
 hunc virum execrātes, hypocritam illum  
 falſariumq̃; paſſim vocitabant : adeo vt  
 nemo nomen Vincentij, niſi cum dedeco-  
 re proferbat. Audiuit hæc Bonifacius, &  
 ſciens fratris ſui caſtam inocentiam, vim  
 omnem adhibuit, vt erat acri ingenio,  
 quòd à turpi infamia leuaretur. Et accer-  
 ſens in ſenatum meretricem, *dic mihi*, in-  
 quit, *o mulier, ſi tecum frater Vincentius dormi-*  
*uit*. Etiam, ait, illa & hos nummos dedi mi-  
 hi pro munere. Cui Bonifacius: *Eſſi*, in-  
 quit,

*Habes hoc ex*  
*emplum lib. 1.*  
*vite S. Vin-*  
*centij, cap. 14.*  
*Tom. 2. Su-*  
*rij.*

quit, *hominem videres, possesne illum de facie agnoscere?* Possem illa respondit: Nam faciem eius abiens annotavi. Ecce, ait Bonifacius, hodie futura est in vrbe Processio generalis, & necesse erit fratres Prædicatores istuc vnà cum cæteris præterire. Tu igitur cùm transeunt, digito nobis illum ostendito. Faciã, inquit. Paulo post venit Processio. Cumque fratres Ordinis Diui Dominici præterirent, præterijt & Vincentius. Et Bonifacius: *Est ne, inquit, iste, quem tecum asseris rem habuisse?* Non est, ait mulier, non est ipse. Nam præterquam hodie, nunquam hunc hominem vidi. Post modicum venit alter sacrilegus ille frater. Tum mulier protensa manu: *En illic vadit, qui integræ me nocte abusus est.* Statim iubet Potestas Monachum introduci: *Tunc, inquit, ille es, o frater qui huic scæmina condormisti?* Cumque ille negans pallefceret, ac tremere, ait Potestas: *O inuide & immunde Sacerdos, non es veritus, offenso Deo, te ipsum cum meretrice polluere, sed & luxuriam tuam homini innocentissimo imputasti.* Certè nunc dabo operam, vt pœnam soluas scelerum tuorum. Ille territus, procidit gemens, ac veniam petens, ad Bonifacij pedes, & rem omnem, cunctis audientibus, enarrauit. Gratulantur omnes, Vincentium mala opinione solutum, & commentum maligni in pro-

R prium

primum caput retortum. Fiunt hæc nota vniuersæ vrbi, & famam, quam amiserat, germani sui opera, Vincentius recuperavit. Porro Monachus ille, conscientia pellente iniqua, Vincentium, hæc omnia nescientem, adjit: rem omnem ex ordine pandit, veniam cum lachrymis petit, & Vincentius, vti erat vir mitissimus, culpā omnem ocyus remittit. Non audet tamen ille sine ingenti rubore vspiam faciem at-  
 tollere, ita sese infamauerat, cū Dei sanctum cuperet infamare. DIONYS. Lætor hunc in foueam, quam parauerat, corruisse. Iam tu rem cœptam proseguere. BASI. Vxore defuncta, res omnes in pauperes dispertiens, Ordinem nostrum Bonifacius est ingressus. Nam spreta altissima seculi dignitate, & mundo valefaciens, domum nostram iuxta Valentiam, quæ cæli Porta appellata est, deuotissimè subintravit. Receptus, & probatus, fidelis inuentus est. Accepto verò habitu, tam sublimia conuersionis indicia cunctis ostendit, vt iam in perfectorum numero posset meritò æstimari. Tanta namque inerat illi in corde humilitas, in opere charitas, in mente puritas, in carne castitas, in pectore pietas, in ore veritas, in sermone raritas, in victu parcitas, in habitu simplicitas,

*Bonifacius seculo renunti-  
at.*

*Ingressus  
Cartusiam pro  
pe Valentiam.*

*Catalogus vir-  
tutum eius.*



tas in oratione sedulitas, in contemplatione sublimitas, in aduersis longanimitas, & cunctos duceret in stuporem. Huius felicitatis tanta fragrantia fuit, vt ad Cartusiam vsque odorem aspergeret suum. Vnde & pij fratres afflati, hunc BONIFACIUM, defuncto VVilhelmo, in Generalem Ordinis Patrem elegerunt. Venientem autem cum summa reuerentia exceperunt: quem & pro nobili dignitatis suæ sanctimonia, vsque in finem magno studio coluerunt. In vtraque etenim vita, vtraque manu pro dextera utebatur: quippe qui plurimum toti Ordini, plurimum etiam Ecclesiæ contulit Christianæ. Hæc enim tunc graui

schismate laborabat, quatuor Pontificibus Papatum sibi distrahentibus. Huic amarissimo vulneri medicus accessit alumnus VINCENTIVS, & hic noster BONIFACIVS. Erant namque hi duo gemina quædam luminaria mundi, & columnæ in templo DEI: quibus tota Ecclesiæ innitebatur fabrica, ne corrueret: Hi duæ oliuæ, & duo candelabra aurea, quæ lumen suum toto spargebant orbeterrarum. Hi duo triumphatores, & amici Dei, qui deprædantis lupi faucibus prædam ersebant, & suo Domino

*eligitur in  
Priorem Ma-  
ioris Cartusie*

*VIDE  
NOTA*

consignabant. Tandem Bonifacius post innumeras de inimico victorias, post cumulatam meritorum merces, Deum ardentissimo corde desiderans, felicissime animam Christo consignauit, fratre Vincentio in humanis superstite derelicto. Dico. Libens & gaudens audiui, quæ de hoc magnifico, & præcellenti Patre memorasti. Sed nunc ad reliqua perge. BASIL. Pareo libens. Dabis tamen veniam mihi, plurimæ ignorantæ, & infirmæ memoriæ non facile ad liquidum omnia refinentis. Impossibile enim mihi est, cunctos Cartusiæ Patres laudibus prosequi, præsertim cum gesta eorum, aut scripta non sint, aut certè temporis diuturnitate deleta. In genere igitur pauca tangamus.

## CAPVT XXVI.

DE RELIQUIS ALIQVOT MAIORIBUS Cartusiæ Patribus, seu Generalibus; quorum nomina, ac res gesta obiter hic commemorantur.

VIDE  
NOTAS.

BASIL. Fuerunt itaq; præter hos, quos prius commemorauimus, & alij complures Cartusiæ priores, Ordinis sacri moderatores præstantissimi nempe Hugo, Bernardus, Riferius, Gerardus, VVilhelmus, Henricus, Ioannes, Franciscus, Antonius, & plerique alij, quorum me & nomina latent, & opera. Hi omnes triumph-

phatores secularium voluptatum, corporumque suorum acerrimi domitores, mente humiles, animo sublimes, morum suavitate pollentes. Quorum semper in pectore pax, pietas, bonitas; quorum semper in ore veritas, in sermone raritas, in opere autem charitas refulgebat. Diuitias omnes rerum caducarum, deliciasque corporales, tanquam animarum pestes, exterminiaque fugitabant, paucis contenti personis, certas agrorum, ac pecorum possessiones, ac limites, ut imposturam facerent auaritiæ, statuerunt. Horum semper fuit cura, non opibus crescere, sed virtutibus; & quicquid verarum opum, à Patre luminum impetrabant, id occultissimo secretorum sinu curabant occulere. Hinc factum est, ut horum vnus Priorum Cartusiarum, viuo Deo ditissimus, ut vanæ gloriæ fugiens ostentationem, propheticam semper voce ore sonaret: *Secretum meum mihi, secretum meum mihi*. Hic defunctus, cum magnis clareret miraculis, & multi remediorum gratia infirmi, eius sepulchrum visitarēt, & ob id tumultus non modicus sanctis fratribus nasceretur, successor eius adiens tumulum, virtute obedientiæ cohibuit ultra signa fieri, rogans cur Prophetæ sermonem illum non seruaret extinctus, quæ viuus docere ipse consueuerat. His admo-

nitus, prodigia in reliquum exhibere cessavit. quanta quoque in his fratribus secularis honoris fuga, id me referente cognoscēs. Cum tempore quodam vnus ex his Patribus ad Pontificatum esset electus, venientēque electores, vt eum ad suam Sedem cum honore traducerent, renuit ille vi maxima, ac penitus contradixit. Cumque illi acius instarent, dixit vni eorum, qui pręstantior habebatur. *Scito*, inquit, *mi frater*, nolle me Episcopum fieri. Sed quęso te, perseuera mecum hoc in loco, vsque in lucem sequentis diei. Cras enim huius rei rationem agnoscēs. Illo permanente, obiit sanctus Pater ipsa nocte, & humana exuens, cęlestibus est insertus. Mane factō in multa lucis gloria viro, vt promiserat, apparuit, illo precibus incumbente: cui & dixit: *En, vt cernis, in numerum ascriptus sum beatorum, sed si Pontificis fuisset onus aggressus, damnatorum me numerus excepisset.* Hęc dicens, culmina cęli, viro inspectante, lætus ascendit. Fuerunt tamē nonnulli nostri Ordinis Priores, qui in magnis Ecclesię dignitatibus degentes, nec libefactari poterant, nec corrumpi. Horum vnus, vt cęteros omittam, magnus ille Anthelmus est habitus. Qui cum esset mortuus, inuētū est corpus eius exesum, acutissimis vndiq; constrictum funiculis.

Cum

Cùm Summus Pontifex quendam Cartusiæ Priorem ad Cardinalis vellet gloriam sublimare, & ille renueret, iratus Papa sententiam excommunicationis in illum protulit. Quæ ille vincula, humilitatis amore, per menses aliquot pertulit patienter. Aggressi itaque Cardinales Papam: *Quid, inquit, visum est sanctitati tua, beatissime Pater, obstinatū in humilitate Cartusiæ Priorem diutius innodare? Dissolve, ac dimitte hominem. Nam si huc venerit, suum equitabilem, & equorum nostrorum gloriam sua paupertate confundet.* Acquieuit orantibus Papa, & solutus Prior, sua est in pace dimissus. Vno dierum, cùm quidam ex ipsis Patribus Dominum precaretur, vt mitteret operarios in messem suam, ed quòd tum pauci in orbe essent, qui Dei verbum plebibus seminarent, flenti & lachrymanti dictum est à Domino: *Bono animo, mi fili, te esse iubeo. Videbis nempe in breui quadrifarium predicantium numerum, qui & heresim Albigensem extinguant, & fructum non paruum faciant in populo sancto Dei.* Paruo itaq; post tēpore venit Cartusiā S. Pater Dominicus almos fratres inuisere consiliū, ab ipsis, vt prædicaret accipere, & habitū assumere, sine clausura vittarū. Hic habitus ē post per sacrā Dei Genitricē cuidā fratri est per visū ostēsus: parū tamē à nostro discrepās. Post Domini

S. Dominicus  
inuisit Maiorem  
Cartusiā.



nos autem fratres, venerunt Minores, Carmelitæ, & Augustinenses, qui in diem usque hodiernum, magnos dant undique in vitia hominum, scilicetque latratus.

De quo lib. 4.  
cap. 10.

Vnus horum Patrum, quem sanctum fuisse Basilium autumant, cum Missam celebraret, ea, quæ soli Deo erat cognita, puritate, in ipsa sacræ Hostiæ elevatione vidit suus seruitor innumeros circum Hostiam cuneos Angelorum, qui alis suis Christum attingere videbantur. Ille veritus, ne Sacramento aliquam facerent iniuriam, extra se positus, clamitabat: *Modeste* inquit, *modeste, o Angeli, vos gerite, nesciens quid diceret.* O felicem errorem, qui de puritatis contemplatione descendit.

Quid non facit extasiem in Deum affectum.

Sanctus Helisarius Pater cum Sacrificium suum (qui ultra horam consuetam pulsare tardabat) e cella euocatum aduenisset, vidit eum extra se raptum sublimem in aere dependere, & magna undique fulgentem luminis claritate.

Hispani, Cathalauni, & Itali Patres nostri, dum ad Cartusiam olim venire consueverant ad Capitulum Generale, collectos de sanctorum Patrum sepulchris herbarum succos, in medellam seruabant febrientium, quod multi (ut adserebant) fueri essent ijs remedijs subleuari. Vno dierum venerabiles viri Cartusiam visitantes,

tes, cū in fratrum quorundam infirmitatem, obsistente tamen Priore, carnes iussissent afferri, vbi Cœnobij pontem attingerunt, in pisces optimos versi sunt. Qui cocti & infirmis appositi, omnem mox languorem depulerunt.

Tempore quodam, dum vnus è Prioribus circa domus suæ structuram aliquid operis impenderet, accessit ad eum vir quidam magni nominis, cui tamen stomachus ardenti inuidia implebatur: *Vos Cartusienses*, ait, *circa vrbium municipia commorantes, Christi fidei panem in otio & desidie, plenè faucibus deuoratis. Nunquam populo Dei verbum dicitis. Nunquam aut Confessiones auditis, aut Sacramenta præbetis, sed vacantes otio, tempus infumitis. Id ego solus non dico, sunt plurimi qui id asseuerant.* Erant autem vir iste de numero fratrum Prædicantiū. Cui sanctus Prior humiliter ita respondit: *Mi omnium charissime Pater, nos hic (vt tu dicis) otiose non viuimus, sed huc venimus, illud operibus viuendo complere, quod vos soletis verbis plebi prædicare. Et id multò libentius remotissimè deserti, ac sylvarum in locis faceremus, si essent qui nos à maleficiis furibus, raptoribusq; defensarent. Nam solos hos propter vicina vrbium loca delogimus.* Qui humili hoc verbo in corde percussus, Cartusiensibus semper posthac sese præbuit amatorem. Animaduertit enim

Cartusienses fratres eos esse, qui vitam salutiferam prædicant, non turgidis aut leuibus affectatâ verbis, sed sacris moribus institutam. Ipsi nempe sunt, qui pro futuri iudicii testimonio crucem suam quotidie carnis mortificatione circumferunt; Christi fidem proprio sanguine consignantes, & nunquam in corpore (exemplo Hieremiæ) lætum diem hominis requirentes. Id enim multo plus ad bonam vitam proximum inuitat, quàm decem milia verborum. Ecce habes pauca de pluribus, reliqua autem, quæ dici poterant, aut edax rerum omnium obliuio aut scriptorum segnities amputauit, Verum quia in longam noctem sermo hic noster abiit reliquum est, ut lectis, Cõpletorijs, membra sopori demus, ut Matutinam Synaxim alacriores Domino præsentemus. Quæ verò supersunt, in aliud tempus existimo reseruanda.

Vale. Dion. Amo te, & gratias ago, optimè refectus. Tu quoque salue, gaude, & vale in Domino.

(?)

*Fine Libri quarti.*

PRÆ-

**D**escriptis quatuor Cartusiana corona libris,  
ad quintum progredi meditamur. Verum sci-  
ens nonnullos esse fratrum nostrorū, quibus Dia-  
logisticus sermo displicet: quippe qui quasi minus  
idoneus sit, ut possit in publicum recitari, statui ro-  
gatus, prioris scriptionis formam dimittere, &  
reliqua quae dicenda sunt, cōtinuat a voce proferre.  
Et quoniam in superioribus libris maioris Cartusia  
Patrum sanctorum laudes, utcumq; tetigimus, nūc  
supereſt, ut vnde quaq; collectus, de diuersis domi-  
bus Ordinis nostri Sanctos, succincto sermone pro-  
mamus.

## CHRONICI CAR- TUSIENSIS LIBER

QVINTVS.

CAPVT I.

DE B. PETRO PETRONIO, SENENSI.

**I**nter hos primus occurrit sanctus Pe-  
trus Petronius, Senensis, Pater admodū  
sanctitate venerabilis, Deo & hominibus  
verè dilectus. Hic submissam ac profundā  
nimis noscitur habuisse humilitatem: vs-  
que adeo, ut pollicem sibi absciderit, ne  
sacerdotij officio (quo se reputabat  
indignum) fungeretur, Marci Evan-  
gelistae imitatus exemplum, & Am- VIDE  
monij, sanctissimi heremitae, qui sibi NOTAS.

YNAM

vnā aurē cultro præripuit, ne quasi pollutus & mutilatus Sacramenta tangere cogeretur. Exempla autem hæc, etsi scripta sint, tamen, nisi spiritu Dei cogente, imitanda non sunt. Huius Diui Petri tam sublimis vbiq; sanctitas ac sanctitatis serenitas promicabat, vt multa miraculorum, per populos, luce claresceret, & plurimos à vitiorum tenebrosa caligine reuocatos, ad verum iustitiæ splendorem, qui Christus est, reuocaret. *Hac est enim (vt Leo Papa ait) verarum naturæ virtutū, vt multos à tenebroso abducas errore, qui earum clarus est lumine.*

*Leo in Serm.  
de S. Lauren-  
tio, in princip.*

## CAP. II.

DE GVILIELMO, LAICO, SEV  
Conuerso Cartusia Casularum, prope  
Genuam.

*\* alias Genu-  
ensium.*

**D**OMUS Casularum \* non longè ab illustri Ianuensium vrbe, vicinioris Lombardiæ sita dinoscitur. Hæc olim habuit virum beatissimum Guilielmum nomine, Conuersum, laicum doctrina ac scientia simplicem, sed vita spiritali moribusq; doctissimum, hunc ferunt innumeris clauisse miraculis in vita, & etiā post mortē. Hic vir beatus, solitus erat magna sæpe pietate affici ad Christum Deum nostrum Crucis ligno affixum. Vnde quodam die cum infusus lachrymis, staret ante imaginem



nem crucifixi, & tanquam cum Deo præsente, ac patiente, dulci murmure muscitaret, Christus ostendere illi volens, paratam sibi esse hanc pietatis industriam, de cruce cepit VVilhelmum benignissimè alloqui, & cor eius immensa dulcedine consolari, ac sese in viscera animæ eius traiciens, spiritum sancti sui secum plenissimè crucifixit. Hinc factum est, vt totus ille Christo immersus, nunquam posset, nisi cum maximo fletu, crucifixi Saluatoris reminisci.

## CAPVT III.

**DE B. MARGARITA LVGDVNEN-**  
*si, Ordinis nostri Moniali, ac Priorissa.*

**I**N Dicecesi Lugdunenſi vnā duntaxat domum Monialium nostri Ordinis sitam cognouimus. In qua anno salutis millesimo trecentesimo quinto inter cæteras sanctissimas virgines floruit alma soror Margareta, quæ sicut cæteras officio dignitatis (erat nempe Priorissa) ita & eminentia sanctitatis longissimè antecessit. Hæc ob virginitatis suæ olentem, ad eò est Christo Domino familiaris effecta, vt cum eo, quasi sponso dulcissimo, sæpe loqueretur. Apparens autem illi suauissimus integritatis amator, librum pulcherrimis literis scriptum, secum afferebat, quem ante eius faciem oppandens ac legens,

gens, cœlestem virgini sapientiam infundebat. Dehinc suavia inter se colloquia miscentes, cum longum tempus vitæ sermonibus transegissent, Sáluator, postquã est eam apprimè consolatus, reuolauit ad superos, eam & plenam relinquens & famescentem. Vno dierum cum Missæ Sacrificio interesset, & Christi corpus ipsa ardentissimè esuriret, Dominus sciens sponsæ suæ implacabilem famem, partem Hostiæ de manibus tulit Vicarij, tunc cõsecrantis, & in os suæ amatricis ocysus iniecit.

## CAP. IV.

## DE S. VIRGINE BEATRICE.

*circa annum  
scilicet 1305.*

*Valde afflicta  
erga Christi  
vulnera.*

**S**ancta Beatrix virgo prudentissima floruit illo ipso tempore, quod supra iam memini, in domo Ordinis nostri, quã aliqui *permagine*, vocitant. Hæc ardentissimo amore ad Christi vulnera ferebatur. Vnde vnum dicam, mirabile quidem, nec imitabile tamen. Adeo illi IESV vulnera impressa atq; infixæ manebant, vt non nisi vulnera cogitare, vel appetere posset. Hoc tali perusta desiderio, vno dierum amoris impatiens, duos clauos ferreos furtim corripuit, & adhibito malleo manus ambas amplissima plaga transfixit. Quis hæc virginem excuset, nisi ardor spiritus, qui eam ad hoc opus adegit? Portabat clam semper hæc

hæc vulnera sub longioribus manicis absconſa, & ſingulis ſextis ferijs, imprefſis infixiſque ſpiculis iterum inſcindens, nouo ſemper ſe martyrio cruciabat. Sed vnde pro Chriſto carnem vellicabat, inde mentem interna conſolatione fouebat, vt fieret cum Chriſto ſocia dulcedinis, quæ ſociam ſe crucis fideliter exhibuerat. Hinc factum eſt, vt ſæpe Chriſtus cruci affixus, oculis eius ſeſe palam oſtenderet, vnde incomparabilem amoris gratiam animæ ſuæ medullis ſenſit infundi. Habuit præterea plurium ſecretorum ſibi reuelata myſteria: quæ quia humilis erat, ac ſubmiſſi admodum animi, nunquam voluit promulgare.

## CAPVT V.

DE FRATRE, QVEM VIRGO MARIA confortauit.

**I**N Ducatu Gelriæ habemus Ordinis domum in oppido, quod Ruremundam dicimus. Olim illic, ſicut ipſe legi, habitauit ſanctus quidam frater, qui Diuam Virginem DEI Genitricem ardentiffimo venerabatur affectu, & miris eam ſemper ac ſublimibus præconijs attollebat. SALVTATIONEM quoque ANGELICAM aſſiduè illi deuotus offerens, aures mitiffimæ Genitricis ſuaui

suavi modulamine demulcebat. Vnde quodam die, cum solus in Capella solitas laudes, sed plus solito inflammatus infonaret, & pium benedictionis eius Sacrificium, in holocausta transfret, perfusus lachrymis, in osculum pulcherrimæ virginis totus exarsit, his eam vocibus compellans: *O rosa Virginum, ô philomena calorum, ô charissima in delicijs suauissimè fragrans, quam Deus oris sui osculo est osculatus, tu scis, quid maxime cupiam, ô mitissima, tu cordis mei vota scrutaris. Presta nunc mihi (te deprecor) sicut nosti cor serui atq; humilis amatoris tui.* Hæc diuino igne calentia vota, vt vidit melliflua virgo Maria, cuius venæ omnes melle sunt plenæ, non se ultra valuit cohibere, sed in sua imagine ab altari descendens, ac splendenti luce curuscans, Christum Filium in altari deposuit, & ad anhelantem famulum benignè descendit. In quem dulcia lumina figens, post complexum misericordissimum, ori eius osculum suauitatis impressit, quod in ipsas animi medullas infiliens, geminam huius viri Dei substantiam refocillauit. Dehinc eum his est allocuta sermonibus: *Ego te, fili mi, & tua vota libens accipio. Ex quo enim honorabilis factus es in oculis meis, & amarus, ego dilexi te, & in miseratione tua cum filio meo recolligam te. Mecum regnabis, mecum gaudebis, mecum & semper epula-*

*Anhelat ad  
osculum Dine  
Virginis.*

**VIDE  
NOTAS.**

*D. Virgo vi-  
tissim alloqui  
tur amatum.*

*pulaberis. Quem & ad manum tenens, attraxit ad Filium, qui in altari puer dulcissimus residebat. Ore te, inquit, mi Vate, qui semper amatoribus meis faues, huic misero seruitori meo te ipsum prabe benignum: ut & hic tuam gratiam, & post tuam gloriam valeat consequi.* Annuit lætus paruulus Saluator precibus genitricis, & fratrem in fœderis sui vincula stringens, cælestem illi beatitudinem repromisit. Hac gloriosa visione Dei famulus magnificè roboratus, semper seipso melior reddebatur.

## CAPVT VI.

DE FRATRE STEPHANO, MAGDALENAM diligente.

**D**OMUS loci Dei, Ordinis nostri domus in Anglia est, non longè à ciuitate Hætonia. In hac fuit Monachus quidam egregiæ pietatis, Stephanus nomine: qui ad Mariâ Magdalenâ feruētissimo flagrabat amore. Hanc seruiens amabat, hanc æstuabat, ad hanc cuncta per somnia recurrebat. Et quia amor semper meretur impetrare, vno dierum, cum hanc suam amicâ solita dulcedine cogitaret, raptus in mentis excessum, vidit se transpositum in cliuo montis altissimi, vbi hortus erat tanta amœnitate refertus, tanta suauē spirantium oderamentorum fragrantia delibutus, tanta diuersorum fructuum florumq;

S

orna-



*Colloquium  
fratris Step-  
hani, cum B. Ma-  
ria Magdale-  
na.*

ornatu redimitus, ut sese Paradisi delitijs  
interesse putaret. Cumq; loci pulchritu-  
dinem secum miraretur, vidit obuiam si-  
bi fieri incomparabilis gratiæ ac formæ  
Dominam, cui de facie Solis radij deflue-  
bant. Huic de vertice crines pendebat au-  
rei fulgoris, ambrosium spirantes odorẽ,  
quæ holosericis atque auro textis vestibus  
renitebat, pulchra nimis, & cælestis for-  
mæ gloriam repræsentans. Quæ maturẽ  
procedens, cum substitisset, dulci eloquio  
Stephanum consalutat, dicens: MAGD.  
Saluẽ mi Stephane, ô mi Stephane salue, a-  
mator meus. Ille tremefactus ad splen-  
dentem gloriam admirabilis mulieris,  
positis genibus, eam pronus honorat. At  
postquam in eius serenissimum vultum  
oculos intendit, agnouit Magdalenam es-  
se, amatricem suam: quam agnitionem in-  
geniosus illi infuderat amor: amor, inquã,  
qui & lynceos semper oculos habet, & o-  
mnia scrutatur, etiam alta Dei. Accepta i-  
taque fiducia, ait; STEPH. Salue & tu, ô  
suauissima fæminarum mel meum, & lu-  
men meum, pectorisq; mei incendium  
singulare. MAGD. Scio id equidem, mi  
Stephane, sed quid à mea nunc pietate re-  
quiris? STEPH. Stephanus ipse cum sim,  
similis illi Stephano peccatori, quem post  
multa facinora, in tuam gratiam reuoca-  
sti, oro te, lux mea, ut sicut eius miserta es

ita & mei miseri te misereri non pigeat.

MAGD. Et quo pacto vis miserata sim tui? STEPH. Vt iram, quam merui, iudicis sempiterni, tua prece amoveas, ac me peccatorem sua gratia dignum efficias.

MAGD. Hoc & ego summopere, vt fiat, cupio.

STEPH. Accede igitur ô mitissima, ad thronum gratiæ eius, facilè pro me, quod volueris, impetrabis.

MAGD. Verû tu dicis. Ego nempe & cæteri, qui in cælis sunt, sancti oës pro fideiû salute semper exoratum habemus Altissimum.

STEPH. Absit vt de eo dubitem, mea mater.

Sed cum ego post Virginem Dei Genitricem

te complexer præ cæteris, ac venerer, da

operam, precor, vt singularè pro me Do-

mino præcè offeras, & peculiari p me vo-

to te patronā instituas.

MAG. Ergo tu præ cæteris sanctis me arbitraris idoneā,

quæ tuam possim causam melius apud Altissi-

imum promouere? Nullam existimas ma-

gis idoneam? STEPH. Nulla mihi videtur

magis idonea, ô mea faulrix, præter Dei

sanctissimam Genitricem.

MAGDAL. Quid igitur de cæteris sanctis sentien-

dum reris? STEPHAN. Bene & optimè

sentiendum reor. At tu amasia mea, tu

protectrix & salus mea es, te matrem, te

patronam, te semper meam constitui ad-

iutricem.

MAGD. Quam ob causam tu me

præ cæteris Dei sanctis patronam & matrem elegisti? STEPH. Tu meis sensibus dulcius influis, tu cor meum suauius afficis, & amore tuo animæ meæ venas perfundis. Tu tuo amore à Christo Domino specialiter diligere meruisti, quem & animæ tuæ consolatorem, & fratrem, & sponsum; & amicum perpetuò conquisti. Hæc vna est ratio, cur plus ego te diligam. MAGD. Approbo rationem. Sed si aliam adhuc nosti, ne eam fileas velim. STEPHAN. Stringit me reuerentia tua, cum sim puluis & cinis. At quoniam tu vis, dicam quod vis, orans interim, ne mihi succenseas, ô benigna. MAGD. Fidenter loquere, ne timeas. STEPH. Scimus olim (dicente Scriptura) te fuisse feminam peccatricem, quæ ad Christi vestigia, sparsis vbertim lachrymis, tua crimina diluisti. Hinc aptissima mihi visa es, ad quam ego peccator, & multorum scelerum reus, debeam fidenter confugere, & tuam supplex gratiam deprecari. MAGD. Laudo, mi Stephane, consilium tuum. Ego sum, ego utique sum, præ alijs, qui in cælo sunt, Sæctis peccantium omniû aduocata, & inter Deum, miserofq; mortales, vnica post Dei Matrem mediatrix: quòd, dum scelera mea ad pedes Domini plangerem Saluatoris, ipsa promerui. STEPH. Hinc est,  
ô Ma-

ô Maria, quòd tuam opem peccator sup-  
plex efflagito, & quòd tuam ambiam gra-  
tiam vehementer. MAGD. Quid igitur ti-  
bi vis faciam? STEPH. Vt sicut illum o-

• llim scelestum Stephanum (quem \*Flan-  
drum nouimus) ita & me ad dulcem tuum  
componas amorem. MAGD. Grata mihi

\*VIDE  
NOTAS.

petitio tua. Tu ergo in reliquum confor-  
tare, & esto robustus valde, sciens studio-  
rum tuorum industriam requiri, vt grati-  
am inuenias in tempore & auxilio oppor-  
tuno. STEPH. O dulcia plus melle labia

tua. Et nunc, ô pijsima, quia ad cor serui  
tui loqui dignata es, cupio tibi summo pe-  
re nunc muneris aliquid adferre, sed ni-  
hil in me dignum inuenio, quod tuæ que-  
am Celsitudini impartiri. MAGD. Votū  
pectoris tui libenter recipio, hoc si tribu-  
eris, sat habeo. Externa etenim munera  
minima spernunt. STEPH. Quod igitur

interni voti tibi munus impendā? MAG-  
D. A L. Gratulare ex corde beatitudini

meæ, gratulare priuilegijs meis, gratulare  
inuenisse ac possedisse me quem diligit a-  
nima mea, & quòd illi sim indissolubili  
iuncta complexu in cælis, quem totis  
animi mei visceribus concupiui in terris.  
Tibi autem huius congratulationis hic e-  
rit fructus, quòd meo interuentu veniam  
reportabis, & gratiam, & lætitia mecum

278 CHRON. CARTVSIEN.  
perpetua perfrueris. Hæc vbi dixit, dispa-  
ruit, & Stephanum ad se reuersum, appri-  
mè consolatum reliquit.

CAP. VII.

DE MIRABILI VIRTUTE ET EFFI-  
cacia vulgaris istius dicti Requiescat  
in pace.

**A**T priusquam ab Anglia transfrete-  
mus, dignum ducimus, quod in vna  
illic contigit domorū nostri Ordinis, sub-  
iungere. Vir admodū diues, habens pa-  
trē suum, qui iam recens, obierat, illic cō-  
sepultum in fratrū Basilica, venit vno die-  
rū Patres inuisere: qui & præsentē Priore,  
auri massam ingentis ponderis in eleemo-  
synā obtulit, orans obnixè, vt animam suī  
genitoris apud Deum habeant cōmenda-  
tum. Statim Prior ad fratres: *Orate*, inquit,  
*ô filij, & huius amici nostri ocyus vota complete.*  
Illi ad præceptum Patris omnes in com-  
muni dixerunt: *Requiescat in pace.* At vbi  
Prior respondit, *Amen*, illi inclinantes,  
cum silentio repedarunt ad cellas. Porro  
vir ille, secum pensitans, grandem auri  
massam, quā dedisset, mirabatur afflictus,  
pro pretio tam ingenti, quàm breuem ac  
futilem precem reportaret. Et accedens  
humiliter ad Priorem, querimoniam  
mouēs, ait *solum, ô mi Pater, pro oblato auro,*  
*hanc breuissimam fratrū precem anima genitoris*  
*babi-*



*habitura est? Nihil ultra rependit? Prior hoc audito, admirans hominis simplicitatem: Ego tu, inquit, iustorum preces temporali vis pecunia coaquare? Non volo, ait, sancte Pater, sed quanti, quaeso, hoc meriti est, aut quæ digna compensatio tria tantum breuissima verba pro grandi pecunia rependere? Cui Prior: Stapa- runper, dabo operam, ut ab errore resipiscas. Statim iubet fratres ad colloquium re- uerti, & verba, quæ in communi ante dixe- rant, papyro à singulis inscripta secum de- ferre. Tunc præcepit, spectante viro, in parte vna stateræ auri pondus, quod dederat, immitti quo statim suo pondere pres- sa descendit in terram. Dehinc Prior, præ- missa ad Deum prece, conuersus ad virum: Nunc, ait, tuis oculis ipse videbis, quanti sit ponderis bre- uis illa oratio quam aspernaris. Et accipiens de manibus singulorum schedulas, in quibus scriptum erat: *Requiescat in pace*, alteri libræ parti imposuit. O res mirabilis, aurum, etsi grauissimum esset, breuium tamen verborum pondus obiectum ferre non sustinet, ac si plu- uia seu festuca esset, fursum ascendit, chartu- lis deorsum cum sancto verborum pondere de- cidentibus. Obstupescere omnes, fatetur vir culpam cum lachrymis, veniam petit, meruitque. Statim iubet grandem ac pretiosum lapi- dem parari, & insculpi per totum literis arte confectis: *Requiescat in pace*, & chari pa-*

rentis sui tumulto superponi. Sub quo & ipse nunc conditus, requiescat in pace. Amen.

## CAPVT VIII.

## DE PARTICIPATIONE ORDINIS

*& quid valeat.*

**V**Num dicam, quod huic præmissæ sententiæ videtur opitulari. Vir quidam Ordini nostro largifluus ac deuotus, emeruit precibus ac beneficijs à Capitulo nostro Generali Ordinis confraternitatem: quam nos *participationem* consueuimus appellare. Hanc impetratam, scrinio inclusit, grandi eam auro pluris faciens. Hic cū obijisset, & vxor eius per incuriam literas ipsas non faceret præsentari, nec eius obitum, vti literæ exigunt, intimari, nocturno silentio anima viri, cistam ipsam ingrediens, maximo strepitu omnia quatiebat, & vxorem domesticosque omnes timore exagitabat horribili. Cumque hæc tempestas duraret indies, & semper sæuior redderetur, consuluit mulier sanctum aliquem, & doctum hominem, si ijs posset cladibus imponere finem. Intrat vir Dei mulieris domum, querit, vbinam ille strepitus maior audiatur. Circa hoc scrinium, ait vxor, timor & clamor omnis exurgit. Et ille: Vide, ait, ne hic literæ forsitan obligatoriæ lateant, quæ virum tuum supplicijs

cijſ teneant irretitum. Ante obitum, ait mulier, debita omnia cautus perſoluit, nec credo eum nunc inde torqueri. Apertum eſt ſcrinium, nec literas alias inueniunt, quàm Ordinis noſtri gratiam, ſigillo munitam. Haſ cùm ille legiſſet, dixit ad mulierem: Ex ijs patet, quod vir tuus habet ſpiritale apud omnes Cartuſienſes beneficium, & idcirco ijs fragoribus exagitatus, quòd diem obitus eius, vti oportuit, non propalaſti. Hac etenim gratia facilè eius anima poterit abſolui. Vade igitur, & adnitere ocys, vt beneficium Ordini innotefcat, & teipſam à periculis, & virum à ſupplicijs redimas. Quod vt fecit, omnis illa tempeſtas mox conquieuit.

## CAP. IX.

**CVR ORDO CARTVSIENSIS QVOTIDIE Miſſam de Domina publicè priuatimq; perſoluat.**

**O**Lim in aliquibus Ordinis noſtri domibus tam grauis, agente Sathana, viſtentationum incubuit, quòd omnis ſacræ institutionis diſciplina fratribus tædio eſſet & horrore. Erat nimirum mors in olla, quam Helizæi ſarinulâ nondum temperarat. Pſallere, orare, abſtinere, ieiunare moleſtiſſimum videbatur. Cumq; ingens cum luctu & lachrymis omnium clamor ad Deum fieret pro remedio à facie tribu-

*Conſule vitâ  
D. Brunonis  
circa finem  
ſerme.*

lātis, misit Deus Angelum sanctum suum, qui vni ex ijs pijsimo viro loquebatur, dicens: Propitiabitur vestri mater misericordiæ virgo Maria, si in Horis suis, quas legitis. *Salve sancta parēs*. Inter primā & tertią inferere volueritis, & Missam singulis diebus in eius gloriā celebrare. Ipsa nēpe est propitia maris stella quæ mentium solet tempestates elidere, & serenas auras ac gratiæ spiramenta humanis cordibus indulgere. Hęc vbi promulgata sunt, omnes in communi laudes has ac sacrificia complectuntur, tuti in reliquum facti ab incursu Sathanæ, & à rugientibus præparatis ad escam. Et reuera posteaquam Ordo noster has diuæ virginis laudes assumpsit, Dei semper Genetricis & virginis est suffragiis sublimatus. Memini me antea, de Horis almæ virginis, vt in ordine nostro canerentur, tale quid scriptitasse;

*Nempe lib. 4.  
cap. I.*

## CAPVT X.

DE QVODAM FRATRE HEN-  
rico, Colonienſis Cartuſia  
Monacho.

*Fortè hic fuit  
P. Henricus  
Kalkar, cui di-  
citur Dina  
virgo appa-  
ruisse.*

**L**Egi ego apud veridicum scriptorem, fuisse olim Colonix in nostra ibidem domo Monachum, Henricum nomine, virum magna præditum pietate, & gratia copiosa. Hic sacratissimam virginem Dei Genetricem, maximis æstuabat incendiis.

Post

Post hanc & beatissimam Vrsulam cum vndena sua turma miro venerabatur affectu. Vnde quadam nocte, cum sopori se dedisset, quædam ex istis virginibus, immenso lumine coruscans, è cælo illi apparuit, in hæc verba prorumpens: *Misit me diuus Virginum chorus, cui tu semper afficeris, vt te doceam, qua debeas laude singulis diebus, Dei salutare, ac benedicere Genetricem. Dic. O Virgo Regina Virginum, summum Trinitatis sacrarium. Angelorum speculum, scala Sanctorum omnium, tutum peccatorum refugium, cerne, ô pia, nostrum periculum, in morte tuum, placatum nobis ostende filium, & tuum vultum gratiosum.* Hanc precem si assidue (inquit) dixeris, diuæ Mariæ, ac omnium nostrum gratiam assequeris. Ille statim post discessum virginis euigilans, cum laudes ipsas totaliter non retinisset, supplex cum lachrymis orat, vt rursus sua doctrix appareat, laudes ipsas denuo canitura. Elabuntur dies aliquot, adest ipsa virgo quæ prius, & obliuiosum iterum iterumq; informat. Laudis formulâ ad integrum receptâ, cæli Reginae quotidie decantat Monachus, non sine ingenti animæ suæ fructu. Enimuerò, expleto aliquâto tēpore, illa ipsa, quæ hoc docuit præconiū, numeroso virginū comitata choro, mirabilique cōcentu, odâ supra memoratâ, ad fratris Henrici, magnificè exultâtis aures cōcrepuerunt.

Oratio Deuotæ  
et, ad Diuam  
virginem.

CAP.



## DE QVODAM CONVERSO MIRAE

*simplicitatis & innocentia, perperam recitante primum versiculum Psalmi quinquagesimi.*

**A**Nte nostra tempora fuit in Ordine frater Conuersus, vir sanctus quidem, sed mira simplicitate purditus. Hic præter Dominicam Orationē & Angelicā Salutationē discere plus nō potuit, & præter primū 50. Psalmi versiculum: *Miserere mei Deus.* Hunc tamen versiculum, nesciens quid diceret, dicebat orans: *Miserere tui Deus.* Hac orationē simplicis viri Deus noster (cuius cor humile est) plurimum delectatus, tantam boni odoris fragrantiam cellæ illius infudit, vt foris erumpens, prætereuntes omnes apprimè recrearet. Accedit Prior domus, inquit à fratre & suavis odoris causam, & simplicis orationis formulam. Ille humiliter se submit- tens, ratio, inquit, mi Pater, orationis meæ est, vt dicam: *Miserere tui Deus.* Stupuit Pater, & iubet vt deinceps dicam: *Miserere mei Deus.* Paruit ille, sed solita fragrantia discessit, donec rursus à Priore est monitus, cōsuetam precationis resume- re formam.

DE ALIO QVODAM EXIMII CANDORIS ac columbinæ simplicitatis Conuerso.

CERTISSIMA relatione cognoui, fuisse olim conuersum quendam columbinæ simplicitatis virum, & Christo Domino (cui cum simplicibus sermocinatio est) plurimum placuisse. Hic, cum aliquot diebus solita esset deuotionis gratia spoliatus, vna nocturnum, cum aridus ad nocturnam sinaxim astaret, nec legere eum, aut meditari delectaret, ipse in Christum iniuriâ intorquens, vdos, cum gemitu oculos leuans ad cælum, ait: *Tu Christe Iesu, tu nunc tuam mihi gratiam subtraxisti, qui nisi eam mihi oculus reddideris, Matritua de te querimoniam faciam.* Statim ille simplicium cordium amator, quasi timeret deferendum se ad suam Genitricem, gratiam ereptam fratri restituit, & vberiori munere cumulauit. Latitabat post hunc conuersum, cum hæc diceret, frater quidam, qui ista in publicum promulgauit. Incident forsân in hæc scripta nostra viri docti, qui Tullio gaudent oratore, aut peritissimo Poetarum Virgilio: quibus crepitantes buccæ Rhetorum, & Tragicus placet, comicusq; boatus. Sed cunctos hos rogatos velim, ne simplicitia hæc nostra contemnant, sed potius

*Prov. 3. 32.*

*Simplicitas  
& sincera in  
Deum inten-  
tio potius hâc  
excusasse.*

*Rom. 12. 16.* tius meminerit Pauli, gentium Doctoris,  
monentis *non alta sapere nos oportere: sed hu-*  
*Psal. 112. 6.* milibus consentire. Nam & *Deus alta à lon-*  
*gè cognoscit, & humilia respicit in calo, & in*  
*terra.*

## CAPVT XIII.

DE FELICI MORTE DEVOTI PA-  
tris, D. ALBERTI Arnheimiensis, scilicet olim  
Cartusie Prioris.

*+ Est propriū*  
*no nec Arn-*  
*heimensis Car-*  
*tusie.*  
*1. Petr. 5. 2.*  
*Esa. 38. 15.*  
*Psal. 20. 5.*

Iuxta Arnhemium, Geldriæ oppidum,  
no parum insigne, olim floruit honorā-  
dus Pater Dominus Albertus, ex ipso op-  
pido oriundus: vir pius ac iustitiæ tenax,  
magnorumq; meritorum possessor, & ad-  
modū opulentus. Hic Prior domus \* Mo-  
nachorum post institutus, in innocentia  
cordis sui gregem sibi commissum pasce-  
re, & in intellectibus manuum suarum de-  
ducere maturabat: diui Apostoli Petri feri-  
tentiam complens, *non quasi Dominator in*  
*Clero, sed forma gregis factus ex animo.* Hic cō-  
plens vitæ suæ cursum in iustitia, quadam  
nocte cū annos suos omnes in animæ  
suæ amaritudine recogitaret, anxietur-  
que super ipsum spiritus eius, modico  
pressus sopore, audiuit cæli concentum;  
hæc verba dulciter modulantem: *Vitam pe-*  
*tijt à te, & tribuisti ei Domine longitudinem die-*  
*rum in seculum & in seculum seculi.* Cantus hu-  
ius versiculi, nostro erat simillimus, sed  
harmoni-

harmonia valde dissimilis. Ille ex hoc iubililo maximam mentis lætitiā, & salutis suæ perpetuæ spem capiens, cū vni suo fideli hæc cum lachrymis enarrasset, morbo corporis ingrauescente, felici obitu migravit ad Dominum.

CAP. XIV.

DE CLERICO QVODAM FRATRE,  
*cui à Deo reuelatum erat, quando moriturus foret.*

PRIOR quidam domus nostræ, quæ iuxta Gandauum est, qui & tunc temporis erat huius nostræ Prouincię Visitator, hoc, quod nunc dicimus, (vti scriptum reperi) enarrare solebat. Scio, ait, *fuisse nuper clericum fratrem nostro in Ordine, virum venerabilem, sed senio grauem.* Hic multū humilis licet apud se paruus & modicus, paruis modicisque contentus, quē tamen omnes pro suis meritis quasi magnū, ac sublimē Patrem venerabantur. Hic Ordinis statuta indefessus obseruabat, solitudinis ac silentij perseuerans æmulator. Hic mitis, suavis, affabilis, obsequiosus, omnium in se fratrum suorum cōprehendebat affectū. Hic ad diuinas laudes primus occurrebat, psal-  
lebat fortiter, & feruēter, somniculosā desidiā pcul expellēs. Cūq; his bonis operib. Christus vellet numerator accedere, per corporis morbos famulū deuotum statuit  
euo-

euocare. Ingrauescente itaque languore, quærit Prior suus, an velit Christi corpore & Vnctionis Sacramento muniri. Volo, ait, quâ maximè, mi Pater, sed nòdum venit hora, qua transeam ex hoc mundo ad Patrem. Hoc autem ideo dixit, quòd suus illi esset à Domino obitus reuelatus. At ubi resolutionis suæ cœpit hora appropinquare, voce magna clamauit, dicens: *Hora est.* Qui sacrosancto Christi Corpore suscepto, cùm esset sacro delibutus oleo, piâ efflans animam, exuens, tranquillè obdormiuit in pace.

## CAPVT XV.

**PRIOR QUIDAM SACRIS OPERANS,**  
*in altum diuina virtutis ope suble-*  
*uatur.*

**F**Vit ante nos in vna domorum Ordinis nostri in Brabantia (quam idcirco silentio volui præterire, ne propalatâ laudem, iniuriam putet) quæ habuit Priorem, diuinarum literarum Theologum singularem, cuius sanctimonia tam clarè resplenduit, vt longè latèq; suum iubar effunderet. Hic, sicuti erat omnibus admirandus, ita apud se (quod in viro virtutis præcellentissimum iudicatur) omnium se vilissimū reputabat. Hic visus est aliquoties inter celebrandum, altius à terra suspendi, vt spiritū in sublimia atq; ad diuina porrectum,

fectum, ipsa in altum corporis eleuatio denotaret. Quidam autem Conuersus frater, vir admodum bonus, qui huic Patri ad Missas solitus erat deseruire, hoc ipsum eius post obitum patefecit; dignus cui promeritis habeatur fides.

## CAPVT XVI.

DE MONACHO QVODAM ADMODUM  
*consolatorio, atq; in diuinarum laudum  
 persolutione admodum vigili, strenuoq;.*

**A**Dmirabile est quod de quodam nostri Ordinis Monacho memini me legisse, eiusdem domus professo, vnde & is, de quo supra. Huic fluenta sacrorum voluminum ita pectus inebriauerant, vt copioso profluuio ab eius ore scaturirent. Dederat enim illi Deus linguam eruditā, *Esai. 50. 4.* vt sustentare posset eum, qui lapsus est verbo. Hinc factum est, vt suis alloquijs inceustos confoueret, anxios deliniret, tepidos remissosq; inflammaret, ægris mentibus remedia donaret. Et licet multi eum crebrò exagitarent corporis morbi; hos tamen ipse despiciens aliorum sese incommodis mancipabat. Hic venerabilis Pater quaterdenos annos in Ordine degens, diuinas laudes assiduè, & nocturnam synaxim impiger frequentabat: qui robusta &

**T** reso-



resonanti voce donatus, plenissimo cantu  
chorum omnem, Præcantor egregius ful-  
ciebat. Cui tantam gratiam contulerat  
Dominus, vt toto Monachatus sui tempo-  
re, nemo illum vnquam viderit in Dei  
laudibus, aut sacris precibus dormitatem.  
Vnde indicium maximi feruoris agnosce-  
re licet. Ego enim has huius viri gratias  
pluris æstimo(iudicent, vt velint, alij) quã  
si tetras, ab obsessis corporibus vmbras  
fugasset, aut curasset verbo omne genus  
morborum. Hic placido demum fine qui-  
escens, meritorum suorum est præmium  
assecutus.

## CAP. XVII.

DE CONVERSO SIMPLICI AC RE-  
*cto, cuius anima Angelicorum ministerio  
spirituum, in calum ferri visa est.*

\* *Cartusiam  
Dieſtẽſem in-  
telligit, in qua  
aliquandiu  
Prior fuit.*

**E**ST in Comitatu Loffenſi domus Or-  
dinis noſtri, quam diui \* Ioannis Bap-  
tiſtæ nomen exornat. In hac fuit aliquan-  
do(vti ſcriptum reperi)frater Conuerſus,  
vir ſimplex & rectus, iuſtus & bonus: cu-  
ius vitã omnis de virtute pende-  
bat. Hic  
miſſus pro domus negotijs ad Hagam Co-  
mititis, locum in Hollandia, quem pro  
ſui illuſtri fama omnes norunt, à ſideli  
Ordinis amico hoſpirio reuerenter ſuſce-  
ptus eſt. Illic autẽ paululum demoratus,  
à peremptoria ægrotatione interceptus,

in

in Domino deuotus occubuit. Vnde illo pro meritis in calos commigrante, viderunt, qui tunc temporis circa ipsam domū residebant, aliqui animam morientis luce conspicuam, à serenissimis spiritibus in superna deferri, & Christo Domino cum canticis præsentari. Quæ ubi suus, à referentibus, hospes agnouit, compūctus corde est, gratias agens Deo, quòd tam sanctū virum è suo domicilio euocasset ad superiores. Ipse verò post viduatus vxore, loco defuncti, se in domum illam S. Ioannis Baptistæ collocauit, & in diem vsq; suæ emigrationis, pœnitentiam agens, annos suos optimo fine conclusit.

## CAPVT XVIII.

VT RELIGIOSI NON DIFFERANT  
*tempestiuè suas persolvere Horas, debitoq; tempore concedere.*

**C**Auenda nobis semper est omnis negligentia, de qua malorū multorum germen emergit. Fuit ante nos, vti scriptum reperi, in vna Ordinis domo Monachus, cui cōsuetudo erat, post Completorij pulsū, in longas horas, vigilias protrahere, nec Deū reueritus, nec statuta considerās. Cūq; hunc diuina censura, in nostrum exemplum, mitius corrigere statuisset, quodam vespertino tēpore, cū futilibus occupatus, tēpus quietis insumeret, audiuit de

supernis vocem, dicentem sibi: *Vade dormitum ô Monache, quid moraris?* Ille noua hac increpatione tremefactus, cum vndique circumspiceret, & nullum adesse notaret, lecto citius Completorio, festinauit ad lectum. Utinam hæc dignentur aduertere fratres nostri, ad quos reuera hæc admonitio spectat, qui, suafore atque in pulsore Sathana, libenter vigilias protrahunt: vigilias certè leues, infructuosas, prohibitas, damnosas, quibus nocturna synaxis, & sacræ laudes somniculosa negligentia, aut præciduntur, penitus suffocantur.

## CAPVT XIX.

DE SACERDOTE QVODAM SECV-  
lari, qui caelesti vocatione admonitus, Ordinem  
ingressus est Cartusienſium.

**R**ARò viri seculares nostrum Ordinem (quia paulo videtur rigidior) aggredientant, nisi aut superna reuelatione, aut interna inspirarione permoti. Excipio tamen eos (quod sine gemitu nequit audiri) qui Zabulo instigante, ac Deo permittente, Ordinem subeunt, vt vel delicatius vel quietius viuant, vel vt sanctos fratres tentent, vexent, examinent, coronent. Enimuerò quod per se dæmon facere non potest, per sua id læpe membra molitur. Hos non Spiritus sanctus, sed Diabolus vocauit. At aliter iste, de quo nunc loquimur,

mur, Sacerdos venit: qui ante nos fuit Mōguntia non satis commendatæ vitæ. Vnde vno dierum, cū in maiori Ecclesia Missa celebraret, audiuit vocem ad se de super-  
nis illapsam, in hæc verba: *Ocyus festina Car-*  
*tusiensem ingredi Ordinem, & scito te hoc com-*  
*pleta biennio, moriturum.* Ille non surdus di-  
uinæ vocis auditor, animum intendit, Or-  
dinem intrauit, & ita vitam ad veram vir-  
tutem instituit, vt omnes palam aduerte-  
rent, eum fuisse cælitus destinatum. In-  
grediens autem Ordinem, crus secum in-  
tulit tabefactum, corrosū vndiq; & diu-  
turno vulnere scissum. Quod tamen præ-  
ter spem citò conualuit, diuino medica-  
mine confouente. Vixit verò hic Lodoui-  
cus (hoc enim viro nomen erat) biennium  
totum in Ordine disciplinatè plurimum,  
& religiosè ac statim post salutifero fine  
quieuit.

## CAPVT. XX.

**QVAM SEVERE A DEO PVNITI**  
*sint prædones aliquot, qui Cartusiensium*  
*diripuerant bona.*

**O**Lim accidit, (vt scriptū reperi) quod  
virī militares Ducis Iuliacensis vina  
quæ Procurator domus nostræ Ruremun-  
danæ fratribus infirmis coemerat, duratu-  
ra in annos plurimos, vt prædones ad se  
raperent, suisq; vsibus manciparent. Mo-

uit Procurator querimoniam Duci, supplicans sibi vina restitui. Mandat Dux ocyus, vt restituantur. Verùm is, qui huius mali caput extiterat, pressus Ducis imperio, vina reddidit; vno tamen retento vase, quod dulciori vino & suauiori plenum erat. Hoc namque sibi & vxori prægñanti statuit reseruandum. Adducitur vas, plaustrum vectum ad ianuam prædatoris. Agnoscens vxor, referente marito, optima vina præ foribus esse, læta iubet ocyus sibi inde propinari, vt appetitum satiaret suum. Accessit vnus, vt hautiret. Mirabile dictu, statim vt homo vas attigit, quod fortissimis tunc erat vinculis colligatum, ita subito vincula eius nexusque omnes disrupti sunt, ac si ascijs aut securibus scinderentur. Repente tabulæ omnes dissiliunt, & vinum, quod in longos vsus prædator aptauerat, magno profluuio decurrit in terram. Sic cassata est rapina maligni, & nihil inuenit, qui sibi plurimum visus est acquisisse. Fiunt hæc nota ciuibus, & tota ciuitas admirans, gratulatur Dominum pro suis famulis Cartusiensibus depugnasse. Hinc in maiori reuerentia & honore fratres ipsi deinceps sunt habiti. Memini quoque supra me tetigisse de nobili quodam viro; qui cùm esset vni domui Ordinis nostri infestissimus deprædator, & mul-

multas quotidie irrogaret iniurias, nec vlla posset, aut ratione, aut pietate compesci, percussit eum Dominus, & uxorem eius plaga admodum crudeli & formidata. Nam vxor eius, cum esset admodum fecunda, singulis annis prolem mortuam, & monstro similem pariebat, triste reuera ac intolerabile malum. Verum ille eruditus ex verberibus, ad corrediit, & agnoscens sibi hoc malum ob sua scelera rapinasque, quas in sanctos fratres exercuerat, euenisse, rapinas ocyus omnes restituit, veniam cum lachrymis à fratribus petiit, & accepta remissione, ex hoste acerrimo, factus est Ordini amicus optimus, vxorque eius deinceps sobole viuam, superstiteque, produxit. Scio præterea temporibus meis prædatores aliquos repentinis gladijs obtruncatos, qui domibus nostris dâna, clades, iniuriasque; aliquando intulerant. Fuit & his temporibus nostris vir quidam vicinus domui cuidam Ordinis nostri. Qui suetus erat multa furari ex opibus Monasterij: inter cætera autem & pisces & carpiones, quibus se suosque pascebat. Sed non impune. Nam cum vxor eius pareret, peperit monstrum, quod carpionis gestabat caput. Hoc obstetrix cum vidisset, necatum abscondit fabulo.



## DE QVODAM CVSTODE TEMPLI

*admodum strenuò & exemplari.*

**L**Egi fuisse olim in Ordine nostro Sacristam Monachum, qui officium sibi commissum strenus ac deuotus ad finem vsque peregerat. Hic visus est à quodam probabili & religioso fratre, quem necessitas de nocturna synaxi exire compulerat; visus est, inquam, postquam aliquanto tempore obierat mortem, de sepulchro, deque cæmeterio egredi in eam cellam, vbi ipse solitus fuerat suum exercere officium. Erat etenim (prout per tenebras noctis hic frater potuit intueri) candidissimis vestibus circumamictus, quæ gloriam meritorum suorum præterevidentur. Considerent hæc Sacristæ, & matricularij nostri, & dignitatis suæ ministeria non despiciant: quia reuera inestimabilis meriti (si dignentur aduerte-re) eorum obsequia apud Altissimum computantur: cui ipsi peculiarius, propinquius, propensiusque, tanquam in Dei thalamo famulantur.

**BIGAMVS QVIDAM, AD LAICALEM** Redditorum admissus status, ac laudabiliter in Ordine perseverans, post obitum gloriosus apparet.

**L**Egi similiter ante nostra tempora fuisse receptum ad Ordinem nostrum bigamum quendam, arte medicum: cuius tanta in ea arte industria fuit, vt omnes medici mirarentur. Hic factus \* Redditus <sup>+ Redditi</sup> Clericus, magnum de se præbuit cunctis <sup>sunt infra con</sup> humilitatis & deuotionis exemplum: vt- <sup>uersos: quo ta-</sup> pote pius, alacer, mitis, ac supra modum ob- <sup>men iam Ordo</sup>sequiosus: omnibus omnia factus, vt lucrifaceret vniuersos. Hic post decursam vitæ suæ laudabilem metam, suauis est tandem & benigna morte defunctus. Instante namque tempore, quo anniuersarius obitus eius dies occurrebat, visus est candidissima ac mirum in modum splendenti veste contextus aflare ante cellam, in qua morari consueuerat. lætus, hilaris, & serena facie promicās: qui & lucernam ardentem gestabat in manibus; ostendens se in illorum numerum deputatum, quibus Saluator dicit: *Sint, lumbi vestri præcincti, & lucernæ ardentes in manibus vestris.* Hoc itaque ostendit in signo, quod ante gessit in opere; quippe qui carnis delicias & spurcitiā mundi prius ipse contempserat, vt posset diuino lumine resplendere.

DE FRATRE QVODAM, CIRCA DO-  
*minica passionis exercitium studiose sese exer-*  
*cente, cui Christus in cruce apparuit.*

**I**N scriptis cuiusdam fratris memini me  
legisse, fuisse olim quendam venerabi-  
lem virum in Ordine nostro, cuius mens  
omnis, omnis cogitatio, dilectio, & actio,  
circa Dominicam passionem intentissime  
versabatur. Hic ad hoc culmen pietatis in-  
creuerat, vt Christus illi semper quasi  
præsens ante cordis oculos appareret, affi-  
xusq; cruci. Mirum dicā, atq; hoc nostro  
seculo penitus inauditum. Hic nempe vsq;  
adeo Christum ardebat, & hunc crucifi-  
xum, vt vno dierum ( votis eius volens fa-  
tisfacere ) Dominus venerit, ipso orāte, in  
eo schemate, quo Saluator generis huma-  
ni olim in crucis ligno pependerat. clauis  
affixus, distentus, laceratus, sanguine re-  
persus, mœstus, anxius, lachrymosus. Hac  
tali viua imagine seruum suum Christus  
inuitans, prouocans, inflammans, vt tali se  
formula præpararet, quo posset Dominū  
suum imitari, iuxta quod scriptum est : *Vi-*  
*de omnia feceris secundum exemplar, quod tibi in*  
*monte monstratum est.* Sunt nonnulli ex  
nostris, qui dicunt, Christum in ea forma  
conspectum esse, sicut cum sanctissimus  
Papa Gregorius inter Missarum suarum  
solem-

*Exod. 25. 40.*

solemnia vidit cum armis vniuersis suæ VIDE  
 Passionis dolorosissimè apparentem. NOTAS.

## CAPVT XXIV.

## DE PRIORE PROVINCIAE THEV-

*tonia circa Ordinis disciplinam strenuo, è cuius  
 tumulo pulcherrimi prodire  
 flores.*

**L**Egi apud eundem venerabilem fra-  
 trem, fuisse olim in Ordine nostro, i-  
 mò in nostra Prouincia Priorem, virum  
 verè præstantissimum, gemini Iuris Do-  
 ctorem apprimè excellentem, & in regu-  
 lari disciplina valde strenuum, in corri-  
 gendis excessibus seuerû ac benignum, &  
 quantum ad se pertinet magna sanctitate  
 còspicium. Hic maximis precibus insta-  
 re solebat apud nostram matrem Cartu-  
 sian, vt officio visitationis, quo funge-  
 batur, posset absolui. Quod tandem (vim  
 faciens) obtinuit. Sibi ergo & suis red-  
 ditus, totum se contulit diuino seruitio,  
 & ad arctiorem disciplinam Monasticæ  
 districtiōis. Cuius sanctitatis præconi-  
 um vndique volitabat, & per ora mul-  
 torum mortalium ferebatur. Hic vene-  
 randus Pater, cùm in breui expleffet  
 tempora multa, quòd Deo placita erat  
 anima eius, ad æternæ salutis brauiû euo-  
 catur à Domino, & peremptoria morte ad  
 vitæ suæ terminum euocatur. Nò opus est  
 hic

hic scribere, quanta sit compunctione, deuotione, ac pietate affectus, dum hora sui exitus immineret, quod astantium fratrum fletus ac gemitus testabantur. Hoc igitur Patre dulcissima morte confopito, ac terræ reddito, cum illic aliquanto tempore quieuisset, humatus, flores pulcherrimi, & nunquam illic antea visi, è tumulo prodierunt, flores inquam, qui & amœnitate redolebant, & fragrantia admodum delectabili, flores cæteros superabant. Hoc vno miraculo satis hic Pater sua merita palam ostendit: etsi priores actus eius nihil de eo fuissent antea proloquuti.

## CAPVT XXV.

DE FELICI EX HOC SECVLO  
emigratione Sacristani cuiusdam, qui infirmorum  
existens Præfectus, cum erga peste correptos valde  
esset obsequiosus, ac benignus; tandem etiam  
ipse eadem infectus lue, leni suauique  
morte, pie in Domino  
obdormiuit.

**I**Nueui scriptis consignatum, fuisse in nostro Ordine Monachum huius nostræ Prouinciæ magnarum virtutum virum, fama celebrè, & in religione sacra obseruantissimū pugnatores. Qui lachrymis, suspirijs, ieiunijs, ac precibus Dominum Saluatorem sibi placabilem reddebat. Et si quando etiam nesciis aliquem verbo aut facto

facto offendeat, statim toto in terrâ corpore prostratus, veniam precabatur. Hic factus Infirmarius, (quod est officiû pietatis ac miserationis) ita se in illo opere gessit, ut magnis laudibus ab omnibus extolleretur. Volente autem Deo pestis, acerba domum illius omnem inualit, cuius plurimi virulenta clade affecti, emigrârunt è seculo. At Infirmarius iste, his ignibus audacter se ingerens, timore postposito, nequaquam suo corpori parcendû existimabat; dummodò posset infirmantium fratrum cladibus subuenire. Quid ultra? Cùm ipse voluit pestes aliorum percurare, peste ipsa contigit eum tabesceri, Domino tali ægritudine sua merita procurante. Igitur cùm his flammis perustus iaceret in lecto, totum se contulit, ut passionibus Christi communicare posset, & salutiferi crucifixi imitari exemplû. Venit autem Prior inuisere infirmum, sciscitans quò pacto se haberet. Cui ille: Scito, inquit, mi Pater, quòd cras pia morte defungar, & suscipient me sancti Angeli Dei; eritq; fratribus nostris solennitas duplex: vna quidem ex ea parte, qua Diuus Hieronymus celebris habetur, altera verò, qua corpusculum hoc terræ mandabitur. Credulus Pater verbis eius, intellexit à Spiritu sancto uilum suæ mortis accepisse responsum.



sum. Instante igitur transitus sui hora, paulam dixit astantibus. *Afferte candelam ceream consecratam, ac porrigite.* Cui vnus ita respondit: Cur frater candelam expetis, cum nondum videamus signa mortis instare? Cui ille: *Sine modò, nam tempus resolutionis mea instat.* Hoc dicto, cum candelam accepisset, ait: Adhuc modicum, & vado ad eum qui me misit. Et paulo post spiritum emittens, tranquilla obdormiuit in pace. Audiant hæc Infirmarij nostri, & vires omnes impendant humiliter infirmantibus: quia magna, reuera, manet illos merces bonorum operum. Huic miraculo iungebantur alia duo præclara & insignia, de viris duobus nostri Ordinis admodum illustribus: quibus, Deo inspirante, datum est nosse vitæ suæ terminum: quem spectantibus qui aderat fratribus. vt prædixerant, concluderunt.

## CAPVT XXVI.

DE IUVENE, QUI PLVRIMOS  
vidit Cartusienses in calo.

FUIT Romæ adolescens quidam, qui in conscientia nitidissima puritate diem clausit extremum. Qui & ad Paradisum, atque post, ad cælum translatus, vidit & gustauit, quæ illic sibi gaudia parabantur. Multa etiam illic (nec mirum) secre-

creta conspexit. Cùm iam duodecimus dies volueretur, quo fuerat traditus sepul-  
turæ, & iam esset penè à parentibus obli-  
uioni traditus, reuelatum est à Domino,  
cuidam sanctæ Reclusæ, quæ Romæ erat,  
vt conuocatis parentibus, iuberet aperto  
sepulchro, iuuenem exhumari. Parentes  
assumpto sacerdote, & innumera vulgi  
multitudine, sepulchrum pandunt, & vi-  
uentem post tot dies iuuenē educunt. Ille  
primùm apud se stupidus aliquandiu per-  
manens, ob res mirabiles, quas viderat in  
cælis, & in supplicijs. Dehinc astantes ad  
hoc spectaculum innumera hominum  
multitudine, aperiens os suum cœpit quæ  
viderat stupenda, enarrare. Accurrit &  
Prior domus sanctæ Crucis Ordinis Car-  
tusiensium. Qui domum ingressus, vbi  
hic loquebatur, ob turbam propinquare  
non poterat. At iuuenis repente in spiri-  
tu agnoscens adesse Priorem, surgit, &  
viam sibi per populos faciens, cùm venis-  
set ad Priorem, eumque reuerenter salu-  
tasset, appræhendens vittam superioris  
vestis, quam nos cucullam dicimus, con-  
uersus ad astantem plebem dixit. *Scitote  
fratres, quod calum omne talibus personis plenum  
sit.* Hæc dicens, vestem sancti Patris fermè  
hora integra manibus contrectans, tan-  
dem iterum salutatum, abire permisit.

Præclarum de nostro Ordine, deque eius sanctitate præmium : tribuat misericors Deus, vt fratrum nostrorū in numerum, quos hic vidit apud Superos, adscribi mereamur. Cumq; hic adolescens sancta adhortatione plurimos tum Prælatos, tum subditos, & castigasset, & conuertisset, expleissetque omnia, pro quibus eum miserat Deus, post decimum suæ resuscitationis diem, placida requieuit in pace.

## CAPVT XXV. I.

DE QVODAM HIERONTMIANO,  
*seu Fratrense ( vt vocant ) qui Dauentriæ moriens, fassus est, se vidisse innumeram Cartusi-  
 norum multitudinem in  
 cælis.*

**D**Auentriæ in Cœnobio fratrum, quos Diui Hieronymi appellamus, contigit, quod narrabo, iucundissimum exemplum. Nam frater religiosus, simplex, ac deuotus, pestilentix morbo deductus est ad extrema. Cumque iam per horas plurimas ita iaceret, vt mortuus crederetur, tandem quasi de graui somno expergefactus, corpus suum arctè cōtraxit, & læto nimis ac placido vultu, cœpit eos, qui astabant, cunctos aspicere. Et aperiens os suum narrabat, quæ & quanta viderit in cælis: nempe Dei gloriam, altitudinem, maiestatem, potentiam, & Sanctorum omnium in-  
 nar-

narrabilem beatitudinem. Mirabantur omnes in verbis gratiæ, quæ frater ille suo promebat ore. Narrabat etiam, se plurimos illic diuerforum Ordinum Religiosos homines conspexisse. Porro Dominus Godefridus, illius tunc congregationis Prior, seu Pater, cum præsens esset, quærit à frater, an etiam inter cæteros illic viderit Cartusienses, qui hic tam duram ducunt vitam, & rigidam peragunt abstinentiam. Cui ille citò, & læta voce respondit: *Vidi, inquit, mi Pater, vidi; & quasi apum examina illic conspiciunt, atq; ebulliunt Cartusienses. Calum ijs plenum est.* Hæc ubi dixit, cæteraque, quæ dicere iussus fuerat à Deo, obdormiuit in domino.

## CAPVT XXVIII.

## DE MONACHI SANCTISSIMI ET

*humillimi beatissimo exitu, cuius cella tota  
comburi visa est.*

**L**Egi apud scriptorem, plium quendam & benignum virum extitisse aliquando in vna domorum Prouinciæ huius nostræ Monachum, virum omnium iudicio, sanctissimum: cuius ea prærogatiua fulgebat, quòd in diuino amore flagrantissimus haberetur. Erat quoque sicut humilissimus, ita & in altissima contemplatione suspensus: qui propter humilitatem paratus erat dare percutienti se maxillam; prop-

ter contemplationem verò leuabat se supra se. Cùm igitur sic procumberet orans, suspirans, desiderans, ac brachia ad cælum protendens; cernens Deus ardentissimum eius affectum, absentiam eius vltra ferre non sustinens, leni mortis sopore depressum, animam eius sibi charissimam, in suam gloriam euocauit. Accidit verò vt ista eadem hora mercatores transirent illa via, vbi domus sita erat. Vnde volens Deus defuncti meritum palàm cunctis ostendere, tali miraculo eius obitum propala- uit. Viderunt namq; hi viri cellam, in qua vir iste sanctus obierat, flāmis ardentibus vndiq; vallatā. Vnde putantes Monasterium omne flāmis voracibus comburendū, veloci cursu properant ad portā, vbi Priorē, & Procuratorem domus, inter se nescio quid conferētes, sedere viderūt. Quid vos, inquiunt, hic otiosi sedetis, cū domus vestra tota incendijs defatiscat? Illi territi hoc verbo, & sursum oculos leuantes, vident cellam vnā in claustro vndiq; flāmis circumdatā, quā putabant casuali igne succēsā. Accurrunt anhelī, anxij, tremebundi, & vi ianuā rumpentes, cū nemo esset qui aperiret, ingressi in hortum, inuenerūt fratrem, quem requirebant: incendiij autem vestigium nullum inueniūt. Inuentus est verò hic frater mortuus quidē, sed

sod flexis in terram genibus, facie in cælū cum manibus protensa: quippe qui iam recens ad superna animā exhalarat. Super caput verò ipsius in modum ignis succensa columna visebatur: quo palam poterat agnosci, non morte cogente, sed flamman- tissimo: amore vim faciente spiritum (vo- cante Christo) superis reddidisse.

## CAPVT. XXIX.

## DE QVODAM PROBATISSIMAE

*vita Procuratore, cuius precibus mater, iuxta ac matertera, ex purgatorijs erepta pœnis, cœ- lum lata conscenderunt.*

**M**Eminime legisse, Ordinem nostrum aliquando habuisse Monachum Pro- curatorem, qui à primo suæ conuersionis ingressu, tam strenuè, tam piè, tam deuotè, tam patienter, tamque humiliter conuersabatur, vt omnibus esset & admirati- oni & amoris. Patientia tamen & humili- tas quàm maximè in eo excelebant. Hic vno dierum, cum ligna sua, quæ illi ad cõ- burendum annuatim data erant, solum in solarium cellæ suæ, non sine sudore & la- bore inferret (vt nimirum impleret, quod sanctus Apostolus Paulus hortatur, dicēs: *Cum silentio operantes, panem suum manducet*) & mixtim pias orationes, Oratoriū ingres- sus, infereret; vidit illic matrē suā, quæ nu- per obierat, in hæc verba loquentem sibi:

2. Thess. 3. 12.



curatores nostri, & inter commeandum à vanis se sermocinationibus temperent, seque ad interna recolligant, excessus & mille defectus suos in amaritudine animæ suæ recogitent; Domino in oratione se offerant, redimentes tempus quoniam dies mali sunt. Contigit vno dierum, cum hic honorandus Pater iter ageret, vt videret sibi obuiam venire feminam lugubri vultu ac veste contectam. Ille eam aspiciens, sciscitabatur quænam ipsa esset. Ego sum, inquit, matertera tua, iamdudum defuncta, optem tuam auxiliumq; desiderans. Fateor, & gratias habeo, crebrò me adiutam esse orationibus tuis, & magnam flammæ partem iam mihi remissam esse. Deprecor tamen, vt tricennarium, quod ante aliquot menses pro me inchoasti, nec terminasti, perficere citius matures. Restant enim adhuc, vt nosti, quindecim Missæ, quas dum compleueris, gaudia me statim recipient superna Hoc dicto, statim illa disparuit, & virum Dei stupidum, suiq; sollicitum dereliquit.

## CAPVT XXX.

QVO PACTO IDEM PROCURATOR

*ab Apostolorum Principe visitatus, consolatusq; fuerit.*

**H**ic idem vni ex specialibus suis amicis clam aliquando aperuit, sese à Principe Apostolorum Petro (quem vehemensimè diligebat) vno dierum visitatum fuisse,

fuisse, & mira consolatione refectum: à quo & spem veniæ & gratiæ incrementū, & futurę glorię pignus accepit. Erat quippe hic Procurator vir pius admodum, benignus & beneficus plurimum in pauperes, miserabilesq; personas: qui charitatis suę viscera in illos diffundebat. Nam in persona propria sæpissimè pauperulas eorum casas ac tugoriola, humilitate Deo placida, visitabat; & omnē quam poterat consolationem, auxilium, subsidiūq; subinferebat. Vestes, cibos, ligna, cæteraq; necessaria subministrabat; corpora illorum, simul & corda consolans, refouebat.

## CAPVT XXXI.

**CLARUIT QVOQVE IDEM PROPHETIA** spiritu, vti duobus comprobatur exemplis.

**L**Egi de hoc ipso Patre, quod spiritu claruerit Prophetiæ. Nam in sua domo tunc temporis erat infirmus quidam, longa fractus, ægritudine, qui omnium iudicio semper fore inutilis putabatur. Cumque hoc ipsum eo præsentē aliqui enarrarent, & quererentur, ille respondit: *Quid, o fratres, vos querulamini? Infirmus iste, quem cernitis, ac contemnitis, diuina post gratia roboratus, & Procuratoris, & Prioris officium gubernabit: insuper & Visitatoris dignitate, non sine multorum profectu, potietur.* Legi & hunc de

de Leodienſi Epifcopo prædixiſſe: *Video*, inquit, *Epifcopum noſtrum ad omnia ſclerare ſolutum, ſupriſ, adulterijs, rapinis, ac multis in-quinariſlagitijs, & ea mala aſſiduè actitare, quæ ipſe in alijs compeſcere ac prohibere debuerat. Hinc video & illi, & toti patriæ cladem maximã* *Prædicit Leo-*  
*ad futuram. Nam ille gladio obtruncatus cadet in* *dienſi Epifco-*  
*mortem, ac deinceps calamitas magna totam pa-* *po infelicem*  
*triam peſſundabit. Prophetia hæc fuerit, an* *obitum.*  
 non, cæteri iudicent: nos tamen vidimus ſub oculis omnia cõpleri, quæ ille prædixerat ad futura. Rurſum, cū illi moriendū eſſet, nouē ante diebus mortē ſibi prædixit imminere, nec ultra nonū diem ſe victurū certiffimè dixit. Vti & factū eſt. Nā nono die hac luce functus, lucem, vti piè credimus, ingredi meruit æternam.

## CAP. XXXII.

DE QVODAM RELIGIOSO MON-  
 tis Dei, Dominicæ Crucis Zelatore ac ama-  
 tore feruentiſſimo.

**L**Egi extitiſſe quondam in domo Mon-  
 tis DEI, Ordinis noſtri, Monachum,  
 virum magnis virtutibus conſpicuū, &  
 hoc vno ſingulari munere præditum,  
 quòd pia & feruentiſſima deuotione ad  
 Chriſti Crucem, plagas, & verbera fere-  
 batur. Nam præter cæteras humilita-  
 tis, charitatis, & patientiæ virtutes, erat  
 ad CHRISTI Paſſionem zelator ar-  
 den-

dentissimus: quam & mente & corpore, (dilectionis igne flagrans) æmulabatur. Ob conceptum huius salutiferæ Passionis sæpe (dum solus esset) sese flagris acerrimis verberabat, ita vt copiosi rui sanguinis per latera in terram decurrerent. Alapis quoque & colaphis tam crebrò faciem ac ceruicem quatiebat, vt nisi illum virtus diuina sustentaret, nunquam in tam fragili corpore hos potuisset diros impetus sustinere. Et erat reuera mirabile, quod in tanta verborum asperitate nihil asperum, nihil molestum sentiebat: sed erant illi hæc plagæ, hæc verba super mel & fauum dulcissima, tamque delectabiliter, ac suauiter illius cordi Christi passio sapiebat. Nam quantò durius, quantoque inhumanius se ob Christi vulnera afflictabat, tantò mens eius maiori consolatione, & corpus dulcedine complebatur. Non est ergo Crux Christi, ô fratres dilectissimi, spinosa, nec sylvestris arbor, sed fructum pacatissimæ iustitiæ affert dilectoribus, & gustatoribus suis.

## CAPVT. XXXIII.

DE FRATRE MORIENTE, QVEM  
*auicula celestis suauissimo cantu ante obitum demulcebat.*

CVM scrutarer aliquos libros, reperi scriptum fuisse, Monachum Ordinis nostri

fratris huius nostræ Prouinciæ virum in religione probatissimum, & verè Cartusiensem, hoc est, carnem tundentem, qui ed vsque profecerat, vt inter perfectos posset Monachos reputari. Quo infirmante, & ad extrema vergente, cùm iam penè agonizaret, auis quædam incomparabilis decoris & pulchritudinis per fenestras in cellam inuolauit, spectantibus, qui aderant, fratribus, & mirum in modum stupentibus. Tum illa rostrum aperiens, tam suauem cœpit melodiam concinere, & tam dulces modulòs depromere, vt omnes Paradisi se delicijs interesse putarent. Tacebant omnes, auicula concrepante, & modulata carmina suauissimamq; vocem intentis auribus capiebant. Nonnulli ex fratribus arbitantes, hunc somnum modulatæ vocis infirmo nocituram, nitebantur volucrem abigere, verùm illa nusquam se patiebatur per apertas etiam fenestras expelli, nec cœptam voluit modulationem laxare; donec, qui decumbebat, spiritum Domino exhalasset. Illo igitur ad superos euolante, auicula quoque in cælum se recepit, nec vltra comparuit. Adstantium verò quidam, huius defuncti fratris Angelum fuisse arbitrabantur, qui exitum fidelis serui Dei, sua venisset modulatione solari, & in Sponsi thalamum Angelico

cantu deducere. Beati igitur mortui, qui in Domino moriuntur, & qui ad cœnam nuptiarum Agni vocati sunt.

## CAPVT XXXIV.

*QV AEDAM EXIMIÆ SANCTI-  
tatis nostri Ordinis Monialis, post quintum exhu-  
mata diem, integra, ac suauiter fragrans  
est reperta.*

**M**onialis olim nostri Ordinis, illustri genere orta, & virgo prudentissima, sanctitatisque titulo admodum insignita, cuius bonarum virtutum odor cæteras sorores aspergebat, quæ talem (vti ipse legi) scribitur habuisse sepulturam. Cùm iam defuncta esset, instar aliarum sororum in communi cœmeterio sepulta est. Affines autem eius, alto sanguine nati, illiusq; cœnobij fundatores, indignè ferentes, nepotem suam cõmuni humatam sepultura, nimis instant acriter, vt exhumata, in Ecclesiã cū suis parentibus sepeliatur. Annuunt omnes vim facere paratis, & virginem exhumare cõtendunt. Mira res. Iacuerat corpus quinq; iã diebus sub terra, vbi ex canalibus abundãs pluuia stillauerat, & tamen nec in vestibus maculę vllæ, aut sordes cõspiciebãtur, nec fætor vllus è corpore erũpebat. Sic candida, sic integra, florida, obesa, & suauiter fragrans erat ac si esset tunc primum sepulta, & suauibus aromatibus delibuta.

CAPVT



COLONIENSIS QVÆDAM MATRONA. filium suum ab Ordinis Cartusienſis ingreſſu auocare modò omnibus ſtudens, nulla tamen id ratione efficere valet.

Coloniensis matrona quædam, honesta quidem secundum seculum, sed nõ satis Deo deuota, cum puerum eſſet enixa, contigit paulo poſt ſubingredi ad ſe perſonam religioſam & ſpiritualem. Qui attactus diuina reuelatione, ita reſpondit: *Paruulus iſte, ô mulier, quem nunc edidiſti, ſi vi-xerit, apud albos Monachos vitam ducet religioſam, & eam vitã, quã ipſe Dominus ſua eſt benignitate probaturus.* Illa magis carnalẽ, quàm ſpiritualem vitam in filio diligens, ſurda hæc aure percepit, & creſcentem bonæ indolis iuuenem, ad mundanam laſciuiam attrahere nitebatur. *Sed non eſt prudentia, Pron. 21. 30. non eſt conſilium contra Dominum.* Quantò enim illa deorſum, tantò Deus iuuenem ſurſum trahebat, & deſiderijs cœleſtibus inflammabat. Trahente autem Deo, fruſtra oēs nititur creatura. Attactus igitur diuina gratia in ſtudijs Scripturarum, morũq; ſemper probitate creſcebat, & ſeiſpo ſemper melior reddebatur. Venit aut tẽpus, quo debuit vox vaticinantis impleri: hinc ſtatim iuuenis mundũ, & quæ in mũdo ſunt omnia relinquens, ad domũ Montis

tis Dei, Ordinis nostri properans, illic se probari postulat, & clementer admitti. Admissus est, probatus est, bonus, constans, & fidelis inuentus est. Qui primam gratiam posteriore consummans, ad perfectissimum usque finem deductus est. Hinc patet (vei antea dixi) frustra niti secularem industriam, quando nimirum diuina sese manus obijcit.

## CAPVT XXXVI.

**PASTORI CVIDAM SECVLARI A**  
*quodam Franciscane familia Monacho pra-*  
*dictum fuit, quod Religiosu aliquando*  
*esset futurus.*

**I**N simili casu legi, quod nunc subijcio. Fuit aliquando sacerdos secularis Pastor Ecclesiarum, qui ouiculas suas strenuè regens, bonis sermonibus sanctisque prædicationibus imbuebat. Hic non se mercenarium (qui fugit aduentante lupo) sed fidelem pastorem, etiam in aduersis omnibus, exhibebat. Nam & Principibus & potestatibus obuiabat, & raptores sacrilegosque, & qui immunitates Ecclesiarum diminuere satagebant, pro viribus repellabat; usque adeo, vt pro hac re mors illi sæpius fuerit intentata. Accidit autem, vt cum quodam religioso & spirituali Patre vesceretur ad mensam, qui post aliquot deuotas sermocinationes, dixit ad eum :

Ora

Orote, bone sacerdos, vt Ordinem nostrum ingredi velis, & eum fructum facere, ad quem te disposuit Deus. Erat nempe Religiosus iste, Diui Patris Francisci Ordinis, & in Obseruantia præcellentissimus. Sacerdos verò nec animum sibi esse aliquem pro religione captanda, quasi irridens, ita respondit: *Ab sit à me, absit vt religiosus sim, qui hoc seculo satis delector, nec facile me patriar ab eius amore diuellit.* Tunc ille diuino spiritu (vti credo) concitatus, seueriori illum oculo respiciens, ita ait: *Credo, & firmiter credo quia nunquam in hac veste seculari morieris.* Completa est prophetia hæc. Nam & hic paulo post Monachus est Cartusienfis factus, & tali est vita consummatus, vt felici cum morte credamus perfunctum.

## CAPVT XXXVII.

**QVO PACTO IDEM ILLE PASTOR** suam differens conuersionem, verberibus à Deo adactus sit, Religionem ingredi, atq; à Prioratus officio, quod aliquamdiu exercuerat, postmodum amoueri.

**H**ic Sacerdos, cuius iam memini, cùm eam mentem concepisset, vt Ordinem Cartusiensem ingrederetur, & ob secularia negotia quæ illi imminebant, sua vota tardaret, dicens cum Persio poeta, *Cras hoc fiet, sed terminus te religiosus excipiet,*

**VIDE  
NOTAS.**

**Esq. 18. 19.**

ci-  
piet, & Monachus procul dubio morie-  
ris, idem fiet cras, id est, hanc fatuam pro-  
craftinationem Dominus volens illi o-  
stendere, quàm indignè ferret, tali illum  
statuit terrore concutere, quo vexatio  
illi immissa, tribueret intellectum. Qua-  
dam nocte, cùm in lecto dormiens pausa-  
ret, territus est per acerba somnia, & per  
visiones horrore commotus. Vidit ete-  
nim se dæmonum manibus longius au-  
ferri & in profundissimum puteum, a-  
quis sulphureis scatentem, collo tenus  
immergi: ita vt penè præfocatus, ani-  
mam videretur exuere. Dehinc extra-  
ctum ex vastante voragine, terribilibus  
illum verberibus quaterere cœperunt, &  
magnis agitare turbinibus. Clamabat au-  
tem ille, & Domini misericordiam cre-  
bris vocibus flagitabat. Tandem sibi red-  
ditus, inuenit se anhelum, gemebundum,  
& anxium. Et admirans, an hæc ipsa vera-  
citer esset perpeffus, cœpit se vndiq; pal-  
pare, & ad lucem conspicerere. Inuenit ita-  
que se diuersis in partibus corporis, liui-  
dum, lacerum, tumefactum. Nam vesti-  
gia verberum, quæ remanserant, indica-  
bant plagam, qua percussus erat. Cumque  
nec sic castigatus, posset eatenus emolliri,  
vt vota compleret: amabat enim tenacius  
hoc seculum, apposuit Dominus rursus  
nouis

nouis eum castigare flagellis, vt mentē adamantinam crebra cōcussione perfringeret. Rursus igitur datus est in manus impij, & sub tortorū potestate redditus, & tantis tamq; immanibus est verberibus exagitatus, vt tandē duritiā cordis emollirēt vulnera corporis. Talibus ergo cladibus fatigatus, animū promissis apponens, propositum implere maturauit, timens in iterum, aut plagis durioribus traderetur, aut certē grauioribus periculis periturus perpetuū seruaretur. Contigit verò hunc eundem Patrem, cū ad Ordinem receptus esset, magna quadā tentatione cōprehēdi, & nimia tēpestāte animi percelli, ita vt nec dormire, nec quiescere posset. Vnde vidit quadam intempesta nocte, cū vigil lecto decumberet, aliquem coram se stantē, & leniter his verbis insonantē: *Et tu, o frater, quare non dormis?* Et ille: *Et tu, inquit, cur me interrogas, cū ipse scias omne malum, quod patior?* Ego recens, cum de decore, sine meo merito, à Prioratus officio reiectus, & turpiter explosus, cū ipse scias, quisquis es, quam fuerim custos sollicitus viarum mearum. Ad quem ille: *Et quis est, rogo, ab officio reiectus?* Respondit: Ego. Et quis (ait) ad officiū te vocauit? Respondit: Deus, vtī optimē confido. Nā diuina operatione omnīū fratrū vocibus electus sū. Ad quē ille: Si Deus (inquit) te vocauit, nō ergo

*ergo tu: sed Deus in te reiectus est. Ego te de mundo ad Religionem verberibus euocaui, ego te in Religione promoui. Ego itaq; sum, qui in te reiectus & destitutus sum. Hæc dicens, cœpit abire is, qui loquebatur. Tunc frater: Quid igitur factururus sum? Nihil aliud (ait) quàm vt patienter agens, quiescas de cætero, dormiasq; securus, alioquin me ex amico resistantem tibi inuenies.*

## CAPVT XXXVIII.

*PERDICES PRO INFIRMO QVODAM ad ignem, de medicorum consilio, affe, in pisces commutantur.*

**N**Ouimus olim fuisse (vt scriptum reperi) in domo Ordinis nostri Coloniensi, sacerdotem quendam, omni laude dignissimum, quem pro suarum virtutum claritudine, omnes vti Dei sanctum, & iustum Monachum prospectabāt. Erat enim acerrimus corporis sui castigator, crucis mortificationem iugiter in sua carne portans. Et quia grauem corporis macerationem communiter sequitur molesta carnis ægritudo, ideo hunc tam misera quædam inuasit valetudo, vt ad mortem vique fractis viribus ægrotaret. Erant verò omnes solliciti fratres pro huius tanti Patris bona valetudine; timentes, ne si obiret, Religionis totius speculum cadere videretur. Aduocantur igitur medici, rogantur, vt infirmo



Infirmo opem ferant. Scrutatis venis, & v-  
rina conspecta, omnes in commune iudi-  
cant, hunc veraciter moriturum, nisi e-  
mortuas vires esu carniū refocillet. Pri-  
or sollicitus pro huius conseruanda vita,  
hortatur, & præcipit, obedientiæq; sacra-  
mento iniungit, vt acquiescat medicorum  
votis, quò possit pristinum virtutis robur  
recuperare. Rogat ille Priorem maximè,  
ne sibi talia præcipiat, cū iam dudum  
carniū esum ipse non solū abdicauerit, sed  
& ex toto corde aspernatus sit. Nihilomi-  
nus, autoritate Prioris urgente, coctæ  
sunt perdices, & ad ignem optimè assatæ,  
vt tali edulio conspecto, eius excitaretur  
appetitus. Allatas perdices ille vt vidit,  
vehementer inhorruit, sobrietatis suæ ac  
parsimoniæ conscius, stringebat tamen  
eum vi magna iussio præsidentis. Cumque  
illi essent perdices appositæ, suspirans v-  
dis oculis suspexit in cælum, & tacitus Do-  
minum precabatur. Cumque ille oculos  
demisisset in mensam, aliquid gustaturus  
(mirabile dictu) carnes illæ in pisces opti-  
mos conuertuntur, mirantibus qui ade-  
rant vniuersis, & Dominum altissimis  
collaudantibus præconijs. Sed hoc penè  
præterieram, quòd hæ perdices versæ in  
in pisces, tam mirabilem, tamque suauem  
ipsi infirmo cæterisque, qui inde gustarūt,

attulerint saporem, vt & ipsi edentes, & qui audire hæc poterant omnes mirarentur.

## CAPVT XXIX.

NOVITIUS QUIDAM DE CARNI-  
um esu à Diabolo, qui eas attulerat, tentatus, ad  
suum se Superiorem consilij caussa reci-  
piens, demonis euasit tech-  
nas.

**E**T quia de non edendis carnibus iam mentio facta est, dignum duxi, quod nuper legi exemplum, relatu dignissimū, subiungere, quod tale est. Ante hæc nostra tempora venit ad Ordinem Cartusiensem Nouitius quidam, vir multæ probitatis, cui Diabolus talem ruinam est machinatus. Immisit illi gustandarum carnium appetitum tam vehementem, vt ille vix ferre præualeret. Luctabatur nihilominus contra hanc virulentam immisionem: sciens carnalia desideria aduersus animam iusti militare: interdum tamen, vti fragilis, quæ aspernabatur, appetebat. Lex namque carnis, contra spiritum præliabatur. Vnde quodam die, post longa certamina, Diabolus credens hunc iam facile cessurum, speciem formosi iuuenis induens, assas simul & elixas carnes palam illi ad mensam inferens, vbi solus prandij tempore residebat in cella, ait: *Surge ocyus, surge.*

32, & cupias iam dudum escas, atq; optime  
preparatas carnes, pro tua voluntate manduca.  
En, vide quàm molles, quàm delicatula sint. Ille  
nihil territus (etsi sciret Diabolum esse)  
ait illi: *Expecta paulisper, ego ad te citius re-  
uertens, faciam quod hortaris.* Statim ille  
pergit ad Priorem, insinuans quid secum  
Diabolus actitasset, & quas illi exstruxis-  
set fraudes. Interrogat autem Patrem, an  
etiã carnes debeat appositas manducare.  
Ille uti vir erat spiritualis, sciens dæmo-  
nem nihil sua calliditate contra obedi-  
entiæ virtutem præualere posse, iussit noui-  
tio, ut appositas carnes, nihil hæsitans,  
manducet. Qui reuersus ad cellam, ait  
Diabolo: *Adfer huc carnes tuas, & ocym eas  
manducabo.* At Zabulus cernens astutias  
suas obedientię virtute euacuari, cum fan-  
tasticis cibis repente disparuit, & miran-  
tem iuuenem, liberum vacuumque reli-  
quit. Quippe qui didicerat, technas om-  
nes & fraudes calidissimi hostis, sola per-  
fectæ humilitatis obedientiâ posse supe-  
rari: si modò têtatus, suas velit impugna-  
tiones, & virulentas dæmonū immisiones,  
suis aperire Superioribus, & nihil apud se,  
in mētis suæ angulis occultare. Antiquum  
etenim præceptū est SS. Patrū, & verè tutis-  
simū, ut si volumus à dæmonū deceptioni-  
bus tuti atq; integri perdurare, têtationes

nostras omnes illis, aperire non veremur, qui nostrarum curam gerunt animarum. Odit namque Diabolus omnes, qui immissas sibi suggestiones accusantes semper palam efferunt.

## CAP. XL.

*ALIVS QUIDAM AB EODEM MALIGNO TENTATUS SPIRITU, UT GULA SATISFACIENS, PISORUM VESCERETUR IUSCULO, CONSIMILI CONSERVATUS EST MODO.*

**A**D hoc ipsum etiam conducit, quod nunc subijcimus. Legi quippe scriptum, fuisse ante nos Cartusiensem quendam Religiosum, virum pia memoria dignum. Qui vno dierum, cum vehementissimè esuriret, (ut pote qui præcedenti die parum gustarat, & longum iam ieiunium protraxisset) intrat in cellam eius repente dæmon, in habitu præclaræ ac pulcherri-mæ mulieris, pulmentum calidum pisorum, ac suaue redolens, gestans in manibus, dicensque: *Surge, mi frater, & hoc edulio famem tuam extingue: nunquam (ut credo) pisa meliora gustasti.* Ille statim Priori quæ gesta sunt, exposuit: quærens an appositam debeat manducare escam. Quo annuente, ille statim reuersus, præsentem Diabolo, sed iam frendente, scutellam totam inforbuit, ipsumque, qui decipere venerat, virtute obedientiæ decepit. Solebat hic frater narra-

narrare fratribus alijs, & ludens dicere, nunquam se escam tam sapidam, tamque suauem degustasse.

## CAPVT XLI.

**RESPONDETUR CALVMNIATO-**  
*ribus, reprehendentibus Cartusianorum institu-*  
*tum, quòd perpetuis temporibus carnium*  
*esui renuntiauerint.*

**S**VNT nunc temporis, & olim sæpe fuerunt homines, non solum illiterati, verum etiam qui volunt videri doctissimi, latrantes contra hunc sacrum Ordinem, asserentesque eum durum, rigidum, atque inhumanum esse, & omnino carni fragili repugnantissimum, eò quòd vetet carni-um esum, eumque penitus (etiam in extremis necessitatibus) auersetur. Cæteri (inquiunt) Ordines omnes, quos Ecclesia celebres ducit, admittunt esum carni-um ægritudinis tempore: at isti Cartusien- ses in-exorabiles sui corporis domitores, carnes damnant, nec vlla volunt admittere ratione, etiam si scirent instantem iam mortem se euasuros, aut ægritudinem aliquam grandem propulsuros. Sic homines non Deum, sed Carnem sapientes, cum mentis oculos nequeant supra carnem attollere, in sola carne remanere malunt. Nos autem, qui plus aliquid quàm carnem sapi-mus, aliter de hoc Ordine sacratissimo

**VIDE  
NOTAS.**

iudicamus. Omitto medicos peritissimos, qui suis in scriptis, ac publicis disputationibus adseuerarunt, nulla ratione opus esse comedere carnes infirmis Cartusienibus: cum ad recuperandam bonam valetudinem, vitelli ouorum melius aut æquiualeñius id agere possint. Sed respiciamus ad eos homines, qui ante Diluuium nongentos & ultra annos attingebant, quando nec carnes nominabantur quidem, minus autem edebantur. Sed, vt canit Ouidius:

**VIDE  
NOTAS.**

*Lib. 1. Metamorph. Fab. 3*

*Arbutos factus, montanaq; fragra legebant,  
Cornaq; , & in duris harentia mora rubetis,  
Et quæ deciderant, patula Iouis arbore glâdes.*

Ecce his epulis homines illius tēporis, inter quos etiā maximi gigantes erant, lōgeuæ vitæ, sua corpora nutriebant. Sed his dimissis, veniamus ad eos Patres, quos lōgè post Diluuium Aegyptus & Palæstina sacratissimos habuit. Ipsi namq; Patres heremicolæ tā longè erant ab omni esu carniū, vt Hieronymi etiam *costum quid accepisse, luxuria fuerit*. Nam sicco pane, & sale contenti, aut lactucis agrestibus, dactylis quoque, seu castaneis vitam omnem transigebāt. Prætereo plurimos, qui solis herbis crudis victitantes, non solum carnes aut pisces, sed nec panē quidē sepius agnoscebāt. Ab hac parsimonia longissimè noster Ordo recedit, cui & oua, & lacticia, & pis-



& pisces, vinum & iam tandem, ob corporum debilitatem, indulta sunt: cum tamen pristinis temporibus plurimi solo pane & aqua contentabantur. Non sit igitur murmur de nimia Ordinis austeritate & inclementia, quando nimirum respectu præcedentium Patrum tot sint nobis ciborum munera contributa, quibus potitis, merito carnes appetere, vel querere non debeamus. Sic dignetur aduertere, qui hunc Ordinem arguunt inhumanitatis, quod inuenient vitæ longæuioris fratres apud nos, qui in alijs Ordinibus, vbi ad libitum carnes ministrantur. Nam sæpenumerò inueniuntur in nostris, qui non solùm Iubilarij sunt, verum etiã annos vel sexaginta vel septuaginta superat, semper alacres, viuidi, sani, integri: qui in multa mentis viuacitate diem complent extremum. Nã & nuper nostro hoc tempore defunctus est, iuxta nobilissimã ciuitatẽ Parisiensem Monachus Cartusianus, qui annos cẽtum laudata virtute in Ordine exegerat, qui vsq; ad vltimum vitæ suæ terminum, & nocturnam synaxim, & diurnas laudes strenuissimè frequentauerat. Atque hoc modo quintum huius laboris nostri librum terminabitur.

*Finis Libri quinti.*

# CHRONICI CAR, TVSIENSIS LIBER SEXTVS.

TRACTANS DE NOVITIIS,  
& miraculosa quarundam Ordinis Do-  
morum constructione.

## PRAEFATIO.

**L**IBRVM hunc sextum, quem nunc ad  
manum deducimus, ita instituemus,  
vt primum de nostri Ordinis Novitijs,  
deinde de quarundam domorū nostra-  
rum miraculosa, seu diuinitus procurata funda-  
tione loquamur. Hoc namq; pacto & Lectorem a-  
dificabimus, & Dei gloriam depromemus. Vnum  
hos deprecantes, ne nos putent, qui hac lecturi  
sunt, fabulas texuisse, sed ea duntaxat scripsisse,  
quae ab alijs diligentissimo studio exarata repe-  
rimus. Non enim (vt in libro Iob scribitur:) e-  
get nostro mendacio Deus, vt pro illo loquamur  
dolos, sed nos veritate ipsius indigemus. Sola nem-  
pe veritate honoratur veritas Deus, nec potest vl-  
lis mendaciorum phaleris decorari, aut delectari.  
Is enim, qui amictus est lumine sicut vestimento,  
faciat ac verborum tenebras non requirit. Huc ac-  
cedit, quod res gestas historiasq; scribentem, soli-  
dam ac veracem esse oporteat, alioquin plurimos  
ipso decipiet, cum fuerit ipse ante deceptus, &  
falsa dicendorum opinione contenebratus. His ita  
pra-

Psal. 103. 2.

præmissis, noueris Lector, nos ea in ijs libris omnibus, quæ sparsim apud diuersos authores annotata inuenimus, in vnum acervum condidisse, ut præsto ad manum essent, siquis ea aut legere cuperet, aut commemorare. Nunc ergo primò de Nouitjs ordiamur.

## CAPVT I.

NOUITIVS QUIDAM FUGAM adornans, ac muro insidens, Magistri sui, iam pridem defuncti, monitu reuocatur, ad sæculum ne redeat; sed potius laudabiliter in Ordine perseueret.

OLIM Ecclesia Cathedralis Gratianopolitana Canonicum habuit, qui corde compunctus maiorem Cartusiam est ingressus. Hic post aliquot menses, cum nouus ille feruor iam penè intepuisset, coepit de vomitu cogitare. Semper enim tepor non longè distat à vomitu: Huic tepori importuna se Diaboli tentatio sociabat, & tam frequens, tamque continua, ut nouella plantatio, & parum adhuc gratiarum fluentis irrigata, tempestates tam assiduas ferre non posset. Non enim recurabat ad orationis suffragia, nec piorum Patrum monita capiebat. Victor igitur Diabolus, miserum eò perduxit, ut nocte iam instante, clam turpem fugam medicaretur. Sedente igitur illo super murum, qui cingit Conuobium, horto suo proxi-

mun, suum ( qui illum in nouitiatu iam pridem instruxerat, quique iam mortem obierat) è cælis ad se venientem, multa luce conspicuum, & magna circumdatū gloria, dicentem sibi: *Quorsum, ô fili, tu fugere maturas in perditionis tue periculum? Mane, mane, & in Ordine perseuera, & ego tibi promitto perpetua felicitatis regnum, quod ipse percipies, si in Ordine ad finem vsq, laudabili conuersatione duraueris.* Ille territus primū deinde apprimè animatus, sese ad mentem saniorē recepit, cellam introijt, habitum resumpsit, & virtute ac longanimitate proficiens, felicissimo est fine consummatus.

## CAP. II.

**ALIVS QUIDAM NOVITIVS CON-**  
*consimilem volens ludum ludere, voce de-*  
*functi reuocatur.*

**I**N hac ipsa domo Cartusiæ, quæ est mater nostra, fuit ante nos Nouitius quidā, qui suadente Diabolo, ac iam etiā possidente, nocturno silētio fugere ad seculū moliebatur. Cūq; per Cœmeteriū Claustrī trāsītum haberet, audiuit de sepulchro cuiusdā, nuper defuncti Patris, vocē, manifestè dicentē sibi: *Quo fugis, ô miser, quò fugis? Prædico tibi, si hinc abieris, filius gehennæ & perditionis alumnus eris.* Ille hac voce correptus, stupefactus dirigit, & ad se reuersus, cellam repetijt, & in ea vsque in finē laudabiliter perduravit.

CAPVT

**NOUITIVS CAPPAM NIGRAM, QUAM**  
*Novitius tempore novelli tyrones apud Cartu-*  
*sianos gestant, cum radio portans, à Chri-*  
*sto arguitur.*

**L**EGI Novitiū quendam, hunc nostrum  
 Ordinem ingressum, primis quidem  
 mensibus satis strenuum, postea aut (quia  
 non satis spiritui intendebat) cœpit à pri-  
 mo feruore tepescere. Et cū ille pluri-  
 ma sibi molesta duceret, cappam tamen  
 nigram, quam Novitij ferre habent, mo-  
 lestissimā deputabat. Vnde quodam die,  
 cū meridianum somnum carperet, vi-  
 dit Dominū Iesum cruce longissima præ-  
 grauātū: qui anhelus & fessus scalam, quæ  
 illic stabat, nitebatur ascendere. Sed crux  
 grauissima transfuersim sumpta, illum im-  
 pediebat, nec cupitum præbebat ascēsum.  
 Quod cernens Novitius, Christo compas-  
 sus, aptabat se vt illum iuuaret, quò facili-  
 us posset ascendere, dicens: *Oro te, mi Do-*  
*mine, vt equanimiter feras, si ego te iuuem, &*  
*partem crucis tue sustentem; video enim te nimis*  
*miserè laborantem.* Statim CHRISTVS  
 hunc seuerus atque indignans iussit abi-  
 re, tali eum voce compellans: *Quid tu te*  
*iactas, quasi trabem hanc meam ferre ac lenare*  
*velis, qui cappam tuam, quamuis leuissimam*  
*pro me ferre contemnis?* Hoc dicto, visio  
 dispa-

disparuit, & euigilantem Nouitium salubri confusione repleuit : qui tantò post cappam libentius tulit, quantò eam antea fastidiuerat.

## CAPVT IV.

ORATIONIBVS LIBERATVR NO-  
*uius, rei Musica peritissimus; cui Diabolo procu-  
 rente, & vox, & cantandi peritia subtra-*  
*cta fuerat.*

**VIDE  
 NOTAS.**

**S**criptum reperi, Flandrensem quen-  
 dam musicum, domum nostram, quæ  
 apud Parisios est, vt se conuerteret, peti-  
 uisse. Hic & vocem habebat sonoram ac  
 laudabilem, eratque artis musicæ peritif-  
 fimus. Prior domus, scire volens an legere  
 sciret ac cantare, (sic enim omnes probari  
 solent, qui ad nostrum Ordinem admit-  
 tuntur) aperto libro, iuuenem canere præ-  
 cepit. Statim vt ille parere voluit, Diabolus  
 affuit, qui illi ita guttur occlusit, vt nec vo-  
 cem edere, nec notulam concinere posset.  
 Prior (vti erat vir spiritualis) agnoscens a-  
 stutias inimici, iuuenem in Oratorium  
 duxit, secumque vt oraret, indixit. Erat  
 nempe nimium stupidus, & supra quàm  
 dici potest verecundus, quòd sibi peritif-  
 simo cantori sic repente & vox omnis, &  
 ars dudum cognita, præcepta esset. Orant  
 igitur, instant, deprecantur, & statim, fu-  
 gato dæmone, iuuenis vocem cum arte  
 pari-



pariter recepit, gaudiumque Priori ac fratribus non paruum attulit. Receptus ad habitum, cum laudabiliter conuersaretur, tentatorem Diabolum in se prouocauit, cui semper virtus omnis odiosa est: qui sepius illum fatigabat, quod eum posset ab incepto deducere. Nam nigerrimi Aethiopis formam induens, in teterrimam formidatamque saepe speciem Nouitium afflictabat: hoc vnum cogitans, ut crebris assaultibus, hominem ex sua cella eijceret. Sed videns tandem nihil sua figmenta proficere, ijs eum verbis aggressus est, dicens: *Recede hinc miser, recede, & noli rem insolitam ultra vires moliri: meum olim fuisti mancipium, meo famulatui paruisti, Deo & huic Ordini parere non poteris. Nonne legisti, dicente Christo, ne* *Math. 6.23.*  
*minem duobus Dominis seruire posse? Quid igitur frustra conaris? Reuerte te, inquam, quia parentes tui de tua absentia nimium effluuntur. Parant enim te ad maximam dignitatem attollere, & huic mundo conspicabilem promouere. Porro ille terrentem aequè ut blandientem Diabolum aspernatus, stabilis in sua vocatione permansit; imposturam faciens impostori, & sancta sua conuersatione prophanium, impiumque contemnens.*

**NOUITIVS QUIDAM**, DVM SO-  
*roris irretitum blanditijs, vocationem suam dese-*  
*rit, habitumq; abjcit, in propinquo nemore vnâ*  
*cum sorore, ab ignotis bestijs miserè dis-*  
*cerptur.*

**V**TINAM qui nunc sequitur Nouitius  
 Itali quoque potuisset industria Dia-  
 bolum superare. Nam iste, de quo nunc  
 loquemur, cùm Ordinem nostrum esset  
 ingressus, nec esset sedulus custos mentis  
 suæ, facilem se præbuit Diabolicæ vo-  
 luntati. Nam soror eius illum veniens  
 inuisere, cùm copiam haberet secum ser-  
 mocinandi, multis sermonibus implicuit  
 miserum fratrem, vt votis assentiret suis,  
 & secum ad seculum repedaret. Ille sta-  
 tim abiecto habitu (licet in contrarium  
 sancti Patres hortarentur) retrorsum ve-  
 stigia intorquens, post Diabolum am-  
 bulabat. Sed heu non impunè. Fratre  
 namque cum sorore læto animo ad se-  
 culum remeantibus, tristis subitò eis su-  
 peruenit interitus. Cùm enim præter-  
 irent nemus, quod Cœnobio adiacet, re-  
 pente exiliunt rabidissimæ feræ, nun-  
 quam illic prius cognitæ, quæ miseros  
 hosce nimis mordaciter inuadunt, stran-  
 gulant, occidunt: & dicto citius in ven-  
 trem deglutiunt, paucis reliquijs rema-  
 nen-

mentibus. Viderunt hæc pastores & agricolæ, qui huic spectaculo non longè aberant, & statim quæ gesta fuerant, nuntiabant Monasterio. Illi audientes funestam eladem, & nimis amarum Dei iudicium, in communi omnes lachrymantur, & amaros gemitus effundunt ad cælos dicentes: *Quàm terribilia sunt opera tua Domine, Psal. 91. 6. nimis profunda facta sunt cogitationes tue. Vir Psal. 56. 5. insipiens non cognoscet, & stultus non intelliget, quàm terribilis sis in consilijs super filios hominum.*

## CAPUT VI.

**NOUITIUS QUIDAM INSOLITA**  
*vermium diuexatione afflictus, cum de abitu cogitationem institueret, facta professione, iuxta*  
*Prioris promissum, quàm ocyssimè*  
*liberatur.*

**F**VIT ante nos Nouitius in Ordine nostro, vt legi, vir quidem pius, & Ordini deuotus, sed non fatis in aduersis constans: quippe quem vermiculi ( quos pediculos dicimus) afflictabant. Et reuera hæc bestiolarum præter communem consuetudinem, qua alios fatigant, in tanto numero illi aderant, vt Diaboli factione immissi haud dubio crederentur. Itaque his vermibus hic nimium fatigatus Nouitius, ac penè desperans, Priorem domus aggressus, cœpit cum illo de sua egressio-

egressione tractare. At Prior sciens illum virum bonæ esse conscientiæ, multis sermonibus hortatur, vt maneat; nec se à vilissimis vermibus patiatur expelli. Dehinc mœstū cōsolans: *Mane* (inquit) *filii, mane, & in Ordine perseuera*. Iuro .n. tibi, quòd facta professione ab ijs vermib. liberaberis, nec vltra tuam carnē attingēt: vt noueris hanc immissionem pediculorum Diaboli factionem esse, qua te ab Ordine faciat extorrem. Acquieuit ille, & in Ordine profitens, statim ita liber est redditus, vt ne vermiculus vel vnicus in eius posset vestibis inueniri.

## CAPVT VII.

**NOVITIUS DIABOLI ARTE DECem potius aureis, intelligens tartarei hostis insidias, abiecta animi instabilitate, laudabiliter in Ordine perseuerat.**

**N**Ouitius quidam in superiori Alemania cū nostrum esset Ordinem ingressus, nec satis firmasset mentē in obsequium Dei, cœpit de vomitu cogitare. Et iam resolutus: O, inquit, *si haberem ad manum aureos decem, nequaquam hic vltra perdurarem, sed statim me seculo redderem, quod reliqui*. Odi enim hunc Ordinis rigorem, odi pisa & fabas, & durissimam Ordinis disciplinam. Sine pecunia autem nusquam tuta, nusquam honesta profectio est. Cumque vndique per cellam circum

circumspiceret, vidit (mirabile dictu) illos ipsos aureos iacere sibi sub oculis probatæ monetæ & publicæ. Tū ille attonitus nimium: *Vnde, inquit, hoc aurum, vnde hi nummi tam subito prouenerunt? hoc præsertim in loco, vbi nunquam pecunia consuevit inueniri? Certè hoc artificium, ô Zabule, tuum est, hi doli tui sunt, quòd me ab Ordine eijcias, faciasq; extorem. Nunc magis ipse manebo (ut tibi crepent oculi) me perseverantem videbis, & qua sancta sunt amulantem. pecunia verò tua tecum abeat in perditionem.*

## CAPVT VIII.

## IN CARTVSIA VLTRAIECTINA

*Nouitius quidam pristinorum memor diuitiarum deliciarumq;, cum abitum tacitus secum meditaretur, ab auicula perseverantiam est edoctus.*

**O**LIM in domum nostram, quæ iuxta inferius Traiectum est, vir magnarum opum, & qui in seculo multa fuerat claritate conspicuus, ingressus, habitum Ordinemque suscepit. Verum, ut Ilaias ait, *qui recessit à malo, prada patuit:* inuidia namque Diaboli agiratus, qui prædam suam ad se reuocare curabat, multis & magnis cœpit tentationibus fatigari. Cogitabat nempe quas diuitias, quasque delicias dudum habuerat, & quantis fuerat honoribus sublimatus: & hæc cogitans, de vomitu pensitabat.

tabat. Cumque iam in id mentem non satis sanam impulisset, ut recederet, tali signo est ab amentia reuocatus. Habebat nepe, de voluntate Prioris, auiculam arte canentem in cella sua, qua cum ludere solitus, suas temperabat angustias. Instante igitur die, quo abire decreuerat, acceptam auiculam, emisit ex cauea: ad quam, apertis cellæ fenestris, loquebatur, dicens: *Vola, vola, & libere quod nunc volueris, perge. Perge, inquam: nam mox ego te consequar, eam cupiens libertatem, qua te nunc ipse donavi.* Mirum dictu, auicula indomitum ac libertatis amans animal, omnisque semper clausuræ impatiens, licet omnia paterent, & sub nudo aere locaretur, diuino (ut puto) instinctu, nusquam tentabat aufugere, nusquam voluit de cella commigrare. Ille, cum sagacis esset ingenij, signum hoc Dei muneri adscribens, passus est se ab irrationabili animante edoceri, intelligens multo magis illum nusquam oportere auolare, nec vana libertate potiri, nec instar vxoris Loth, ad fumigantem Sodomam oculos retorquere. Mansit igitur stabilis, & perseuerans, pluris faciens gazis Aegyptiorum, improprium Christi.

*Genes. 19. 26.*

*Hebr. 11. 26.*



**NOUITIVS PER SCALAM SIBI A  
damone ad descendendum in profundum malo-  
rum preparatam, in bonum conuertit o-  
men, stabilisque permansit.**

**L**EGI Ordinem nostrum olim Nouitiū  
admisisse, qui sub prima quidem con-  
uersatione satis se laudabilis vitæ Mona-  
chum exhibebat. Verū illo agente, qui *Iob. 41. 12.*  
suo anhelitu prunas ardere facit, nullam  
neq; die, neq; nocte requiē habuit, stimu-  
latus à Sathana, vt ad seculum remearet.  
Vicit tandem improbus exactor, & in eam  
insaniam miserum perduxit, vt scalā quæ-  
rere inciperet, qua posset per murum, cel-  
læ contiguum, se transmittere. Sicigitur  
affectus, cū de recessu anxius cogitaret,  
& per hortum æstuans crebrò deambu-  
laret, scalam, quam antea illic nunquam  
viderat, factione diabolica stare conspe-  
xit, & nimium admiratus, ait: *Agnosco, &  
damon, fraudes tuas, & deceptionis laqueos  
patenter agnosco. Hac scala, quam video, nun-  
quam me leuaret in calum magis autem me  
mergeret in infernum. Vt igitur tua te arte de-  
cipiam, dabo operam, vt hac scala mihi sit ascen-  
sus in calum, quam tu mihi preparasti ad gehenna  
pureum.* Hæc dicens, & ad se reuertens, in  
cellam redijt, & apud se deinceps sedu-  
lus permansit. Semper autem multis la-

chrymis affectum illum impium ac tetrū  
plangens, mentis suæ perfidiam, gemitibus  
expiabat assiduus.

## CAPVT X.

DVO NOVITIIS, PARENTVM LE-  
conijs ad secularem reuocati vitam, omissis cum  
illis pestifera infecti contagione, infelicitè  
hinc emigrarunt.

DVo Nouitij, cum seculo renuntiassent,  
& se nostro Ordini mancipassent, Di-  
abolus hominum inuidens saluti, vtriusq;  
parentes aggressus, de suorum pignorum  
absentia vsque adeò inflammavit; quòd  
eam nimis impatienter tolerarent. Cùm  
igitur carnales affectiones suas non vel-  
lent freno rationis comprimere, vno ani-  
mo inflammati, ambo Cœnobium intrāt,  
orantes, vt suis cum filijs eis liceat habere  
fermonem. Annuit Prior, nihil suspicatus  
sinistri. Illi statim vt sunt admissi, novos  
tyrunculos virulentis hortaminibus sua-  
dere cœperunt, vt molestum Ordinem, &  
rigoribus atq; austeritatibus plenum, de-  
ferant, secumq; ad seculi delicias reuer-  
tantur: Nos, inquiunt, iam senes sumus, vestro  
solatio carere non possumus, praesertim cùm here-  
ditates nostra in periculo sint futurae, nisi vos ha-  
redes praesentes habeant. Quid plura? Hor-  
tantur, & vincunt: & quibus saluti esse de-  
buerant, hos secum perituros ad seculum

tra-

trahunt. Sequuntur captiui iuuenes deceptos senes, non longo tempore de sua perfidia gauisuri. Nam paulo post, sæuiente Deo; & patres, & filij in inguine percussi, virulenta sunt peste in mortem reprobam, ut vereor) præcipitati. Vnde & factum est, ut seſo, & filios nimis acerbè perderent, qui se per hqs reparari, ac consolari arbitrabantur.

## CAPVT XI.

**NOUITIVS, POSTQVAM MONASTICUM** deseruiſſet habitum, ingerens se lasciuia puellarum choreis, regula è tecto in cerebrum decidente, miserè expirauit.

**N**Ouitius quidam noſtrum Ordinem ingressus, cùm prior illi feruor tepesceret, cœpit Ordinem paulatim exosum habere, atque per hoc etiam de exitu meditari. Vicit tandem, quæ illi importuna erat, diaboli vis, & captiuum miserum traxit ad seculum. Hic vno dierum cùm in platea choreas duceret, mixtus consortio puellarum, ac parui penderet quòd sanctum Ordinem temerasſet, cùm crebrò saltitās circuiret, ac leuiſſimas cantilenas ipse præcineret, vltor perfidiæ Deus, tantam procacitatem ferre non sustinens, repentinam in mortem insanum iuuenem præcipitem dedit. Nam inter circumeundem, cùm sub

teſto vicina domus incederet, tegula vna repente è teſto exiliens, cerebrum illi il-  
liſit, excuſſitque & tetram in necem rapi-  
ens, ad gehennæ (vti verendum) incendia  
deſtinavit.

## CAPVT XII.

*NOVITIVS NON IMPERITVS AR-  
tis Muſicæ, poſt ternam inſtabilitatem, in gutture  
à Deo horribiliter punitus, vitæ infeliciter  
priuatur.*

**M**Emini me legiſſe de Nouitlo quo-  
dam, ad Ordinem recepto apud no-  
ſtros, qui qula peritiſſimus erat muſicus,  
& voce optima dotatus, ab omnibus fra-  
tribus amabatur. Et quia id genus hominũ  
vagam atque inſtabile eſt; Diabolo ſuadẽ-  
te, Ordinem dereliquit. Poſt, nescio quo  
ſpiritu compunctus, redijt: & ſe recipi pe-  
tijt, obtinuitque. Probatus igitur rurſum,  
& reueſtitus, in cellam intromittitur. At  
ille ſemper ſuam ſequutus inconstantiam,  
iterum vomuit, & habitum proijciens, ſe-  
culum, quod diligebat, repetijt. Tertiò  
compunctus, rurſum aliam aggreſſus eſt  
noſtri Ordinis domum, vbi tunc mores e-  
ius nesciebatur. Et quia Ordo noſter ſem-  
per appetit ſonoras canentium voces, ſi-  
cut recipi ſe petijt, ita & impetravit. Sed ò  
perfidam humanæ mentis inſaniam. Nos  
ſemper vagi, ſemper inſtabiles, ſemper  
muta-

mutabundi, nisi ille nos stabiliat, ille nos roboret, qui sistit maria, & fluenta Iordanis retro retorquet. Nam sine Deo, nihil validum, nihil stabile, nihil sanctum. *Omni etenim plantatio, quam non plantauerit Pater caelestis, eradicabitur.* Iste igitur tertio probatus, tertio vestitus, tertio reprobus, & reprobatus inuentus est. Habitum namque indignè proijciens, mundi se iterum actionibus implicuit. Sed non impunè. Terna nempe apostasia Dominus offensus, quarto vindictam vibrare censuit, & miserum, terribili plaga in gutture percussit. Quam peste ille correptus, citò de medio sublatus est, & Christi tribunalibus reseruatus. Eodem nempe quo exijt anno, etiam obiit, eodem corporis membro punitus, quo sæpius Deum offenderat. Nam guttur suum, quod crebrò aperuerat ad vanitatem, Deo sæuiente, occlusum est per vindictam.

Matth. 15. 13.

## CAPVT XIII.

**NOVITIUS QUIDAM COLONIAE**  
*ad Ordinem admissus, cum semel discessisset, ac postmodum denuò admitti postulasset, nequaquam voto quiviit potiri*

**H**Abemus domū Ordinis in Agrippina Colon. ad quā scholaris quidā se contulit cōuersionis gratia. Receptus, pbat<sup>9</sup>, appē-  
 Y 4 fus

fus est, sed inuentus est minus habēs. Nam suadente salutis nostræ aduersario, qui illi importunus atque assiduus incumbibat, celsit improbissimo exactori, & dans locum Diabolo, mundi palæstrum iterum aggressus est. Hæc est illa palæstra, qua perditissimi homines Diabolo militant, brauiū æternæ perditionis sortituri. Huic tentationi celsit, & locum dedit in die beatissimi Thomæ Apostoli, sed rogantibus eum Priore & fratribus, acquieuit vsq; in diem Protomartyris Stephani permanere. Ultra autem non sustinens, totum sese hosti tradidit, & eodem die (non animaduertens præsentēs solemniſsimos dies) habitum reiecit, & ad seculum, ad fumigantem Sodomam, quam ardebat, recucurrit. Compunctus tamen paulo post, ipso sacro Theophaniæ die rursum recipi se petijt, non tamen impetravit. Et meritò quidē, Suadet namq; sanctissimus Hugo noster, Lincolnienſis Præſul, Ordini ſemper cauēdum eſſe à lenitate inſtabiliū palearū. Hic igitur non admiſſus, cernens ſe non poſſe recepti, iſta ſubintulit, dicens: *Meritò fratres nunc recipiendus eſſem, ſi expulſionis cauſam aduertere dignaremini.* Nam ipſa Vigilia Thomæ Apoſtoli vidi hoc Monaſterium nigerrimis canibus plenum, qui latratibus & rictibus fugere hinc me com-  
pel-



pellebant. Quia igitur non mea sponte, sed Zabuli importunitate victus, terga præbui, oro, ut vestra me clementia benignè recipiat, quem malignitas hostis eijcere cogitarat. Non est tamen, ob hæc, ad Ordinem reassumptus, occulto Dei iudicio aliud aliquid de eo disponente.

## CAPVT. XIV.

**NOUITIVS OPIBVS AC ERVDI-**  
*tionē pollens, Diaboli technis amicorumq; mole-*  
*stijs toto Nouitiatus sui tempore mirum in mo-*  
*dum exercitatus, tandem pridie quàm profes-*  
*sionem editurus esset, temptationibus om-*  
*nibus miraculose eripitur.*

**F**Vit circa hæc tempore nostra vir do-  
 ctrina & eruditione admodum clarus,  
 qui nostrum Ordinem assumens, maxi-  
 mis cœpit temptationibus fatigari. Nam ab  
 ipso Ordinis ingressu, semper sibi omnia  
 in contrarium vertebantur. Amici, pro-  
 pinqui, necessarii, fraudes ac tendicula illi  
 parabant, & quæ in seculo aliquando iustè  
 possederat, detrahebant. Ad hæc accessit  
 illi infirmitas corporis molestissima, quæ  
 illum probabat, discutiebatque, an fidelis,  
 & Deo dignus perduraret. His tantis a-  
 gitatus angustiis, nullatenus cecidit, quip-  
 pe qui fundatus erat supra firmam pe- Math. 7. 24.  
 tram, quem nec flumina, nec imbrium

vis, nec ventorum impetus poterat commouere. Sed non defuit militi suo adiutor Deus, quippe qui illi constantissimum, in aduersis animum dedit, & præcedenti die, qua erat professionem factururus, omnem illi corporis ægritudinem ac molestiam abstulit, & in Christi victoria exultantem, de cunctis sibi aduersantibus, triumphum gloriam præparauit.

## CAPVT XV.

## MUSICVS QUIDAM DE SVA

*gloriatu insigni animi constantia, leui memento à suo quondam collega euertitur.*

**L**ONGE aliter iste, de quo loquimur nunc. Musicus quidam in seculo peritissimus, nescio quo compuctus spiritu disciplinæ nostræ rigorem aggressus est. Hic quidem videbatur feruentissimus esse; quippe qui suis viribus confidebat, sicut gigas ille, quem Dauid arguit sua virtute confidentem. Cumque fratres suam constantiam mirarentur, & eum coram de suo feruore laudarent, interrogarentque, an non illi esset dæmon infestus, qui illi exitum persuaderet, respondit ille: *Nec diabolum, nec matrem eius curo. Vsq̃ue ad id mihi animus in perseuerantia robustus est, vt citius*

*tius arborem illam (quercum demonstrans) pos-*  
*setis manibus euellere, quam animum meum pos-*  
*set diabolus à sancto proposito detorquere. Sed*  
 nunquam profuerunt verba ventosa: sem-  
 per enim alta cadunt, inflata crepant, tu-  
 mefacta premuntur. Nam paulo post ve-  
 nit illum inuisere vnus ex amicis cantori-  
 bus, qui modica suasionem facillimè illum  
 retraxit ad seculum: non euulsus, nec vim  
 aliquam passus, sed tenuissimo tentatio-  
 nis vento afflatus, loco celsit; pristinæque  
 se musicæ vanitati restituit. Adhuc stat ar-  
 bor illa, quam ille monstrârat, tot agitata  
 turbinibus, tot nimbis interea fatigata; il-  
 le autem vel leuissimo flatu à fundamen-  
 to reuulsus, & expulsus est: quia propter  
 superbiam, pede motus, stare non po-  
 tuit,

## CAPVT XVI.

**CVR NONNVLII RELIGIOSI**  
*instabiles fiant, minusue proficiant, nem-*  
*pe ob humilitatis defectum.*

**C**ommuniter videmus omnes, qui in  
 Ordine aut non persistunt, aut non  
 proficiunt, superbia agitari, viam humi-  
 litatis, veritatisque aspernari. Hi sunt,  
 qui monita pietatis despiciunt, qui in-  
 dignè ferunt, quando de suis excessibus  
 emen-

*In lib. Ethic.*

emendantur, quando ad viam virtutis impelluntur. Semper turgidi, inflati, ac rebelles sempiterno lumini. Hinc fit, ut semper seipsis reddantur deteriores, cæci, nudi, miserabiles, calamitosi. Dicit Aristoteles, addiscentem oportere credere, & discipulum suo magistro non reluctari. Nam qui hæc non peragunt, crebrò apostalias incurrunt.

## CAPVT XVII.

## NOVITIUS INSTITUTORIS SVI

*monita despiciens, irridensq; seculum reptens, miserabili est morte prære-*

*tus.*

**C**IRCA hæc nostra tempora fuit Novitius, ut obscurus genere, ita & virtute ignobilis. Hic Ordinem ingressus, nostrum, ita se gessit, ut omnia institutoris sui monita contemnenda duceret, atque etiam irridenda putaret. De hoc habebatur suspicio, etiam violenta, quod vesperertino tempore etiam cum habitu ad proximum oppidum conuolabat, amicam illic, quam ante possederat, allocuturus. Cautè tamen semper id agebat, ut ad Matutinam Synaxim inueniretur in choro. Verùm hos dolos, hanc fraudis nequitiam D E V S ferre non sustinens (quippe qui pro Ordinis honestate zelabatur) hunc in reprobum sen-

sensum tradidit, & in illius manus deuenire concessit, qui animæ eius sanguinem sitiebat. Vnde statim infernali ministro attributus, seculum repetijt, & vitam omnem prostituit inimico. Non impunè tamen. Nam paulo post pestilenti igne tactus, cùm ad extrema se vrgeri cerneret, & mortem inuitissimè admitteret, his vocibus querebatur: *Ah iam hanc iuventutem mori necesse erit, quæ longissima adhuc vitæ posset idonea inueniri?* Ille igitur omnem animum intendens, quò posset præfens periculum fugere, & vitam fragilem emereri, nihil de sempiterna vitæ, aut morte sollicitus, cum monita salutis ab ijs qui aderant aspernanter acciperet, nec quicquam salutiferum cogitaret, miserabili & flebili morte præceptus, vitam non solum temporalem, sed & perpetuam, vt timemus, amisit.

## CAPVT XVIII.

## NOVITIVS TIMIDIOR HOMI-

*num, quàm Dei, causam redeundi ad*

*seculum fingit.*

**S**acerdos quidam ex Selandiæ partibus oriundus, nostrum habitum induens, cùm rigorem disciplinæ ferre non posset, cœpit animum inducere ad egressum; & quia grandævus erat: quippe citi conuersio necessaria videbatur: fraudibus inniti cœpit,

cœpit, & texere dolos. Finxit enim se olim habuisse vxorē, & hanc illi in somnis apparuisse, rogasseq; virum, vt peregrinationem in vita promissam, per se ipse cōpleret: atque hoc pacto à tormentis eam ingruentibus liberaret. Fratres etsi satis aduerterent hominis calliditatē, cū nolent tamen votis eius magnoperē reluctari, egrediendi, & vxoris (vt dicebat) vota complendi, liberum ei transitum contulerunt. Verū ille nec peregre profectus est, nec de reditu cogitavit; satis dans intelligere, quòd fraudem contra animam suam molitus sit. Nihil etenim Ordini notum est, sed sibi plurimum.

## CAPVT. XIX.

**ADOLESCENS QUIDAM BONÆ**  
*indolis, Religionis ingressum procrastinans,*  
*ense ex inopinato transfoditur.*

**A**Dolefcens quidam bonæ indolis, ac proborum morum, quem omnes pro sua mansuetudine plurimum diligebant: Erat enim (vti videbatur) totus Deo deuotus, & fugitans lasciuiarum, cuius & honestissimam vitam plurimi commendabant. Hic diligens Ordinem nostrū, ardētissimo proposito ingredi instituit, sed, heu, nullatenus adimpleuit. Semper enim, coruo similis, cras, cras, clamitabat, licet id votis omnibus se completurum assereret.



ret Sed qui scrutatur reñs & corda Deus, non solùm aspiciens quæ diceret, sed etiã quid in ipsis animi medullis cogitaret, huic iuueni tribuit, secundùm quod viderat cor eius. Et licet ille procrastinaret conuersionem, Deus tamen non distulit vltionem: licetq; ille tardaret conuerti ad vitam, Deus tamen non moratus est repentinam inducere mortem. Nam cùm minus cautè obambulare, & circa quarundam muliercularum domunculas (nescio quid scrutaturus) crebrò iter haberet, in suspicionem venit, illic quampiam adamare; vnde ab alio quodam proco repente gladio impetitus, crudeli funere absorptus est. Sic pereunt, qui pulchra Deo, sanctisq; promittant: *quia ruina est hominis, sanctos deuotare, & post vota non reddere.*

*Pron. 20. 29*

## CAP. XX.

**DE MIRACVLOSA CARTVSIARVM**  
*quarundam constructione, ac primo quidem de*  
*cella B. Virginis Maria. iuxta Nurebergam di-*  
*uinitus olim erecta.*

**P**Rima iam huius operis explicita parte, nũc reliquũ est, vt secũdæ partis materiã citius absoluamus. Hic etenim loquuturi sumus (vt supra tetigimus) quibus signis prodigijsq; ac miraculis plurimæ nostri Ordinis domus suam ceperunt originẽ. Et primò quidẽ de domo nostra, quã iuxta Nurenbergam habemus, dicedũ est.

Erat in hac vrbe olim vir diues & inclutus, cuius menti inspirauerat Deus, vt suis redditibus Cœnobium Cartusiensibus præpararet. Cumque ille locum aptissimum prouidisset, & iam impensas plurimas aggerasset, ciues vrbis id ægrè ferentes, eius deuotioni vehementer obstant, eumque ne ædificet, prohibent. Ille obstaculum passus, nimium indoluit, & cum lachrymis questus suos Dei explicuit Genetrici. Cui illa magna luce resplendens, impensa consolatione, ita respondit: *Noli, fili mi, super hac re nimia fatigari mœstitudine. Ego adero tibi, & vrbis assensum ad tua vota conquiram: tu tantum quæ incepisti, ne deseras. Ego tibi omnium corda ad tua faciam incepta concurrere. Quod ego tibi, dum præstitero, hanc domum, quam structurus es, Cellam Mariæ nuncupabis.* Hic taliter animatus, circa diem Pentecostes ciues, ciuiumque Magistros aggreditur, orans vt suis cœptis dignentur annuere. Mirum dictu, qui dudum animo pertinaci restiterant, Dei Spiritu afflati, vno omnes tunc fœdere fauent, annuunt adhortantur, auxilium subsidiumque spondent. Erat verò in hac vrbe Sacerdos vir multarum virtutum, qui olim huius structoris extiterat pædagogus. Hic cum per Virginem Matrem in somnis similiter esset admonitus, statim sub aurora hominem adiit, & quæ ex Diua

Virgine

Virgine audierat, intimaui, dicens: *Age quod agis, mandat tibi Dei Genitrix Virgo Maria, ut ceptam domum perficias, eiq; cella Maria nomen indas.* Gemina igitur Virginis reuelatione commonitus, domum ipsam ad finem usque compleuit. Porro sacerdos ille, Monachi illic habitum suscepit, qui sua industria factus postmodum Procurator, domum ipsam magnificè promouit.

## CAPVT XXI.

DE CONSTRUCTIONE CARTVSIE Colonienſis, quam Archiepiſcopus VValramus, in honorem D. BARBARAE, celeſti edoctus monitu ibidem, adificauit.

HABVIT olim Colonia Agrippina Archiepiſcopum Sanctorum memoria dignum; VValramum nomine. Qui ad noſtrum Ordinem vehemèter affectus, operam omnem impendit, vt Cartuſienſibus in prædicta vrbe vſpſiam domum fabricaret. Cumque diuerſa loca huic ſtructioni apta perquireret, nuſquam potuit inuenire donec in eum locum, Dei nutu, diuertiffet, quem vulgò illic nuncupant; ſent Martens velle, quod nos Latine, ſancti Martini campum appellamus. Hic ille eſt locus, in quo ſanctus Seuerinus Archipreſul audiuit Angelorum concentus, Diui Martini animam in cælum laudibus &

VIDE  
NOTAS.

Z carmi-

carminibus deferentium. In hunc igitur locum cū VValramus incidisset, tactus diuino spiritu, datis amplissimis impensis, domum iussit nostri Ordinis fabricari; quæ nunc Beætæ Virginis Barbaræ nuncupatur: domus vtique celebris, & famosa, multisque eximijis clara virtutibus.

## CAPVT XXII.

**DE ARNHEMIENSI CARTVSIÀ,**  
*quæ vulgò Monachorum domus nuncupata est;  
 quam Dux Geldria propè Arenauim magnificè  
 olim construxit; idq, ideo, quòd Angelica illic  
 aliquamdiu melodia essent inau-*  
*ditæ.*

**N**VNC ad domum Monachorum, quæ iuxta *Arnhem*, Gelriæ insigne oppidū, sita est, trāsitum faciamus. Habuit olim Gelria Ducē, insigni pietate virū, qui ad Cartusianum Ordinem miro afficiebatur amore. Hic vno dierum suis cum nobilibus equitans, dum locum construendæ domus vspiā aptā inquireret, occurrit illi pauper quidam vir, Deo deuotus, & ætate grandæuus, qui sciens Principis sui vota, supplex accessit, & dixit: *Ego hoc in agro, serenissime Princeps, à multis retro annis celebres audiui Angelorum concentus. Vidi namque hic solennia festa pomposis carminibus duci, & ardentia luminaria multo fulgore resplendere conspexi. Credo idcirco hoc in loco Dei hæc*  
*pro-*

*providentia actitata esse, quo locum hunc dignum ostenderet, in quo tua vota compleres. Dignum perfectò, ut ubi Angeli cecinerunt, Angelici quoque homines commorentur, & Angelicis laudibus Domino famulentur.* Habebat verò idem Dux in comitatu suo honorabilem, & Deo dignum Patrem Abbatem domus cuiusdam Præmonstratensis, quæ vulgo *Mariæ VVerde* dicitur, quod nos Insulam *MARIAE* possumus interpretari. Hic audiens quæ à sancto paupere dicebantur. confestim ab equo desiliit, & genibus in terram fixis, orationem Domino attentissima mente profudit. Illo itaque orante, talis de cælo vox insonuit: *Hunc ego locum Deus elegi.* Porro Dux ad tanta signa plurimum stupefactus, & totus in nostrum Ordinem inflammatus, amplissimis impensis, & magnifico apparatu Cœnobium construxit. Insuper & largissimos redditus annuos eidem assignavit.

## CAP. XXIII.

*CARTVSIA RVREMVNDANA, VBI olim meretricum contubernium fuerat, postmodum Beshleehemitica cœpit esse Domus, ac castissima Dei Genitrici dedicari.*

**N**ON multum dissimili modo domus, quam nos Ruremundæ habemus, in

Ge'ria, constructa esse scribitur, cui nomen est, Bethleem Mariæ. Hic locus ante domus constructionem fertur fuisse contubernium spurcitiei, & scortorum diuerticulum. Nunc autem castitatis Mater illic dignata est habere hospitium, ubi spurca Venus olim habitaculum possidebat. Sic & Pantheon Romæ in Dei templum commutatur, & ara Apollinis per S. Benedictum destructa, Ioanni Baptistæ in Basilicam consecratur.

**VIDE  
NOTAS.**

## CAPVT XXIV.

DE MONTE S. BEATI, PROPE

*Confluentiam, quando, & à quo, quæ occasione in Cartusiam sic erectus dedicatusq.*

**M**ONS Diui Beati, prope Confluentiam, (vti habent vetustissima scripta) locus est multa celebritate sanctissimus. Enimuerò hic olim pagana crudelitas multos Martyres, fuso sanguine, transmit ad cælum. Hoc in loco post curricula temporum nostri Ordinis domus instituta est, agente id Archiepiscopo Treuerensi Baldricino, cuius frater erat germanus diuus Hêricus Imperator, vir magnarum virtutum operumque patrator. Ille Balduinus, sicuti apud Confluentiam, ita & apud Treuerim Cartusiensibus domum erexit, seseque etiam Ordini mancipauit, factus

**VIDE  
NOTAS.**



factus socius poenitentiae, ut socius fieret & gloriae. Nam fratrum abstinencias confectus, vigilijs, laudibusque & sacrificijs sese inferens, humilem assiduò famulatum Domino exhibebat. Ut autem Dominus ostenderet eum locum, qui iuxta Confluentiam est, sibi acceptissimum esse, tali hoc voluit miraculo declarare. Nam eo tempore, quo Traiectenses, post obitum Ottonis tertij, propter inuasores quosdam potentes suarum possessionum, qui iuxta Confluentiam possident in locum quem *Bulsam* praedium vocitant, corpus sui Patroni sanctissimi Seruatij, illuc traducerent, tanquam qui contra suos inuasores esset pugnaturus, contigit hoc miraculum, quod subiicimus. Enimvero Traiectigenae allato Patroni sui feretro, tanquam bellatore fortissimo, in hostes irruunt, fundunt, & clara victoria potiuntur. Nam repente omnes scelerum complices vindicta terribilis occupauit. Nempe inter epularum delicias conuiuantes, & Traiectensibus insultantes, infernalis eos Sathanas praefocauit. Alij id videntes, nimia formidine tabefacti, in fugam versi sunt. At Confluentini hoc grande miraculum animaduertentes, supplici voto petunt Traiectensibus, ut facer illuc locus, benedictionis gratia deportetur. Annuitur

Z 3

votis,

votis, deferatur Confluentiam sacer Seruatius. Appropinquante verò illo ad montem, vbi sanctus Beatus sepulchrum obtinet gloriosum, & Confluentinis cum magna laudum gloria crucibus & cereis obuiam illis occurrentibus, B Seruatius dans honorem sancto Monti, & Religiosis, qui illic degebant, fratribus, feretrum suum à capite in aerem vltro leuauit, atque ad Montem meridianum, in quo sancti Beati memoria colitur, tertio sese, quasi confortem suum salutans, inclinauit. Vnde tali miraculo satis liquet, loci illius celeberrimi quæ sit sanctitatis opinio. Nam, vti non contemptibiles scriptores suis in tractatibus reliquerunt, hoc ipso in loco, sancti Cornelij Papæ & Martyris, & sancti Seruatij, Diui quoq; Beati corpora tribus in capsulis pretiosis requiescunt.

## CAPVT XXV.

*CARTVSIA ARGENTINENSIS QVO  
pacto à quadam solitaria diuinitus præuisa, pari  
cuius alacritate ac subuentione edificari  
cæpta sit.*

**H**abitabat olim apud Argentinam, inclutam urbem, miræ virtutis Inclusa quædam sanctimonialis sæmina. Hæc sueta erat diuinis illustrationibus sæpenu-  
merò clarificari, & sacris reuelationibus  
cæ-

cælitus fæcundari. Hæc vna dierum vidit in splritu non longè ab Argentina locum sibi præmonstrari, & dici, futurum esse, vt Cartusienſis Ordinis domus illic certiffimè ſtrueretur. Hac viſione illuſtrata, cùm gratias retuliſſet autori, cœpit eos, qui ſe veniebant inuiſere, crebro adhortari, vt tali in loco domum noſtri Ordinis condere maturarent. Cùm igitur ciues cõplures præfatæ vrbiſ, in id opus animum acuiſſet, eò per Dei gratiam res proceſſit, vt plurimi ſuas hæreditates illi domui deſtinarent. Porro inuidia agente Diaboli, horum ciuium vxores furijſ agitatae, totis niſibus virorum ſuorum vota ſubuertunt. Clamabant enim ita vt uſque ad vrbiſ Conſules querela deſcenderet, dicentes iniuſtiſſimum eſſe, velle liberos exhæredare, & nouis alieniſque inſtructionibus inſiſtere, & vnius mulierculæ fictiſ reuelationibus nimium credulos, accommodare animos. Hiſ queſtibz Conſules moti, iuſtiſſima virorum cœpta, ad tempus aliquod retardarunt. Erant verò iã tunc illic aliqua ædificia cõſtructa, & Monachi ad certũ numerũ congregati. At illorum Rector ſeu Præſidens, cernens impedimentum ſibi factum, & ſubſidium vndique ſubtractum, ſtatuit ſiſ ad loca, vnde exierant, repedare.

Quod dum Sanctimonialis agnouit, prohibuit omnino ne id faceret; asserens in veritate futurum, & id breui vt cœpta iam domus, prospero fine absoluator. Quippe quæ mox erat & diuitijs prædijsque amplianda, & clarissimis illustranda personis. Acquieuit ille, & vt sibi fuerat promissum, sic citò vidit impletum.

## CAPVT XXVI.

**FVNDATIO DOMVS PORTAE MARIE**, iuxta Danubium fluuium, in Axpach, Austriacæ Prouincia.

**EST** domus nostri Ordinis supra Danubium fluuium sita, cui nomen inditum est, *Porta sanctæ Mariæ*. Hanc matrona quædam venerabilis, aliquanto, priusquàm construeretur, tempore, vidit in somnis, reuelante Deo, constructam in loco quodam satis ad hoc inconuenienti. Erat enim hic talis locus, de quo ad talem structuram nulla poterat suspicio haberi. Vidit nempe se stare in Basilica præfatæ domus, & pulsando campanam frangere quam traherat. Præterea symphoniacus quidam non improbus, vidit, illustrante se Deo, in eadem Basilica se stare, & carmen musicū coram altari Diuæ Mariæ Virginis altisonis vocibus concrepare: atque hoc pacto Virgini matri laudis suæ pensum persolvere. Post has visiones, suscitauit Deus animam

nimam cuiusdam ditissimi hominis, & in  
 id spiritum eius commouit, vt Ordini no-  
 stro magnificis impensis domum cuperet  
 fabricare. Statim ille artificibus acquisitis,  
 Coenobium extraxit, & assignatis, amplis-  
 simis redditibus, fratres vndecunque, qui  
 eam inhabitarent, adsciuit. Post structam  
 domum verò antequam Ecclesia dedica-  
 retur, iubet illam Dominam aduocari, cui  
 audierat reuelationem factam; quòd scili-  
 cet tali debuerat in loco domus Cartusia-  
 na collocari. Ingressam itaque mulierem  
 iubet adire Ecclesiam, & pulsare camp-  
 nam. Quam cum illa trahendo quateret  
 (iuxta quòd sibi fuerat reuelatum) pulsan-  
 do confregit: hoc damno afficiens funda-  
 torè, vt ea amota, aliam subrogaret. Pau-  
 lo post superuenit ille, de quo ante dixi-  
 mus symphoniacus, & cum in suo instru-  
 mento musico almæ Virgini Genitrici  
 dulcia carmina cecinisset, dixit fundatori,  
 id sibi fuisse diuinitus ostensum etiam pri-  
 usquam illic domus ædificata esset, isto in  
 loco se Mariæ Virgini odas & carmina ca-  
 niturum. Quibus equidem reuelationibus  
 fundator plurimum exhilaratus, agnouit  
 obsequium, quod Deo impenderat, longè  
 ante præuisum, & iam completum, sibi es-  
 se gratissimum.

## FVNDATIO DOMVS ORDINIS

*nostri iuxta Tornacum.*

**H**Abemus domum Ordinis præclaram non longè à Tornaco Galliæ ciuitate sitam. Habuit hæc ciuitas olim sæpe Episcopos magna sanctitate conspicuos. Inter quos vnus floruit, qui diuino spiritu afflatus, sequentibus se dicere solebat, quando eum locum præteribat, vbi nunc nostrum Cœnobium situm: *Ecce dilectissimi, hoc in loco, si in vera nosse per me cupitis, præclarus Dei thesaurus reconditus iacet, qui suo in tempore, Deo manifestante, patebit. Nam post ducentos annos, hoc in loco, aliam rerum faciem, & verè præclaram huius loci incola visuri sunt.* Dicebat autè hoc cælesti lumine illustratus, de sublimi nostri Ordinis domo, quæ illic fuerat construenda. Post hunc igitur Præfulem ducentis iam elapsis annis, Tornacenses ciues, quorum tetigerat præcordia Deus, datis impensis, & assignatis redditibus, cùm Monasterium alibi struere molirentur, & diuersa hincinde loca scrutarentur, nusquam magis aptum locum, quàm eum, quem sanctus Præsul digito sæpe notarat, repererunt. Hoc igitur in loco fodientes, inuenerunt ibidem mineram lapidum opulentissimum: de qua petras præclaras & prægrandes extrahentes,

olli-



officinas omnes, & ipsam Ecclesiam cum clauistro & ambito cōdiderunt. Eo nempe tempore cū circa huius domus structurā multi opifices vocarentur, & in lapidū effossionibus laborarent, contigit sæpe, ut minus cauti, ab alto inter lapidū acervos caderent, & periculosa præcipitatione, deorsum ruerent, nec tamen læderentur, sed contra spem omnium, incolumes de graui concussione surgentes, ad opus suum læti atq; alacres remeabāt. Quod opus diuino miraculo omnes in communi adscribant, nec aliter qui crepti fuerant, habebantur, quàm si de ipsis mortis faucibus eriperentur.

## CAPVT XXVIII.

QVAM ADMIRABILI EVENTV  
*constructa sit Cartusia S. Maria de Pratis prope  
 Monasteriolum in Morinis seu Picardia; &  
 ex quo auctore Dorlandus hac ex-  
 empla desumpserit.*

HONorabilis dominus Héricus Kalkar,  
 Prior quondam domus nostræ Colo-  
 niensis, in suo tractatu, quem edidit de or-  
 tu Cartusiano, dicit, rarissimè domos Or-  
 dinis nostri vspiā fundari, nisi diuinis mi-  
 raculis præeuntibus, & celesti attestatione  
 prodente. Ex hoc viro cuncta habemus, *VIDE*  
 quæ hic scribimus, ne Lector nos putet fa- *NOTAS.*  
 bulas texere, & de nostris, quæ hic scri-  
 bimus,

bimus, sensibus, fabricare. Hic igitur Kal-  
kar scribit suo tempore in Picardiæ Pro-  
uincia domum ortam esse nostri Ordinis,  
cuius tale fertur fuisse principium. Fun-  
dator huius domus cū vno Dierū venisset  
in oppidū Picardiæ, quod Monsteriolū di-  
citur, & ciues loci eum inuitassent ad vi-  
dendā Veronicā, faciē Christi sudario im-  
pressam habentem, quā nonnulli eā autū-  
nāt esse, quā in sudario impressit & per pi-  
ctorē (qui ad pingendā suam faciem adue-  
nerat) regi Abagaro Christus transmisit.  
Hoc igitur sudariū cū oppāsū esset ante  
oculos fundatoris, aspexit faciem Christi  
quasi indignatam à se diuerti, tanquam  
quem indignum arbitraretur, qui se con-  
spiceret. Cumque ille iterum, iterumque  
conspiceret, semper vidit à se faciem Sal-  
uatoris auerti. Super quo ille multum at-  
tonitus, ac tremefactus, intelligens id rea-  
tus sui conscientia contigisse, statuit Prio-  
rem nostri Ordinis, virum, in religione  
probatissimum: quem & aliquando in  
scholis præceptorem habuerat, consulē-  
dum. Cui cū rem gestam enarrasset, ille  
tactus (ut credo) diuino spiritu, ita respon-  
dit: *Ingrede te, & Pater, ad te metipsum, & vide,*  
*si non aliquo promisso Deo tuo obnoxius sis. Audi-*  
*ui enim ego sapenumē te dicere, firmissimū esse*  
*propositū, ut domū nostro Ordini fabricares.*  
Cui

*De hoc Baro-*  
*niss in Anna-*  
*libus.*

Cui ille: *Assentior me (inquit) id & dixisse, & facere voluisse; & nescio, quo Dei iudicio oblatum sim, Ad quem Prior: Scriptum est: Vouete, & reddite Domino Deo vestro. Tu igitur quod spondidisti, adimplere contende, & venerabilem Christi faciem lætis poteris obtutibus intueri.* Ille hoc audito, iterum vouit, & voto emisso, iter arripuit ad videndum. Et ecce (mirum dictu) sancta Dei facies, quæ prius illum repudiauerat, ac sese ab illo diuerterat, iam plano ore, ac læto aspectu in faciem se contuentis ingessit, seseque illius oculis & menti imprimens usque adeò, ut quocunque se verteret, semper sibi præsentem facie contueretur. Mirum igitur in modum exhilaratus, hoc tam suavi prodigio operam omnem impendit, nobilissimam Ordini nostro instituire Domum, diuitijs eam augens & prædijs. Hic Prior supra memoratus, cum oborta occasione esset ab officio dimissus, huic est domui Rector adscitus: sub cuius moderamine in spiritalibus bonis non mediocrem adeptus est profectum.

## CAPUT XXIX.

QUIBUS DE CAUSSIS INDUCTUS

*sit Odo, abbas S. Remigij, ut celebrem illam, ac peruectam Montis Dei Cartusiam, Ordini adificaret.*

FELICIS recordationis, Dominus Odo,  
Abbas

**VIDE  
NOTAS.**

Abbas Sancti Remigij, quod Rheuus situm est, Dei seruorum noscitur amator feruentissimus extitisse. Hic assensu suorum fratrum, promptissima deuotioni domus nostræ, videlicet Montis Dei, fundator extitit & consummator. Nam fundum ipsum, qui ad suam pertinebat Ecclesiam, vnâ cum terris, pratis nemoribusque profusa admodum largitate concessit. Qui & Ecclesiam, & officinas, ædesque ac cellas omnes incredibili seruire & cœpit, & consummauit. Huic, post Deum, super omnia mella Mons Dei sapiebat. Hunc Montem corde voluebat, ore sonabat, & laus eius omnis in nostra religione feruebat. Hac occasione sumpta, quam dicemus in sequentibus. Cùm enim ipse quodam tempore pro negotijs Ecclesiæ suæ Româ attractus esset, & moram ibi aliquantum faceret, vidit sæpenumerò in somnis Monachos albicantibus vestibus indutos, cæremonias, quos ante non viderat, obseruantes. Vidit et eos, nunc in Ecclesia psallere, nunc in refectorio parcissimè victitare, nunc in cellis separatim solitarios diuersari, cæterasque sacri Ordinis Cartusienis Regulas obseruantiasque exercere. Hæc videns, stupensque, scire cupidus gestiebat, cuius hi noui Monachi Religionis existerent. Cùm hæc reuelante spiritu esset intuitus,

tuitus, tandem contigit eum expeditis ad suum Monasterium negotijs remeare. Inter ambulandum autem casu inscius deuiauit in montes, & post longos errores, ad quoddam declinans hospitium, intellexit ab hospite, se longius ab itinere declinasse. Dato igitur pretio, hominem optimè itinera scientem accersijt, quem & viæ suæ ductorem instituit. Sed tenebrosa nebula præpediente, iterum (vt creditur Dei nutu) erraticus cœpit viator incedere, nec ante destitit quàm ad Maiorem nostri Ordinis domum (quam Cartusiam dicimus) fessus & anhelus, stupente etiam ductore, applicuerit. Ingressus verò, à memorabili & sancto Patre \* Guigone, tunc Cartusiae Priore cum omni sua familia deuotè hilariterque exceptus est, & tantam illic expertus humanitatem, vt erroris sui deuia & detrimentum sui itineris apprimè solaretur. Hic Odo venerabilis, ductus à Priore ad ECCLESIAM est, & cum dies festus adesset, considerabat intentus Monachos diuinum officium suo illo more celebrantes, & ceremonias ac ritus, quos ante in visu perspexerat, peragentes. Tunc cœpit apud se recolere, illos ipsos esse Monachos, quos ante in visu, DEO monstrante, vidisset, ac tunc primum agnouit diuinam se illuc

† Fuit hic  
quintus Ordi-  
nis generalis,  
cuius vitam  
habet supra  
lib. 4. cap. 2.

se illuc voluntate (post longos terrarum tractus) esse deductum. Interrogans igitur, & cuncta considerans, magno cœpit affectionis igne succendi, & erga Religionem nostram flammatisima deuotione constringi. Dehinc supplicat Priori & multa eum ambiens reuerentia, postulat fratres aliquos ex suis sibi transmitti; firmissimè promittens, domum illis suæ institutioni commodam, in sua se diœcesi fundaturum. Cuius equidem petitioni fauuit Guigo honorabilis, & fratres omnes, concurrente ad hæc vota sanctissimo Hugone Gratianopolitano Præsule, cuius tunc virtus & sanctimonia longissimè reflorebat. Votorum igitur compos suorum, sacer Odo Abbas prospero cursu ad propria remeauit, & ardoris sui flammam non capiens, non ante destitit, quam domum Montis Dei nostro Ordini fabricaret. Priore suo Domino Hugone, suisq; fratribus consilium auxiliumq; præbentibus. Huic constructioni & molitioni manus iungunt Dominus Richardus Abbas \* Mosomensis, & Vrcio, Diui Dionysij Remensis, & nonnulli solennes procures, qui possessiones suas aliquot, quas in dicto confinio loci Montis Dei possederant, contulerunt: nam & hoc pietatis officium, hos viros, celeberrimus Odo sua adhortatione inflam-



flammauit. Plurimis igitur ædificijs iam extructis, cū Ecclesia inciperet ædificari, deficientibus impensis, prope ab incepto destitutum est. Sed Christus Dominus, fidelis serui sui volens fidus cooperator assistere, modum instituit reperitque, quo denuo posset copiosa pecunia coaceruari. Erat namque olim in Ecclesia sancti Remigij (vbi Odo Abbatem agebat) sepultus sanctissimus Dei Confessor \* Gibrianus, sed temporum vetustate erat sepulchrum eius obliuione sepultum. Dominus igitur sciens non commoda parua ad futura, hoc Corpus Sancti sui primū, reuelante spiritu, declarauit, & stupendis deinde signis prodigijsque longē lateque per populos clarum reddidit. Nam cū quotidie inaudita signa crebrescerent, accurrentibus vndique populis, & vota muneraque non exigua offerentibus, cœperunt gazophilacia pecunijs impleri, & mirum, in modum magnis diuitijs abundare. Quas Odo pecunias accipiens (impellentibus fratribus) Ecclesiam in Dei Monte compleuit, & quicquid supererat struendum, in integrum consummauit. Hic sanctus Gibrianus, sciens structuræ necessitudinem, tamdiu patrandis miraculis operam impendit, donec ædificia omnia finirentur. At postquam sunt completa, repen-

*+ Quibusnam  
hic S. Gibrianus Confessor  
fit, incomperatum habeo.*

te virtutes operari destitit, ita vt ne vnum quidem signum post ostendere sit compertus.

## CAPVT XXX.

## DE INSTITVTIONE DOMVS LEODIENSIS.

**E**ST domus celeberrima Ordinis nostri, non longè à Leodio, ciuitate admodum illustri sita: quam olim Præmonstratensium Ordinis fratres sueti erant incolere. Hunc locum cùm Præsul quidam Leodienfis, ob res bellicas vehementer ambiret, egit multo conamine, præfatos fratres ad alium, in ciuitate, locum traduceret: & hunc locum constructa fortissima arce suis vsibus manciparet. Dehinc temporis progressu, alio quodam Episcopo largiente, non sine diuino nutu, hoc castrum Cartusiensibus assignatum est. Idque tali oraculo præeunte. Adolescens quidam illustris vitæ, & qui apud plurimos magno in pretio habebatur, vidit in visu manifestè candidissimos viros hoc in loco constitutos, facto agmine Ecclesiam ingredi, & vnum post alium, campanam, quæ in medio chori dependebat, pulsantes attingere, seque vnum esse ex compulsantibus. Hac reuelatione Præsul commonitus, & inflammatus, locum ipsum vsibus Cartusiensium fratrum delega-

legauit, structa illic primùm Ecclesia cum paucissimis cellulis & officinis. Dehinc ipse cum sacro Collegio, missis nuntijs supplicant nostro Capitulo Generali, vt fratrum aliquantum numerum istuc trāsmittere dignaretur. Mittitur ergo Prior, & Monachi quinque; sed agente incuria & negligentia Præsulis, & Prælatorum, ad magnam rerum omnium penuriam se conuocatos inueniunt, toto animo in loca vnde venerant, remeare cupientes. Sed Dominus Deus, locum hunc sua promouere gratia parabat, & sublimem ac præclarum (sicuti nunc est) reddere, immisit in cor vnus nobilissimi viri, qui Canonicum Leodij in maiori Ecclesia agebat, cui & diuitiæ plurimum abundabant, vt seruis suis, penuriam grandem patientibus, & prouisor liberalis, promotorq; ac confortor existeret. Huius itaque auxilio freti, & in necessitatibus suis apprimè adiuti & consolati, incipiunt fratres ardentius diuinis insistere, & se ad Ordinis instituta componere, & incorporata per Ordinem domo, clericos & laicos ad suum confortiū habitūq; euocare. Ad quos omniū primus accurrit adolescēs, quē Deus nuper cælesti visione donauerat, & pulsantes fratres in spiritu viderat. Hic deuotè receptus, et deuotius cōuersatus est. Cumq; crebro, vt

moris est, campanam ipse pulsaret, visionis suę memor, Domino alacri spiritu feruebat.

## CAPVT XXX.

DE FVNDATIONE DOMVS SAN-  
*ctæ Catharinæ iuxta Antuerpian.*

**D**iuę virginis Catharinę domus nostra non longè sita à Mercuriali oppido Antuerpiensi, tale fertur sumpsisse exordium. Per annos enim aliquot, priusquam hæc domus in eo, \*in quo nunc est cõdita, loco strueretur, visa sunt illic nocturnis horis clarissima cæli luminaria refulgere, quę diuersis vicibus ab illius loci incolis, non sine futurorum prælagio visebantur. Porro, qui curiosius se dabant ad hæc luminaria exploranda, nonnunquam terri-  
ti confusi quę, in propria remeabāt. Pleriq; verò cum propius accederent, nihil fulgoris aut luminis perspicere potuerunt: quippe qui digni non erant, vt immundis oculis sacra cæli lumina contuerentur. Igitur cum hæ reuelationes luminum per populos spargerentur inflammatis multorum animis, domus nostri Ordinis illic construi cœpta est. Sed quibusdam necessarijs mansionibus erectis ad perfectũ usq; deduci non potuit. Nam redditibus deficientibus, fratrum necessaria sustentatio multũ difficilis facta est, inopia vndiq; & pau-  
pertate

\* Hæc A. t. uerpiensis Car-  
tusi Liram  
non ita pridẽ  
est translata.

pertate ingruentibus. Sed misericors Deus, qui suos nunquam patitur, supra quam vires sinūt, affligi, stupendo quodam miraculo suorum inopiæ statuit consulendū. Contigit nempe ciuem quendam præfati oppidi, Dancardum nomine, venationi vti, sæpe illi mos erat, operam impendere. Hic vno dierum, cum canes venaticos per terrarum defossa sequeretur, cauernam altā subiit, cui desuper rupes imminebat. Illo itaq; ingresso, nutu Dei, moles lapidea desuper pendens cecidit, & hominem ipsum penitus inclusit. Cumq; omnes, qui illum sequebantur oppressum, attritumq; penitus & extinctum putarent, & miseros eiulatus efferrēt in cælum, tandem accepto consilio, ferramentis fossorijs agentes, laborabant, si possent hominem effodere, effossumque sepulturæ tradere. Tandem post longos labores, cū ad ipsum hominem peruenissent, viuum illum, lætum, atque incolumem extraxerunt. Ingens mox stupor omnibus oboritur, & admiratio; hominem nimirum tali ruina interceptum, viuere potuisse: qui, etiam si ferreum corpus habuisset, illo fuisset casu cōtritum, tam ingentis quippe fuerat magnitudinis moles, quæ super ipsum irruens, incubuerat. Mirabatur & ipse, se post ruinam viuere potuisse. Sciscitabantur om-

nes ab eo, quis illi in hac ruina aduocatus adiutorq; fuisset, & tã potēs opilator: Ego, inquit, cū viderē imminentē super me cadere rupe, statim Virginis Catharina patrociniū flagitavi, & ecce huius ope factū est, vt illa sus euaderē, incolumiq; etiam nū perseuerē. Cūq; gratus inquireret, quo pacto posset sacratissime Virgini adiutricis suæ vices impēdere, dictū est ei, non longē abesse domū, quæ in illius esset honore constructa: domū nimirum inopum fratrum, quibus ad victum & necessitudinē plurima deessent: nec posset fœcūdius vberiusq; gratias reddere, quàm si ob honorē almæ Virginis illi domui impēsis redditibus subueniret. His auditis, cū admodum locuples esset vir, & multarū opū, cōtulit fundos, agros, & prædia, & præcipuū illi se domui exhibuit fundatorem. Ex hoc iam tempore cœpit Cœnobium mirum in modum prosperari, & in eā sensum gloriam perduct, qua nunc constructam sublimatamq; cernimus.

## CAPVT XXXII.

QVO PACTO GALLIARVM REX, VNA cum consorte sua parivoto Parisiensem construxit Cartusiam, quæ vti spectris antea erat infesta, ex vallis demoniorum, sic vallis Dei vocitata est, vti constat ex Petro Sutore, lib. 1. de vita

Cartusiana, tractatu 3 cap. 2.

**H**abemus non longē à nobilissima Parisiensi ciuitate celebrem nostri



Ordinis domum, quæ tali occasione sum-  
psit exordiū. Per annos plurimos antequā  
illo in loco Cœnobiū haberetur, proter-  
uus nimium & pessimus illic dæmon habi-  
tabat, qui permittēte Deo, agentibus ho-  
minū sceleribus, oēs, qui per viam illā trā-  
sibant, maximis afficiebat incōmodis. Ne-  
mo enim illic transire poterat, qui nō aut  
impulsus, aut percussus, aut mutilatus abi-  
ret. Dabat ēt clamores horrendos in celū,  
& terrificis vocib⁹ omnia quatiebat. Cūq;  
magno timore vrbis illius populus teme-  
retur, & passim inquireret, quo reme-  
dio possent à dæmonis infestatione libe-  
rari, erat illic Sanctimonialis inclusa miræ  
religionis & sanctimonix, quæ etiam ob  
suæ meritum vitæ prophetiæ fuerat spiri-  
tu illustrata. Hæc cōuocato vrbis Magistra-  
tu: *Si vultis, inquit, à dæmonis illius infestati-*  
*onibus periculisq; saluari, necesse vobis erit, illo in*  
*loco domū Cartusiensibus fabricare.* Venit pro-  
phetia ad notitiam Regis & Regina, qui  
deuotione Ordinis vehementer accensi,  
statuunt singuli seorsum domū vnā Ordini  
erigere, & duas pro vna distinctis in lo-  
cis fabricare. Habito tamen maturiori  
consilio, primam intentionem irritā faci-  
entes, Rex & Regina sua voto coniungunt,  
& vnum tantum Cœnobiū condunt: ta-  
li tamen gloria ac maiestate, fratrumque

376 CHRON. CARTVSIEN,  
multitudine, vt meritò duorum Conuentuum dispendia redemisse putentur. Nam cum suetum sit nobis duodecim aut ferme viginti Monachos adunare; illi ad quadraginta numerum extendunt: quos magnificis ædificijs extructis, iuxta magnificentiam Regiam diuitijs donant & prædijs. Domo itaque constructa, vaticinium Virginis impletum est. Nam impossibile fuit præstigia illic dæmonum, & terrificos in reliquum clamores audiri, vbi sanctorum Patrum laudes assidue resultabant in cælum.

VIDE  
NOTAS.

CAPVT XXXIII.  
DE FVNDATIONE DOMVS SAN-  
næ, prope Brugas, in Flandria; in qua eximia  
pietatis Moniales etiamnum de-  
gunt.

**B**Rugensis ciuitas est, quam omnes pro sua nobilitate nouerunt. Non longe ab ea habemus Cœnobium sanctorum Virginum quod in honorem sanctæ matris Annæ noscitur constitutum. Annis multis priusquam illic Domum haberemus, pastores, qui nocturnas agebant vigilias super gregem suum, sæpe viderunt illic multitudinem sublimium virorum, qui omnes albis vestibus renitebāt. Quæ tandem per Pastores sunt vulgata, & accensis multorum animis, breue illic Cœrobium

COM-

construxerunt, collectis ex nostro Ordine sex Monialibus, cum Patre Vicario & Monacho, vno. Hi hoc in loco multis annis in penuria non parua vixerunt. Dehinc Deus suos respiciens, redditibus & agris eos amplificauit, & cum corporalibus etiam spiritalia adminicula subministravit; ita vt, sicut in possessionibus, sic etiam crescerent in personis. Erat autem in ipsa, quam diximus, ciuitate, quidam Religiosus vir Balduinus nomine, qui locupletissimo cuidam mercatori famulatum præbebat assiduum, qui suo domino & charus erat, vtpote fidelis illi, & necessarius. Huic Balduinus licet fidele seruitium impenderet pretium tamen sui seruitij non exigebat, committens illud fidei magistro reponendum. Agebat & iste seruus nonnulla lucra de mercibus suis, & cum esset humilis Dei cultor, locumque sanctæ Annæ, quem supra memorauimus, cum affectu diligeret, decimam lucri sui partem clā illuc assidue comportabat. Nam cū orationis gratia Sacellum esset ingressus, & vota Domino exoluisset, instar viduæ Euangelicæ, munus illic suum in gazophilacio dereliquit. Cumque hoc sæpe latenter faceret, contigit eum à Vicario domus sagaci industria deprehendi, adeo vt accersitus, discussusque, post humilimas illi ha-

bitas gratias, consolatus, & acriore inflam-  
matus voluntate, ad propria sit remissus.  
Hinc factum est, vt multo frequētius fer-  
uentiusq; concurreret, & suas eleemosy-  
nas copiosius elargiretur; dicens quodam  
die P. Vicario: *si Deus benefecerit mihi, vos si-  
ne dubio participes eritis. Ego namq; locum hunc  
diligō, & pro meis viribus illi benefaciam.* Igitur  
cū hic Balduinus multis iam annis suo  
esset domino famulatus, nec iam loco ser-  
ui, sed filij haberetur, querit ab eo suus do-  
minus; quid pro suo velit seruitio merce-  
dis accipere. Respondit ille: *Nihil volo, nisi  
quod dominus meus mihi dare decreuerit.* Hoc  
verbo mercator (vti erat ingenui animi)  
succensus, cum sua coniuge consilium ca-  
ptas, vnicā illi filiam, additis immensis di-  
uitijs in matrimoniū dedit. Ex qua Baldu-  
inus filios genuit, & filias; factusq; est ex  
asse hæres domini sui. Qui cernens se non  
fortuitò, sed Dei munere diuitē inclytūq;  
iam factum, totus coepit ardere, vt benefa-  
ceret domui, quā amabat. Et statim mag-  
nis impensis Ecclesiam pulcherrimam à  
fundamentis crexit: de hinc Refectorium,  
ambitū, cellasq; plurimas cum officinis re-  
liquis fabricauit. Duas quoq; suas filias il-  
lic virgines, Domino seruituras imposuit:  
quarū vna, Maria nomine, Priorissæ offi-  
cium, laudabiliter administrauit. Hic Bal-  
dui-



duinus vsq; adeo (Deo agente) ad sublimia promotus est, tum virtutibus, tum diuitijs crescens, vt Anglorū Francorūq; Reges, ipsumq; Flandrię Comitē hospitio reciperet, sumptuosissimisq; prædijs honoraret.

## CONCLUSIO LIBRI SEXTI.

**N**ON dubium est, præter ea, quæ iam intigimus, nonnullas alias nostris Ordinis domos fuisse supernis illustrationibus, aut miraculis institutas. Non enim Henricus Kalkar, de cuius testimonijs hac habemus, quæ scripsimus, omnia aut nosse potuit, aut indagare: sicuti nec aliū quempiam, quātumlibet studiosum, reor facere potuisse. Sunt tamen qui nouam plantationem in oppido Louanensi, quæ latis, sub honorabili Patre Domino Ioanne Delpho, processibus gaudet, signis dicant & apparitionibus initium, atq; incrementum sumpsisse. At nos quæ certa veritate facta non nouimus, neq; fideli narratione didicimus, literarum monumentis consignare, formidamus. Porro is, qui in hac ipsa domo Vicarium se gerit, Dominus Ioannes de Louanio (cuius in octauo huius operis libro inter Viros illustres Bostius meminit Carmelita) Tractatum edidit, quale hac domus principium, qualemq; & successum habuerit, quib; auxilijs & adminiculis sit sublimata. Quæ omnia nos intacta relinquimus, breuitati consulentes; satis superq; sufficere arbitrantur, quæ ille prudenti narratione describit. Hic igitur sexti libri terminum statuemus.

Finis Libri sexti.

# CHRONICI CAR, TVSIENSIS LIBER

SEPTIMVS.

SEPTIMVS LIBER, AGENS  
de Viris spiritalibus, qui hoc nostro se-  
culo ac tempore claruerunt.

CAPVT I.

DE DOMINO NICOLAO ALBER-  
gato, S. R. E. Cardinali, adeoq; & Bononiensis  
Ecclesie Episcopo doctissimo, humanis-  
simoq;.

**N**ICOLAUS Albergatus, illustri  
ortus prosapia, cum esset adoles-  
cens, positus Bononiæ ad Gym-  
nasia Philosophorum, adeo in  
liberalibus scientijs emicuit, vtei in ipsa  
Vniuersitate nullus haberetur secundus.  
Erat etiam non minus bonus, quam do-  
ctus: quippe qui lubricum adolescentiæ i-  
ter, magno semper studio declinarat, pius,  
sobrius, humilis, timoratus. Hinc pro sua  
virtute, proq; scientiæ suæ claritudine, om-  
nibus erat & honori plurimum, & amo-  
ri. Porro ille sciens scriptum esse, *iustus iu-*  
*stificatur adhuc*, domum Diui Hieronymi  
Ordinis Cartusienfis, quæ Bononiæ sita  
est, mirantibus vniuersis, est ingressus. Cu-  
ius conuersionis initia magnis claruerunt

vir:

Apoc. 22. 11.  
Ingreditur  
Cartusiam Bq-  
noniensem.



virtutibus. Nam sicuti erat ceteris doctior, sublimiorque, ita cunctos humilitate, obsequio, mansuetudine præcellebat. Huius erat meditatio accensa, oratio indefessa, contemplatio porrecta in supernis. Omnes suam vitam aspernabantur, dum huius pij Patris vitam, virtutibus plenam, contuerentur. Hinc crevit eius illustris opinio per Bononienses populos; quem, suo Præsule defuncto, vnanimis votis in Episcopum elegerunt. Trahitur ergo lucerna ardens & lucens e cella, quasi de sub modio, & super candelabrum ponitur, ut luceat omnibus, qui in domo sunt. Trahitur autem inuitus, & quasi vim passus, ipso plurimum lachrymante, ac renitente. Sciebat enim alias esse mundi turbines & aliam silentis cellæ internam requiem, & quietudinem. Assumptus nunquam cilicium, nunquam humilem Monachi habitum permutavit, eisdem semper, ut ante cibis & potibus utens. Et cum sibi esset rigidus & amarus, omnibus tamen humanum, placidum se, ac suauem exhibebat. His laudum titulis à Summo Pontifice est euocatus, & Cardinalis S. Crucis creatus. Hinc factus est toto (uti Arnoldus dicit Bostius) salutifer Orbis: quippe qui, ut alter Helias, pro domo Dei zelum acuens, dignitatis suæ Cathedram sublimibus meritis condecorauerit.

*Eligitur Episcopus Bononiensis.*

*Non vult deponere cilicium aut habitum Monasticum.*

*Creatur Cardinalis S. Crucis.*

uerit. Erat enim vir ubique celebris, & ob sanctimoniam suam eminentiam, inter Cardinales, singularis. Inerat illi de supernis affluens sapientia, humanarum diuinarumque rerum cognitione admodum illustrata. Hinc reipubl. Christianæ, & ipsi Petri nauiculæ in prosperis & aduersis ornameto fuit, & subsidio. Fungebatur etiam sæpe Legati officio ac dignitate, missus à latere: quam quidem strenuè exquebatur, plenissimo fungens potestatis honore. Et ut suis maximis curis, dignus haberetur, studijs assidujs incumberebat, crebrò per populos verba Dei sonabat, dictitabat sermones, epistolas ad diuersos ornatissimas trans mittebat, tanquam sapiens architectus scitè doctèque suum implens officium. Hac sua sapientia & Regibus, & Principibus, ac magnatibus ubique innotuit. Cuius vita, sanctitatis exemplum; cuius mores, instituta Ecclesiarum, cuius eloquétia, stupor; cuius doctrina, miraculum putabatur. Hic tersum virtutis speculum, hic Præsulum & Prælatorum gloria, hic pater pauperum refugium miserorum dissidentium magnatum pacis conciliator, schismatis impeditor, errorum excidium. Hic Christianæ religionis propugnaculum: qui quicquid agebat, aut præcipuum cogitabat, ad Deum Patrem luminum humilis referebat. Laudes hominum,

*Virtutes eius  
eximia.*

minū, vt virus pestiferū, fugiebat, sed fugientē laus illum & honor omnis insequabantur. Hic pro maiestatis suæ reuerentia Eugeniū Papā, & Aeneam Syluiū, (qui & Papa Pius post dictus est) alumnos, familiares, ac cōmensales habuit viros nimirū & sapientia, & eruditione clarissimos; quos hic Pater ad Pōtificatus apicē sua pōtestate promouit. Sed si vis de hoc nobili principe maiora cognoscere, lege ipsum Aeneā, lege Poggiū Florentinum, lege Bartholomeū Platinā (qui Pontificum ūitas diserto sermone cōscripsit,) lege Arnoldū Bostiū Carmelitā, & inuenies q̄ huius almi Præsulis vita, nulla ex parte laudē vacauerit. Tandem anno Christi sexto & quadragesimo post mille quadringentos hoc decus hominū, hoc clarū Ecclesiæ iubar, post innumeros labores, post multas patiētiae coronas in ciuitate Senarū ex molestissima calculi afflictione moritur, caducarū opū vacuus, sed plenissimus meritorū. Moritur, nō vitā perdēs, sed meliorē ac permāsurā recipiēs. Exēterato eo, vt balsamo cōdiretur, inuētus est in fundo vesicę habere lapidē grādē, instar oui, qui omni ex parte illic carne obuolut⁹ hærebat. Has calculi passiones immanissimas mira dū viueret, patiētia tolerabat. Tota hunc Italia Virū planxit; pauperes verò maximē, & calamitosi,

*VIDE  
NOTAS.*

*Moritur calculi dolore.*

mitosi, quos muneribus & adminiculis sepe leuarat. Corpus terra suscepit, animam sancti Angeli cum Inudibus exceperunt: quam ad superna euehentes, Sanctorum cœtibus inseruerunt.

## CAPVT. II.

DE VENERABILI PATRE DOMINICO, *Cartusie Treuerensis professore.*

**H**UNC comitatur, celebri memoria dignus, Pater Dominicus; qui in domo Ordinis nostri, quam Treueris habemus, magnis fertur claruisse virtutibus. De hoc illustri viro, quę scripta reperi, fideli narratione producam. Erat etenim deuotione præcipuus, cuius omnis mentis ardor Deus erat, qui eius in pectore & ore assiduus versabatur. Hunc namque habens vitę suę ducem, semper vel orabat, vel psallebat, vel meditabatur, vel contemplatione suspensus, mentis Sabbatum celebrabat. Vno dierum cū solus in cella federet ad mensam, quę paupere erat cibo referta, cœpit attentè cogitare, quo pacto IESVS infans voluit vbera virginea sugere, panniculis inuolui, fascijs stringi. Quod flens & lachrymans Christus, nunc potuit, vel pomo quietari, vel prouocatus flosculis, vel munusculis in gratiam reducti. Hęc vir sanctus pensitans, ad sua peccata ocula

tā oculis reflexis, orat obnixè paruulum  
 Saluatorem, vt offensus sæpe ab eo, secum  
 velit in gratiam redire, dicens: *Tu omnium  
 dulcissime paruulorum, cum in virgineo Matris si-  
 nu recubares, passus te es pomis & nucibus miti-  
 gari. Quasote, vt pro peccatis meis omnibus, quibus  
 te, & Deus, offendi, tanquam duo vidua minuta, &  
 tanquam quedam mitia poma, pœnitentia mea  
 exiguum laborem libens latusq; suscipias, & tua  
 me gratia reconcilies.* Hæc dicens, lachrymæ  
 illi ab oculis decurrebant. Et ecce humi-  
 lium consolator à supernis adueniens,  
 subiecto sibi cussinto, super mensam eius  
 paruulus Iesus insedit, speciosus nimis, &  
 admirabilis. Tunc oculis lætissimis faci-  
 em Dominici, mentemque respiciens, in-  
 genti eum lumine, & exultatione imple-  
 uit, & loquens dulciter ad cor eius, Scrip-  
 turarum profunda, & quædam secreto-  
 rum illi arcana patefecit. Dehinc cum sua-  
 uitatis fragrantia superna repetijt. Com-  
 pleuit Christus; quod in Euangelio pro-  
 misit: *Vbi sunt duo, vel tres in nomine meo con-*  
*gregati, ibi sum ego in medio eorum.* Cum Patre  
 Dominico erant oratio, & meditatio cō-  
 gregatæ, atque ideo dignum duxit Domi-  
 nus Iesus in medio esse earum. Hic Pater  
 scripto post se reliquit, scisse se fratrem,  
 qui in Mariæ Virginis rosacea corona sese  
 solitus sic exercere, addens cuilibet Salu-

Matth. 18. 20



tationi vnum articulum Dominici operis vel passionis, prout nunc in multis libellis inuenitur. Cumque hic frater assiduus in hac deuotione serueret, vidit vno dierum celos desuper aperiri, atque illuc attractus, conspexit Dei Genitricem Virginem, & vniuersum Angelorum Beatorumque exercitum dulcisona cum modulatione in conspectu sanctissimæ Trinitatis hoc rosaceum Carmen concinere, & articulos, quorum supra memini, cum solenni *alleluia* copulare. Porro vbi inter salutandum, sacrum MARIAE nomen resonabant, omnes ceruicem supplices submittebant. At cum dulcissimum nomen IESVS, felici intonabant ore, flexis reuerenter poplitibus, Incarnationis mysterium adorabant. Deinde audiuit omnes Dei Sanctos orare Altissimum, pro omnibus in terra fidelibus, qui hæc pia sarta Christo & piæ Matri concinerent, dictumque est illi, *accipere peccatorum omnium remissionem omni tempore eos, qui hys se laudibus occuparent.* Vidit præterea felicibus oculis, innumeras coronas auro & gemmis rutilantes, quæ parabantur ijs, qui sarta rosacea celebrarent. Has visiones non semel tantummodò, sed sæpius hic frater intuitus est, quibus & suam, & aliorum salutem posset cum gaudio cordis & fructu mentis ac-

qui-

*Occupare se  
in Dominica  
Passionis me-  
ditatione, quæ  
est virtus*



quirere. Pater Dominicus de hoc fratre quod narrat, sibi certissimum est contigisse, sed ideo humilitatis gratia se prodere noluit, ut humilitatis meritum integrum penes se custodiret.

## CAPVT III.

DE CARMINE HYMNOQVE, QVOD

*idem P. Dominicus in laudem sacratissimæ Virginis deuotè composuit.*

**I**STE idem honorabilis Pater, cum esset sacratissimæ Virgini Mariæ admodum deuotus, carmen Hymnumq; composuit, quod plurimi canere consueuerunt, ita inchoans, *Tecæli reginam laudamus.* Hoc carmen dulcissimum cum sæpe Virgini Genitrici psalleret, vno dierum uaptr̃s ad superna, audiuit Angelos Dei hoc carmen concinere, rursusq; illud in organis cælestibus & cymbalis benesonantibus alternatim concrepare; omnibus, qui in cælo erant, mira alacritate gaudentibus. Quod dum fratribus ibidē degētibus innotuit, cœperūt idipsum canticū frequentare, & ad laudē Altissimæ Trinitatis, & Virginis Matris et alijs cōcinendū offerre, anno salutis nimirū millesimo quadringētesimo octogesimo octauo. Hinc cōpletur sermo Diui Bernardi Abbatis, dicentis cælum & cellā, sicuti in nomine, ita & re ipsa plurimum.

*In Epist. ad  
fratres Mon-  
tis Dei, de vi-  
ta solitaria.*

num conuenire : quia quæ geruntur in  
cælis, eadem sæpe geruntur & in cellis.  
Audiuit autem hic Pater prædictam har-  
moniam cælestem ijs notulis insonari ab  
Angelis, sicuti Cartusienses, *Te Deum lau-  
damus*, concinunt in templis.

## CAPVT IV.

## DE DIVINA HVIVS BEVSDEM

*Patriæ ageritudine, ac singulari animi*

*robore.*

**N**ON omittendum de hoc Patre, Do-  
minico, quòd plaga illum Deus per-  
cussit incurabili, vulnerequæ admodum  
crudeli, & multiplici dolorum flagello.  
Erat enim in corpore assidue miser, quem  
tam beatum Deus mente statuerat ; vt se-  
cundùm multitudinẽ dolorum suorum,  
consolationes Dei lætificarent animam e-  
ius. In ijs corporum passionibus decem &  
septem annis perseuerans, compulsus est  
chorum deferere, & sibimet suisque me-  
ditationibus immorari. Erat quidem sibi  
istud instar crucis grauissimum, sed sapi-  
entis sententia solabatur, qua dicitur: *Si*

*Psal. 5. 11.*

*Tereut. in An-  
dria.*

*non potes id quod vis, saltem velu id quod possis.*  
Erat tamen in ijs eius pressuris cernere  
hominis inuictum animũ, constãtem spi-  
ritum, robur mentis immensum, & quò  
magis forinsecus premebatur, eò magis  
de mentis arcano Christi præconia reso-  
nabat.

nabat. De hoc Patre Dominico, quæ sequuntur, certa narratione cognoui. Vno dierum cum corporis molestia premere-  
tur, & Priore absente, pisces non adessent,  
qui infirmo darentur, pijsima Regina  
misericordiæ Maria, sui famuli benignè  
memor, pisces illi à superis transmisit,  
Angelico adiuuante suffragio; pisces certè  
& decore spectabiles, & sapore præstan-  
tes, quos ut gustauit, citò conualuit. Tem-  
pore etiam quodam, cum usque adeò al-  
terum crus haberet valido igne inflam-  
matum, & putri carne corruptum, ut ne-  
cesse esset (ne ad viuum serpent contagia)  
amputari, veniens chirurgus cum ferra-  
mentis, ut crus tabidum refecaret, sanum  
illud, pulchrum, ac nitidum reperit; non  
sine ingenti omnium admiratione. Ora-  
uerat nempe Dominicus Virginem Geni-  
tricem, quæ mox vocata summum illi pe-  
riculum vertit in gaudium. Alio quoque  
tempore, cum oculum vehementer læsum  
haberet, & ipsam Christi Matrem pro an-  
tidoto precaretur, illa nihil morata, ocu-  
lum illi sanum nitidumque restituit. Vi-  
ce quadam cum per ignorantiam vene-  
num hausisset, & vitæ periculum immi-  
neret, orauit suam promptissimam mise-  
ratricem, & dicto citius est liberatus. Est

VIDE  
NOTAS.

390 CHRON. CARTUSIEN.  
tris, in quo longè (vt fertur) præclariora  
narrantur, quemque ego non vidi, itaque  
ideo vltra scribere non potui.

CAPVT V.

DE INSIGNI VIRO, AC LITERA-  
rum monumentis clario, P. Bartholomæo, Visitato-  
re Prouinciæ Rheni, ac domus Ruremunda-  
næ olim Priore.

NON oportuit præterire honorabilem  
domus Bethleem in Ruremunda Pri-  
orem Dominum Bartholomæum, sacrae  
Theologiæ acutissimum interpretem &  
Professorem, virum egregijs ornatum mo-  
ribus, & in Regulari disciplina apprimè  
exercitatū. Erat enim suæ Prouinciæ cla-  
rum sydus, radios spargens virtutum &  
scientiarum, omnibus suis humanus &  
mansuetus, zelator tamen sacri Ordinis, &  
sui corporis domitor inexorabilis. Huius  
boni odoris fama Reuerendum attigerat  
Cartusiæ Patrem Generalem, atq; ideo  
eum ad Capitulum commune fuetus est e-  
uocare. Ille verò tanti itineris laborē ag-  
grediens, (distat enim à Sabaudia, in qua  
domus Maioris Cartusiæ est; ducentis mi-  
liaribus Gelriæ Ducatus) non equo vehe-  
batur aut asino; sed castigandæ carnis cau-  
sa, per tot viarum anfractus, per altos &  
molestissimos montes, pedibus suis iter  
conficiebat. Quem venientem, vt Dei An-  
gelum

*Pedes aliquo-  
ties ad Capitu-  
lum Generale  
sefe contulit.*

gelum Pater Reuerēdus excipiebat, quem  
 & vniuersi Patres, illic congregati, vt sin-  
 gulare Ordinis lumen intuebantur, cui &  
 disponendarum rerum Capituli magna  
 authoritas impendebat. Hic (vti Bostius  
 Carmelita scribit) authorum approbatio-  
 rum libros multos & varios scrutatus est,  
 quos ad medullam sagax cognitor intro-  
 spexit, & optima sibi cupidè delegens, ma-  
 gnum & pretiosum doctrinæ thesaurum  
 posteris dereliquit. Conscripsit insigne o-  
 pus acri cura & diligentia de Orationis  
 Deuotionisq; exercitio, vbi mira occurrit  
 sententiarum pulchritudo, & stillantium  
 medicina verborum. Scripsit & Vitiorum  
 Summam, dignam nulla posteritate dele-  
 ri: in qua non minus vtilis, quàm subtilis  
 fuisse scriptor agnoscitur. Tractatum in-  
 super de esu carniū, Monachis secūdum  
 Regulam S. Benedicti professis interdi-  
 ctam. De Proclamationibus Capitulari-  
 bus. De iudicijs temerarijs. De iuramento  
 & Voto. Hos Tractatus, cæterosq; toti-  
 dem respectant laudes, quot suum autho-  
 rem nobilitauere virtutes. Obijt quàm de-  
 uotissimè, Anno millesimo, quadringen-  
 tesimo, quadagesimo sexto, quarto Idus  
 Iulij odoriferæ doctrinæ fragrantia longè  
 lateq; diffusa, sepultus in domo Ordinis  
 Colonix Agrippinæ.

VIDE  
NOTAS.

Obijt Colonix,  
ibi q; hu-  
matum est.

## DE PATRE DIONYSIO RICKELIO,

*eiusdem Cartusia alumno, eiusq; scriptis ac  
reuelationibus.*

**S**Vb hoc Patre Bartholomæo Dionysio usà Rickel claruit in eadem domo Ruermundensi, vir magnarum opum spiritualium: quem cum exuberante sapientia præclara decorabant ornamenta virtutum. Erat enim sublimium rerum arduus contemplator, diuersorum librorum locuples scriptor; vt meritò magno illi Dionysio Areopagitæ fuerit comparandus. Erat in otio negotiosus, & in negotio otiosus; & in vtroque admodum fructuosus. Supra modum rerum contemptor caducarum, & maximus, etiam dum necessitas illum cogebat, pecuniarum aspernator. In otio suo, quod toti Ecclesiæ Christianæ negotiosum fecit, scripsit libros penè innumerabiles, in quibus suam abundè scientiâ inclarescere fecit. Verùm quia hi libri proprium syntagma desiderant, suo eos loco enarrabimus. Hic, licet in dies plura conscriberet, erat tamen altissima sæpe contemplatione suspensus, nec minus orationi & animarum saluti vir Deo plenus inuigilabat. Erat illi pro tota Matre Ecclesia sollicitudo mordens & frequens; hincque Deo supplicem se agebat,

&amp;

**VIDE  
NOTAS.**



& assiduo precabatur affectu. Habebat, ut scriptum reperi, reuelationes crebro diuinas, & has etiam arduissimas.

## CAPVT VII.

## PRIMA REVELATIO FACTA PATRI DIONYSIO.

**I**N sacro Hypopantis Festo, quod nos Purificationis B. Mariæ Virginis dicimus, fuit hic pius Pater Dionysius tempore Missæ sub aspectu omnium fratrum in choro extra se raptus ad superna, quod illi satis familiare noscitur fuisse. Est autem in spiritu eleuatus ad contuitum super benedictæ & altissimæ Trinitatis, ad contuitum increatæ & incircumscriptibilis lucis, quantum intueri potuit mortalis, & cito recidentis hominis infirmitas. Cumque in ipsam diuinam claritudinem obtutus infingeret, ad præcationes deuotissimas se conuertit, volens supernæ clementiæ Ecclesiam suam conciliare militantem, suisque eam precibus in sui miseratoris gratiam reuocare. Cui Deus ita respondit. **DEVS:** Quid tu, ô fili, pro Ecclesia mea requiris? **DION.** Requiro, mitissime miserator, ut de superno cælorum habitaculo sponsam tuam Ecclesiam respicere digneris, respectam in melius reformare, reformatam de vastantium manibus erueret, erutam verò ad antiquum gratiæ tuæ

*Conuentualis.*

*Hinc fuit Desor extasi- cui nominatus.*

*Colloquium Dionysij cum diuina Matre.*

munus reducere. **DEVS** : Ecclesia penè vniuersa à me recessit, adulterinis amoribus occupata, & vsque adeo deformis effecta, vt à planta pedis vsque ad verticem non sit in ea sanitas, scissuris, plagis, & vlceribus plena. Sunt tamen in ea non paucæ, bonæ, & catholicæ animæ. **DION.** A Patre misericordiarum misericordiā petimus, non iustitiam, mi Domine Deus. Duplicem quippe nobis viam constitui veniendi ad te: quarum vna misericordix est, iustitiæ altera. Quæso ergo te, misericordissime Deus, age nobiscum secundum innumeram multitudinem misericordiarum tuarum. **DEVS** : Et vis tu, vt scelera tanta, tamque enormia, multa remittam, & totum misericordix tribuam, iustitiæ autem nihil? Non vis me agere iuxta Ordinem meæ sapientiæ? Legistine quòd *honor Regis iudicium diligit*? **DIO.** Peto te, omnium mansuetissime, vt in miserationibus tuis præuenias nos, & corda tibi rebellia corrigas, emollias, & conuertas ad te. Maior est enim in immensum bonitas tua, Domine, quam sit peruersitas prauitatis humanæ. *Non nobis Domine, non nobis, sed nomini tuo da gloriam, neq; retribuas nobis secundum iniquitates nostras.* **DEVS** : Licet absolute omnia possim, iuxta tamen sapientiæ meæ censurâ omnia ago, & in cunctis operibus

ribus meis iustitiā meā misericordia mea contēpero. Nā & eam ego maximā misericordiā esse statui, quando per increpationes & flagella rebellium dura hominum corda visito in præsenti vita, ea sic admonens, & ad me conuertēs. Supra adamantē indurata sunt mortaliū corda, nec possunt innumeris meis beneficijs aliquatenus emolli-ri. Diu sustinui, diu patiens fui, crebrò vos de cōuersione admonui, & hæc quæ nunc imminet aduersa, prædixi. Verū quia nulla est emēdatio cōsecuta, necesse est, vt adamantina corda duris aduersitatibus exagitet, vt vel tandē *vexatio det intellectū auditui.* *Esa. 28. 29.*

**DION.** Si nos omnino, ô pietissime Deus, miseratione tua digni nō sumus, parce saltem nomini tuo magno, parce locis tibi sacratis. Ecce Ecclesiæ tuæ plurimæ iā destructæ sunt, altaria suffossa, loca sanctorū prophanata. Heu, Christi Filij tui Sacramenta, & vasa sacra impijsimè cōculcata sunt, & Religio Christiana per Paganos perfidosq; blasphematur. **DEVS:** Tu doles, tu quereris, quòd ea templa & altaria prophanantur, quæ de lignis sunt lapidibusque constructa, quòd vasa ex auro & ære conculantur, & non doles, quòd templa, in quibus ego per fidem & amorem inhabitare consueui, & animarū electionis vasa, ab inuisibili hoste atq; extermina-

tore

tores tam crudeliter & impiè commaculantur, & violantur? Nonne summa in ijs malis mihi iniuria fit? Sed miraris forsitan, cur animas ad meam imaginem factas, Christi mei sanguine emptas, iustitia exigente permitto ab hostibus suis conculcari. Mirare potius, quòd homines sua sponte sese subdunt suis aduersarijs constupratos, in iniuriam mei honoris, in exitium suæ sempiternæ salutis. **D I O N.** Benignissime Deus, aspice, precor, quòd in ijs persecutionibus, à perfidis suscitatis, multi simplices, &, vt ita dixerim, innocentes lachrymoso nimis exitio opprimuntur, ac trucidantur. Conspice, quòd & cultus tuus imminuitur, quòd ea loca vbi Christiana Religio solita est pullulare, & robusto amore vigere, modò in delubra sunt conuersa, vbi & Mahometi in posteris figmenta coluntur. Hoc pacto videtur bestia spurcissima agno, vti ante prophetatum est, quodam modo præualere. **D E V S;** Hæc innocentum simplicitatem, de qua tu loqueris, mea noui sapientia optimè ordinare, & per temporalia, quæ patiuntur, mala, æternis inferere delicijs. Ego vsque adeo bonus & sapiens sum Deus, quòd mala omnia à perfidis illata, nunquam ipse fieri permetterem, nisi scirem maxima ex ijs colligere bona. Quanto igitur mala

hæc

*Ex malis nostris nouit  
Deus etiam  
bona elicere.*

hæc grauiora videntur, quantoq; tempora videntur obscuriora, eò propinquius maiora bona expectes, & tempora longè gratissima. Nunquam ego hæc mala permitterem, nisi horum causa Ecclesiam vellem erigere meam. Sicuti & tu cernis ad extremam quandam deformitatem, & ruinam penè irreparabilem, nequitia suæ magnitudine peruenit, nec facili disciplina, nec leui poterit adnimaduersione purgari. Qui enim in Ecclesia mea optimi esse debuerunt, pessimi facti sunt. Ab ijs, remoto omni rubore, nomen meum multo atrocius blasphematur, qui tamen fideles se vocitant, quàm qui nomen meum palam impugnant. **D I O N.** Nemo est, mi Domine Deus, qui tuæ possit sapientiæ respondere. Nosse tamen desidero ego puluis & cinis, an perfidi Turci Romanam sint urbem sanctam expugnaturi, an, & Christiani Principes sint aduersum illos pugnaturi, vincendi que sint ab impijs, an verò illos superaturi. Hic frater Dionysius profundum quoddam occultumque iudicium intellexit, quod non putauit tutò propalandum. Secretum enim Regis occulere, bonum est. Hinc ardentissima prece conuersus ad Dominum pro Reipublicæ bono, proque vniuersa militante Ecclesia, supplicem se agens exorabat. Et  
tunc

tunc vidit in spiritu totam Ecclesiam triumphantem flexis poplitibus diuinā precibus velle flectere Maiestatem, velle succensam Dei iram mitigare, velle Dei manum, quam ad percutiendum extentam tenebat, premere, ac retinere. Hæc agens triumphans Ecclesia, parum profecit, cui hoc solum verbum à Maiestate responsum est: *Iuxta mensuram penitentia, quam perspexero à peccante Ecclesia fieri, erit imminantium malorum persecutionumq; mensura.* Ex hoc Dionysius aliquid consolationis accipiens, confortatus clamauit in spiritu: Igitur, mi Domine Deus, dabimus operā errata corrigere, & actus nostros in melius, mentesque formare. Sūmus Pontifex, Cardinales, Episcopi, Prælati oēs cū suis subditis, conuersis ad te cordibus, se corrigent, emendabuntq;. Cui Deus: *Dico tibi: Etsi hoc ipsi firmam mihi sponsione promittāt; etiam si in meo nomine iurauerint, & dixerint: Viuit Dominus, hoc ipsum falsò iurabunt.* Dionysius hoc Dei verbum diffusius intelligens, quā nobis propalare voluerit, conseruatus animo, sensit quòd inciperet ad se reuerti, sibiq; ipsi dimitti. In hoc itaq; articulo constitutus, repente clamauit ad Dominū sic: *Et in quo, o Deus omnium suauissime, in quo igitur stat conclusio & summa precū mearum, tuarumq; miserationum?* Cui Deus: *Iuxta (inquit) emendationū vestra-*  
rum



*sum mensuram erat & mearum mensura miserationū, mensuraq; flagellorū.* Hoc dicto, visio ipsa terminata est, qua Deus altissimus & immensus cum vili puluisculo, (vti ipse scribit,) cum extremæ fecis vermiculo, cū impuro vasculo, & colloqui dignatus est, & respondere. Hanc visionem videtur habuisse, quando magnus Turcorū Imperator inclytā Constantinopolim strauit, quādo subacta Græcia, fidē Christi penē totā extinxit, quādo Ecclesias, Monasteriaque innumera subruit, quādo Christianorū infinitā multitudinem aut occidit, aut iugo miseræ captiuitatis addixit. At Pater Dionysius cū hanc reuelationē habuisset, dolens ex intimis medullis amoris Ecclesiæ sanctæ ruinam, scripsit epistolas plurimas ad Principes, ad Magnates, ad summos Ecclesiæ Rectores, vt sese corrigerent, collectaque militari manu Ecclesiæ iniuriam vindicarent, sed parum, eheu, monita profuerunt; singulis suis rebus, suisq; delicijs occupatis.

*VIDE  
NOTAS.*

*Impressa sunt  
hæ epistolæ.*

## CAP. VIII.

## ALIA REVELATIO FACTA

*eidem.*

**V** I D E N S D E U S indeuota & ingrata Principum & Prælatorum pectora non moueri, nec corruentis fidei dolere dispendia, in ipsa Dominica Passionis, Deus

*Dionysius rursus Deum precatur pro Ecclesia sua*

Deus animam Dionysij serui sui, cum staret in choro sub sacro, (aspicientibus cunctis fratribus) ad se attraxit à sensibilibus & suo eam dignatus est fociare colloquio. Dionysius igitur cernens Dei ad se dignationem, cum charitatis visceribus abundaret, pro communi Ecclesiæ bono Deum deprecatus est, dicens: *Quæso te, super misericordissime hominum miserator Deus, quousque repellis nos, nec pateris nos inuenire desideratam & multis postulatam precibus misericordiam committente? Quare oculos tuos auertis, & non respicis clades, oppressiones, ruinas Ecclesiæ sponsæ tuæ, nec preces audire dignaris seruorum tuorum? Ecce mala in nos pessima surgunt, augentur, inualescunt assidue, & tu taces, & non exurgis, nec misereris? Ecclesiasticus Ordo omnis subuertitur, & dies videntur imminere mali, de quibus iam dudum rumor insonuit. Auditum est, quod gementem conqueror, magnis aduersitatibus Ecclesiam premit, & supra vires tribulationum ponderi fatigari interru aliquibus, & vereor ne hæc sint multarum præambula calamitatum. Cui Dominus: Quæ de malorum imminentium rumoribus audisti, hæc ita se habent in veritate. Et Dionysius: Et quid facies Domine Deus magno nomini tuo? Nunquid continebis in ira tua misericordias tuas? Respondit Dominus: Ego viam misericordiæ meæ pœnitentibus non occludo, sed, ut tibi dudum*

dum protestatus sum, in visione cōsimili, secundum mensuram vestræ emendationis, erit & plagarum, vel miserationum modus. Reuelationem illā tibi factam ubiq; tu promulgasti, quā etiam Romano Pontifici intinuaisti, sed quæ inde est emendatio consecuta? Nonne tu ipse apud te dicere soles, multò esse melius, gentem peccatricem & deformatissimam plebem Ecclesiæ per temporales clades fatigari, deprimi, spoliari, quā in sua pessima vita (quam constat morte esse deteriore) nequiter prosperari, obdurari, in scelere, & sine fræno impunè peccare? Ad hoc Dionysius: Nil verius dici potest, Domine Deus. Sed reforma tu, quæso, per temetipsum, perq; tuos, Ecclesiæ tuæ deformitatem, & non per maiestatis tuæ sæuissimos inimicos. Hi enim dum Christianum populum affligunt, te grauitè offendunt, Cui Dominus: Nonne tibi æquum iustūque videtur, vt moderatio mea, quæ omnia regit ac temperat, Ecclesiam deformē ac delinquentem, castigandam reformatandamque per cruentissimos hostes meos committam, quandoquidem hi eam non reformatant, qui eam ex officio reformare debuerant? Ad quem Dionysius: Etiam Domine Deus omnipotens, in cuius ditione cuncta sunt posita. Nos certissimè sci-

Cc

mus,

Iov. 33. 14.

mus, quod incomprehensibilis providentia tua nihil unquam fieri permittit, nisi ex iusta & rationabili causa, per quam & communia, & amplissima bona elicias. Sed, quæso te, ô suavisime Deus, dic mihi tuo pulveri, quid in tantis malis Christiano populo, quid Clero faciendum sit. Respondit Dominus: *Quid quæris à me, quod ex Scripturis sufficienter agnoscis? Nonne semel loquitur Deus, & secundò id ipsum non repetit?* Hoc verbo suscepto, Dionysius introrsum conuersus, inuenit se subitò in regionem serenissimæ lucis trāspositum, in qua alta cordis voce sine verborum strepitu clamauit ad verè absconditum & incomprehensibilem Deum: O lux immensa, ô lumen æternum: In te ipso lux es & regio lucis, in qua dilecti tui suauiter conquiescunt, obdormiunt, soporantur. Tu amplissima & impermeabilis heremus, in qua mens verè deuota, & à priuato amore integrè reformata, & supernis illustrata fulgoribus, inerrabiliter errat, & indeuialiter deuiat, in qua & feliciter deficit, & deficiendo fortiter conualescit. Neque enim in te principium inuenit, neque finem, sed omnimodum incomprehensæ profunditatis Oceanum. Te splendidissimo totius sapientiæ fonte humanam mentem illustrante, repente veritas inno-

innōtescit. Hac luce tuo munere illustratus, nunc cerno Domine, quid nobis miseris agendum sit. Videlicet, ut quisque fidelium iuxta vocationis suæ exigentiam tibi deferuire, sese reformare, & tuum formidatum tribunal pertimescere meditetur. Hęc dum diceret, nolens eum Deus dimittere inconsolatum, ostendit ei sponsam Ecclesiam suam, qualis post futura esset, integrè splendidam, ac reformatam. Vidit nempe spiritalem eius decorem designari per pulcherrimum eius ac preciosissimū vestimentum, indicibili arte & colorum varietate distinctum, iuxta illud: *Assistit regina à dextris tuis, in vestitu de aurato, circumdata varietate.* Itemque. *Myrrha, & gutta, & ca.* *Psal. 44. 10. Ibid.* *fia à vestimentis tuis, à domibus eburneis.* Audiuit præterea hic Dei seruus in hac ipsa abstractione, viditque quæ non licet homini loqui. Et reuera nec ista (ut ipse in suis scriptis fatetur) sine grandi protulit rubore. Non enim (ait) *mentis secreta pandenda sunt, nisi exegerit id magnitudo causa aut bonum commune efflagitauerit.*

## CAPVT IX.

## ALIA EIVSDEM REVELATIO.

**D**ominica post Octavas Paschæ tertia,  
Cc 2 cele-

celebrante Primitias suas nouello quodā Sacerdote Monacho, cū hic Dei famulus cum fratribus staret in choro, solita puritate deuotus, facta est super eum manus Domini, & traductus est à sensibus in spiritu æstuans ardore charitatis, intrinsecus mentaliter Deum, fontem immensæ pietatis deprecationibus pulsās, pro Christianorum Principum pacificatione concordiaque. Audierat enim grauem imminere conflictum inter præcipuos Christianæ fidei Reges, Principes, ac Magnates, atque ideo ijs vocibus cœpit Altissimum deprecari. Vtiquequo non misereberis Ecclesiæ tuæ, suauissime omnium miserator? Quare non succurris, non auxiliaris, sed permittis sponsam tuam conculcari pedibus impiorum? Ecce Principes populi tui, qui deberent fidem tuam defendere, aduersarios expugnare, Ecclesiæ tuæ terminos & cultum Christianæ plebis augere, ecce nunc pugnas contra se mutuo componunt, & grauibus se prælijs atterere moliuntur. Heu, mi Domine Deus, quæ strages inde sequetur? Nonne populus tuus Christianus vnus & cōfœderatus populus esse debuerat ad impugnandum vnanimiter Christianæ fidei inimicos? At nunc quid tam prauum, tam peruersum, tam periculo plenum, quàm exercitus discordi



scordi inter se diuisione compugnans?  
 Nunc gaudent magnificè perfidi omnes  
 Turci, Pagani, Sarraceni, hostes Euangeli-  
 cæ Legis, dum tam turpe & grande malum  
 in populo experiuntur Christiano. Nunc  
 horum malitia audaciam sumit, nunc se  
 iactitant facilè fore victores, nostram in-  
 sapientiam aspernantes, atque ostentui ha-  
 bentes. Cumque his questibus, alijsq; non-  
 nullis diuinas aures commoueret, audit si-  
 bi à Domino responderi: Certè nunc vi-  
 des magnam Principum populi mei in-  
 gratitudinem, qui pro modica terrenæ  
 hæreditatis substantia, corda & arma exa-  
 cuunt in semetipsos, cum tamen possent,  
 si vellent, per aliam viam longè facilius  
 ad concordiam perducì Zelant ipsi graui-  
 ter, & belligerant pro terris suis, sed pro  
 recuperanda hæreditate mea electa, pro  
 Terra nimirum Sancta, in qua humanæ  
 redemptionis mysteria compleui, nullo  
 zelo accenduntur. Ipsi lasciuiunt in stratis  
 suis, longos captant somnos, quasi iam pa-  
 cata sint omnia. Non compatiuntur fra-  
 tribus suis, qui ab infidelibus opprimun-  
 tur, nec horum calamitatibus misferentur.  
 Nunquid hi dolent vicem meam, aut reg-  
 nat in eis amor meus? Non vtique. Regnat  
 verò in eis amor priuatus, qui improbus  
 & reprobus est; ex quo mala innumera o-

riūtur, nempe inquietudo, ambitio, insatiabilis vorago cupiditatis, fœda & adulterina carnalitas, & inhumana belluinaq; crudelitas. Ecce tales sunt hi principes mei, horum etiā tales sunt ministri. Idcirco citò & horrendè apparebo eis, & iudicium durissimum exercebo in eos in quibus cum senio corporis iuuenescunt scelera carnis, & vitia cordis. Nunquid ego per tales expugnabo incredulos, qui sunt ipsis incredulis longè deteriores? Vt sunt mores, sic sunt & eorum vestes. Idcirco nisi ocyus resipiscant, arguam eos in furore, & iustitiæ zelo; & quos altaribus dignitatibus extuli, hos profundioribus supplicijs tribuam cruciandos. Talibus comminationibus pauefactus Dionysius, ait ad Dominum: O clementissime Christe Iesu, ô Verbum æternum propter nos incarnatum, propter nos & crucifixum, parce, obsecro, ignosce, ac subueni plebi tuæ. Præueni, & tange corda nostra, quamuis dura sint & nimium obtenebrata, vt quæramus, ac sapiamus quæ tua sunt. Hoc pacto vnanimis resistemus hostib. honoris tui, hostibus acerrimis salutis nostræ. At hæc super-nus Iudex Deus ait: Qui semel loquitur, in Scripturis sanctis suam aperit voluntatē. Quid igitur vis tibi respōdeā? Cōsule libros diuinos, Scripturas scrutare cælestes. Audi matrē tuam Ecclesiam, sponsam

meam : quæ in se habet inhabitantem spiritum meum, qui omnem docet & suggerit veritatem.

## CAPVT X.

## INTRODVCTVR IAM IPSA S.

*Mater Ecclesia, suam exponens cum fletu querimoniam.*

**T**Vnc repente quasi ex persona Ecclesiæ insonuit vox ad interiores aures fratris Dionysij, in hæc verba : Audi (inquit) fili mi, audi charæ parentis tuæ voces, questus, & lachrymas. Audi singultus meos, & lamenta tuæ concipe Genitricis. Nam vis immensa me penetrat doloris, & lumbi mei replentur amaritudine. Nonne compassionis dolor sæpe longè præcellit passionis angustias, sicut in spòso meo CHRISTO palam patuit crucifixo. Quibus me putas doloribus affligi, immò verius absorberi, dum recolo qualis olim fuerim, & qualis iam facta sum? Olim fueram sublimis, præpotens, inclyta, gloriosa, diuinis affluens muneribus, diuinis charismatibus decorata. Olim toto regnabam Orbe terrarum, longè latequè ad dextram & ad sinistram penetrans. Olim sanctis Pastoribus, ac Prælatiis apprimè gloriabar, gaudebam virtuosis strenuisq; Principibus, per quos de meis aduersarijs triumphabam. Olim turmis innumeris

corusca fulgebam vtriusque sexus Religio-  
sarum plebium. Olim Collegijs pluri-  
mis, & personis in sacris Ordinibus con-  
stitutis gratulabar, qui omnes in Dei ti-  
more, regularique obseruantia conuersa-  
bantur. Horum omnium sancta religione  
& fida conuersatione plebes meæ Catho-  
licæ & ædificabantur, & regebantur;  
infideles ad Christum conuertebantur, &  
mihi meisq; visceribus incorporabantur.  
Olim quatuor sacri Ordines (quos Men-  
dicantes vocant) me in suis lætificabant o-  
peribus, & plurimum venustabant. In ijs  
erant viri eruditi, feruidi, struendi, timo-  
rati, exemplariter regulariterque viuen-  
tes, per quos fructus dabam saluberrimos,  
ad conuersionem, ad prouectum, & ad be-  
atitudinem plurimorū. At nunc (heu) om-  
nia deformata, omnia collapsa & subuer-  
sa sunt. Obscuratum est aurum, mutatus  
est color optimus. Ego quondā opulenta,  
repente contrita sum. Ego quondam pul-  
chra, splendida, generosa; nunc deformis,  
squalida, ægra, hispida, lacerata, conculca-  
ta, & detrita sum. Quæ quondam imperi-  
osa regnabam, nunc ad vnum Occidentis  
angulum compressa, & coarctata delitesc-  
co. Nec sufficit hostibus meis hæc mea  
paupertas, angustia, & calamitas, quam  
perpetior, sed ex hoc quoque me angulo  
pelle-

pellere volunt, & me penitus de terra delere. Iam quatuor Patriarchales Sedes perdidisti misera, insuper perfidi hostes mei Romanam Urbem & Cathedram præripere, & euertere moluntur. Ad hæc mala vulnus mihi intolerabile & inexpressibilis dolor accedit: dum video in ijs cladibus meis, filios meos ad se inuicem acriter inflammari, pertinaciter inter se configere, suæque discordia aduersariorum meorum vires augere, in meam diminutionem, conculcationem. & cladem. At nunc, præuicinatores filij redite ad cor, audite me vestram genitricem, acquiescite, resipiscite. Ignoscite vobis, & in mutuam pacem, fœderaq; iungite & causas irarum vestrarum ad Romani Pontificis examen iudiciumque componite. Cur quæso me matrem vestram in filiis persequimini, cur proximos vestros igne & gladio deuastare, egenos opprimere, & inuicem trucidare contenditis? Pœniteat obsecro errasse vos, & cordis dolore commoti reconciliamini Christo. Compassio & commiseratio vos teneat super concussione & afflictione fratrum vestrorum, quos cruentissimi hostes mei gladio, fame, captiuitate & tributis excrutiant. Horum filios abstractos, & sacrilega fœtidæ legis suæ eruditione per doctos, ad sectam perditif-

fimi pertrahunt Mahometi. Hæc dicens mater Ecclesia, lachrymis singultibusque intercepta, subticuit. Stabat verò interim vir Dei intentissima aure lamenta suæ matris concipiens, & ei ex intimis animi medullis, vti bonus Ecclesiæ filius cõpatiens: cùm tandem ad se reuersus, non sine ingenti mœrore quæ audierat, secum tacitus memorabat, nec sese poterat à lachrymis tẽperare. Cui etiam præ corporis debilitate, quæ illi ex magnarum rerum ostensione obuenerat & præ compunctionis gemituumque magnitudine, cibus omnis reddebatur insipidus.

## CAP. XI.

## DIONYSIVS AUDITA SUPERIORI

*S. Ecclesiæ querimonia, scriptis hortatur*

*Prelatos ac Principes, quatenus opem  
afflicta matri ferant.*

**H**IS visionibus à DEO perceptis, sanctus P. Dionysius scribens sublimioribus potestatibus, Principibus & Prælatiis, hortabatur tum minis, tum precibus vt ocyus à prauis se reuocent operibus, vt se castigent, reforment, Deo se concilient, ne imminentibus flagellis ac cladibus cõterantur; imino verò, ne æternis citò supplicijs deputentur. Brevis, inquit, est vita præsens, & arcta est via quæ ducit ad vitam.



vitam. Nisi igitur conuersi fueritis, gladium suum vibrabit Iudex æternus. Arcum suum tetendit & parauit illum. Parauit in eo vasa mortis sagittas suas ardentibus effecit. Et quod in Euangelio Saluator ait, *Nisi pœnitentiam fieritis, omnes simul peribitis.* *Psal. 7. 13.*  
 Et quod sanctificatus in vtero clamat *Luc. 13. 5.*  
 Hieremias. *Ecce turbo Dominicæ indignationis egredietur, & tempestas erumpens super caput impiorum veniet. Non reuertetur furor Domini vsq; dum faciat & compleat cogitationes cordis sui dabitq; impios in vexationē, in maledictum,* *Iere. 23. 19.*  
*in stuporem ac sibilum & opprobrium sempiternum eo quod non audierint verba Dei, nec præcepta eius impleuerint.* *Ibi. vers. 40.* Et illud Micheæ Prophetæ, formidolosa mente pensamus citius adfuturum: *Ecce, ait Dominus, ego cogito mala super familiam istam; de quo non auferatis colla vestra, & non ambulabitis superbè, eo quod tempus pessimum est.* *Micb. 2. 3.*  
 Hæc & plura id genus Dionysius scribens, hortabatur Magnates, & Ecclesiæ Rectores, vt suæ afflictissimæ Matri subuenire aduersus Turcas, & Christianæ fidei pessimos hostes, qui grandem quotidie stragem edebant in populo Christiano, qui igne & gladio Prouincias depopulabantur, & regna, qui Ecclesias sacras, & vasa sacra prophanebant, & instar inundantis aquæ Christianum sanguinem effundebant. Sed Reges & Prin-

Principes occidentis huius, nec ad sanctas  
 adhortationes, nec ad clades euersionesq;  
 suorum fratrum vlla cōmiseratione mo-  
 uebantur, vtpote duri, rigidi, obstinati,  
 paucissimis tamen Principibus exceptis,  
 qui hortabantur Summum Pontificem,  
 perfidorum vesanijs resistendum, prius  
 tamen summa ope atq; industria Ecclesi-  
 am reformandam esse; sed hæc adhortati-  
 ones nihil promouere potuerunt.

## CAPVT XII.

**APOLOGIA, SEV EXCVSATIO, CVR**  
*Dionysius reuelationem hanc sibi soli factam,*  
*ad aliorum peruenire notitiam ve-*  
*luerit.*

**E**RVNT forsan aliqui, qui hunc pium  
 patrem reprehendant, quod reuelati-  
 ones sibi factas non absconderit, quodque  
 eas non seorsum clām, sed palām sub aspe-  
 ctum multorum acceperit, cum scriptum  
 sit; *Secretum Regis abscondere bonum est.* Et in  
 Esaia, *Secretum meum mihi, secretum meum*  
*mihi.* Reuelationes quoque diuinæ, & se-  
 creta mysteria solent vt plurimum seruis  
 Dei non in conspectu hominum aut in  
 præsentia plurimorum reuelari, sed seor-  
 sum in solitudine vel diuersorio. Hinc ait  
 Dominus ad Ezechielem Prophetam; *Ec-*  
*grede in campum, & ibi loquar ad te.* Ad has  
 obiectiones Dionysius humiliter ita re-  
 spon-

Tob. 12. 7.

Esa. 24. 16.

Ezech. 3. 21.

spondet: Reuelatio secretorum ad dona  
 pertinet, gratiæ gratis datæ, ideo ad com-  
 mune & publicum bonum ordinantur.  
 Quæ si occultentur, id vergit in commu-  
 nis boni detrimentum. Hinc horum ma-  
 nifestatio non vanitati, sed charitati (mo-  
 dò oculus sinistram deponas) tribuenda  
 est. Fateor tamen, quod non sine grandi  
 rubore ista propalauerim quia mentis se-  
 creta pandi non debent, nisi dum ingens  
 bonum ex his elici, aut grande malum va-  
 leat euitari. Enimuero ego meæ mihi cō-  
 scijs infirmitatis, ego vir videns pauper-  
 tatem meam & occultum Dei iudicium  
 expauescens, optabam vt hæc ipsam Deus  
 gloriæ reuelaret alijs, qui reuera multò  
 me sunt & sanctiores, & meliores. At nunc  
 nemo est, qui Dei resistat voluntati, cui in-  
 promptu est sua vti creatura ad suæ arbi-  
 trium voluntatis. *Va ergo illi, qui contradicit* *Isa. 45. 9.*  
*factori suo.* Et quamuis secreta Dei soleant  
 interdum seorsum clam Dei seruis aperi-  
 ri, nemo tamen neget (qui libros nouit  
 Prophetarum) sæpè in propatulo occulta  
 & incerta sapientiæ Dei illis reuelata fuis-  
 se, vt eis à plebe Dei citius certiusque cre-  
 datur, atq; dum iram Iudicis audiunt im-  
 minere, territi resipiscant, & ab amentis  
 animum reuocent.

ALIA QVAEDAM REVELATIO, EIDEM P. Dionysio cœlitus facta; ne scilicet Arnoldus Geldria Dux, bellum suo faceretur filio, eumque praelo laceraret.

**A**RNOLDVS Dux Geldriæ disponens mouere bellum in Adolphum filium sibi rebellem, priusquam vterque est captiuitati addictus, deprecatus est Patrem Dionysium, vt mediatorem se obijceret ante Deum ne tanta mala ipse fieri permetteret. Orauit Dionysius, & quod sibi fuerat reuelatum aperuit, scribens ducibus vtrisque sic.

*Epistola Dionysii ad Ducem Geldriae eiusque filium.*

Illustribus & spectatissimis principibus F. Dionysius Cartusienis in Domino pacem & salutem. Rumores tristes quos in profesto Epiphania Domini à nuncio percepi, mentem meam prostratam vehementius affluerunt. Hinc toto corde ad misericordem Dominum confugi, & fuis lachrymis ipsum sum per viscera sua deprecatus, vt sua incomparabili pietate (licet id scelera nostra non mereantur) imminenti a terra Geldrensi pericula, dignetur auertere, & in malis tam grandibus ocyus subuenire. Et ecce Pater misericordiarum, & totius consolationis suauissimus Deus, qui nunquam corda contrita contemnit, & suas cum lachrymis preces, amoris semper exaudit, me indignissimum hominem hac nocte per suum Angelum piissime visitauit, & de multis me dignanter instruxit. Amen

stitit enim mihi sanctus Dei Angelus, & ostendit  
 mihi populi terrae huius scelera atque Magnatum  
 Prælatorumque transgressiones, susurros etiam  
 maligni hostis, qui per mille aditus artes nocendi  
 inquirir, ut totam hanc terram inquietet, concu-  
 cet, depopuletur. Et iusto Dei iudicio terra hæc  
 dabitur in manus impij, nisi operibus pœnitentia  
 & pietatis studueritis vindicem Dei manu fle-  
 dere, & mitigare. Pater in filium, & filius insur-  
 git in patrem, & omnia sunt litibus & discordijs  
 plena. Nescitis quia omne regnum in se diuisum Math. 12. 25.  
 desolabitur? Nescitis quod sicut res parue con-  
 cordijs crescunt, ita & res magna discordijs di-  
 labuntur? Quantò inter principem patrem, & su-  
 um filium est concordia ipsa præclarior tantò dis-  
 cordia foedior esse noscitur, turpior, periculosior,  
 exitiabilior. Audite igitur & principes voluntatem  
 Dei vestri. Hortatur enim vos per me peccato-  
 rem Deus miserator, qui mortem non querit ho-  
 minis peccatoris, hortatur inquam vos & popu-  
 lum subiectum vobis, ut sine mora pœniteamini,  
 ut auertat se quisque à via sua stercrata & ab ini-  
 quitate, quæ est in manibus eius, condignos agen-  
 do pœnitentia fructus. Pacis fœdera ineat cum fi-  
 lii pater. Quod si per tractatus aliquos pax non  
 statim arriserit, ne desperetis quia adiutore Deo  
 brevi tempore pacem videbitis adesse. Interea  
 per totam patriam hanc nostram in Collegijs, in  
 monasterijs in cunctis denique congregationibus  
 sanctis instituantur orationes, celebrationes, pie-  
 tatis

ratus & pœnitentiæ exercitationes. Instituantur  
 et per temporum interualla solennes processiones  
 cū ieiunjs, lachrymis & disciplinis: quibus humi-  
 les & cōtriti, prouocemus ad miserendū indulgen-  
 tiam Dei. Placatur enim Deus contriti cordis sa-  
 crificio. Et nunc serenissimi Duces, hunc Dei no-  
 stri ad vos sermonem, hanc nostræ paruitatis ex-  
 hortationē prona & benigna mēte suscipite: Su-  
 scipite, inquam, hoc nostrum verbum, sicut est ve-  
 rē verbum Dei, nec per quem, sed à quo vobis  
 transmittatur. Nolite mirari si Deus p̃ssimus ad  
 me seruulum suum loqui dignatus sit, cum in Iob  
 ita scribatur: In nocturna visione aperit au-  
 res virorum Deus, & erudiens eos instruit  
 disciplina, vt auertat hominem ab ijs quæ  
 fecit, hoc est, à scelerata nequitia, quam commi-  
 misit, ne transeat in gladium. In plena verd vigilia  
 ostensa hac & reuelata sunt mihi, vigilias noctis  
 in orationibus me agente, & super hac causa ve-  
 stra animum intendente. Non ergo vanitati hæc  
 tribuantur, sed causæ magnitudini, & necessitudi-  
 ni communis boni. Dona nempe gratia gratis da-  
 ta, in aliorum vtilitatem ab altissimo conferun-  
 tur. Ea igitur abscondere graue delictum est, &  
 publico bono contrarium, Valete. Hæc epistola  
 tantum valuit apud Duces, vt à bello se  
 continuerint, & patriam ab imminente  
 clade liberauerint.

Iob. 33. 15.



DE PACTO MALIGNORVM IN  
*festatione spirituum inquietatus fue-*  
*rit.*

**L**EGI in reuelationibus huius Patris,  
quod fratribus ad cellas post matuti-  
nam sinaxim redeuntibus, viderit sæpe  
numero vmbras seu spiritus candidos: hos  
comitari, & secum in cellâ ingredi. Bonos  
hos potuit Angelos interpretari, quos ad  
seruorum suorum custodiam Deus dele-  
garit. Hic pater habuit quẽdam spiritum, à  
quo in cella nocturno tẽpore crebrò fuit  
est à fatigari. Veniens enim super solariũ  
tanquam si æger lecto decumberet, gemitus  
altos & suspiria edebat, & nonnunquã  
etiam sonitus cum graui strepitu excita-  
bat. At Dionysius credens primò bonum  
spiritum esse, qui ijs motibus suffragia am-  
biret, licet intentissimè de scripturis co-  
gitaret, & meditando conscriberet surgẽs  
à sede, ac se prosternens. *De profundis* vel ta-  
le aliquid pro spiritu Domino concine-  
bat. Statim ille à motu se compescuit, &  
paululũ declinauit. Sed cum sæpius reuer-  
teretur spiritus, & semper inuerecundi-  
or & molestior redderetur, & à sacris stu-  
dijs Dei hominem præpediret, timens ne  
malignus esset, qui eum à bono opere ni-  
teretur auellere, ad strepitus eius & clamo-

rēs amplius non surrexit, nec precem ullam impendit. Tunc vehementer indignatus spiritus, quod non posset pium opus scribentis euertere, post molestissimos strepitus à solario per gradus cum impetu descendit, & pessulum cameræ trahens, sese in Dionysium ingessit. Cui ille imperterritus occurrens, *quid, inquit, improbe & maligne spiritus, quid inquam tibi visum est, Dei amulum tuum incurfibus fatigare, & à bono opere me velle tua pertinacia præpedire? Abi hinc o. yus, & post hac me agitare desiste. Paruit præcepto iubentis & citius aufugiens, nunquam ultra comparuit.*

## CAPVT XV.

**CVR DIONYSIVS DIABOLO TANTOTOPERE FUERIT EXOSUS.**

**E**RAT hic vir Dei Diabolo admodum exosus ob sua præclara merita, & ob sacra studia, quibus per populos rutilabat. In Ruremunda autem fuit mulier Sebula nomine, quæ, cum Diabolo fœdus inierat, & pactum fecerat cum morte sempiterna. Hanc Diabolus per Asiam, per Africam perque Europam assidue circumferebat, & ad solennes ludos eam exhibens, in duellis, in hastiludijs, in torneamenti stupente mundo faciebat ubique victricem, Deijciebat crecrod mulier armatos pugnatores, & (vincente in se Diabolo)

bole) cum spolijs victoriam reportabat. Hæc tandem inspirante Deo, & cor eius illustrante resiliit ab amentia, & compuncta nimium Diabolo abrenuncians, ad arma pœnitentiæ tota vîrtute confugit. Hanc Reuerendissimus Dominus Nicolaus de Cusa Cardinalis, & legatus à latere, cum ijs nostris partibus esset, dolentem, & sibi confitentem à zabuli pacto, & à suis criminibus potenter absoluit, grauem (vîdignum erat) pœnitentiam ei imponens. Stupebant omnes qui ante fœminam noverant, mutationem in ea dexterę excelsi. Hic Cardinalis Dionysium ob sua scripta miratus ex monasterio secum abtraxit, vt suo contubernio frueretur. Hinc etiam Rector domus Sophiæ iuxta Buscum ducû est institutus. Solebat itaq; Dionysius hac libertate donatus, sæpenumero Ruremundæ suos fratres inuisere, vt hanc etiam de qua diximus mulierem: quam equidem ideo visitabat, vt eam in pœnitentia confortaret, & sacris roboraret sententijs scripturarum. Diabolus autem etsi esset à muliere abiuratus, eam tamen dimittere noluit, vt eius fieret improbus agitator, qui ante fuerat auxiliator. Veniebat igitur multoties ad eam, vel futurorû aliquid prænuncians, vel præpediēs à studio pietatis. Et quia execrabatur Diony-

sium, cum veniret inuifere mulierem pre-  
currebat, dicens: *Ecce balbus ille & potator vi-  
ni venit te inuifere.* Erat quippe Dionysius  
impeditioris linguæ, & interdum propter  
nimium in studijs & pijs exercitijs labo-  
rem, vino utebatur. Quæ inuidus dæmon  
ad calumpniam trahens, vt eum hominibus  
exosum redderet, balbum eum ac vini po-  
tatozem nominabat.

## CAPVT. XVI.

**VIDET ANIMAM EPISCOPI LEODIENSIS, æternis adiuciatam gehenna sup-  
plicijs.**

**VIDE  
NOTAS.**

**VIDE  
NOTAS.**

**I**llustris Ioannes de Heynsbergen cum  
Episcopus esset Leodiens. hoc patre Di-  
onysio familiariter utebatur, & audito eo  
multa faciebat. Hic cum esset seculi vani-  
tatibus deditus, quodam tempore in op-  
pido Ruremundæ ludos & torneamenta  
instituit, non sine impensis maximis, ad  
quos vndiq; nobiles inuitarat, paucis ve-  
rò ante diebus venit inuifere Dionysium,  
narrans ei, tanquam rem commendatione  
dignam, quam instituerat in oppido vani-  
tatem. Audiens Dionysius ludicram rem,  
iratus valdè arguit Episcopum vanitatis,  
asserens non debere eum, qui à Deo posi-  
tus sit, alijs in exemplum religionis ac pro-  
bitatis, vanissimis spectaculis, & quæ in  
perniciem proficiunt animarum, homi-  
num

num multitudinem tenere suspensam, rogatque Presulem vt conceptam stultitiam ob Dei timorem reuocare maturet. Cumque ille audire cōtemneret deprecantem, ait venerandus pater. *Tu rogantem me spernis, sed non me spernet (arbitror) quem in tuam sum amentiam deprecaturus. Ego namq; rogabo Dominum, vt aduersitate aliqua obiecta vanitatis tua studium conteratur.* Hæc ubi dixit, dimisit Episcopū paruipendentē sua verba. Instabat autem dies torneamenti: sed præueniens instantissima prece pius parens ardentibus podagras à Domino Præsuli impetrauit, quibus vana illa spectacula optato successu caruerunt. Sentiens vero Presul se Dionysij oratione præuentum, vt gressus sibi est redditus, ad cellam eius accessit, & conceptas irarum faces in faciem eius ingessit & abiit. Hunc ipsum Pontificem cum defunctus esset, in nocte diuæ virginis Catharinæ vidit Pater Dionysius post nocturnas vigiliis duobus nigerri-  
mis, vallatum gigantibus, squalidum, tetrum, fumoque oppletum. Porro circum genitalia eius conspexit immensum agmē serpentum, bubonum, colubrorum, qui miserum diris moribus deuorabant. Dicunt verò ad Dionysium dæmones: *Ecce adest Dominus tuus.* Intuens autem in eum Dionysius, cum nihil opis ille exposceret,

intellexit æterna morte damnatum. Nam præter innumeras vanitates, quibus Deum offenderat etiam in concupiscentijs feminarum fuerat, virginum & monialium constuprator. Hoc quippe monstrabant voraces colubri, qui moribus eius verenda discerpebant.

## CAPVT XVII.

*NOVITIUS QUIDAM IAM VITA  
functus, secundum quietem monet Dionysium, ut  
promisso precum suffragio sibi  
subueniat.*

*Defunctorum  
debita nulla  
ratione pro-  
crastinanda.*

**A**D hunc Patrem cum esset eruditissimus, tanquam ad Apollinis oraculum pro captando consilio plurimi confluebant. Hinc interdum impeditus, mortuorum debita fratrum tardius absoluebat. Mortuus est autem illic novitius quidam Dionysij patriora. Cui obeunti duo se lecturum psalteria promisit. Sed cum à visitantibus occupatus non cito promissa compleret, defunctus frater qui huius suffragijs egebat, palàm apparuit, obiurgās quod pollicitum laudis munus non persolueret. Cumque se vir Dei excusare pararet, obrigescens, loqui non potuit: intelligens nullam defunctis iustam satis excusationem à debitore posse prætendi.

## CAPVT



DONATUS DEFUNCTVS CONQUER-

*ritur Dionysio.*

**D**Onatus suę domus post mortem apparuit sancto Patri expletis nocturnis landibus. Apparuit autem flammis vndiq; cinctus, grauem illi querimoniam mouens, quod fratres sui parum sibi impenderent charitatis & sua pro illo debita non exoluerēt. Simile recolo me legisse, quod quidā vir sanctus audiuit defunctos quosdā fratres amarissimē querulari, se ideo acriter arderē, quod debita defunctorum orationum iuuamine fraudarentur.

## CAPVT XIX.

REVELATIONEM ACCIPIT DE STA-

*tu patris sui defuncti.*

**O**Rante eo pro Patre suo iam defuncto, & scire cupiente quid secum ageretur vox ad eum facta est dicens: *Quid de parente tuo scire moliris? Tu Dominum pro illo deprecare, si saluandus est, tua illi proderit oratio, sin minus oratio tua in sinum tuum conuertetur.* Hoc responso cœlitus accepto, cū suspensus illi animus esset, nec à prece desisteret, illo leniter soporato, vidit Patrem suum duos inter nigros æthiopes compressum, dicentem sibi ingenti vociferatione. *Fili amantissime miserere mei, & orationis mihi munus impende.*

*Allo motu  
lo idem dnm  
probat.*

Hoc dicto, à dæmonibus verberatur, & ab  
ijs, spectante Dionysio, in caminum flam-  
mantis incendiij præceps immergitur. A  
quo tandem, pijs sui natî suffragijs, libera-  
tur.

## CAPVT XX.

FREQUENTER IN ECSTASIN MEN-  
*ti rapitur, adeo vt non sine causa Doctoris Extra-*  
*tici præ se ferat nomen.*

**H**Abebat mirabilē & valdè crebram in  
raptibus gratiam. Nam sæpè ad vocem  
cytharæ, ac suaues cantilenas, instar Heli-  
zei, sursum rapiebatur in Deum, vnde cū  
tempore quodam Ecclesiam intrasset S.  
Ioannis Euangelistæ in Buscoducis, & or-  
gana dulcem illic luderent melodiam, vt  
facie ita & mente mutatus est. Quod cer-  
nens venerandus Abbas sancti Martini in  
Goloniam, qui iuxta erat, traxit eum seor-  
sum in Capellam, & statim à se deficiens  
totus transibat in Deum. Idem alio quoq;  
tempore in choro accidit, dum ad recep-  
tionem nouitij conuentus caneret (vt mos  
habet) *Veni sancte spiritus*, Nam statim Dio-  
nysius extra se positus est, fratribus inter-  
rim cum Nouitio ad cellam euntibus, sua-  
que deinde prandia petentibus, sublatus  
in sua contemplatione permansit. Freque-  
ter etiam visus est in Choro ita in Deum  
absorptus, vt fratribus ad elevationē cor-  
poris

poris Christi sese prosternentibus, ipse stans immobilis permaneret. Nemo tamē illum tangere præsumebat, licet nullam faceret reuerentiam Venerabili Sacramēto, scientes consuetudinem contemplationis.

## CAPVT XXI.

**CARTVSIANVS QVIDAM RŪRE-**  
*mūdana Domus à malignis inquietatus spiritibus,*  
*à Dionysio edoctus, summa potitur*  
*pace.*

**F**Rater Hermannus Lunensis Monachus Rurēmundanæ Domus cum vexaretur in cella à spiritu maligno, frequenter intolerabiles strepitus nocturno tempore cōcitans, fratris requiē perturbabat. Hinc tædio & graui turbatione affectus, rogat cum lachrymis Patrem Dionysium, ut quia consuetudinem haberet, cum spiritibus dimicandi, cellas inter se mutuo commutarēt. Cui sanctus Pater. *Non est, inquit, opus ò fili, sed vade, & dum redierit ad te spiritus, suas excitans tempestates, percutere pugno duriter afferes oratori, & dicito, vade ò maligne ad fratrem Dionysium & me in pace dimitte.* Quod cum ille fecisset, vltra malignus nō rediit, & Dionysius eūdem illa eadem nocte in sua cella spiritum adesse persensit.

## REVELATVR EI STATUS ANIMAE

*M. Ioannis Louaniensis, insignis S. Theologiae Doctoris, ob pluralitatem beneficiorum purgatorijs flammis excruciat.*

**H**Abuit hic Pater Dionysius præter eas quas ante tetigimus reuelationes, adhuc plurimas quas humilitatis gratia noluit propalare. E quibus vnā adhuc commemorabo. In choro fratrum Cartusianorum Ruremundæ iacet sepultus egregius Doctor magister Ioannes de Louanio: vir quidem suo tempore venerandus cui plurimæ erant præbendæ in diuersis Ecclesijs: quarum tamen proventus in usus optimos expendebat. Nam in Ruremunda fundauit Cœnobium regularium Canonicoꝝ, & Collegium studiosoꝝ S. Hieronymi Coloniae Agrippinae. De hoc viro vidit vir Dei apparitionem satis terribile. Vidit nempe tribus annis continuis in die anniuersarij huius magistri nocturno tempore sub psalmo, *Benedictus Dominus Deus Israel*, vidit inquam ipse solus (etsi cæteri quoq; fratres in choro essent) hunc defunctum horribili quadam sulphurea flamma circumdari, atque consumi. In secunda verò apparitione vidit hunc flammis quidē cinctum minoribus, tamē quā ante. Porro in tertia lenta hūc lam-  
bens

bens flāma purgabat. Quæ vt vidit Dionysius, sublimi cuidā viro Doctōri Colonię, quem M. Ioannes sui testamēti fecerat ex-  
ecutorem huiuscemodi scripsit Epistolā.

*Excellenti magistro N. F. Dionysius salutē di-  
cit. Cupio rem aliquam doctissime magister tuæ a-  
perire sapientiā; quam & virgente conscientia, &  
Priore nostro precipiente, aperire compellor. Licet  
Isaias Propheta velit secretum suum sibi soli esse  
secretū, tamen Saluator Christus Dominushorta-  
tur nos dicens, Quę auditis in aure, prædica-  
te super tecta. Vnicuiq; enim ( vt nostis ) datur  
manifestatio spiritus ad vtilitatē videlicet aliorū.  
Sed hæc donare probis bonūq; cōmunia sunt. Nam  
& Prophetia spiritus Balaā est ariolo attributus,  
& Iudas proditor Apostolatus apice est insignitus.  
Cuius fictā conscientiam Dominus tetigit dicēs.  
Nonne duodecim vos elegi, & vnus ex vo-  
bis Diabolus est? Nō igitur semper cēsendi sunt  
meliores in quib; hæc gratia gratis data exuberare  
videntur: cū & sanctissimus Baptista Ioannes nul-  
lū legatur edidisse miraculū aut signum. Quā id-  
circo dixerim, ne videar cuiquā iactitare me-  
ipsum atq; hoc pacto indignū me cōstituā,  
cui habeatur fides, & res ipsa suo frustretur  
effectū. Et quidē quæ narrare institui, po-  
terā ego in tertia persona, quasi de alio re-  
citare, q̃ & maiore prætēderet humilitatē;  
licet forsan nō ampliorē induceret fidem,  
sed quia quæ videntur certiora sunt, quā  
quæ*

quæ ab alijs audiuntur, hinc testem inuoco eum illum, qui per Hieremiam clamat dicens: Ego sum testis & iudex, nihil extra veritatem dicturum me, sed quæ hu oculis vidi, fideliter narratur.

## CAP. XXIII.

ENARRAT IAM HIC DIONYSIVS  
 executoribus Testamenti, quo pacto viderit cruciari animam M. Ioan. Louaniensis Sanctensis olim Ecclesie Præpositi.

**I**N medio chori nostri tumulatus iacet bonæ recordationis Magister Ioannes de Louanio, Xantensis olim Præpositus. Tribus iam annis à suo obitu euolutis, dū in die anniuersarij sui officium pro eo defunctorum in choro à fratribus legeretur, contigit quod subiicimus Nam dum caneretur Zachariæ Hymnus, *Benedictus Dominus Deus Israel*, repenti vidi in plena vigilia corporalibus oculis ignem grandi flamma inftar feretri constructum, tanquam si in feretro ipse iacēs flammis vlttricibus vinceretur. Erat autem ignis obscurus, ater, flammiuomus, qui sursum in aera conscendens, terribilem præbebat aspectum. Unde territus, fratrem qui iuxta me stabat, pulsans hortabar vt aspiceret. Cumque ille nihil tale videret, intellexi mysterium esse, & ex hoc igne qui feretrum ambiebat collegi animam doctoris igne torqueri.

Regreſſu



Regressus ergo ad cellam, affixi animam  
merore, plurimum lachrymans quod ne-  
scirem an Doctoris anima posset pœnarū  
suarum inuenire remedium. Considerans  
nimirum, quod pingua & plurima habu-  
isset beneficia, quodque grandes apud se  
habuisset pecuniarum aceruos, timere cæ-  
pi ne æternis esset supplicijs mancipatus.  
Hi enim tales sæpè digni sunt morte. Ve-  
nit deinde annus secundus, & vidi simili  
tempore & loco super defuncti sepulturā  
flammas quas ante videram: clementiores  
tamen & blandiores quam extiterant pri-  
mæ. Hinc lætus intellexi eum in loco esse  
veniæ constitutum. Porro anno tertio in-  
ter nocturnas vigilias defunctorum, plus  
solito aliquid vidi, quod rerum necessitas  
me aperire compellit: Accensis quippe  
supra eius sepulchrum candelis, cum fra-  
tres inciperent, *miserere mei Deus*, cecidit  
super me mentis excessus, adeo vt nec ocu-  
los aperire, nec psalmos canere, nec super  
pedes stare possem. Habui verò tunc non  
imaginariam, vt ante, sed visionem merè  
intellectualem: in qua mihi Deus optimus  
maximus ostendit indigno, quæ nec va-  
leo, nec etiam scribere præsumo. Vidi  
nempe, quàm inscrutabilia sint indicia *Rom. 13.*  
Dei, & quàm sint inuestigabiles viæ eius,  
& de futura huius magistri saluatione, Deo  
reue-

reuelante, cognoui, quàm esset pium pro  
huius anima Dominũ deprecari, & quàm  
impiè, infideliter, ac dånabiliter eius age-  
rent executores testamenti, qui congestã  
eius pecuniam nequaquam in animæ eius  
expendant adminiculum. Agnoui præte-  
rea quod multa hic magister pietatis ha-  
buerit insignia, ob quę, Deus miserator eũ  
aspexit. Nequaquã .n. fuerat (vti sunt plu-  
rimi heu Prælatorũ) concupiscentijs infe-  
ctus, tactus, & gustus, sed sobriam semper  
ac pudicam traduxit vitam. Amabat spiri-  
taliũ studia literarũ, & publicum Eccle-  
się bonũ instituere ac pmouere curabat.  
Congestas opes in pios tribuendos vsus  
instituit, sed executores eius infideliter a-  
gunt. Insuper dum in extremis ageret, gra-  
tiam veræ contritionis donauit ei Deus;  
Cauet tamen quilibet Prælatus, qui plu-  
ribus beneficijs & pecunijs gaudet, ne hãc  
sibi gratiam speret affuturam; sciens quia  
*privilegia paucorum non faciunt legem commu-  
nem*, nihilq; esse iniquius quam amare pec-  
uniam; & quod nihil sit auaro scelestius,  
sciens quoq; quod qui pecunias habent,  
difficulter regnum Dei consequentur. Te  
igitur reuerende magister, qui inter exe-  
cutores huius viri præcipuus electus es, o-  
ro atq; obtestor, per eam fidem, quam hic  
in te esse arbitrabatur, vt omni repulsa di-  
latio-

latione, ultimâ testatoris impleas voluntatem, ne in te ira Dei desæuiat. Vincit, fa-  
teor, affectio rationem, & veritate nemi-  
nem palpante, durius scribo quam vole-  
bam. Verumetiam me tacente tu ipse no-  
sti quam sit impium, & periculo plenum  
vota negligere testatoris. Omnino extra  
viscera longè exulat charitatis, & omni  
est fraterno spoliatus amore, qui sua neg-  
ligentia aut vecordia miseras amicorum  
suorum animas in purgatorij flammis ar-  
dere permittit: cùm dicat S. Pater Augu-  
stinus, *nulla vita presentis supplicia, etiam si v-  
niuersa congerantur, purgatorijs esse tormentis  
vllatenus coequanda.* Hæc tecum sapien-  
ter pensites velim, vt id ages ocyus in ani-  
ma proximi, quod tibi in similibus pœnis  
cuperes impendi. At nete, mi Domine  
præstantissime, videar præterisse, oro  
obnixè sapientiam tuam (qui & nummis  
pluribus, ac beneficijs gaudes) ne simile  
te, aut certè grauius periculum apprehen-  
dat. Nihil enim tibi proderunt diuitiæ,  
quæ suum possessorem à morte liberare  
non possunt. Noli igitur vanis spebus  
extolli, sola est veritas quæ liberat ab  
omni malo. Tuum est ergo à caducis &  
fragilibus bonis mentem auertere, man-  
suris & supernis opibus inhiare, spiri-  
tualibus epulis delectari. Non huma-  
nis

nis perditorum moribus, sed angelicis virtutibus conformari, iter alijs vita & doctrina ad cœlum pandere, pecunias non congerere, sed inopibus & miseris erogare, paucis contentum viuere, & semper Christi sermonis meminisse, qui ait: *Discite à me quia mitis sum & humilis corde.* Vale mi Domine, & dum hæc publicaueris caue obsecro ne nomen meum seu personam alijs reueles.

## CAPVT XXIV.

INSIGNIS DIONYSII CARTVSIANI commendatio, & quàm piè hinc ad Dominum enigr auerit.

**H**ic Pater Dionysius, si vitam eius consideremus, fuit vir contemptor sui. Porro sicut is qui amator est sui, fit contemptor Dei, ita qui contemptor est sui, fit amator & contemplator Dei. Hinc iam liquet aduertere, vnde tanta secretorum reuelatio, tanta in omni scientia & in scripturis sacris cognitio prouenerit huic patri de contemptu sui. Quomodo autem se se contempserit, & incurius sui fuerit, patet ex subditis. Nam cibos sæpè edebat quos limaces prægustauerant, & sordium suarum signa in ijs reliquerant. Hinc scribit minister suus, F. Carolus de Herck, illius domus professor, vir verax & bonus, & qui sua Dionysio obsequia sedulus impen-

pendebat, quod butyrum his vermibus tabefactum, quod fructus & cerasa, quæ limaces sugendo corroserant, manducare non horruerit, immo in delicijs habuerit. Cumque Carolus inde eum argueret, respondit, *nullum in cibo periculum esse, eo quod horum venena vermium mortifera non sint*, Sic gustatos à limatibus fructus ipse sumebat: halecem etiam cum nimium salsam edere non posset, iussit eam aquis dulcibus temperari, ac tunc ad aerem suspendi: quam non ante edebat, quin putentissimum exhalaret odorem, & cellam suo foetore inficeret. Prohibente autem ministro ne halecem hanc manducaret, finite ait malo eam foetentem, quam salsam gustare. Tanta inerat illi feruor exercitij spiritualis, & labor infatigabilis ad studia scripturarum quod cibos suos sæpè negligeret, & prandium in vespertinum vsque differret. Et qui calidos aptosque sumere potuisset, frigidos serò sumebat & incommodos. Quoties insuper animum reuocabat à studijs, semper illi erat psalmus in ore. Dum surgeret, dum se vestiret, dum iret, rediretque, dum se aut lauaret aut calefaceret, semper Domino psallebat sollicitè præcauens, ne vel punctus temporis otiosè illū præteriret. In senio autem paululum scribendi laborem intermittens, animum tra-

Ec                      duxit

*calculo ac  
paralyfi cru-  
ciatur.*

duxit ad superna: quo non iam Deum in scripturis, quæ euacuabuntur, sed in suis delitijs inueniret. Et quia Deus amicos suos hic fœuit aduersitatibus, & corporū doloribus visitare, hunc virum paralyfi visitaui, & calculi ac vesicæ doloribus, alijsq; infirmitatū miserijs, in quibus semper & patientiam & gratitudinem exhibebat. Habebat etiam crura vlceribus corrosa, ob quarū curam vel lotionem, nunquam voluit à spiritali labore conuiescere, sed dum minister cruribus intenderet, & inter curandum seu ligandum grauitereum, vt fit, sæpissimè læderet, ille veluti ad pœnas insensibilis esset, nunquā se retraherebat, nunquam gemitum edebat, sed suæ scriptioni vel studio sollicitus incumberebat. Anno integro ante mortē, tria carmina decantabat, multis semper lachrymis affluens & gemitibus. Hæc autem carmina interpolatim concinebat. Primum erat illud, quod canitur pro defunctis, nempe, *Requiem æternā dona eis Domine*. Quocertissimè illo se anno cognouit moriturum. Aliud, *Maria vnxit pedes Iesu*, quo sperabat à Christo veniam se suorum peccaminum adepturum. Tertium, *Sancti qui sperant in Domino, mutabunt fortitudinem*: quofidebat cum sanctis immortalem se fortitudinem consecuturum. Paucis antequam

more

*Tria infirmus  
frequentat  
Cantica Dio-  
nyssii.*



moreretur diebus, cùm in die sancti Thomæ de Aquino, Missam audisset, & de vi-  
uifico Christi corpori communicasset, re-  
uersus ad cellam, dixit seruitori. *Modo mi-  
frater id tempus incipit impleri, quod dudum an-  
te prædixi. Si iam amplius vixero, necesse erit me  
de loco ad locum aliorum manibus ferri, & ero  
fratribus onerosus. Matura igitur, mihi mors in-  
cumbit. Quæ vt dixit, cibum omnem fasti-  
dire cœpit. Et vt scribit Carolus, parum  
aut nihil post gustauit. Crescente verò in-  
dies ægritudine, in ipso beatissimi Docto-  
ris Gregorij die, Dionysius Doctor Ex-  
steticus mortem perdidit, & vitam inue-  
nit, felici cū Christo pace donatus. Anno* VIDE  
1471. *De quo ita scribit Bostius Carmeli-* NOTAS.  
*ta: Dionysius contemplator eximius & scriptor v-  
berrimus, in otio negotiosus, & in negotio otiosus  
esse didicerat. Hic omnes sui Ordinis professores  
in operum literalium diligentissimè lucubrationum  
copiosa multitudine (eruditorum omnium assen-  
su) longissimè antecessit. Absit inuidia dicto, Sed  
nec vel aliquem sibi contemporaneum ei inter  
maxima patria religionis atatis ornamenta iure  
numerando comparabilem puto; vt mirandum iure  
sit, quo nam pacto tanta percurrere, tanta intel-  
ligere ac meminisse, & tam latè manātia profun-  
dere potuerit flumina doctrinarum. Hæc ille.*

**QVO PACTO P. LAURENTIVS CON-**  
*tempo seculo, Cartusiense arripuerit propositum,*  
*ac quam sanctam in eo vitam duxerit, pie*  
*in Domino obierit.*

**S**anctæ recordationis Laurentius Prior  
 & Vicarius quondam domus Capellæ  
 sanctæ Mariæ prope Angiam, ita in no-  
 stro sacro ordine operibus clarus effulsit  
 & meritis, vt inter suæ Prouinciæ Cartu-  
 sianos, quasi sidus illuxerit matutinum.  
 Nam ante conuersionem cum diues esset  
 & magnarum opum, haberetque plures o-  
 pulentos commensales clericos, tactus di-  
 uino spiritu introrsum, subitò domus suæ  
 præclaram suppellectilem vendidit, & in  
 pauperes aurum omne distribuit. Quod  
 vt ciues agnouerunt, amici sui interrogat  
 eum, an insulsus factus sit, qui sic repente  
 res suas omnes profundat ac dissipet. Qui-  
 bus ille; *Consult. ait, Christus in Euangelio, vt si*  
*quispiam cupiat esse perfectus, vendat cuncta quæ*  
*possidet ac det egentibus, nudusq; nudum suum se-*  
*quatur pro se crucifixum opificem.* Prohibitum  
 est igitur publicè à iudicibus, ne quis ali-  
 quid à Laurentio emat, nolentes suo dulci  
 carere contubernio. Ille sic coarctatus ar-  
 gentea vasa & speciosa quæque (quia ven-  
 dere non poterat) integra vt erant inopi-  
 bus dedit. Dehinc possessionibus cunctis  
 hoc

hoc modo distractis, in tantum pauper Christū sequutus est, ut ne obulū sibi vel vnum retinuerit. Ita enim ad me scripsit venerabilis Sacerdos illius domus Capellæ mihi amore coniunctus, quod in tantum pauper ad Ordinem venerit, ut pauxillum cerulsæ in itinere emere nequiverit, quæ sitim extingueret suam. O insignem paupertatem nostro hoc tempore de opulente inauditam; Et ut mireris amplius; hic vir Deo dignus, ante bonis suis omnibus se spoliaverat, quam sciret sibi locum in nostra religione patere. Sed erat illi fiducia in Deo suo, non se posse ab eo deferi, ob cuius amorem omnia deseruisset. Atque ideo statim ut locum petijt, accepit: & cum multa alacritate à sacro Conventu susceptus est, censu pauper & modicus, sed fide ac deuotione ditissimus. Hic igitur Laurentius omnium suorum testimonio fratrum, vir fuit vera religione conspicuus, vir vita sanctissimus, plurimisque à Deo gratijs condecoratus. Erat namque in Dei amore & obsequio feruentissimus, tanquam lucerna ardens & lucēs, Porro diuinas laudes & Diuæ virginis horas dū concineret, tam singulari & ardenti mouebatur affectu, ut miraretur, vniuersi atque hunc feruorem annis quadraginta in consuetudinem traxit. Tanta sæpe iner-

*Exercitium  
de paruulo  
aquo.*

rat illi compunctio cordis, vt vberimis  
fletibus abundans, loca omnia lachrymis  
compleret. Multo tempore ob nimium  
feruoris æstum in choro dū esset ad vtrū-  
que latus psalmos cōcinebat donec illi ef-  
set à patribus prohibitū. Habebat sub aspe-  
ctu omnium, tēpore diuini officij, gratiā  
singularē, & consolationes dulcissimas, per  
quoddam exercitium de paruulo & agno  
(quod & ipse vidi) diuinitus sibi reuelatū.  
Zelum huius viri dignè quis explicet?  
Corrigebat lectorem in Ecclesia, vel ali-  
bi, vt nec syllabam elabi pateretur vel  
notulam si cāntaret. Si quando videbat a-  
liquid agi inordinatè, vel quod statutis  
non congruit, acri animaduersione sæ-  
uiens, inultum ire non sustinebat. Hæc  
tamen agens, erat nihilominus mœren-  
tium consolator. Videres in vno homi-  
ne duo contraria, nempe vt & rigidus ef-  
set, & humanissimus; dum ratio id posce-  
ret. Erat enim consolator, consultor, &  
adhortator egregius. Hinc ad illum vn-  
dique plurimi confluebāt, nobiles, diui-  
tes, sapientes, pauperes, desolati; quos o-  
mnes benè consolatos atque instructos,  
latis à se animis dimittebat. Erat & di-  
ni verbi assertor & promulgator lacun-  
dus pariter & copiosus; ita vt confluen-  
tem (dum concio esset habenda) Eccle-  
sia populum capere non posset. Ab in-

fantia cum hoc patre creuit misratio, eratque ad inopes affluentissimus distributor, ita vt merito perituri benedictio copiosa super illum descenderit de cælo. Eo nempe tempore quo Prioris fungebatur officio, cum esset ingens frumenti inopia, & diuersæ circumquaque regiones graui famis periculo laborarent, ipse pauperum & calamitosorum omnium prodigus prouisor, & pastor erat: adeo vt de Franciæ partibus tanquam ad quandam asylum pro stipe pauperes confugerent. Cumque plurima ijs largiretur, nunquam tamen vel penuriam pertimuit, vel de crastino cogitauit, summa spe semper ad superna erectus. Octo annis Prioratum administrauit, in sua domo, strenuè quidem, sed & benignè: semper sollicitus ne quid fratribus deesset, prouidus animarum curator simul & corporum. Nam uti animarum medicus, sic tentatis succurrebat, & miseris: quin & rebellibus durum se obiectabat, sciens *parcere subiectis & debellare superbos*. Pitantias fratrum & portiones bonas esse volebat & competentes, vt eò robustius feruentiusque laborarent, meliusque valerent, strictissimam tamen ab omnibus exigebat Statutorum & Ordinis obseruantiam. Post annos octo Prioratus sui hydropisim



incurrit, eam quam medici rubeam vocant, quæ species præ cæteris difficulter curari potest. Pro cuius curatione peritissimus artis medicæ magister aduenit, sed vir sanctus fidens in Domino, nequaquam est illum dignatus admittere, quò supernus medicus suas illi manus misericordias adinoueret. Postulans igitur, reperta occasione, sibi misericordiam fieri, per patres ab officio dimissus est. Quo onere deposito, aquarum èt pòdus, Deo adiutore, deposuit, & cito valetudinè recuperauit, qui antea proclamatus videbatur. Qui de in Vicarius institutus, tres & triginta post vixit annos, seruiens Deo in fortitudine spiritus. Sunt qui putant hunc Dei seruù supernis sæpè reuelationibus fuisse illustratum, & secretis cælestibus nonnunquam transpositum. Putant etiam hunc à diua virgine, & Martyre Catharina (quam ingenti diligebat amore) sæpius visitatum, à qua & rosam paradisi pulcherrimam creditur accepisse. Verum, quia secretum suum, vti erat humilis, sibi metipsum occultandum arbitrabatur, hinc est quò nemo suorum fratrum hæc audeat tanquam certa asseuerare. Asserunt tamen omnes etiam tam sancta, tamq; sublimi conuersatione resplenduisse, vt piè hæc credi queant. Habuit

*Fieri misericordiam vocant Cartusia, dum quis ab onere officij absolutiorem impetrare potest.*

**VIDE NOTAS.**



buit quoq; apud Regulares de septem fontibus germanum fratrem, virum meritis sublimibus locupletem. Huic putant Laurentium sua secreta manifestasse, & quæ de reuelationibus iam diximus, insinuas-  
se. Insuper & Margareta Serenissima regis Anglorum filia, & Ducis Caroli Burgundia olim relicta, quæ & vniuerso ordini deuota erat, audiens huius Patris clarissimam famam, grandia ob eius reuerentiam munera fertur contulisse domui illi, eamque vestibibus aureis atque holosericis splendide adornasse. At nunc vt hunc virum sanctum fuisse lector agnoscas virtutem patientiæ diligenter in eo aduerte. Nam patientia opus perfectum habet, vt merito hunc sanctum vocites & perfectum, quem in magnis aduersitatibus inueneris patientem. Longo ante mortem suam temporibus gestabat horrendis vlceribus deformatus, exesas, putridas. De quibus vermes innumeris scaturiebant, qui rodentes tabefactam carnem, immanissimis cum exagitabant doloribus. Quorum tanta erat copia, vt foris sub aspectu fratrum ebulirent. In ijs tamen poenis maximis nedum patientissimus, sed & iucundissimus videbatur; exultans nimirum & laudans, gratias Deo agens & tanquam prudens

mercator sciebat his doloribus, mansuras  
semper delitias emereri. Verum Domina  
Margareta, cuius supra memini vt didicit  
suum patronum tam dolenter affligi, e-  
gregium illi chirurgum misit, à quo cura-  
retur. Sed vir beatus sciens his pœnis si-  
bi merita cumulari, chirurgum repulit,  
dicens; *Medicus meus Dominus est IESVS*  
*CHRISTVS, huic me integrum committo,*  
*qui dum volet, poterit me curare?* Tantam  
quoq; patientiæ vim exercebat, dum illi  
tibiæ aut mundarentur, aut ligarentur, vt  
penè sine tactu esse putaretur. Cumque  
resolutionis suæ dies instaret, quo tanto-  
rum coronam caperet meritorum, visi-  
tatus à Conuentu est & inunctus, Priore  
suauiter illum confortante, & vt agonem  
suum constanti exornaret animo, cohor-  
tâtes cui ille respondit; *Ego mi Pater nec mor-*  
*tem timeo, nec Diabolum mortis autorem, neq;*  
*infernum roboratus Dei gratia, pertimesco. Id e-*  
*nim mihi paruulus quem colui, & Dei agnus con-*  
*tulerunt.* Hæc verba eius penè fuere no-  
uissima, cum quibus & animam efflauit,  
feruentissima fide ac charitate munitus.  
Obijt vero in professo almæ Barbaræ  
martiris, anno 1477.

## DE ADMIRANDAE PIETATIS

*Patre D. Bosone, singulari Beatiss. Virginis amatore : quæ & morienti adfuisse creditur.*

**C**ontemporaneus huic Patri Laurentio fuit venerandus Raso, quem vulgo Cæsarium appellabant. Hic in domo Capellæ Mariæ annis xx. ordinem tenuit, nunquam ad dexteram vergēs vel ad sinistram. Hic *vir erat* (vti de sancto Symeone Euāgelium canit,) *iustus & timoratus*, & calore deuotionis succensus, & præcipuus diuæ virginis Mariæ amator : hanc semper in ore, semper gestabat in corde. Hæc tota suā voluptas, suæ omnes deliciæ erat. Per hanc innumeras consolationes, copiosumq; gratiæ munus adeptus est. Multa & præclara Fratres domus Capellæ, de hoc beatissimo Patre dicere ac scribere voluerunt. Nam & quæ hîc scribo, ab vno illorum ad me venerunt. Hic totū vitæ suæ tempus quod exegit in ordine, sacræ insumpsit orationi, vigilijs, lachrymis, meditationibus, quibus carnis incentiua edomabat, & mentem sæpe secretis cælestibus inferebat. Ad cuius agonem (vti illius loci Fratres affirmant) alma Dei genitrix, dignanter accurrit, & suum dilectum prompta reuolens, magnum illi in extremis laboribus auxilij

ac solatij beneficiū impendit. Aderant. n. nonnulla probabilia indicia præsentis virginis, & ex hilari claro vultu morientis, & ex infusa repentē in mentibus astantium reuerentia & amore, quibus ad dulcissimam cęli Dominam mouebātur. Sub hoc articulo ille animam exhalans in finū beatissimę Virginis patronę suę, lætus superna conscendit. Porro Fratres hæc videntes, magnis Deum laudibus extulerūt & ædificati plurimum, cum gaudio ad cellas suas rediēre.

Obijt. an. 1470.

## CAP. XXVII.

DE P. GERARDO BREDANO.

*statura quidem pusillo, literarum verò cognitione sacrarum, & librorum scriptione insigni.*

**F**Loruit hoc tempore in prænominata domo, honore dignus Gerardus Bredanus, vir quidem instar Zachæi, statura pusillus, sed scientiā & virtutibus admodū magnus. Claruerunt verò in hoc patre duo lumina gratiarum, vt esset illustri sanctimonia clarus, & sacrarum scripturarum eruditione sublimis. De quo viro ita scribit Bostius Carmelita. Gerardus, inquit, *primo florēs claro & illustri, exhortatus est cunctos, ad benè, grauiter, castigatę, viuendum ad se cognoscendum, ad contemnendum hæc caduca bona, inuitans singulos verbo & scripto ad bonas*

*flas & ingenuas exercitationes, ad contemplationem diuinae bonitatis atq; sacrorum.*

## CAPVT XXVIII.

DE P. GVILIERMO PRIORE DOMVS

*Capellæ prope Angiam.*

**F**elicitis memorie Guilielmus, apselus patria & ipse Bredanus, hoc quoque floruit tempore, quo adhuc in humanis agebat sacer (de quo supra) Laurentius. Hic de domo Capellæ Prior assumptus est in domo vallis gratiæ prope Brugas, vir alto, vt Bostius meminit, sanguine natus, operosa deuotione totum se exhibuit cultorẽ virtutis, & hostem carnis, sciens continentiam optimam esse balsami speciem, quæ corpus à luxuriæ corruptione custodit. Hic in Prioratu in vno quidem strenuus ac seuerus, in altero autem, exigente miseria, mitissimus fuit. In exercitatione autem corporali exquisitissimus operarius scribitur extitisse, nempe in arte ligandi fabrilique superans vniuersos. Ad quæcunque mittebat manum, excellens & industrius habebatur. Porro quia erat ambidexter, in actione spiritali egregium sese opificem exhibebat. Nam tractatus scripsit luculentos. Annos quadraginta in ordine expleuit, plenusque dierum placido sopore quiescens.

VIDE  
NOTAS.

## CAPVT

QVANTAE PATIENTIAE AC PAU-  
 pertatis fuerit P. Hugo Boletus, patria Del-  
 phus, officio Prior.

VIDE  
 NOTAS.

IN hac eadem Capellæ domo vixit eo-  
 dem tempore clarus opinione, sed me-  
 ritis longè clarior venerandus Hugo Bo-  
 letus patria Delphensis, qui ante nostri  
 Ordinis ingressum Egmondensis Mona-  
 chus niger & Prior dudum claruerat: qui  
 post etiam in Priorem domus montis Dei  
 electus asciscitur. Hic tandem Capellæ ad-  
 cellam redijt, vir valde timoratus & bo-  
 nus: cuius vita omnis, erat forma virtutis,  
 De hoc præter alia mihi scriptum est,  
 quod præ cæteris virtus in eo floruerit  
 paupertatis, pro qua sola (vt apprehende-  
 ret) à sedibus regalibus Dei filius noscitur  
 descendisse. Hic Hugo tam ardens erat  
 paupertatis amator, vt vix sellam, vix o-  
 perculum, vix vel breuem supellectilem  
 visus sit possidere, ita omnia voluit in v-  
 sus pauperum erogare. Vixit cæcus annis  
 decem; quam calamitatem tam mansueto  
 animo pertulit, vt alterum Tobiam ex-  
 istimares. Nouerat enim damnum ex-  
 terni luminis interioris hominis visu  
 splendidior vir sapiens compensare. Hic  
 sancto fine potitus quieuit in pace.

CAPVT



ADMIRANDÆ VIRTUTES P. THE-  
dorici Delphenfis, profefſi domus  
Capellæ.

**I**OANNES Theodorici patria Delphē-  
ſis in iam ſæpè dicta domo Monachus  
fuit. De hoc mihi ab vno ſuorum con-  
fratrum ſcriptum eſt, quod ſubijcio. Hic  
in magna ſemper per annos quadraginta  
ſimplicitate & innocentia vixit, in mag-  
na ſolitudine ac taciturnitate præcipua.  
Tam ſolicitus oris ſui cuſtos, vt otioſum  
verbū ſtrictiſſimè deuitaret. Erat ſibi du-  
rus, aſper rigorofus, in artiſſima ſobrietate  
& victus tenuitate tranſigens vitam. Inſu-  
per & multum humilis & ſubmiſſus, ſuis  
in oculis ſibiipſi vileſcens. Amabat Deum  
& proximum; non qualicunq; ſed ardeſ-  
cente amore. Erat deuotus, ſanctus, timo-  
ratus, non volatili quodā & inſtabili ſpi-  
tu, ſed omnibus diebus vitæ ſuæ. Tempus  
(quo nihil debet pretioſus æſtimari) nun-  
quam ſine fructu ſibi patiebatur aut elabi  
aut extorqueri. Quoniam ſemper vel ora-  
bat Deū, vel legebat aliquid, vel lecta do-  
cebat, vel certè opere aliquo ſe extende-  
bat manuali. Hic erat vir potens in ab-  
ſtinentijs & vigilijs, & in diſciplina re-  
gulari exercitatiſſimus. Erat vir fama  
celebris, ſed coram Deo meritis multo ce-  
lebrior.

*Sententia su-  
priorum de  
hoc B. Patre.*

lebrior. Huius conuersatio ita erat omni-  
bus approbata, vt miro modo eum cuncti  
diligenter, colerent, admirarentur. De  
quo patres nostri Prouinciales hoc palam  
pronunciabant. *Si est hoc nostro tempore ve-  
rus quispiam Cartusienſis, haud dubium, quin iſte  
talis ſit.* Sæpè de illo dum ſui hoc loque-  
rentur, compuncti & reuerenter loque-  
bantur, tanquam qui iuſtus & ſanctus ha-  
bitus ſit, ac fratrum ſyncerus amator. Hoc  
præclarum & laudabile gratiæ munus de  
illo narrari ſolet, quod omni loco ferè  
ac tempore mentem erectam ad ſuperna  
geſtabat; illuc leuans cor ſuum, vbi the-  
ſaurus ſuus Chriſtus ad dexteram Patris.  
Nam in ſignum huius rei, oculos clauſos  
tamen ad cælum leuabat, manus iunge-  
bat, & totius corporis compoſitione pa-  
lâm dabat intelligi, illic ſe mente verſari,  
quo manus & faciem erigebat. Erat ei i-  
ſtud quotidianum & familiare, & plerun-  
que ſic à ſemetipſo raptus ſtabat, vt neſci-  
ret quid ageret vel vbi eſſet. Hinc inter-  
dum priuatim celebrans, leuata voce Præ-  
ſatationem canebat, vel ſimile quid agebat  
extra ſe ductus, neſciens quid actitaret.  
Ebrius enim amore diuino, carnis ſenſum  
plerunque perdebat. Poſt exactas Matuti-  
narum vigilias, quæ apud nos prolixissi-  
mæ ſunt, nunquam ſe ſopori ſiue dormi-  
tioni

tionem tradebat, nisi forte grauis illum cō-  
pulisset infirmitas: sed per uigil in Dei lau-  
dibus durans, integrum fertur Psalterium  
sæpè cecinisse. His arduis laboribus licet  
semper esset intentus, graui tamen se ab-  
stinencia macerabat; panem arctum capi-  
ens, & aquam breuem. Nam ferijs secundis *Esa 30. 19*  
& quartis potagium solùm, ceruissiamque  
de gustabat. At sextis semper ferijs panem  
sumebat & sal, fontemque libabat. Cu-  
piebant Patres Visitatores ad commu-  
nem illum fratrum escam traducere, qui-  
bus supplicabat, dicens; *Sinite me Patres,  
sinite, precor hunc viuendi tenere morem, quem  
mihi per annos iam quadraginta non sine ingenti  
labore in consuetudinem traxi. Effetq; insuper  
mihi permolestum cum victum assumere, quæ in  
longam dissuetudinem abijt.* Possent insuper  
multa adhuc præclara narrari, nisi me a-  
uocarent alij, quos etiam enumerandos  
cenſeo.

## CAPVT XXXI.

DE INSIGNI VIRO D. HENRICO

Loenio, diuersarum Cartusiarum PRIORE,  
quem Patrem Patrum nonnulli nomina-  
re consueuerant.

SANCTÆ recordationis Patrem Henri-  
cum Loenium Louanienſem non o-  
portuit præterire. Hic namq; (vti Boſtius  
ſcribit) Theologus admodum celebris

ff fuit.

fuit, magna pietate & virtute præditus, cuius tam insignis eloquentia prudentiaque relucebat, ut sequaces plurimos, paucos verò habuerit coæquales. Hic Louanij Porcense pædagogium dum regeret, sicut erat scientia famosus, & opinione clarus; ita erat & vitæ probitate clarissimus. Unde diuino attactus spiritu Ordinem nostrum est Capellæ ingressus. Quem sic omnes & humilem, mitem, sobrium, sedulum ac timoratum in omnibus animaduenterunt, ut statim post nouitium Vicarius institutus, & post Patrem Laurentium de quo superius diximus, ab omnibus in Priorem electus sit. Fuit quoque annis octo Prouinciæ suæ Visitator. Deinde ob nouam plantationem domus Gratiae iuxta Bruxellas, Prior illic accitus, locum illum annis XX. incolens & regens, personis ædificijs ac possessionibus ampliavit. Verum senio grauis (cum plurimum id posceret) Prioris onere est releuatus, & suæ domui restitutus. Hic tam splendida semper virtute & tanta in omnes humanitate clarebat ut à tota Prouincia PATER PATRVM meritò sit appellatus. Qui cum sibi durus & rigidus esset, erat tamen erga singulos humanissimus. Et licet esset literis famaue celebris, erat tamen sibi pauper & modicus, & in suis oculis

*Fuit Vicarius  
& Prior.*

*Item Visitator.*

*Cartusiam  
Bruxellensem  
rexit annis viginti.*

*Cedit Prioratu.*

oculis humillimus. Ad subditos verò pius admodum parens, mansuetus, lenis, suavis, zelum gerens tamen secundum scientiam. Porro ad Dominum Deum suum erat deuotus, ardens, sollicitus, sanctificationem perficiens in timore Dei. Vnde cum aspernator honoris proprii, equum ob pauperiem habere non posset, exiens ad negotia domus gratiæ, asinum Pater humilis equitabat. Neq; erubuit semel à sello infidens per medium Bruxellense oppidum (quod populi frequentia plenum est) usq; ad ipsum descendere forum, pueris plateatim ipsum insequentibus, & subsannantibus. Hinc plurimi ciuium ob eius humilitatem ædificati, plurimi verò qui phaleratis libenter vectabantur equis, confusi sunt. Omnes tamen timore pleni, rogabant eum ne amplius sic cum asino ciuitatem introiret, metuentes ne ob puerorum irridentium nequitiam ignominia plagisq; afficeretur. Habebat quoq; hic sanctus Pater hoc præcipuum in se bonum, vt si quando (vti fit) inter fratres orta esset contentio, nunquam se sopori ad vesperam dedisset, nisi inter dissidentes pax & tranquillitas resedisset. Si quem fratrum suorum aut tentatum sciret, aut misere afflictum, sedebat cum illo usque in feram noctem, & monita salutis inferebat, donec ad

*Vehit asino*

Ff a

melio-

meliozem mentem illum reuocasset. An-  
 maduertant istud Priores nostri, ac mise-  
 ris subditis fragilibusque compati discant:  
 deponant cornua, & sese mortales homi-  
 nes futesque meminerint. Amabat verò  
 plurimum eos fratres, qui spiritalibus sese  
 operibus mancipabant, deinde eos qui  
 scribendis sacris voluminibus operam  
 impendebant; asserens non minorem fructum  
 ecclesie profint, hos agere calamo & digitis, quam qui lingua &  
 qui pijs vacat sermonibus populo Dei verba predicant. Insu-  
 scribendis li- per sicut scriptum legi, visus est aliquoties  
 bru. inter celebrandú, sursum ab humo sustol-  
 li, & aliquandiu in aere dependere: vt il-  
 luc leuaret carnem, quò iam ante men-  
 tem præmiserat suam. Ante mortem quo-  
 que ita corpus longa inedia ac tabe con-  
 sumperat, vt tam aridum atque exesum,  
 quam vel baculus, vel truncus arboris vi-  
 deretur. Obijt vero anno ætatis suæ 75. Ex  
 quibus quadraginta sacro in ordine lau-  
 dabiliter expleuit. Obijt igitur in optima  
 senectute, plenus dierum & operibus bo-  
 nis. Anno nimirum 1481. Quem expiran-  
 tem cum Prior suus honorabilis Pater Ar-  
 noldus cerneret, grauiter in corde inge-  
 miscens, exclamauit: *Quorsum mi Pater tu  
 pergis, & cur me his in cladibus derelinquis? Vti-  
 nam tecum nunc moriar, qui viuere sine te non  
 valeo.* Quod vbi dixit, mœrore pariter &  
 lan-



languore correptus, comedere ultra biberet; non potuit; sed diebus tantum quindecim superuiuens, amicum se vocantem, quem apprimè semper amauerat, felici est morte sequutus.

## CAPVT XXXII.

DE P. ARNOLDO CARMANO PRIORE eiusdem istius Domus Capellæ Priore, ac  
Theutonice Prouinciæ Visitatore.

**H**IC Pater Arnoldus Carmanus vir fuit multa religione conspicuus, in rebus agendis strenuus exequutor, sibi asper & rigidus: & quātum suæ infirmitates patiebantur, inexorabilis sui corporis castigatō. Vnde colebatur ab omnibus, & magna cum reuerentia amabatur. Erat quippe Prior in domo Capellæ, & Visitator Prouinciæ Teutonicæ celeberrimus, animarum & ordinis zelator admodum fructuosus. Sublimis insuper erat, & humilis, sciens & *a* abundare, & penuriam pati. *a4. Philip. 12.* Sublimium & superborum *b* colla non *b Eccl. 24. 10* propria, sed Dei virtute calcabat, & submissos atque humiles fratres spe ad superna erigebat. In externis negotijs, & quæ suum officium (quod amplissimum erat) concernebant, solertissimus habebatur, licet esset erga Deum humilis semper, sedulus, & deuotus. Hoc itaq; sagaci rectore

9 Hier. 1. 10.

domus Capellæ in spiritalibus & temporalibusque bonis non mediocriter adepta esse noscitur incrementum. Nec minus tota hæc nostra Prouincia sub hoc patre Visitatore floruit virtute, sanctimonia, dignitate. Nam Prouinciam visitans, ita regiminis sui moderabatur officium, ut cum Hieremia euelleret, dissiparet, seminaret & ædificaret. Hinc dicere sæpe solebat; *Oportet Prælatum sectari ea quæ de-  
cent, sed ea facere quæ potest.* Verum vnctio hæc docet, vel inspiratio. Sæpe cum passi-  
one colica (quæ permolesta est) vel calculi dolore premeretur, necessariam semper patientiam quasi clypeum obiecitabat, ita ut hanc eius tolerantiam magnopere alij admirarentur. Inter celebrandum ut mihi scripsit, qui id sæpè vidit tam copiosas quotidie spargebat lachrymas, ut instar inundantis aquæ fluere viderentur. Cum-  
que in Generali Capitulo super ijs à patri-  
bus argueretur, & ut obtutibus parceret oculorum moneretur, respondit cum sancto Patre Frâncisco; *non oportere ob caducum lumen  
visum, quæ nobis cum muscis communis  
est, gratiam abicere Salu-*

torum

CAPVT

DE P. ARNOLDO, GEERTRVDO  
montano Vicario ac Procuratore domus Capellæ.

**H**OC tali tempore vlguit in eadem domo alius quidam Arnoldus, de monte sanctæ \* Gertrudis, vir ob suas virtutes admodum venerandus. Qui primum Vicarius, deinde ob necessitatem externæ administrationis (cui equidem hic valde idoneus est habitus) Procuratoris officiū octo & viginti annis tam laudabili moderatus est industria, vt in hodiernum quoq; diem sua illic laudum præconia perseuerent. Viuebat in hoc officio virtute non facile omnibus imitabili, nunc Marthæ, nunc Mariæ vicissim ocyum negociumq; consecretans, & in externis curis sabbatum mentis custodiens. Hic vir tantæ scribitur fuisse mansuetudinis & lenitatis, vt sibi similem Conuentus ille viderit neminem. Cuius pietatis atq; humanitatis industria factum est, vt ab omnibus loco parentis suauissimi & coleretur & amaretur.

\* Est Hollæ-  
diæ oppidum.

DE IOANNE ALDENARDO.

**I**Oanem Aldenardū eiusdē domus Monachū dignis præconijs q̄s attollat? Hic dū ex vtero matris p̄diturus esset, cōtigat matrem in partu intolerabili laborare dolore. Vnde patri suatum fuit, vt fructū qui esset

nasciturus diuino offerret famulatui. Quod dum ille fecisset, mulier statim puerum peperit elegantem, & quasi sine dolore. Idcirco parentes ab annis teneris huc viris tradiderunt religiosis imbuendum: à quibus scientias disceret, & virtutes. Cuius tam simplex, innocens, pudica, morigera sobriaque scribitur pueritia extitisse, ut quasi alter Samuel paruulus videretur. Post acceptam in scripturis notitiam, voti fuere memores parentes, & in grandem quandam diuitemque Abbatiam, quæ in Flandria est, impetrato loco, iuuenem reconducunt. Monachi statim huic, opes monasterij enarrant, Abbatis gloriam, amplissima prædia, pingues & multiplices portiones, læta & exquisita conuiuia, nocturnas crapulas, vina falerna: Verum istius generis delitijs, pius adolescens nequaquam aures admouebat. Sed considerans Monachos libenter bibere, rarius psallere, crebros in popina, tardos in Ecclesia, mensas colere, animas deserere, quærere quæ sua sunt, non quæ IESU Christi, clam fugit, & ductus diuino spiritu, domum Capellæ B. Mariæ expetijt & accepit. Vnde à Domino \*Laurétio, cuius supra memini, sacro est habitu insignitus, nec minus spiritali virtutum veste interius adornatus. Omni namq; tempore vitæ suæ vestimen-

ta sua candida custodiuit, puram ac simplicem innocentiam seruans. Quem fratres cum viuïdum cernerent, & magnæ agilitatis gratia præditum, Sacristam instituunt, atque officium istud annis quinque & triginta ita moderatus est, vt sine cuiusquam quærela (quod rarò euenit) tali se operi dignum demonstrarit. Nam cum esset vir bonus, & optimæ conuersationis & vitæ, humilis pariter & deuotus, fieri non poterat, quin & coleretur ab omnibus & amaretur. Amator quippe fratrum cum esset præcipuus, facile affectum omnium in se prouocabat. De hoc scriptum reperi, quod voluntariam paupertatem usque adeo amplexatus sit, vt vix corporis necessaria dignaretur admittere, nec quicquam in cella conspiceretur habere. Si quid illic fortè inuenisses, ita vile & abiectum erat, vt Christi IESU in præsepe constituti esse arbitrareris. Hunc asserunt ab infantia virginæ semper puritatis floruisse, ita vt agnum sequeretur quocumque diuerteret, eo quod virgo esset, integerrimus. Primam post acceptum habitum facturus Priori suo confessionem, ignorabat tanquam nihil sibi conscius, quid deberet confiteri; sic semper à spiritu sancto custoditus, vt mortali nunquam putetur peccato contaminatus. Ante assumptum ordinem, & post

*Fuit Sacrista  
ad annos 35.*

sic timoratè se semper gessit, vt cū simplicitate colubæ serpentis astutiã possideret. Bona hæc immo & necessaria serpentis astutia est: qua qui caruerit, pestiferos atrii colubri, morsus nequibit euadere. Hunc cum Dominus vellet à Sacristæ officio remoueri, & à labore requiescentem sibi met viuere, grauissimam illi immisit infirmitatem: qua penè vsq; ad agonem vigente, Prior Arnoldus (licet inuitus) eum absoluit. Absolutus statim conualuit, ac tunc maximè sibi redditus, sedebat solitarius & tacebat & leuabat se supra se. Decem annis quibus superuixit, durus sui corporis ac rigidus castigator exterioris hominis fatigationem in tranquillæ mentis pace traduxit. Incredibile est, quàm amplos magnorum meritorum thesauros ijs in annis congefferit orando, psallendo, contemplando, non secus quàm avarus quispiam aurum sitiens, opes innumeras & congerit & concupiscit. Sic vir iste sanctus nimium auidus multa bona colligere, nullam die ac nocte sibi passus est carnis requiem impertiri. Cumque super hoc ab amicis fratribus leniter corripèretur, respondēbat dicens; *Dum tempus habemus, bonum operemur*, omne quod possumus. Veniet enim & iam propè est tempus quando



do nemo quicquam poterit operari. Operemur igitur quia non est apud inferos inuenire cibū. Ego iam de propinquo præstolor aduentum Domini. Hæc dicens, atque assidua mente reuoluens, oblitus quæ retro sunt, in anteriora se extendebat ad brauium supernæ vocationis. Hinc etiam fidelibus oculis in remunerationem aspiciens patientissimè corporis duras (quas quotidie patiebatur) molestias tolerabat, vt ascenderet ad populum accinctum nostrum. Tam crebris carnis quatiebatur angustiis, vt merito in sanctorum Martyrum posset numero recenferi. Erat igitur hic Dei sanctus speculum virtutis & gratiæ in sanctimonia, in tolerantia, in humilitate, in frugalitate, & in ardenti ad omnes charitate: Cuius deuotionem, hilaritatem, & diuini in eo spiritus feruorem nemo satis potuit admirari, minus verò æmulari. Sic latitabat lucerna ardens sub modio, paucis interea fratribus lucens, donec illum Dominus supernis luminaribus & lapidibus ignitis inseruit. Duos dies ante festum Præsentationis virginis matris miti febre correptus, in ipsa solennitate inter brachia intactæ Virginis impollutum spiritum exhalauit. Ordinem namque inuiolabiliter tenuit annis quin-

Obijt anno Do  
mini 1491.

quinquaginta, obiitque anno Domini M.  
CCCC. XCI. Habuit vero hic Dei seruus  
duos germanos in nostro Ordine vnum  
Procuratorem domus Leodij, virum mul-  
ta virtute conspicuum, & alterum qui in  
domo Valencenaro in egregium se gessit  
Prælatum. De quo patre multa tum com-  
mendatione tum imitatione digna etiam  
narrantur: quoniam vir sanctus & pius,  
Dei cultor erat acceptissimus. Porro hæc  
quæ de illustribus domus Capellæ patri-  
bus scripsi, à venerabili illius domus sa-  
cerdote exarata suscepi: qui testatus est, se  
nudam ac simplicem veritatem commem-  
morasse, neq; fictis vsum phaleratisq; sen-  
tentijs, sed rem omnem vti fuerat gesta e-  
narrasse.

## CAPVT XXXV.

DE STEPHANO SENENSI PRIORE  
in Seyst, qui ante Ordinis ingressum B. Virg.  
Catharina Senens. Amanuens  
extitit.

**A**T nunc paululum ad superiora nar-  
rationem reuocanti primus occurrit  
Venerandus Pater Stephanus Senensis  
Prior domus sancti Ioannis Baptistæ in  
Zeist. Qui ante Ordinis ingressum mini-  
strauit virgini sacratissæ Catharinæ de Se-  
nis: quæ hunc iuuenem ob puritatis suæ  
nitidam innocentiam sibi familiarem ef-  
fecit.

fecit: quem & secretis suis, arcanisque cœlestibus sæpè interesse voluit: quemadmodum IESVM Naue Moyfes secum introduxit, quoties superna oracula esset præcepturus. Rapiebatur nonnunquam sanctissima Catharina in mentis excessum in quo cum sponso cœlesti loquebatur, agēs apud illum miserorum mortalium causas, illo instar seueri iudicis mundi scelera arguente, & hac mortalem caducamque delinquentium fragilitatem obiectāte. Quas inter sponsum & sponsam colloctiones Stephanus calamo excipiebat: dignus qui his sacris sermonibus interesset, & Deum audiret sua verba sonantem. Extat horum verborum sua manu cōscriptus liber, qui iam ubiq; diffusus nomen accepit vt *liber doctrinarum Catharinæ Senensis* vocitetur, grauissimis saluberrimisq; vndiq; sententijs illustratus. Hic igitur scriba virginis Stephanus, cū tēpore quodam grauissima febre quateretur, nec suum posset almæ virgini præstare obsequium, illa compatiens amico febricitanti, zelo magnæ pietatis accensa, lectulum in quo decumbebat infirmus adiit, & ijs verbis trementem magno frigore est allocuta: *Nolo mi Stephane vt amplius his febribus fatigeris. Surge igitur, & ad consuetum officij tui munus accede.* Hæc vt elocuta est, febris statim euauit,

Exod. 32. ●

33.

VIDE  
NOTAS.

euanuit, iussa Virginis expauescens; ille  
verò integerrimè sanus, ad suum sese mi-  
nisterium recepit. Hæc virgo beatissima  
cū iam ex hoc seculo ad superos esset  
migratura, hunc ad se Stephanū voca-  
uit, suadens primum, deinde etiam conte-  
stans, vt post suum obitum Cartusiensem  
Ordinem citus arriperet, humilem in eo  
Christi semitam ambulaturus. Postea pro-  
phético illustrata spiritu prædixit hunc  
magnum in ordine futurum, & animarum  
lucra non minima acquisiturum. Itaq; no-  
bili virgine ad superos translata, Stepha-  
nus ad Cartusianam domum diui Ioannis  
Baptistæ in Seist commigrauit habitumq;  
suscepit. Qui tam sanctè illic tamque pie  
ac humiliter est conuersatus, vt manifestè  
clareret sanctissimæ Catharinæ mores in  
illum esse transfusos. Exprimebat namq;  
probatissimis bonarum virtutum exem-  
plis, quod discipulus à magnæ eruditionis  
magistra didicerat. Hinc Prior ibidem  
electus, actiones suas omnes dignitatis &  
splendoris plenas instituit, copiosamque  
animarum messem horreis cœlestibus in-  
uexit, quam nulla vetustas oblitterabit.  
Scripsit quoque tractatum fide plenum,  
de vita & moribus diuæ Catharinæ magi-  
stræ suæ, quem Raymundus de vineis ad-  
iecto grandi volumine consummauit.

Con-

Concinnauit autem & alia nonnulla arte  
& studio celebria, quibus replere apes flo-  
ribus atque innectere videretur. Tempo- *VIDE*  
re scismatis extitit hic Dei seruus Genera- *NOTAS.*  
lis Prior in obedientia Urbani Papæ VI. &  
successorum suorum vsq; ad Ecclesiæ &  
ordinis vnionem. Ea tamen ubiq; vsus est  
modestia, temperantia, prudentiaq; qua  
ante semper noscitur floruisse. Prudentia  
enim Prælato est necessaria, quæ mater  
virtutum est, morumq; regina; quæ in a-  
ctibus obeundis semper præuia est & præ-  
monstratrix. Hinc (patre Bonifacio Prio-  
re tunc domus Cartusię post finitum schis-  
ma suum officium Generalatus deponen-  
te) hic Stephanus ad Capitulum Cartusiæ  
veniens, supplex suum quoq; deposuit, si-  
bi ac sacræ solitudini viuens, præstolansq;  
indies aduentum sponsi sui.

## CAPVT XXXVI.

## EXIMIAE VIRTUTES P. OSVVINI

*de Becka, Cartusia Gandensis vti professi, sic ante*

*Ordinis ingressum vtriusq; iuris Doctoris*  
*celeberrimi.*

**O**SVVINVM de Becka professum do-  
mus Vallis regalis prope Gandauum, *VIDE*  
iustū non fuerat præterisse. Virū nimirū *NOTAS.*  
magnarū virtutū & sacri Ordinis zelato-  
rē: qui ob meritū clasissimæ vitæ Prior S.  
Trini-

Trinitatis in Burgundia est destinatus. Fuit quippe vtriusque iuris Doctor peritissimus; clarus vbiq; ac serenus effulgēs, & ( vt de eo Boltius suo nobili eloquio scribit) *inter doctores doctior, inter sapientes sapientior, inter optimos melior, inter maximos maior.* Erat vtiq; *prætor, interpres, internuntius melliflui eloquiū diuini, tuba Euangelij, angelus pacis, amicus sponsi, lingua muti, pes claudi, salterra, patria lumen.* Turpe equidem putauit ab instituto maiorum desistere, auit a paternaq; virtutis heres, nihil habens non magnificum, non splendidum, non excelsum. Hæc Boltius.

## CAPVT XXXVII.

MORES AC CONVERSATIO ANTHONIJ Suriani, ex Monacho Cartusiano Venetorum Patriarchæ electi, admiranda pietatis Viri.

FRANCISCVS Philomusus Pifaurensis orator Venetorum facundissimus, in oratione quam habuit ad Senatum in ingressu reuerēdisimi Patriarchæ principis atque Archipræfulis Anthonij Suriani, ex Cartusienfibus qui Venetijs sunt per Du-  
cem & Senatores assumpti. Anthonius, inquit, Surianus de nobili suriana domo seu familia ortus, qui in sanctissima religionis Cartusianæ claustrum sese abdiderat, illic in illa heremo, in illa solitudine, in illa parcissimi victus vestitusq; inopia perseuerans, & ad extremum visa diem per-

VIDE  
NOTAS.

Verba Fran-  
cisci Philomu-  
si de virtuti-  
bus Anthonij  
Suriani.



perseuerare cupiens illic latitans & vni Deo in-  
seruiens contemplationi, ieiunio, deprecationibus-  
que deditus, tam ignorare hac mortalia, quàm ig-  
norari à mortalibus expetebat. Verum exactissi-  
mam serenissimi Principis sapientissimiq; Senatus  
diligentiam ipse Pater Anthonius latitans, latere  
non potuit. Senatus nempe intelligens in re ardua  
nihil ambitioni, nihil amicitia, nihil necessitudini  
dari oportere, essetq; in votis omnium, optimum ac  
probatissimum aliquem sacerdotem in Patriar-  
cham deligi debere, omnium iudicio atq; suffra-  
gio SVRIANVS ANTHONIVS Patriar-  
cha deligitur, & delectus à summo Pontifice ap-  
probatur. Dehinc Philomusum suà oratio-  
ne sic alloquitur Patriarcham. Norunt opti-  
me Praesul, norunt Patriarcha sanctissime ꝑ patres  
Senatores, non ob propinquitatem, non ob claram  
ingenuitatem sanguinis non ob natales suos, non  
ob amicorum tuorum suffragia, sed ob vita mo-  
rumq; sanctitatem, huic te apici conquisitum.  
Delectus igitur ab vniuerso senatu, à Summo Pon-  
tifice confirmatus publicis affectibus, publicis vtili-  
tatibus tu cessisti, & huic operi potius quam hono-  
ri colla submisisti, Christi tui iugum recusare nō-  
luisti quod leuissimum & suauissimum esse didice-  
ras; illius testificatione in cuius ore nunquam in-  
uentum est mendacium. Fueras tu quidem multo  
antea Patriarcha Patrum, & piorum Princeps  
sacerdotum, atq; sacrate parens vita, honestate,  
doctrina, integritate. Multo igitur antequam de-  
ligereris,

ligereris meruisti postea delectus paruisti, & ad  
hanc dignitatem obsequendo peruenisti. Malu-  
isses tu quidem id esse quod fueras, gaudebas illa  
tua solitudine ubi humanitate, modestia, benigni-  
tate par esse omnibus immo vero infimis te a-  
quare gestiebas. Hoc vno tantum ceteris praes-  
tantior quo humilior, quo sanctior, quo obse-  
quentior (ut vni Deo placeres) esse cupuisti. Ve-  
rum & illud amplissimus hic Senatus praeuidebat,  
ardentem religiosi viri lucernam non sub modio  
collocandam esse, sed super candelabrum ut lu-  
ceat omnibus qui in domo Dei sunt: ut videant  
non tantum ea quae vir iustus agit, sed & quae sibi  
ex illius praemonstratione sint agenda, cum bono-  
rum studia operum magis exemplis doceantur,  
quam verbis. Deinde Philomusus Ducem  
ac Senatum alloquens, subinfert: Habent igi-  
tur tibi primū serenissime Princeps, vobis dein-  
de omnibus, Patres conscripti, immortales gratias,  
tum vniuersa ciuitas tum clerici omnes praecipue,  
atque sacerdotes. Vident enim vestris studiis atque  
suffragiis eum sibi Praesulem datum, quem sacra  
litera facilius describere quam praesens mortali-  
um vita proferre possit. Vident Patriarcham na-  
tura prudentem, moribus temperatum, vita ca-  
stum, victu sobrium, misericordem, eruditum,  
in lege CHRISTI instructum, fidei, religionis,  
indiuinaeque TRINITATIS spiritu ple-  
num. Quae omnia agunt ut non minus ornamen-  
tum ac decus talis Praesul attulerit Pontificio,  
quam

quàm Pontificium Præsuli contribuerit. Merito igitur hac amplissima dignitas ei præcipuè viro videtur conuenire, qui cœlestem in terris vitam agit, qui terrenus quasi Deus videtur esse, quem & Senatus elegit, qualem & populus Venetus concupiscit. Hic suis optimis moribus, hic preciosissimis virtutum monilibus & margaritis ornatus, sedem Pontificij magnificè decorabit. Sub hoc Principe sacerdotes in Dei lege ambulabunt, euntes de virtute in virtutem, sub magistro virtutum omnium, qui omnes iustitiæ & bonitatis numeros iam impleuit. Dehinc iterum conuertit sermonem ad Præsulem dicens; O quantum clarius, quantum nunc expressius omnia boni Ducis ac strenui munera obiturus es, religiosissime Præsul cum te videas in hac altissima specula constitutum, vnde omnes benè viuendi rationes non clerici tantum sed & omnis ciuitas, omnis Prouincia, omnis Christiana natio sit acceptura? Eductus es ex illa solitudine in lucem, celebritatemquæ hominum. Ibi eras vt impenderes quod DEO debebatur, hic assumptus es, vt impendas quod & Deo & homini debetur. Quamquam quæ in hominum officia conferuntur (cum sit homo Dei simulachrum) Deo impensa sciuntur. Ibi vni Deo solebas inhaerere, hic homini & adesse oportebit & præesse. Ibi religio fuit & sanctimonia, hic humanitas & misericordia incalescent. Ibi vixisti hæc ænus tibi, hoc est, saluti animæ tuæ, viuere

nunc salutem ceterorum mortalium; sciens ideo tibi datum à Deo pietatis affectum, ut nihil humanarum rerum à te alienum arbrireris. Debes igitur homo hominem tueri, diligere, fouere, manum porrigere in lubrico laboranti, iacentem erigere & attollere. Vno sumus omnes cœlesti semine oriundi, idem Pater est omnibus nobis conditor Deus. Noli vereri quod tu pedes in lubrico ponas pedes inquam virtutum calceamentis indutos: quorum adiumento pressus & calcatus affectibus, ambules super aspidem & basiliscum, & concules leonem & draconem. Summam igitur virtutem indelebilem assequutus, hanc Prœvinciam suscipe intra gremium pietatis tuæ, complectere benigne pastor oves tuas, quæ tuo ductu hic pascua scripturarum carpere valeant, illic vero in pascuis æternæ viriditatis inferi mereantur. Aderit summus rerum omnium opifex cuius templum diu factus es, aderit cœptis tuis omnibus fauens, & propitius.

Hactenus Franciscus Philomusus, dulcis nimirum philomela, in oratione quam habuit ad Senatum populumque Venetum, tempore inaugurationis Anthonij Suriani Patriarchæ circa annum circiter Domini millesimum quingentesimum tertium.

CAETERVM præter hos viros quos hic iam carptim enumerauimus, reperiuntur etiam & alij nostris hisce temporibus in Ordine Cartusienſi Viri virtutum, qui

qui etsi mundo incogniti, Deo tamen & cogniti sunt, & accepti. Quorum ego numerum haud facile equidem attigerim. Noui etenim nonnullos & de nomine, & de operatione, qui pertinaci studio silentium seruant, qui sibi duri ac rigidi sunt, qui summa execratione vitia detestantur, qui pietatis visceribus affluunt, qui assidujs orationibus ac studijs incumbunt, qui oris sui sermonem omnem cum timore proferunt, qui otiosa colloquia fugiunt, qui in aduersis rebus patientiam custodiunt, qui expulso amore seculi, diuinis solummodo laudibus inuigilant, pauperes mundo, Deo locupletes.

## CAPVT XXXVIII.

DE QVIBVSDAM REPROBIS NO-  
stri Ordinis Monachis, & proprie-  
tarijs.

**H**Vcusque prospera nauigatione vfi sumus, nunc venti contrarij, nunc insurgentes procellæ puppim nostram in scopulos & Syrtes adigunt. De prauis enim ac reprobis nostri Ordinis fratribus loquituri, oramus te lector, ne propter malos quosdam de bonis scandalum sumas, & crimine ab vno discere omnes velis, sciens quod in schola omnium virtutum sub magisterio Iesv Christi Iudas omnium pessimus, fur, proditor, ac parricida re-

Joan. 6. 70.

Matth. 13. 25.

Matth. 13. 47

Vide Homil.  
38. B. Gregor.  
in Euang: cir-  
ca medium.

pertus sit: de quo gemens Dominus discipulis loquebatur. *Nonne, ait, duodecim vos elegi, & vnus ex vobis Diabolus est?* Intellige parabolam Zizaniorum, quomodo pius agricola bonum in agro suo semen iactarat, quod clam inimicus homo cum vitisset, cum ipso tritico simul & Zizania surrexerunt: quæ tamen iussa sunt ante maturam segetem non extirpari; post verò, dum triticum in horrea reconditur, ipsa Zizania mista paleis ignibus comburuntur. Intellige etiam sagemam Ecclesiæ ex omni genere piscium congregantem; qui tamen pisces mixti boni cum reprobis, non ante ab inuicem separantur, quàm ad littus iudicij sagma traducta sit; vbi à sanctis Angelis boni pisces in vasis salutiferæ conseruationis colliguntur, mali autem foras in profundum maris, hoc est, amarissimæ damnationis proijciuntur. Semper namque in omni congregatione bonos cum malis, triticum cum paleis reperies. Per malos nempe boni dum vexantur & probantur, proficiunt; probati autem & purgati, ac in quadam quasi tribulationum mola à sua superbia comminuti, in panis cœlestis transeunt vnitatem, & leues paleæ igni comburuntur inextinguibili. Non scandalizent igitur te fratres reprobi, sed infor-



forment, & Deo subdere cum timore, fu- *Num. 16. 26.*  
 giens ad clamorem pereuntium, fugiens à  
 tabernaculis hominum impiorum, & sal-  
 uare (vt hortatur Apostolus) à generatione *1. Cor. 2.*  
 ista praua & peccatrice.

## CAPVT XXXIX.

PROPRIETARIVS QV DAM PE-  
*cunias sibi coaceruans, ac resipiscere nolens*  
*se ipsum tandem laqueo stran-*  
*gulauit.*

MONACHVS quidam nostri Ordinis  
 cum philargyriæ, hoc est, auaritiæ  
 vitio laboraret, huic se pesti propieta-  
 tis sociauit. Ardens enim ad nummos,  
 arte qua potuit, plurimos iuxta se clàm  
 coarceruauit; pro ijs congerendis, DE-  
 VM omnipotentem aspernatus, nul-  
 lum facinus intentatum reliquit. *Quid*  
*non mortalia pectora cogis, auri sacra fames?*  
 Et quia auaro Monacho nihil est scele-  
 stius, quippe qui pro vili lucro animam  
 suam venalem habent, deserto DEO  
 conditore, suo, pecuniam veluti for-  
 dens idolatra, DEVM sibi constituit,  
 cui votis omnibus deseruiuit. Verum  
 iusto tandem DEI iudicio in reprobum  
 traductus sensum, cum sui immanif-  
 simi sceleris pondus ipse ferre non  
 posset, nec tamen per pœnitentiam

*Virgil. 1. Ae-*  
*neid.*

*Ecc. 10. 9.*

deserere vellet, instar scelestissimi Iudæ manus in propriam aptavit cervicem, & accepto lintheo, cū solus in cella degeret, guttur sibi constrinxit, seseque suffocans, infœlicem animam in tartara destinavit. Qui postea à Priore & fratribus tam niger quàm carbo inuentus est. Cuius suppellectilem scrutati, nummos congestos inveniunt: quos super ipsum in sterquilinio sepulturæ traditum proiecerunt, clamantes; *pecunia tua tecum sit in perditionem,*

## CAPYT XL.

*ALIVS QVIDAM EODEM CONTAMINATUS scelere, & nequaquam ritè confitens, à maligno spiritu malè hinc eripitur.*

**L**Egi præterea quendam infelicem in quinque nummis æreis proprietatis vitium pertinaciter coluisse. Hic ad extrema deductus, post factam nescio quam confessionē in qua nihil de his nummis Priori dixerat, ausus est scelestus homo, non impune tamen, sanctam Eucharistiam flagitare. Allata est & ori eius imposita. Quam cum trajicere non posset, integra ab ore retracta est. Qua educta, repentē diabolus eum corripuens, miserumque exagitans, ac crebro blasphemare compellens, cum ingenti tormento animam à corpore violenter excussit; quam & secum haud dubiū ad tartara pertraxit. O te omniū perditis-

**VIDE  
NOTAS.**

*Simile quid  
legitur in vi-  
ta D. Bernar-  
di lib. cap.*

ditissime miserorum, qui ob quinos æneæ monetæ obolos æternis te voluisti supplicijs mancipare. De quibus etiam si voluisses, nullum vtilitatis fructum capere potuisses. Non ergo in te Deus iustus iudex pensauit possessam pecuniam, quæ nulla fuit, sed mentem in te damnauit auaram, quæ in tam vili retenta sarcinula infecta computruit,

## CAPVT XLI.

**LAICVS QUIDAM EX ILLORVM**  
*genere, quos Conuersos vocamus, in vitio proprietatis peruersè moriens, exhumatur, atque in sterquilinum projicitur.*

**E**st domus in hac nostra Prouincia (sileo locum ne verècundiam illi faciam) in qua cōuersus quidam cū rerum domus suę administratione potiretur, clam nummos furabatur, aliorū etiam negotiando pecunias apud se plurimas congerebat. Hic impœnitens infelicitè defunctus est. Prior post mortē qui res cellæ eius discutiens, aurum reperit, & argentum copiosum. Vnde conuocans Conuentum, cū fratris immo & furis vitium detexisset, conclusum est, vt de loco sacro corpus sacrilegum extraheretur. Aperto verò sepulchro, fossam ipsam dilatauerunt, & tabulam cui resolutum cadauer imponerēt, lateri eius applicuerūt. Mira res, & hæc-

nus inaudita. Cunctis cernentibus corpus ipsum sua sponte, nullo ferēte subsidium, altius se extulit, & sese super tabulam collocavit. Tanquam diceret, Non sum dignus ego sacrilegus loco in sacro reponi, & cum verē pauperibus iacere, qui vitio avaritię sacrilegē sui cōtaminatus. E fovea igitur extractus est, & asini sepultura in pphano loco donatus. Merito exempla hęc poterunt proprietarios detertere, quos simile exitium manet, nisi abiecto anathemate ad pœnitentiā confugerint salutarē.

## CAPVT. XLII.

*QVAM HORRENDA DIVINAE  
vltionis vindicta defœuierit in Monachum quen-  
dam instabilem, impostorem, ac varijs sese  
sacrilegjs contaminantem.*

**R**EM memoraturi terribilem, precamur lectorem vt sapienter aduertat animum formidantem. Nuper hoc nostro tempore vnus ex his quos fratres S. Hieronymi nuncupamus, quales sunt qui Zuvollis, Dauentriæ, alijsque pluribus in locis pueros literis imbuunt, ad nostrum ordinem (nescio quo spiritu animum appulit, & sumpto habitu, quantum foris apparuit: monachum se gessit. Erat verò hic, Matthias nomine, homo simulator, subdolus, versipellis, & qui instar immundæ suis, obscœnis operibus latabatur.

tur. Crebro nempe apostatans, mulierculas quasdam sibi dudum in seculo notas, pergebat inuisere. A quibus nummos & numera capiebat. Erat igitur proprietatis infectus vitio; qui tamen artes omnes suas ita obtegere norat, ut & sanctus & integer videretur. Fraude quoque multa literas conficiebat, quas à patre nostro Generali sibi asserebat transmissas esse, quarum auxilio nunc in hanc, nunc in illam nostri Ordinis domum habitatum concedebat. Qua impostura diu varijs in locis usus, tandem etiam ad nos infelix deuenit. Cuius conuersationem (licet cauta hypocrisi tegere conaretur) vix tandem seniores nostri depræhendunt, reprobum hominem cum fictis literis suis expellentes. Vnde aliquanto tempore per mundum cursitans, nondum durissima scelerum suorum nequitia satiatus, licet plus quam sexagenarius esset; Tandem ad Rothomagensem, professionis suæ domum, cum egere inciperet, se recepit; nihil minus quam de pœnitentia cogitans. Receptus est enim (ita dolum instituerat suum) non quasi fugitiuus, sed quasi esset per literas REVERENDI PATRIS GENERALIS eò missus. Quas tamen (ut ante dixi) ipse sua fraude condiderat. At nunc audi patientis hactenus Iudicis sæuissimam

*Eccles. 5. 4.*

mam vltionem, & intellige quod *Altissimus*  
*est patiens redditus*. Cantauerat reprobu-  
 ste sanus & incolumis vespas in choro  
 cum sanctis fratribus. Deinde ad cellam  
 reuersus, (vti moris est) lecto cōpletorio  
 dormitum concessit. Et ecce circa horam  
 noctis decimam, fratribus quiescentibus,  
 cella Matthiæ tetrīs dæmonibus vndique  
 completur. Quos vt vidit, totus in horru-  
 it, & leuata voce terribiliter exclamauit.  
 Exclamant quoque dæmones ex aduerso,  
 horrendas voces ac fremitus cientes. Ex-  
 citantur fratres qui iuxta morabantur, &  
 auscultantes, leonum, vrsorum, tauro-  
 rum, luporumque voces ac rugitus, audi-  
 unt ipsum quoque Matthiam inter has dæ-  
 monum cateruas miserè exclamantem.  
*Num. 16. 26.* Vnde nimio terrore consternati diffugi-  
 unt à tabernaculo Abiron pereuntis, & ad  
 tartara festinantis. Verum vbi à strepitu  
 & clamoribus cessatum est, vnanimiter  
 cum Priore fratres cellam eius ingressi  
 sunt, non sine ingenti pauore cordis. Et  
 diligenter intus & horto scrutantes mise-  
 rum, non inueniunt: sed vident vndique  
 diuersarum vestigia ferarum: quarum ante  
 vlulatus audierant. Ipso igitur non inuen-  
 to, omnes sine hæsitatione decernunt eum  
 à dæmonibus, quibus deseruierat, raptum,  
 & viuum ad inferna asportatum. Hæc  
 sunt

sunt reuera stipendia hominis Monachi fugitiui, ficti, inccestuosi, apostatae, & vilis proprietarij. Vnde collige iam hinc mi frater, timorem Dei, & pcreuntis exemplum in antidotum, tuæ conuërte salutis.

## CAPVT XLII.

**FRATER QUIDAM TERTIO AB**

*Ordine fugiens, post sedulam inquisitionem nusquam terrarum repertus, funesto exitu vitam finisse putatur.*

**C**irca idem tempus in quadam domorum nostrarum teutonicæ Prouinciæ fuit frater quidam Loffensi Comitatu oriundus, sacerdos nostri Ordinis, qui & Sacristæ officium satis fideliter aliquoties exercuerat. Hic reiecto Dei timore in crimē quoddam ac detestabile incidit, quod conscientia remordente cum ferre non posset, & carcerem magnopere pertimeret, fuga sibi consulens, turpiter apostatauit, fugit quidē Ordinem sanctum, sed rodentem conscientiam fugere nullatenus potuit. Hic à quodam viro illustri cognitus, ad suam domum reductus, iterū iterūque apostatauit, sed nō impune. Nam cum tertiam fugam attentasset, missis post eum vndique nuntijs, nusquam potuit inueniri, nec post vnquam auditum vel compertum est, quò vel deuenit, vel quid secum actum sit. Omnes namque credunt  
eum



Psal. 33. 22.

eum aquis immersum, interijisse; vel à latronibus iugulatum, vel sibiipſi noxias inieciſſe manus. *Mors enim peccatorum peſſima.*

## CAPVT XLIV.

*ALIVS QVID AM DORDRACENVſ aliquoties quoq; fugam adornans, & luxurioſè viuens ſine vlla tandem cordis contritione peſſimè obiit.*

**N**ON longè ab hoc tempore fuit in hac ipſa noſtra prouincia Monachus Hollandus, Dordracò oriundus. Qui cum videretur induſtrius eſſe, ad officium procuratoris eſt aſſumptus. Naſtus verò occaſionem delinquendi, ſtatim ſuam prodi- dit iniquitatem. Habebat namque adhuc matrem viuètem, à qua tenerrimè diligebatur: quæque clàm illi poſcenti carnes offerebat edendas. Qui tali cibo vetito corruptus, cepit & poſt fœminas inhiare. Amabat enim mulierem viro ſociatam. Vnde conuentus percipiens perditam eius conuerſationem (nequeunt enim diu mala latere) ab officio abſolutus, ad cellam eſt reductus. Quod ægerrimè ferens, ſe mortificationi dare condemnens, per murum elapſus, auſugit; & acceptis à matre nummis aliorſum longè ſe tranſtulit. Qui tandem monaſtico reiecto habitu,

bitu, à quadam Abbatissa nigri Ordinis  
 nigrum habitum assumpsit, nigræ suæ cō-  
 scientiæ testimonium. Dehinc quasi iam  
 tutus, cœpit palam per seculum euagari.  
 Vnde à nostris captus, carceriq; traditus,  
 denuò nostrum habitum induit. Quem,  
 quia obcæcati & maligni erat animi, in  
 frustra discidit, & quantum potuit in ni-  
 gram tunicam commutauit. Verum cum  
 tandem spe emendationis esset eductus, i-  
 terum nigro indutus habitu aufugit. Sed  
 captus est iterum, & inclusus, attamē quia  
*nemo valet corrigere, quē Deus despexerit, cū*  
*sapē apostataret, & crebrò clauderetur,*  
 nunquam animum ab amentia reuocauit;  
 semper se nigri Ordinis Monachum con-  
 testans, licet nec illum nec nostrum Ordinem  
 obseruaret. In qua duritia vsque ad  
 decrepitam quoque permansit ætatem.  
 Nam cum curuus incederet, & vix am-  
 bulare posset, fugit tamen; peruersæ  
 mentis affectum ostendens. Sed tunc quo-  
 que reductus, & interrogatus cur fu-  
 gam inijsset, qui fugere nequiret, re-  
 spondit: *Feci quantum potui, non quantum cor durum*  
*volui. Volebam maiora, sed non potui.* In hac *malè habebit*  
 mentis duritia, impœnitens perseuc- *in nouissimo.*  
 rans, manifestum in semetipso diuinæ  
 ultionis prodidit indicium. Nam de com-  
 missis flagitijs ac sceleribus nunquam

com-

compungi, extremæ damnationis manifestam coarguit animaduersionem. Vbi enim nulla est correctio, ibi manifesta Dei est ultio. Quia, vt ait Leo Papa, *peccator quisq; in sua conscientia patitur, quicquid Dei bonitate differtur*. Cæterum post nouissimam fugam cum esset carceri mancipatus, licet eum grauis infirmitas perurgeret, compungi ac pœnitere tamē noluit; sed infelici morte ereptus, descendit in perfundum inferni, obduratus quasi lapis; secundum duritiam & inpœnitens cor thesaurizans sibi iram in die iræ iusti iudicij Dei.

## CAP. XLV.

*DVO OFFICIALES EXTERNIS immersi offiij, eaq; improbè administrantes, in curru vna profecti, fulmine percussi, exanimantur, maleq; intereunt.*

**N**ON longe à nostris temporibus contigit duos in nostro Ordine officiales (quorum sceleratam nequitiam ideo tacemus quod ex vindicta facile possit agnosci) terribili ac repentina animaduersione consumi. Eodem namq; in curru cum residerent, & ad negotia (nescio quæ) pergerent, subito à cælo cum tonitru coruscans fulgur emicuit, & vtrumq; terribili ambustione exanimauit. Quos auriga extinctos, & cœli ira combustos ad domum Ordinis reuexit, in testimonium iusti iudicij

dicij Dei. Fratres quorum vitam reliqui  
fratres scientes, post lamenta & lachrymas  
*lauabant manus suas in sanguine peccatorum.*

*Psal. 17. 32*

## CAPVT XLVI.

**DVO AMBITIOSI FRATRES MALI-**  
*tiosè inter se contra Priorem conspirantes, cum vo-*  
*to essent potiti suo, infelici exitu diem clau-*  
*sere extremum.*

**R**Elatu didici, fuisse duos in nostro Or-  
dine Monachos sacerdotes, quos ardès  
torquebat ambitio, & infelici igne vrebant.  
Hec est enim illa sæuissima pestis, quæ mo-  
nachum in Diabolum vertit, versumq; de  
cælo religionis, in abyssum rotat æternæ  
perditionis. Hi duo ambitiosi scœdera iun-  
gunt, additis sibi nonnullis ex fratribus quo-  
rum ope & conspiratione Prior ab officio  
deponatur. Erat aut inter eos hos duos iam  
facta partitio, ut vnus Prior, alter verò fie-  
ret procurator. Quibus ita pactis, Prior li-  
cet vir bonus, & domui admodum utilis,  
quia tamen his satrapis non placebat, per va-  
rias accusationes (cum & graue senium cau-  
sarentur) ab officio est reiectus. Passusq; est  
Deus, occulto & amaro iudicio, hos duos  
in officijs institui, tribuens eis petitiones  
eorum. Sed non impunè. Nam is qui infe-  
lici pacto factus est Procurator, ante anni  
exitum misera morte preuentus, occubuit.  
Porro qui Prioris sortitus erat officium,

Hh

cum

cum per reprobos mores raptaretur, vino-  
que sese sæpius ingurgitaret; ac voracitatē  
sectaretur, post tres annos summo cum de-  
decore est ab officio remotus. Quod sicut  
indignus ascendit, ita & malignē deposuit,  
vnde & paulo post cum ob suam absoluti-  
onem nimium cōtristaretur, (nō enim po-  
tuit homo superbus suam perferre deiectionem)  
incidit in hydropisīn & lethalibus  
aquis præfocatus, diem cito clausit extre-  
mum. At verò Prior ille, quem ob nimiam  
senectutem volebant absolui, longo post  
vixit tempore, in spiritu alacritatis & fer-  
uoris, Deo seruiens die ac nocte. Atq; hinc  
iam palām cernimus, quo pacto sanctus Pā-  
ter familias Christus de agro Cartusiano  
passim zizania euellens extirpet, vt mun-  
datum triticum componat in horreis.

## CAPVT. XLVII.

*DONATVS QVIDAM AB ORDINE  
fugiēs, & mulierculam sibi sacrilegē adscissens, in-  
uisibili correptus morbo, infelicitē  
expirāt.*

**N**Ostro tempore, & in nostra domo cō-  
tigit quod si biicio. Donatus quidam  
cū propter excessus suos, qui multi & gra-  
ues erant, deberet à Priore (qui suus erat &  
patrius) in capitulo reprehendi, ille statim  
vt sensit aliquantam verborum asperitatē,  
cum magno impetu extra capitulum eru-  
pit;

pit, & anterioris Ecclesiæ cancellus irreuer-  
 renter transiliens (omnibus qui in vnum  
 congregati erant fratribus vehementer con-  
 sternatis) à monasterio fugit, & irridens nos,  
 statim accepta muliere quam clam ante di-  
 lexerat, infelici se matrimonio sociavit.  
 Sed non est Deus etiam hoc malum, & quas  
 ante apud nos rapinas exercuerat inultas  
 atq; impunitas passus abire. Nam vno die-  
 rum cum ab itinere fessus domum redis-  
 set, repentino est morbo correptus, & pla-  
 ga percussus inuisibili: qua sensim augmen-  
 tum capiente, sine penititudine, sine confes-  
 sione amarissima illicò est morte peremp-  
 tus. Ecce quomodo stipediù peccati mors. *Rom. 6. 23.*

CAPVT XLVIII.

**PRIOR QUIDAM CRUCIFERORVM,**  
*Monachis suis suppeditans occasionem statuta Or-*  
*dinis infringendi, pecuniasq; possidendi, terra hiatu*  
*cum suis horrendum in modum ab-*  
*sorbetur.*

**V**Erum quandoquidem superius de vi-  
 tio proprietatis nonnulla exempla in  
 medium protuli, duo adhuc subijciam, quæ  
 haud dubio auari poterunt Monachi ani-  
 mum permouere. Quæ ideo ad calcem hu-  
 ius operis subijcio quod personæ hæ de  
 quibus agitur, ad nostrum Ordinem non  
 pertineant. Quidam namq; Venerabilis &  
 eruditus Pater Prior Ordinis Cruciferorū

venit nos quondā inuifere: qui nobis quod nuper in suo Ordine terribile contigit, enarravit. Sublimis quippe & præpotens Doctor quidam, qui ob singularem scientiæ industriam vnus erat Parisijs ex dominis Paralamenti, hic corde cōpunctus, omnia reliquit, ac Cruciferorū Ordinē est ingressus. In quo religiosè viuēs añis aliquot, tandē ad Prioris est officiū sublimatus. Sed

*Psal. 65. 5.*

*Ô terribilis Deus in consilijs super filios hominem.*

Homo iste euectus ad regimē animarū, vnde humilior esse debuit, elatior effect⁹ est; & ea cornua quæ in seculo deposuit, in prælatione resumpsit. Vnde traditus in reprobū sensum, sacra Ordinis instituta mutauit, & optimas veræ religionis sanctiones, citò perfregit, ad laxam ac reprobam vitā fratres suos traducens. Ante omnia verò eos ad peculium, ad proprium possidendum ansam præbuit, perdocuit, atq; hoc pacto tanquam ex quodam malorum omnium germine innumera vitia introduxit. Porro fratres possedentes iam peculium, cōmestrationibus statim vacare cœpere, iurgijsq; ac scortationibus operam dare. Cumq; annum Generale Capitulum apud Huyum celebraretur, contigit hunc reprobū Priorem, immò Ordinis subuerforem adesse. Qui tamen ita se ficta componebat hypocrisi, vt nihil posset ex eius morib⁹ depræhendi.

**VIDE  
NOTAS.**



hendi. Sed qui latebat obtutibus humanis, diuinis latere oculis haud quaquā potuit. Inter celebrandum vero hoc ipsum Capitulum, contigit quendam religiosum vita functum ad superos emigrare. Qui sequenti nocte apparens vni confratrum suorum, viro nimirum venerabili, dixit ad eum. *Vade & dic Priori illi Franco, vt se suosq; reformet, pœnitentiam in communi accuset, conuulsa à se statuta Ordinis restituat, Monachorum auaritiam compescat, libidinem frenet, & ad vera virtutis tramitem seq; suosq; reducat. Quod nisi fecerit, pessima cum suis omnibus morte peribit, sempiternaq; in tartarum pœnas dabit.* Porro dicta sunt hæc omnia per Ordinem Priori reprobo, qui vehenter ad horā pauefactus, hortatur suos ad Ordinis disciplinā licet parū ipse proficeret. Assueti enim rūpere iugum, & vincula soluere, viam durissimā relinquere nequiuerūt. Hinc iam facta est super eos grauisissima manus Domini. Venit enim subito super eos ira Dei, adeo vt terra dehiscente, descenderent omnes vini in infernum, operti humo, sicq; scelerum suorum ultionem capientes.

## CAPVT XLIX.

**DOMINICANVS QVIDAM PRAEDICANDO, confessionesq; excipiendo plurimas acquirēs pecunias, easq; superiori suo resignare recusans, infœliissimè moritur.**

Hh 3

Alius.

**A**lius nescio quis, Ordinis beati Dominici, ut mihi religiosus & vir timoratus nuper narravit, cum ex prædicationis officio & confessionis pecunias plurimas apud se condidisset (erat enim ex his qui per pulchras benedictiones sciunt bursas hominum euacuare) tam studuit eas auarè retinere, quam ante didicerat cupidus aggregare. Vnde in articulo mortis cõstitutus, cernens Prior suus quod mori inciperet, hortatur eum, sciens quod nummos haberet, poenitentiam agere, & malè aggestas pecunias sibi, ut suo patri consignare. Cumq; difficilem se redderet, stabat Prior æternum illi comminatus interitum, si cum sua putenti rapina proprietarius moriatur. Vnde motus, digitum protendit, & locum in quo nummi repositi latitabāt, designauit. Sed ubi vidit prælatum moliri ut pecuniam tollat, tactus amarissimo cordis dolore, voce qua potuit & signis clamabat, dicēs; *Sine, sine iacere pecuniam. Nam pro his congerendis animam ego infelix & corpus perdidit atq; consumpsi.* Hæc ubi dixit, animam auaritia tabefactam, in manus expuit tartarei deceptoris.

## CAPVT L.

**TERRIBILE QVODDAM EXEMPLVM**  
cuiusdam Conuersi, qui in Cartusia Mantuana post obitum pecunias possedisse deprehensus, in sterquilinum est proiectus; cuius tamen cadauer, reperiri postea non potuit. Adhucimus aut hoc Coronidis loco sicuti propria V. Patris Surij exaratum manu, inuenimus. An. Domini 1550. Cartusianus, &c.

Anno.

**A**Nno domini 1550. Cartusianus quidam, nomine Henricus Leodiens. professus domus Coloniae, tum verò hospes domus Mantuae in Italia scripsit V. patri Gerardo ab Hamont id temporis Priori Cartusiae Coloniensi in hæc verba. Fuit memòtia Prioris nostri hic scilicet mantuae frater quidam Conuersus hospes noster, professus autem domus Ferrariae, qui suspectus fuit habitus de vitio proprietatis tam in ista nostra domo, quàm in domo Ferrariae. Vbi ipso tandem mortuo, inuenta est in lectulo eius summa quædam pecuniarum, & subito visus est illic canis quidam magnus niger astare. Porro vehementer territi fratres, consuluerunt, vt cadauer vesperi occultè extra cimiterium sepeliretur. Cumq; eo deferretur sacco inclusum, per quendam fratrem insignitè audacem & fortem, canis teret eum insequens, cadauer illo reluctantè auferre nitebatur dicēte, quod si nihil aliud boni egisset, nisi quod habitum Ordinis gestasset sepeliri tamen debere. Frater ergo canē nigro præualens, tandē illum sepeliuit. Manē aut factò, quæsitū est ac nihil penitus de cadauere proprietarij reperiū. Addit et ad calcē epistolæ suæ quod officiū diuinū in Italiā celeberrimè persoluatur, quodque Priores in ipso primi sint & vltimi conuiuij seculariū, immo & religiosorū rarissimè intersiat, sed quantum possint sese exhibeant præsentis Conuentui. Porro Nouitij ibidem magna cura suscipiuntur, maiori probantur, maxima vero audiuntur. Et quemadmodum agnus matrem sequitur, ita nouitius lateri institutoris, nisi cundo ac templū & redeundo, in locis publicis adhæret, etq; in sancta simplicitate omnibusq; licitis & possibilibus obedit. Det ergo nobis Dominus ipsū & sanctos eius per viam obediētiæ ac pauperatis imitari, & proprietariorum pœnas euadere, Amen.

BENE-

BENEVOLO LECTORI SALV-  
tem plurimam.

**S**equabatur iam hic, benenole Lector, nostro in exempla-  
ri liber DORLANDI octauus. Qui, cum totus hinc  
inde particulatim excerptus sit ex ARNOLDI Bostlij  
Carmelitani, quem de viris nostri Ordinis illustribus con-  
scripsit Tractatu, nosq; hunc eundem ad proximas (Deo bene  
volente, operatq; accelerante) Nundinas ex integro vobis  
exhibituri simus (sunt namq; anni, quantum equidem scire  
licet, plus minus octaginta, quod BOSTIVS per uetusto  
impressus caractere, vix interim renouata in lucē pelle ali-  
orū sese obtutubus obiecerit, cum tamen circa annū Domini  
quadringentesimum supra millesimū Gandavi floruisse con-  
stet) hinc huiusmodi lascinias missas facientes, id à TE  
deprecamur vnicē, vt hijce pijs nostris conatibus benè pre-  
catius, etiam gratitudinis vices Typographo D. Petro Choli-  
no rependas. Qui post obitum humanissimi viri, ac benè de  
Repubblica literaria meriti Gosvini Cholini, parentis sui a-  
manissimi (cuius manibus superi vt benè faxint, etiamnum  
oramus libens volensq; hac suo subiecti prælo, quò gratifi-  
cari posses omnibus. Vjus nimirum manu scripto exemplari  
non vetusto dumtaxat, verum etiam parum legibili, pluri-  
misq; abbreviationibus mirum in modum intricato, imple-  
xæque adeo vt si operariorum (qui per unq; salium sunt re-  
rum imperiti) incuria inscitiaq; nonnulla hinc inde menda  
subrepperint, id magnoperè mirum videri haud quaquam  
debeat: licet ea istius generis esse arbitremur, vt ab indu-  
strio LECTORE sine magno sensus dispendio facillimè  
animadueri queat. Nam stilum quod attinet, is in tanta la-  
sinitatis barbarie (vita namq; ante annos cēium functus est  
auctor) etsi præacquisito compitq; haberi non possit; ita ta-  
men sibi constet, vt pro istius ratione cui, Cartusianaq; pro-  
fessione candore tolerari haud immeritò queat. Sic vale ac  
fruere Lector humanissime. Ex Cartusia Colonienfi.

F. Theodorus Petrus,  
Campensis.

NOTAE SEV  
ELVCIDATIO-  
NES BREVES,  
IN HOS SEPTEM PETRI DOR-  
LANDI CHRONICI CARTV-  
SIENSIS LIBROS.

AUCTORE F. THEO-  
DORO PETRAEO, CAMPENSI,  
*Cartusie Colonienſis alumno.*

Ecclesiastici 44. 1.

LAVDEMVS VIROS GLORIOSOS  
& Parentes nostros in generatione ſua.



COLONIAE AGRIPPINAE,  
*Apud Petrum Cholinum.*

ANNO M. DCVIII.

Permissu Superiorum.



3

VENERABILIBVS  
AC DILECTISSIMIS, OB-  
SERVANDISSIMISQVE IN CHRIS-  
TO PATRIBVS, VISITATORIBVS  
ac PRIORIBVS *sacri CARTVSIEN-*  
*SIS Ordinis, pietate iuxta ac erudi-*  
*tione prastantibus S. P. D.*



Um in eo res esset, Vene-  
rabiles in Christo Patres,  
vt præsens hoc D O R-  
LANDI Chronicon (co-  
ronam ipse nuncupat) de  
Superiorum nostrorum  
consilio, plurimorumq; aliorum doctissi-  
morum Virorum hortatu, breuium qua-  
rundam NOTARVM adiectione à nobis  
illustratum, in lucem profettri, ac pro re-  
cepta seculi huius non illaudata hætenus  
consuetudine, honoris amorisque ergo  
dedicari cuipiam oporteret, Vos mihi in  
primis occurristis; quos ad hanc rem non  
solum Iudices Cenforesque, sed & Mæce-  
nates auxilioresque deligerem.

De vestra etenim vindemia hæc quam  
paramus procedit racematio, & ex Vestra  
acie miles hic quem sua instructum pano-  
plia in campum producimus, emicat. Fuit  
namque PETRVS hic DORLANDVS  
vestræ in primis professionis conditio-

A z

nisque



nisque membrum, celeberrimæque olim  
 Diestēsis Cartusiæ PRIOR integerrimus.  
 Qui nolens sine fructu concreditam sibi  
 temporis vsuram deperire, talentumque  
 à Supremo illo Patrefamilias traditum, in  
 terrâ defodere, hanc de illustribus CAR-  
 TVSIANE familiæ PATRIBVS coronâ,  
 veluti odoriferû quoddam selectissimo-  
 rum florum sertum studiosè contexuit.

*Matth. 3. ver.  
 16.*

Non quidem eo, ni fallor, animo, vt  
 nostris duntaxat in Bibliothecis, cella-  
 rumque angulis pius hic fœtus sine vlla  
 suauitatis fragrantia delitesceret, sed vt ef-  
 fet quasi bonus CHRISTI odor in omni  
 loco. Non enim nobis solùm nati sumus,  
 inquit ille, verum ita rerum nostrarum  
 actiones à Christo saluatore instituere  
 præcipimur, vt luceat lux nostra coram  
 hominibus, quatenus alij bona nostra con-  
 spicientes opera, glorificent Patrem qui  
 in cælis est.

*2 August. lib.  
 3. confess. ca.  
 6.*

Est quippe hoc humanis insitum pecto-  
 ribus, vt nos qui luteas hæc incolimus  
 domos, atque altis vitiorum tenebris sæpè  
 immergimur, quoties eximia maximarû  
 virtutum exempla in illustri posita loco  
 cōspicimus, toties animis vehementer in-  
 flammati, ad illorum insiltendum vesti-  
 gijs, summo conatu feramur. a Liqueat hoc  
 namque insigni duorum illorum aulico-  
 rum

# DEDICATORIA.

5

rum militum exemplo, qui Imperatore apud Treuiros agente, cum pomeridiano quodam tempore foras deambulatum concessissent, iamque casu in solitarij cuiusdam casam incidentes, Magni illic ANTHONII vitam literis consignatam reperissent, rerum ilico mundanarum tædio ita sunt affecti, vt suis renunciantes sponſis, aulaque terreni Imperatoris relicta, monasticæ sese addicere professioni, cælestisque Imperatoris famulatui, cui seruire regnare est, inaugurari cœperint; sponſas suas ad idem scruiſij genus itidem prouocantes.

Quemadmodum enim ansa trahit ansam, sic præcedentia piorum hominum exempla magnas benè agendi occasiones sæpe numero subministrant. Hinc quippe est, quod præstantissimus ille Catholicæ Doctor Ecclesiæ b AVGVSTINVS de se ipso magna cum animi voluptate cōmemorat, quod priusquam ad Christianæ vitæ cōsectandam sanctimoniam plenè perfectèque instructus foret, Simplicianum virum sanctum de Victorini Rhetoris cōuersione præclara referētem, mirè ad imitandum exarserit. c Sicuti enim (verba sunt Magni illius BASILII ad Gregorium Theologum) pictores, cum imaginem ex imagine pingunt, exemplar identidem respectantes, lineamenta eius transferre ingēti studio ad suum

b Lib. 8. confess. cap. 2.

c Epist. 1.

*opificium conantur : ita qui sese meditaturs omni-  
bus numeris virtutis absolutum reddere, veluti si-  
mulachra quadam spirantia & actiuosa, SAN-  
CTORVM Vitas respicere oportet, probaq; eo-  
rum opera, sua imitando efficere.*

QVOD cum ita se habeat, mirum pro-  
fecto est, PATRES admodum suspicien-  
di, nemine ad præsens vsq; tempus ( elapsi  
uamque sunt anni plus centum, quando  
noster hic DORLANDVS in viuis esse de-  
sijt ) repertum, qui hanc Virorum nostri  
Ordinis illustriũ CORONAM, in lucem  
proferens, venalem passim omnibus ex-  
poneret. Cum tamen plurima lectu non  
solũ digna iucundaq; contineat, sed &  
AVCTOR ipse omni pietatis eruditionis-  
q; genere, suo cum primis æuo conspi-  
cuus fuerit.

VERVM enimuerò, videtur hic esse  
proprius sacri CARTVSIENSIS Ordinis  
genius, vt sicuti silentio ac solitudini præ-  
cipuam nauat operam, sic malit intra pri-  
uatos cellæ parietes benè præclareque vi-  
tam instituier, quàm externis virtutum  
extolli præconijs. Illud namque est, quod  
non solũ admirandæ pietatis ac industriæ  
P. Theodorus à Loer in vita DYONISII  
RIKELII cum dolore conqueritur, sed  
quod & DORLANDO nostro magnã nõ  
immeritò admirationem excitat : quasi  
nostrum

nostrum hoc summæ taciturnitatis studium, ob personarum, minus sanctè CARTVSIANO in Ordine degentium, inopiam cōtingat; simulque hac in parte cæteris Monasticæ vitæ cultoribus longè inferiores. *d* Habent enim, inquit, Cistercienses, *d* In Prefat. habent Cluniacenses, habent & D. Dominici & Francisci Ordines magna vitæ sanctimonia conspicuos, magnorumq; operum patratores. Sed nos (vt pia cum fiducia loquar) hac in parte pauperiores non sumus. Nam si de internis Sancto-  
rum virtutibus aliquid inquiris, inuenies hic qui sublimi humilitate, qui ardentissima charitate, qui & patientia, paupertateq; altissima splenderunt. Nec puto ullos facile Viros in alijs Ordinibus inueniri, qui hos NOSTROS virtutibus gratijsq; superent.

EAM ob rem sicuti non possum, quin magnoperè commèdem optimos ac pietissimos præstantissimorū Societatis IESV Patrum conatus, qui res sua in Societate à præcipuis aliquot eximie sanctitatis Viris præclare gestas, ad Dei solius laudem, proximorumq; salutem, exquisito orationis genere literarum monumentis ad omnem posteritatis memoriã consignât, sic vehementi mihi sæpe admirationi est, nos in tam excellenti pietatis, ac lucrandarum animarum studio longè esse tardiores, negligentioresque.

Si enim suos ipsi in medium proferunt Loiolas, Borgias, Gonzagas, Xauerios, Salmerones, Laignesios &c. quid causæ quæso est, mi optimi colédissimiq; PATRES, cur nos qui integro quatuor seculorū decursu (& quod excurrit) præfatam hanc Societatem antecessimus, non omnium oculis animisque libentes volentesque nostros illos Sanctissimos Brunones, Hugones, Anthelmos, Lauduinos, Stephanos, Basilios, Iancelinos, Dionysios, Dominicos, & id genus alios obijciamus? Quorum uti nonnulli iam olim publico militantis Ecclesiæ præconio in triumphantem Dinorum omnium cœtum sunt relati, ita cæterorum quoque nomen ac res benè gestæ dignæ meritò censentur, quæ gentiū omnium linguis concelebratæ, ad posteros cant.

Qua in re ut pro Ordinis zelo, proque illa quam ad proximos habetis charitate, opem auxiliumque feratis, etiā atq; etiam Vos oro obtestorque. Quatenus si quæ adhuc penes VV. Paternitates vestras huius generis scripta, ad CARTVSIANI nominis decorem, subditorumque vestrorum spiritalem profectum, atque aliorum omnium ædificationem facientia, priuatim adseruantur, (& quis ambigat, quin plurima passim talia in Bibliothecarum vestrarum

rum angulis cellarumq; latibulis cū blattis ac tineis gnauiter decertantia reperiuntur?) ea non solum deperire non sinatis, verū talibus vestri Ordinis personis committenda decernatis, à quibus cum insigni totius Christianæ Reip. emolumento nostræque religionis incremento, in lucem queant proferri. Hic namq; nostræ huius dedicationis est scopus, hæc intentio, hoc argumentum. Quam ut vna cum breuibus hisce Notis benigno ac paterno suscipiatis animo, humiliter deprecor. Colonia Vbiorum ex Domo S. BARBARAE, ipso S. HVGONIS EPISCOPI GRATIANO P. qui uti septem primos illos sacri Cartusienfis Ordinis initiatores benigno hospitio suscepit, aluit, fouit, sic Vos quoq; VENERANDI PATRES, septem hosce PETRI DORLANDI libros, nunquam antea in publicum prolatos, humaniter quæso excipiat, meque humillimū vestrum clientulum, sanctissimarum precum vestrarum subsidio commendatum habeatis. Anno à partu virgineo octauo supra millesimum sexcentesium: ex casa nostra Cartusiana.

VV. PP. Vestrarum  
humillimus filius,

F. Theodorus Petram,  
professus ibidem.

A 5

ELV.

10  
**ELVCIDATIO.**  
**NES, SEV NOTAE IN LIBRVM**  
**I. CHRONICI CARTVSIENSIS**  
**PETRI DORLANDI.**

**DE S. BRVNONE, EXIMIO SACRI**  
*Cartusiensis Ordinis Patriarcha, ac*  
*primo initiatore.*

§ I. De illius patria, ac parentela.

**C**VM felix Vbiorum Colonia, fidelis Ro-  
manæ Ecclesiæ filia, ac Germaniæ totius  
Metropolis celeberrima, plurimos pie-  
tate non minus, quàm insigni eruditionis laude  
præstantes in lucem produxerit Viros; tum in  
eo haud quaquam aspernandæ laudis sibi con-  
sciuit nomē, quod sanctissimi CARTVSIEN-  
SIS Ordinis imitatore, atque eximio Patriar-  
cha Christianum exhilarauerit Orbem. Hæc  
etenim est, quæ DIVI BRVNONIS primæ  
excepti incunabula, hæc sinceriori germanæ  
pietatis succo deuotum CHRISTO pectus po-  
tauit, hæc primæ literaturæ elementis tenerum  
imbuit animum, quæ postmodum celebris illa  
Parisiiorum Lutetia multò auctiori cum incre-  
mento, ad summa quæque prouexit: adeò vt  
publicæ ibidem professionis donatus sit cathe-  
dra; illa nimirum tempestate, qua Parisijs, tan-  
quam in amplissimo frequentissimoque Musæ-  
rum domicilio ingens studiosorum turba age-  
bat. Habuit verò parentes & genere & virtute  
inter Vbios cum primis claros; ex illa nimirum  
nobis



nobilissima Romanorum prosapia oriundos, qui Agrippinæ nouam deduxere coloniā, quam etiamnum de duro pugno incolæ indigitant. Vnde apud omnes in confesso est, & natione Germanum, & origine Coloniensem exstitisse. Prout huius nobis adsertionis testes sunt, qui eius res gestas vel ex professo conscripsere, vel per transennam quasi attigere; nempe Sigebertus in Chronico, ad annum Domini 1084, Anthoninus in sua historia, parte 2. Tit. 15. ca. 22. in princip. Necnon & Frater Ioannes Laziardus Cælestinus, in Epitom. historiæ vniuersalis, capite 193. in fine. Similiter & Christianus Massæus in Chronico, lib. 16. Cui Ioannes quoque Naclerus adstipulatur, Generatione 37. Simul ac Surius noster. Tom. 5. 6. Octobr. alijsq; complures.

§ II. Fueritne Iurisperitus, an verò S.S. Theologiæ Doctor.

**C**Æterum, in eo non omnes passim conueniunt, cuiusnam facultatis professionisq; Bruno fuerit; licet illa præualeat sententia, Theologum illum eximium exstitisse, atq; in diuinarum literarum cognitione apprimè exercitatum, vti ex ijs, quæ literarum monumentis ad omnem posteritatis memoriam consignauit, liquidò constat. Potestque id aliorum etiam comprobari testimonijs. Nam Franciscus de Puteo, Lugdunensis, iuris vtriusque Doctor præstantissimus, ac totius Cartusienis Ordinis GENERALIS integerrimus, id disertis contestatur verbis. Et ante illum Dionysius Ryckelius,

lius, æquè Cartusianus, in Tractatu de præconio seu laude Ordinis Cartusienſis, Artic. 1. in princip. Nec non & Petrus Sutor lib. 1. de vita Carthufiana, Tractat. 2. cap. 4. Cui & Surius noſter hiſce verbis non inuitus adſtipulatur: *Ad ſacra quoq; Theologia ſtudia ſeſe (BRVNO) conferens, in Theologiſ doctiſſimus & celeberrimus eſt habitus: poſſuntq; ei rei teſtimonium haud vulgare præbere ſcripta eius, quæ exſtant.* Licet id multò efficacius colligi queat, ex diuerſorū

*In vita B.*

*Brunon. Tom.*

*5. die 6 Oſto.*

*§ 1.*

*Inueniuntur*

*adiecta ad ſi-*

*nem S. Bruno-*

*nis, ſcorſim à*

*D. Franciſco*

*de Puteo edi-*

*ta.*

*Reperitur a-*

*pud Surium, &*

*loco ſuperius*

*citato in ſine*

*vite.*

*\* Non pueros,*

*ſed graues vi-*

*ros docuit S.*

*Bruno.*

Còllegiorum Cœnobiorumq; Epitaphijs (ſunt autem hæc ſupra centū & ſexaginta:) D. BRVNONI, non longè poſt obitum, honoris amorisq; ergà inſcriptis. Hinc Eccleſia S. Mauricij Andegauenſis, huiuſmodi poſuit Epitaphium:

*Gallia triſtatur, Calaber populus lachrymatur,  
Doctoremq; bonum gemit iſte, ſlet illa patronum.  
Gloria Platonis vileſcit laude Brunonis,  
Hic præcellebat Doctõribus, hic faciebat  
Summos Doctores, non inſtituendo \* minores.  
DOCTOR Doctõrum fuit hic, &c.*

Hinc namque legitur D. BRVNO in re Theologica Præceptor fuiſſe Urbani Papæ II. à quo & poſtmodum, ob inſignem rerum diuinarum cognitionem, animiq; prudentiam, Romam eſt euocatus, ſicuti olim Hieronymus à Damaso. Quin & multò eſt probabilius, Theologum illum fuiſſe, quàm Iuriſperitum; vtpote cùm in ampliſſima Rhemorum Vrbe Canonicatu ſit functus: non verò Carnoti, ſicuti malè ſentit Raphael Volaterranus, lib. 21. Anthropologiæ  
fol.

fol. 478. Sunt tamen qui adstruunt, D. BRUNONEM Parisijs inter Theologos publico aliquo dignitatis officio fuisse condecoratum, adeò ut Scholarum Magistrum eum nominent, quod ferè tantundem est, ac si totius Vniuersitatis fuisse RECTOREM velint, quæ suprema solet esse Academicarum dignitas. Hinc auctor ille, qui carmine D. BRUNONIS vitam prosequitur, ita canit.

BRUNO *sacerdotum splendor*, RECTOR-  
QUE Scholarum,

Quem genuit celebri Germana Colonia partu,  
Vir pius, & sapiens, ac præstantissimus, omni  
Munere doctrina, & templi Rhemensis alumnus,  
Tunc erat exponens problemata sacra Parisiis.

Hinc Ecclesia S. Mariz Bernaci huiuscemodi  
D. Brunoni posuit Epitaphium:

DOCTOR Doctorum fuit, exemplarq; bonorum:  
Nostris temporibus BRUNO vir eximius.

Cõsonat ferè his, quod Nauclerus suo in Chronico Tom. 2. Generatione 37. fol. 730. hisce verbis ait: Fuit BRUNO Teutonicus ex Colonia natus, Philosophia atq; sacra pagina DOCTOR clarissimus, Rhemensis Ecclesia Canonicus, & Scholasticorum Parisiis. DOCTOR disertissimus. Atque hinc est, quod passim etiam ab alijs Scholarum, seu Scholasticorum Magister nuncupetur, nempe à Sigeberto, Antonino, Papirio Massonio, &c.

§ III. De altero illo Parisiensi Doctore, qui se accusarum, iudicatum, adeoq; & condemnatum palam est vociferatus.

Con-

Inueniuntur  
in fine operum  
D. Brunonis,  
Parisijs ante  
annos plus  
80. impresso-  
rum, ac iam  
iteratò recen-  
dendorum.

CONsimilis quoq; hunc professionis fuisse, inde licet opinari, quòd cùm eadem cum Diuo BRVNONE sua lia tractarēt, hinc tanta inter illos (vti fieri videmus) orta sit familiaritas, tanta animorum coniunctio, tanta denique fraternæ charitatis conglutinatio. Ita namq; discretis verbis Petrus testatur a Sutor, dum ait:

a Lib. I. de vi  
et Cartus. Tra  
Bat. 2. cap. 4.  
fol. 31. lin. 3.  
Ambo fuere  
SS. literarum  
Prof. ssores.

Ambo siquidem DOCTORES erant, scilicet BRVNO, & miser ille homo, ambo literis eminentes, ambo sacrarum literarum PROFESSORES, ambo fama celebritate, sanctitatisq; opinione per celebres. Nec non Exstaticus Doctor Rykelius, articulo 1. libri de præconio Ordinis Carthusiensis, fol. 751. col. 1. Agnitum planè, atq; famosum est, inquit, miraculum illud, resuscitati Parisijs mortui, in Theologia Magistri, facie tenus virtuosì, grandiq; morum venustate forinsecus decorati. In eadem planè sententia est & Hermannus Petri, Brugenfis Cartusie olim moderator, Serm. 12. in orationem Dominicam; & Iacobus Gruytrodius, domus Leodiensis Prior quondam doctissimus, cap. 6. Speculi Sacerdotum, siue lauacri conscientie. Quod verò nonnulli, inter quos est b Hieronymus Platus, Iurisperitum hunc fuisse volunt, ideo forsitan accidit, quod & in Theologia, & in Iure simul DOCTOR existisse potuerit: quemadmodum nostra hac tempestate huiuscemodi non paucos reperire licet.

Cur alij, dam-  
natum hunc  
Doctorem,  
Iurisperitum.  
nominent?  
bib. 2. de bo-  
no stat. religi-  
osi cap. 22. fo.  
329.

§. IV. Quod nam sit illud tam horrendum, ac seculis omnibus inauditum specta-

spectaculum , quod Ordini Cartusienſi initium præbuerit, & quo tempore acciderit.

**N**ON de nihilo reuera eſt, quod tam multi probatæ fidei auctores pari conſenſu referunt, in celebri Pariſiorû Lutetia, circa annum Domini octogefimum ſecundum, ſupra milleſimum, Gregorio VII. Romano Pontifice ſanctiſſimo, & Henrico III. Imperatore, accidiſſe: quod quidam illic primariæ eruditionis, atque omnium opinione celeberrimus DOCTOR, cum ſepulturæ eſſet tradendus, per diuerſa temporum interualla, è feretro ſeſe erigens, in frequentiſſima doctiſſimorum virorum corona, atque innumerabili hominum frequentia, horrendum in modum proclamauerit, primò quidem ſe diuino coram tribunali accuſatum, deinde iudicatum, tertio vero etiam cõdemnatum. Quemadmodum accuratius exactiusque referunt B. Anthoninus parte 2. Tit. 15. cap. 22. §. 1. fol. 173. Nauclerus Generat. 37. fol. 73. Raphael Volaterranus. lib. 21. Anthropologiæ. fol. 478. Petrus Sutor. libro 1. Vitæ Carthuſ. Tractat. 2. cã. 2. fol. 17. Ad longû verò, Franciſcus à Puteo, Petrus Bloemenuenna, Laurentius Surius; qui D. BR VNONI S vitã ex profeſſo conſcripſerunt; nec non & Petrus Dorlandus, in cuius hîc elucidandis ſcriptis, Notisque illuſtrandis, noſtro pro modulo deſudamus. Ad quos veritatis amantem Lectorem remittimus. Nãm ſi ſecundum diuinę veritatis & eloquium, *in ore duorum C. Manb. 13. aut triũ teſtium ſtabit omne verbũ*, quis iam de 16. hiſto-

*Quo tempore  
horrèdum hoc  
spectaculum  
acciderit.*

*d In vita S.  
Brunonis, cap.  
feu §. 15.*

*e Lib. 1. vite  
Cart. Traff.  
2. c. 7. fol. 59.*

*f In Annalib.  
anno 1086.  
§. 16.*

historiæ huius veritate, quæ tanta probatissi-  
morum testium nube fulcitur, amplius queat  
ambigere? Iam verò si de temporis ratione cer-  
tus debeat iniri calculus, fatentur ferè præfati  
omnes, circa annum Domini millesimum octo-  
gesimum secundum id accidisse; adeò vt bien-  
nio post Cartusia inhabitari cœpta sit. De quo  
ita d Surius: *Incolere cœperūt Cartusia solitudi-*

*nem circa solennitatem S. Ioannis Baptista, He-*  
*remitarum omnium prodromi, quo interna-*  
*tos mulierum sanctior nemo existit, anno sa-*  
*lutis nostræ millesimo, octogesimo quarto.*

Qua de re huiuscemodi existât apud e Sutorem  
versiculi:

*Anno milleno, quarto quoque, si benè censes,  
Insper octeno, sunt orti CARTUSIENSES.*

Licet f Baronius, & alij nonnulli, videantur  
id velle referre ad annum Domini 1086.

§ V. Cur damnati, ac ter infelicitis Do-  
ctoris istius nomen, literarum mo-  
numentis consignatum non sit.

*2m. 16. 10.  
L*

*g Psal. 15. 4.  
h Psal. 68. 29*

**M**Iretur iam aliquis, cur, cùm Seruator no-  
ster Euangelicam illam proferret, de di-  
uite epulone, atque inope Lazaro, historicam  
parabolam, huius exprimere nomen, illius ve-  
rò omittere voluerit. An, vt quod de libro vitæ  
iam expunxerat, illud ne ore quidem vsurpari  
cuperet? De talibus namq; per Prophetam olim  
dixerat; *g nec memor ero nominum eorum per*  
*labia mea.* Et alibi; *h deleantur, inquit, de libro*  
*Viuentium, & cum iustis non scribantur; vnde;*  
*nomen*

*in nomen eorū delisti in aternū, & in seculū seculi,* <sup>i Psal. 4. 8.</sup>  
 inquit Vates Regius. De viro verò iusto, ac Deū  
 reuerente, eiufq; præceptis obsequente, dicitur:  
*k Noui te ex nomine;* Et Ioannes in Apoc. <sup>k Exo. 33. 12.</sup> *Qui*  
*vicerit, sic vestietur vestimentis albis, & nō dele-* <sup>1 Apoc. 3. 5.</sup>  
*bo nomē eius de libro vita, sed cōfitebor nomē eius*  
*coram Patre meo, & coram Angelis eius.* Deinde,  
 quidnā obsecro, proprii nominis cōmemoratio  
 defuncto profuisset? an non, sicuti damnato, ni- <sup>Comparatio.</sup>  
 hil vtilitatis, ita & toti consanguinitati pluri-  
 mum infamiæ ac dedecoris cōciliare potuisset.  
 Si etenim rescitum scelerati cuiusdam hominis  
 suspendium, vniuersam dedecorat familiam,  
 multò magis perpetuæ damnationis enarratio,  
 hoc ipsum efficeret. Parcitur quoque interdum  
 nominibus, quod qui bonorum sibi virorū no-  
 mina adsciuerant, turpiter ijs sint abusi: quos  
 Psalmista iure ideo reprehendit, dum inquit, <sup>m Psal. 43.</sup>  
*vocauerunt nomina sua in terris suis.* Sic olim fla-  
 gitiosus quidam, ac perditæ nequitie homo, vti <sup>12.</sup>  
 ex Cicerone, Plutarcho, Valerio, ac Gellio con-  
 stat, vt præclarum, ac nullo vnquam æuo obli-  
 terandum nomen sibi consciret, templum Dia-  
 næ Ephesiorum, quod (n Plinio teste) ducentis <sup>n Lib. 36.</sup>  
 viginti annis fabricatum à tota Asia fuerat, in-  
 flammauit. Quod cū gloriæ cupiditate se fe- <sup>cap. 14.</sup>  
 cisse palàm profiteretur, publico Magistratus  
 edicto promulgatū fuit, ne postea quisquā hoc  
 nomine vocitaretur. Et forsitan èt hoc tēpore  
 in tenebris conscriptū iaceret, nisi Theopom-  
 pus id suis inseruisset historijs. Quid ergo mi-  
 rum, si Parisienses illi prudentiæ opinione præ-  
 stantes



stantes Theologi, cuius corpus foetido committendum sterquilinio censuerūt, illius etiam nomen nullis exstare literarum monumentis voluerint? Et quidem satis de his, licet non ignorem, me in antiquissimis imaginum picturis reperisse, infelicem hunc atque execrandæ memoriæ hominem, Raymundum nominatum. Etiam si nullatenus fidem meam interponam, hocne an illo sit vocitatus nomine: maxime, cum nihil ex vano haustū velim, sciamq; quod

*Horat. de arte Poet. in princip.*

————— *Pictoribus atq; Poëtis*

*Quidlibet audendi semper fuit æqua potestas.*

Reperiuntur tamen inepti quidam, atq; insulsi homines, & sibi, & alijs persuadere conantes, hunc damnatum Doctorem BRVNONEM nostrum fuisse; quod sanè otiosorū esse hominum commentum, inde liquidò constat, quod infelix hic Parisiensis Doctor, Beatissimo BRVNONI simul ac socijs eius, vitæ in melius commutandæ, atque in vastam heremi solitudinem secedendi occasionem præbuerit.

§ VI. Quænam fuerit illa solitudo, in quam D. BRVNO senis comitatus socijs, pœnitentiæ peragendæ causa sese recepit.

**L**ocum hunc horroris ac vastæ solitudinis, quem post stupēdum illud Parisijs haustum oculis spectaculum BRVNO cum socijs petijt, quibus nam verbis describere commodius licebit, quam illius sanctissimi Gratianopolitanæ Ecclesiæ ea tempestate Præsulis, qui secundum quietem septem hisce Viris rotidem stellarum  
indicio

indicio cælitus præparatum eum vidit, eosque  
 lubens gaudensq; eò perduxit. Ita etenim Bru-  
 nonem, eiusque pariter collegas B. Hugo allo-  
 quitur. *a* *Locus autem divinitus vobis assignatus, est heremus quadam altissimis in montibus, quam*  
*CARTVSIAM vocant, ampla illa quidem, sed*  
*prorsus inculta, atq; à nemine habitata, solis feris*  
*peruia, hominibus verò caterisq; animantibus,*  
*propter loci asperitatem, penè incognita, & inac-*  
*cessa. Altas & tanquam excisas hinc inde rupes*  
*& scopulos, arboresq; sylvestres & infrugiferas*  
*habet; estq; supra modum frigida, magnaq; anni*  
*parte niuibus operta. Tum quoq; adèd prærupta,*  
*sterilis, & infructuosa, ut nihil in ea neq; feri, ne-*  
*que meti queat, &c.* Hactenus quidem B. Hugo.  
 Neq; secius aut Dorlandus noster lib.1. ca.1. aut  
 etià ipse Petrus Sutor, qui cùm Parisiensis Car-  
 tusiæ aliquândiu Prior exstiterit, ac ratione of-  
 ficij ad hanc Maioris Cartusiæ heremum sæpius  
 proficisci potuerit, ac coram inspicere, ita de  
 eadem scriptum reliquit; *b* *Vis, inquit, horri-*  
*dam CARTVSIANI loci faciem videre? Si*  
*suspexeris, arduos saxososq; mōtes, gelidas niues,*  
*infœcundasq; arbores dorso montiū adhaerentes,*  
*spēctabis. Si despexeris, terrificum amnem in pede*  
*montium ingrātè murmurantem videbis. Terri-*  
*bilem deniq; situm accipe. Nulla siquidem ibi a-*  
*mœnitas, nullum solamen, nulla terrena iucundi-*  
*tas adest.*

*Vix ibi ridemī vestitur gramīne tellus,*

*Vix ibi cantas ales, nec sunt ibi lustra ferarum.*

B 2

Quid

à Tom. 5. Su-  
 rij, in vita S.  
 Brunon S.13.  
 Verba B. Hu-  
 gonis Gratia-  
 nop. Episcopi,  
 quibus descri-  
 bit Cartusiā,  
 que nostri  
 propositi ma-  
 ter est, &  
 origo: unde  
 cetera omnes  
 Ordinis da-  
 mus nomen,  
 simul ac vi-  
 uendi normā  
 hausere.  
 b Lib.1. vitæ  
 Cartus. Tract.  
 2. ca. 7. fol. 53.  
 Horrida Car-  
 tufiani loci  
 facies.

Quid igitur? Nives quidem ibi perpetuo candore  
candescunt, sed niuea frigora liuido pallore cor-  
pora inhabitantium adficiunt. Tanta demique est  
loci asperitas, ut nec Scythia deserta, nec Aegypti  
solitudines, possint illi Carthusiano monti rectè  
comparari. Horrendum itaq; carcerem, purgato-  
riumq; locum potius, quàm aptum humana vita  
habitaculum meritis dixeris. Hæc ille.

§ VII. Vtrum hic tam horrendus uti  
squalidæ habitationis, sic & eximie  
sanctitatis locus, etiamnū hoc tem-  
pore suos habeat incolas, D. BR V-  
NONIS vestigijs sedulò insistentes.

DE hoc quoque malim aliorum, quàm ver-  
ba mea ponere. Vnde in primis operæ pre-  
tium existimo, quendam eximie pietatis, im-  
mo & cognomēto *Venerabilem*, in medium pro-  
ferre Virum; qui uti non tam longè post BR V-  
NONIS obitum, in ipsis Galliarum partibus  
vixit, ita suo id calamo, quasi oculatus testis,  
maiori cum fide faciet. Is autè est Petrus Mau-  
riacenus, Abbas nimirum Cluniacensis, tam  
scriptis, quàm vitæ sanctimonia clarus, ac D. Ber-  
nardi Clareuallensis Abbatis contemporaneus.  
Cuius equidè hæc sunt verba. *Servatur*, inquit,

*a Lib. 2. Mira.  
cap. 28.*

*\* Dorlandus  
vult maiore  
nostram Car-*

*in \* Burgundia partibus inter omnes Europa no-  
stra Monastici Ordinis professiones, professio qua-  
dam, multis alijs eiusdem propositi sanctior &  
cautior, instituta nostro tempore à quibusdam Pa-  
tribus*

tribus, magnis, doctis, & Sanctis, M. Brunone Con-  
 loniensi, M. Lauduno Italico, ac quibusdam alijs Sabaudie  
 verè magnis, ac Deum timentibus viris. Qui quo-  
 rundam antiquorum Monachorum tepiditate, partibus suā,  
 negligentia ac desidia pradocti, seculo abrenun-  
 tiare volentes, cautius sibi suisq; in via Dei, secta-  
 toribus, consuluerunt; & vigilantia oculo Ordinem  
 contra omnes penè Satbana insidias circumspiciū  
 instituerunt, &c. Deinde paulò post. Ad edo-  
 mandum iumentū corporis sui, & ad subigendam,  
 iuxta Apostolum, legem membrorum suorum, Rom. 7.23.  
 repugnantem legi mentis suæ, duris carnem cilijs  
 semper exasperant, continuatim penè acerbis rei-  
 nys corpora affligunt, extenuant, desiccant. Inde  
 est, quod pane fursureo semper utuntur, vinoq;  
 adeo ad aquato, ut meris magis villum, quam vi-  
 num dicatur. Ab omni carniū esu, tam sani quā  
 egri, in perpetuū abstinent. Pisces nunquā emunt,  
 sed forte ex charitate datos, accipiunt. Quorum  
 sanctissimæ vitæ institutum magnoperè Diuus  
 admiratus Bernardus, in hæc exclamat verba:  
 a Altissima est professio vestra, celos transit, par  
 Angelis est, Angelica similis puritati. Non enim  
 solum nonistis omnem sanctitatem, sed omnis san-  
 ctitatis perfectionē, & omnis cōsummationis finē.  
 Et cætera in hunc modum, non minus profectò  
 verè, quā mellis fluē, quæ et si nos breuitatis causa  
 missa facimus, nō possum tamē, quin Petri Ble-  
 sensis, Bathoniensis Ecclesiæ Archidiaconi doctis-  
 simi testimoniū, de hac eadē alma matre nostra  
 Cartusia hic in medium adducā, sic etenim ait:

a Epist. 86.  
ad Alexand.  
Cartus. Mo-  
nach. pag.  
154.  
b Psalm. 103.  
12

c Genes. 28.  
17.

d Psalm. 79.  
12.

Vixit anno  
Dom. 1450.

a Domus Cartusienſis, & locus habitationis illius  
ſitus eſt in montibus, & ſcopulis, & in petris; vt ſit  
potius habitatio Angelorum, quàm hominum, ad  
dandam altiſſimo vocem confeſſionis & laudis, ſi-  
cut ſcriptum eſt; b ſuper ea volucres celi habita-  
bunt, de medio petrarum dabunt voces. Sed &  
columba adſiccat in foraminibus petrae, & vir  
prudens adſiccat domum ſuam ſupra petram: ubi  
nec maris fluctus, nec ventus turbinis, nec pluuiarum  
inundatio, nec alluuio formidatur. c Verè ter-  
ribilis eſt locus iſte, nec eſt hic aliud, niſi do-  
mus Dei, & porta cæli. Et licet domus illa ſit in  
terra horrois & vaſta ſolitudinis, nominatiſſi-  
matamen eſt IN OBSERVANTIA RE-  
LIGIONIS ET ORDINIS. In omnē quip-  
pe terram, per gratiam Dei, exiuit fama eius, &  
in fines orbis terra, ſua odorem ſuauiſſimæ effudit.  
Plantatio enim Dei eſt, & vinea Domini Sabaoth;  
ideoq; iam excreuit in immenſum, & multiplices  
fructus fecit. Vide, ſi iam non d operuit montes  
vmbra eius, ſi non extendit palmites ſuos vſq; ad  
mare, & vſq; in Angliam propagines eius, Verum  
ad vltiorem temporis progreſſum animum  
ſimul ac calamum transferentes, videamus iam  
nunc, quid poſt annos circiter, ab inſtitutione  
Ordinis, plus minus quadringentos, eximius  
ille Florentinus Archiepſus Antoninus; vir  
nimirum & eruditionis laude, & inſignis vitæ  
ſanctimonia adeò per orbem celebris, vt in Di-  
uorum iam olim catalogum ſit relatus. Hic ete-  
nim dum D. IAN CELINI, decimi Maioris

Car-

Cartusie Præfecti virtutes enarrat, inter cate-  
 rificait: a *Certe valde venerabilis est ista reli-* a *Parte 2. bi-*  
*gio (CARTVSIANA) qua vsq; in præsentem* stor. Tit. 15.  
*diem servat rigorem suarum observantiarum per cap. 22. §. 2.*  
*annos circiter quadringentos. Austera siquidem* fol. 73.  
*est in multis; in abstinentia quidem, quia proluxa*  
*ieiunia, & sextis omnibus ferijs in pane & aqua:*  
*ab esu carniū semper abstinent, etiam in gra-*  
*uissima infirmitate: ita vt quies vefci voluerit,*  
*amplius in clausura (clauſtro ſcilicet, ſeu Mo-*  
*naſterij conſepto) cum reliquis non valeat per-*  
*manere. Quoad veſtitū, quia ſemper cilicio indu-*  
*untur ad carnem. Quoad ſolitudinem, quia nun-*  
*quam exeunt; exceptis Priore & Procuratore.*  
*Et in cellis ſuis ſoli manent cum arcto ſilentio. Vi-*  
*giliaſ magnas habent, propter prolixitatem officiij.*  
 Haſtenus Antoninus. Si verò iam audire non  
 pigeat D. Thomæ Campenſis (mirum enim, cur  
 Kempenſem nonnulli eum vocitent, cū ex  
 b *vita illius liquido conſtet, fuiſſe eum Ultraie-* b *In principio*  
*næ diœceſeos, & Dauentriæ, hoc eſt, haud pro-* Tituli 2.  
*cul à natali ſuo ſolo vitam ad annos aliquot e-*  
*giſſe, ac deinde Svvolam religionis ergo con-*  
*tendiſſe, ad montem ſcilicet S. Agnetis, à pa-*  
*tria ſua æquè ac mea, non niſi ſeſqui millia-*  
*rio, diſſitum) de Cartuſianæ vitæ conuerſa-*  
*tionē ſententiā, ecce habes eam hīc ipſuſmet*  
*auctoris verbis. c Eo tempore (loquitur de collap-* c *In vita Ge-*  
*ſa ſuo æuo monaſtica ferè vbique diſciplina)* rardi Magni  
*mundi ſtatū in maligno videbatur vndiq; poſituſ;* cap. 4.  
*ita vt pauci eſſent, qui verbum vitæ morib; ac*

Vixit Tho-  
mas Campen-  
sis anno Do-  
mini 1430.

Apud Cartu-  
sianos velut  
cineribus la-  
tuit, vixitq;  
intemeratus  
hactenus Mo-  
nachismus.

2 Secunda  
parte Serm.  
ad Nouit.  
Serm. 4.

vocibus predicarent, pauciores verò qui continen-  
tiam sectarentur, & quod dolendum erat, nomen  
sanctæ religionis, & status deuotionis, præ inopia  
spiritus, à Patrum præcedentium vestigijs nimium  
claudicabat. Apud CARTVSIENSES verò lux  
VITAE COELESTIS remansit occultò, &  
carnalibus videbatur satis austera, erat tamen  
Deo gratissima, & spiritu feruentibus optabilis at-  
que iucunda. a Refert quoque idem Campensis  
Thomās, ætate sua fuisse eiusdem secum insti-  
tuti religiosum, qui viatorem quendam sibi in  
itinere occurrentē, interrogans, quid de præci-  
pui monasticæ religionis locis, hoc inter cæte-  
ra ab eo audiuit; se in Maiori CARTVSI-  
A conspexisse venerandum ætate senem, qui toto  
quadraginta annorum decursu, quo se Cartusi-  
anæ religioni addixerat, ne anteriorem quidē  
conspexerat portam, per quam primum ingres-  
sus fuerat, Magnum profectò est hoc, ac multæ  
ædificationis exemplum, tali & loco & profes-  
sione dignum. Verum ne quis nobis obstrepēs,  
dicat, deferbuisse iam illic in Maiori CARTV-  
SIA pristinum illum rigidioris disciplinæ ze-  
lum, neq; D. BRVNONIS illic amplius, tanto  
cum feruore, uti olim, vestigijs, insisti, eam ob  
rē ut sinistrē hanc suspicionē amoliāmur, con-  
cludā paragraphū hunc verbis D. Stephani Sa-  
lazarij, uti S. Theologi Doctoris profundissi-  
mi, sic Xeresanæ in Hispanijs Cartusæ Prioris  
olim integerrimi, qui cum Anno Domini 1584.  
Generalī interesset Capitulo (hoc autem non  
nisi in Maiori Cartussa annuatim peragi ac ce-  
lebrari



lebrari fas est) quæ suis ibidem conspexit oculis, ea publicis quoque literarum monumentis ad omnem posteritatis memoriam consignare haud quaquam detrectavit. Sic enim in epistola liminari, quam suo, de Christi Salvatoris Genealogia, præfixit operi, atque Illustriss. S. R. E. Cardinali, simul ac Reuerendiss. Toletano Archiepiscopo Gaspari à Quiroga dedicauit, hunc suum Mæcenatem alloquitur. *Adeo religio, pietas, rerum visibilium & temporalium neglectus, propria voluntatis abnegatio & resignatio, animi à rerum omnium transeuntium not. & interituarū umbris abdicatio, & reliquæ virtutes in Maiori Cartusia efflorescunt; ut quicumq; eam viderint, iure testentur, nullum esse in Ecclesia Catholica Monasterium, in quo HAC AETATE magis vigeant disciplina, & obseruantia regularis. Quo fit, ut cum ex lapsu & ruina Monasteriorum, quæ suis Ordinibus erant capita, Ordinis Manastici labefactati sint atq; corrupti, sola CARTVSIA steterit primis Patrum suorum institutis & passibus insistens. Et paulò accuratius quotidianam Cartusianæ vitæ exercitationē ibidē enarrans; Habitant, inquit, penitissimam alpium Sabaudicarum solitudinem, vsque aded rigentem, & perpetuis niuib; obductam, ut decantata illa niuium, & antiqua Sanctorum Ascetarum Scythis præ hac heremo, pro temperatissima & amœna regione haberi possit. Vestis etiā intima illis ex sacco, dira subtrus ad carnem cilicia, victus tenuis, panis cibarius ex filigine. Somnus*

*Prodiit hic Liber anno Dom. 1584.*

*Lugduni Gallicarum, apud Carolam Pess-*

*Insigne oculati testis encomium, de eximia vitæ sanctimonis, quæ etiam hunc nostrum auctorem in Maiori Cartusia,*

*Conueniunt hæc cum ijs, quæ supra ex Petro Venetabili allegamus.*

modicus, vigilia immēsa, & qua solennioribus diebus ad horas quatuor cantando protrahatur, &c. Hæc de istius loci incolis in genere, de ipso vero R. P. GENERALI, qui ibidē semper residēs, istius Maioris Cartusie Præfectus est, quid ait? *Chorum hunc ducit admirabilis quidam, & diuinus senex, nomine BERNARDVS, cognomine Carassus, patria Tarbensis, ætate octogenarius, ardore pietatis sic incensus, vt cum tot domestica administrationis, & totius Reipublicæ CARTVSIANÆ negotijs obruatur, non die, non nocte ab actibus Conuentualibus absit, perinde ac si modò in anno probationis & Ordinis tyrocinio versaretur. Non victu, non vestitu, sed infesso labore, animi tranquillitate, modestia, iustitia, aq̃uitate, ceteriq̃, Principe dignis virtutibus omnibus præluens. Atq; hæc hæctenus, prolixius quidem quàm statueram, non tamen sine lectoris vtilitate, oblectationeue.*

§ VIII. Quàm diu B. BRUNO hunc Cartusie locum incoluerit, & quo pacto à Pōtifice Romam euocatus, tandem ab eūdi consecutus veniam, Calabriae deserta expetierit,

*Scripsit in vita  
B. Brunonis.*

CUM non totos sex annos in illa vasta quidem, & horrida, sed sancta & modis omnibus optata CARTVSIAE solitudine D. BRUNO exegisset, Pontifex Urbanus II, qui olim Beati viri discipulus fuerat, cum ad illud sublimē præcipui honoris fastigium euectus esset, cupe-

cuperetque tantum munus accuratè implere,  
rerumq; suarum satagere, non immemor egre-  
giæ virtutis & illustris doctrinæ sui Præcepto-  
ris, acciuit eum per literas Apostolicas ad San-  
ctæ Ecclesiæ præstanda officia; grauiter præci-  
piēs, ne venire ad Urbem cunctaretur. Animad-  
uertit ex his quoque Lector pius, qualis quan-  
tusuis fuerit B. BR V N O, quem tanti fecerit ip-  
se totius Pastor Ecclesiæ, quemq; tantū apud se  
familiaritatis autoritatisq; locū habere volue-  
rit, vt etiā plurimū in eo laborauerit, quò pos-  
set illum amplissimo Rheginensis Ecclesiæ, quæ  
prima totius Calabriæ Metropolis est, Archie-  
piscopatu condecorare. Verum ille eligens ab-  
iectus esse in domo Dei sui, elongauit fugiens,  
& bona cum Pontificis venia, curiam dese-  
ruit. De quo ita doctissimus Ecclesiasticorum  
scriptor Annalium Baronius: a *Urbanus Papa* a  
accersuit ad se ex *Cartusiana* solitudine S. BR V *Annal. anno*  
NONEM, eius instituti auctorem, quem iam *1092. nu. 12.*  
diu ante coluisset, inuitumq; licet diu apud se re-  
tinuit, eius opera vsus in Concilijs celebrandis  
vsq; ad *Placentinum Concilium. Quo celebrato,*  
vix missionem obtinuit ab eo in Gallias profectu-  
ro, cū iam vsque ad triennium apud eundem Pontificem perman-  
sisset. Quo quidem tempore  
exacto, non in Franciam ad suos, vt i b *Dorlan-*  
dus noster sentire videtur, sed in Calabriā, ad-  
iunctis sibi aliquot eiusdem secum propositi  
Viris, lætus contendit. Maluisset ille quidem,  
quoderiam crebrò apud se cōstituerat, ad Ma-  
iorem illam remeare Cartusiam, sed quia Sum-  
mus

*Dorlandus  
noster, & aliq  
nonnulli, pu-  
runt fuisse  
Rhemensem  
Archiepisco-  
patum.*

*S. Bruno in  
sacris cele-  
brandis Con-  
cilijs in signè  
Pontifici na-  
uat operam.  
b Lib. i. ca. 2.  
pag. 22.  
Ratio cur D.  
Bruno Cala-  
bria Bruno po-  
tius petierit*

quam pristinam Gallicanam solitudinem.

mus Pontifex cum sua curia iter parabat in Franciam, in cuius finibus CARTVSIA hæc sita est, verebatur, si ipse quoque eò se conferret, ne aut curiæ strepitus declinare non posset, aut illam non reliquisset, sed sequi videretur.

§ IX. Quænam sit ista Calabriae solitudo, ad quam D. BRVNO se recepit, quamque diu in ea cômoratus sit.

BRVNO sciens in Calabriae (hæc est autem Magna Græcia, in quam celeberrimi Philosophorum Principes Plato, & Pythagoras, alijque nonnulli philosophandi gratia olim concesserant) regione, plurimas esse solitudines, agendæ pænitentiae, vitæque solitariae consecranda aptissimas; ad quandam deuenit heremum, cui TVRRIS nomen est, in diœcesi Squillacensi, Vnde adamato, quasi quod à Deo sibi offerretur, habitaculo, reliquam ibidem in precibus alijsque sanctissimis exercitationibus, vitæ partem transegit. Quam quidem Calabriae solitudinem, iuxta a Baronij sententiam, videtur etiâ magnus ille Aurelius Cassiodorus quondam incoluisse, haud procul nimirum ab Vrbe Scyllitana, quæ in extrema Calabriae parte sita est, vbi famosus Scyllæ contra Charibdin scopulus imminet, à quo ciuitas nomen accepit. Hic igitur D. BRVNO ad annos circiter octo vna cum socijs, tranquillam in vilissimis casis degens vitam feliciter tandem Creatori suo animam reddidit.

§ X. De obitu B. BRVNONIS, eiusdemque miraculis, ac canonizatione.

Obiisse

a Tom. 7. ad  
annum Domini  
1162. m. 9.

**O** Bisse D. BRVNONEM anno Domini millesimo centesimo primo, pridie Nonarum Octob. die nūc irū Dominico, post alios, testis est Surius, ita vt septemdecim circiter, à primo conuersionis suæ tempore, & obitus diem, anni intercesserint. Anno namque Domini 1084. circa solennitatem S. Ioannis Baptistæ, diximus Cartusiam primò habitari cœptam, illicq; sexennio propemodum illum egisse, ac triennio in vrbe apud Vrbanum Pontificem, reliquumque vitæ spatium Calabris in montibus beatissimo fine consummasse. Ad cuius equidem tumulum eiusmodi positum est Epitaphium.

*Primus in hac, Christi fundator ouilia, heremo  
Promerui fieri, qui teger hoc lapide.*

*Epitaphium  
D. Brunonis.*

**BRVNO** mihi nomen, genitrix Germania, meq;  
*Transulit ad Calabros grata quies nemoris.*

**DOCTOR** erā, praco Christi, vir notus in Orbe,  
*Desuper illud erat, gratia, non meritum.*

*Carnis vincla dies Octobris sexta resoluit,  
Ossa manent tumulo spiritus astra petit.*

Ad eius sepulchrū fons viuus prorumpit, mul- *Sim post obi-*  
tiq; proclamati à medicis ægri, optatam pri- *tum insignia*  
stinæ sanitatis valetudinem consequuntur, vti *aliquot mira-*  
non solū Dorlandus in fine libri primi, sed & *cula.*  
Surius, ipseque adeo Petrus Sutor lib. 1. vitæ  
Cartusianæ, Tractatu 5. cap. 3. & 4. commemo-  
rat; ita vt operæ pretium non putemus, eadem  
hîc cum lectoris tædio repetere.

Cæterum Leo X. eximie pietatis Pontifex,  
auditis præclaris aliquot D. BRVNONIS mi-  
raculis

*Canonizatio.*

raculis, promouente negotium hoc, anno Domini 1514. Francisco de Puteo, Iuris Vtriusque Doctore præstantissimo, ipsiusq; Maioris Cartusie Primatæ meritissimo, Diuorum cathalogo eundem adscripsit; adeò vt publicis Ecclesiæ tabulis obitus eius dies insertus, quolibet anno celebriter obseruetur. De quo quidam non indoctos hosce olim cecinit versiculos.

*Papa LEO gestu, ac maiestate verendus,  
Cardineis Patribus celebri circumdatus actu,  
Certior est factus, quàm sanctè vixerit olim  
BRVNO; quod obsequiũ Romana præstitit Vrbi,  
Quodq; per hunc cultu diuino Ecclesia creuit:  
Huius & audierat certò miracula quadam;  
Propterea votis Patrum concordibus, illum  
Rettulit in Diuos, festum largitus eiusdem,  
Octobris sexta celebrari luce quotannis.  
Illo nempe die moriens conscendit Olympum:  
Erigere huic statuas, atq; edificare sacella  
Permittent, super his consecuta diplomata donas.  
Ordinis hac nostri mater CARTVSIA seruat,  
Inter Romani multa instrumenta Senatus.*

§ XI. De lucubrationibus, ac literarum monumentis, quæ D. BRVNO post obitum posteritati reliquit.

QVemadmodum prisci illi Aegyptij Monachi, silentio, orationi, lectioni, cordis puritati, rerumq; diuinarum contemplationi vacabant, certis proinde etiã horis manuali exercitio, præsertim verò conscribendis libris incumbere

cumbebant, ita etiam D. BRVNO, quorum viuendi in heremo institutum susceperat, eorundem quoque maluit æmulari industriam, quàm cum desidia panem otiosus comedere. Solent etenim homines imperiti eos otiosos, & S. Ecclesiæ parum vtilis existimare, qui ab aliorum consortio separati, soli Deo, ac sibi duntaxat vacant. Quorum tamē inscitiam vt Sanctus Pater coargueret, cum ore verbum Dei prædicare non posset, scriptis ac literarum monumentis abundè id præstitit; sciens illa quæ literis consignata sunt, nulla vnquam temporis iniuria posse aboleri, sed potius quam diu hic Christianus stabit orbis, super viuere. Hinc de B. a Hugone, insigni illo Lincolnienſi Præfule, memorix proditum est, eum non segnem sacris impendisse operam codicibus: quos religiosis quibusque necessarios, & maximè vitam ducentibus solitariam, dicere solebat. *His enim pro delicijs & diuitijs tempore tranquillo, his bellico in præcinctu pro telis & armis, his in fame pro alimonia, his in læguore pro medela Monachis* (imo omni hominū generi) vtendū memorabat: Hi namq; sunt illi cælestis Philosophiæ duces, virtutis indagatrices, vitiorumq; expultrices, qui afflictiſ medetur animis, qui inanes rerum mundanarum sollicitudines detrahunt, qui noxijs cupiditatibus liberant, ac timorem omnem depellunt. Hi inquam sunt, qui in aduersis per fugium, in prosperis solatium præbent, delectantes domi, non impediētes foris; imò pernōctant nobiscum, peregrinantur, rustificantur.

Hinc

2 Tom. 6. S. 11.  
rij, 17. No.  
uemb. cap. 8.

Satorum co-  
dicum vtili-  
tas.



a 1. Machab.  
12. 9.

Lib. 2. vite  
Carni. Tra-  
ctat. 3. cap. 7.  
pag. 558.

Hinc summus ille populi Sacerdos Iudaici, reliquusq; coetus, Spartiatis scribēs, gloriabatur a solatio se habere libros sanctos, quos manibus tenerent, tererentque. Quod quia probè cognitum habebat, tam sacri initiator Ordinis BR VNO, hinc pientissimis suis ac lucidissimis Cōmentarijs, totum Dauidicum illustravit Psalterium, nec non & omnes Gentium Doctoris epistolas. De quibus in hæc verba haud quaquā aspernādi iudicis Theologus, Petrus Sutor, Doctorali etiā ipse donatus laurea. *Scripsit*, inquit, *D. Bruno nobili stylo egregiam diuinamq; in Psalterium expositionem, quæ sui auctoris præstantissimum ingenium, summamq; eruditionem ostēdit. Scripsit insuper nobilem, fidelemq; interpretationem in epistolas D. Pauli, adeo clarè, subtiliter, copioseq; ut omni laude maior, non iniuria esse putetur.* Sunt & aliæ aliquot non indoctę eiusdem Beatissimi Patris nostri lucubrationes; vti constare potest ex ijs, quæ ante annos plus octoginta, vno sat magno volumine, Lutetiæ Parisiorū prælo sunt impressæ Ascensiano, iamq; iterata vice, adiunctis simul & alijs quæ haberi poterunt, recudendæ. Licet priusquam eæ in meliorem redigi Synopsin queant, rogandi sint nobis Viri docti, ac Monasteriorum Prælati, ut si quæ inedita penes se habeant S. Brunonis scripta (quemadmodum & ex sacro Anthonij Posseni Apparatu, quædam Venetijs delitescere cognouimus, & in celeberrimi Clareuallensis cœnobij bibliotheca nonnulla etiamnum adseruari aliorum relatu intelleximus) ea benignè nobis

bis

bis communicare non detrectent. Stabit enim sua liberalitati gratia, & vel leue beneficium ibit in posteros.

§ XII. Sitne sacer Brunonis Ordo, à sede approbatus Apostolica.

**F**ecissem iam finē Præludijs hisce, si deessent qui calumniandi finem facerent. Quemadmodum enim extitēre olim, qui dicerent nulla huius rei certa atq; euidētia posse adferri documenta, ita etiamnum (proh dolor) reperiuntur, qui id vel certò adfirmare ausint, vel saltem in dubium reuocare. Quorum idcirco oblocutioni dubitationiue, finali hoc occurrendum erit paragrapho, ac veris certisq; documentis comprobandum, sacrum Cartusiensem ordinem, à D. Brunone ante annos admodum quingentos diuinitus institutum, plurimorum quoque iam dudum Romanorum Pontificum placitis comprobatum. Cartusianæ namque vitæ institutum probatum esse, nemo ignorat, nisi qui diuinam eius originem compertam nō habet. Siquidem ad hoc cælestis vitæ genus instituendum, septem Dominici gregis arietes diuina dispositione delecti sunt, qui per septē splendide radiantia sydera, B. Hugoni secundū quietem apparentia, præsignificarentur. Quin & peruetusti Cartusianorū annales habent, a Victorem III. Romanæ Sedis Antistitem, per somnium vidisse, Deum Opt. Ter maximum suæ dignationi in vasta illa Cartusie solitudine, de qua *b* supra diximus, commorandi domicilium construētem. Quamquam nonnulli dixerint,

*De approbatione Ordinis Cartusienfis à sede Apostolica, consule Gersonem, qui scripsit Tractatum contra impugnantes; Iscol. & Lunerburyck.*

*a Petrus Sator lib. vita Cartus. Tractat. 3. cap. 1. p. 63. b § xxi.*

C cœle-

cælestem hæc visionem præfato Hugoni Episcopo demonstratam fuisse. Quam dissonantiam facile soluerit is, qui dininum hoc portentum verique ostensum dixerit. Summo quidem Pontifici, ut Cartusianæ vitæ primordia comprobaret; Hugoni verò Præfuli, ut magis magisque erga septem hos suos clientulos; qui eius se directioni commiserant, afficeretur, eisque bene facere pergeret. Reperiuntur tamen, qui dicōt, Cartusianum Ordinem ab Ecclesia toleratum duntaxat fuisse, nō verò etiā approbatum. Qui, haud dubiè Ecclesiam Dei viui, quam Apostolus *columinam ac firmamentum veritatis* non immeritò appellat, inertie, atque adeò etiam incuriæ turpiter arguunt. Inertie quidem, quod negliger se habuerit, Ordinem ipsum tam longo temporis decursu ubiuis locorum florentem, non reprobando, si reprobatione dignus erat. Incuriæ verò, quod viderit Cartusianam familiam per totum penè terrarum orbem diffusam, ac insigni cum fœnore multiplicatam, nec tamen cui auerit ipsam profigari atque eliminari (si id merebatur) sed conniuendo dissimulauerit, alienisque peccatis perperam communicauerit. Quin immo, Concilium Basileense Anno Domini M. CD. XXXI. inchoatum, disertis verbis Cartusiensem approbavit Ordinem; quod etsi partim confirmatum, partim reprobatum, ob Schisma ibidem exortum, fuerit, Nicolaus tamen V. sanctiones illas circa beneficia Ecclesiastica, aliaque id generis nonnulla postmodum suo calculo comprobauit: Licet interim Maiores nostri de humana probatione ab initio non magno-

2 1. Tim. 3.  
15.

magnoperè solliciti fuerint: prudèter animadu-  
uertentes, non quæ certa, sed quæ dubia sunt,  
probatione indigere. Quippe qui probè cogni-  
tum haberent, pluribus in locis Iuris Canonici,  
eximia cum laude Cartusianorum mentionem  
à S. Pontificibus fieri. Primò namq; in Decre-  
talibus de Cartusianis agitur, maximè verò lib.  
5. tit. de *Simoni*, cap. *per suas literas*: vbi Innocen-  
tius III. Priori Cantuariensi, de quodam Car-  
tusiano scribit, cuius hæsitatiõ consulti. Simi-  
liter in eodem libro, Tit. de *homicidio*. Cap. *sicut*  
*ex literarum*, vbi idem Pontifex Priori, & fratri-  
bus Cartusiensibus scribit. Itidem in sexto De-  
cretalium, libro 2. de *decimis*, capit. *Statuto*, de  
eisdem agitur. Quibus vna cum Cisterciensibus  
percipiendarum priuilegium decimarum con-  
ceditur. Porro in Extrauagantibus communibus  
de *regul. & transf. ad reli.* cap. *Viam ambitiosè*. Car-  
tusianorum quoque fit mentio. Qui tanta illic,  
præ cæteris donantur Ordinibus, prærogatiua,  
vt religiosos mendicantes in suum consortium  
soli admittere queant. Enimuero sacer Cartu-  
siensis Ordo ab ipsis Summis S. Romanæ Eccle-  
siæ Pontificibus mirificè probatus, & (quod am-  
plius est) egregiè commendatus reperitur. E qui-  
bus plus quàm tres & triginta enumerare licet,  
qui varijs priuilegijs, indultis, libertatibus, be-  
neficijsq; Ordinem hunc condecorarunt, totq;  
ac tanta eidem contulerunt, quanta alteri nun-  
quam dedisse Religioni putantur. Quorû equi-  
dem Bullæ originales vt in Maioris Cartusiæ  
archiuo diligenter adseruiantur, sic eorû exem-  
pla de verbo ad verbû in antiquis Ordinis sta-

*Adsignantur  
loca aliquot  
Iuris Canonici,  
in quibus  
Cartusianorû  
habetur men-  
tio.*

*Cum Cartu-  
siani, Ordines  
mendicantes  
ad suû queâ  
admittere in-  
stitutum, du-  
bium non est,  
quin à Sede  
Apost. appro-  
bati sint.  
Alias sequen-  
retur &c.*

tutis prælo edita ac typis promulgata reperiuntur. Sunt autem Pontifices, quorum illic Privilegiorum fit mentio, hi subsequentes: nempe, *Enumerantur hic triginta Romani Pontifices, qui nem pecularibus aliquot donarunt, honoraruntque Privilegijs ac indultis, idque iam ante annos plus centum.*

Alexander III. Lucius III. Urbanus III. Clemens III. Celestinus III. Innocentius III. Honorius III. & IV. Alexander IV. Clemens IV. Innocentius IV. Gregorius IX. & X. Clemens V. Ioannes XXI. & XXII. Nicolaus IV. Clemens VI. Innocentius VI. Urbanus V. Gregorius XI. Clemens VII. Benedictus XIIII. Bonifacius IX. Urbanus VI. Martinus V. Nicolaus V. Pius II. Sixtus IV. Alexander VI. quorum verba ac testimonia subinde in medium profert Dorlandus li. 4. Chronici sui Cartusiensis, cap. 3. nec non & Petrus Sutor lib. 2. vitæ Cartusianæ, Tractat. 3. cap. 2. fol. 466. & sequentibus. In quo quidem capite expresso agit de sexuplici Cartusianæ vitæ approbatione, scilicet Divina, Synodali seu Ecclesiastica, Iuridica, Pontificia, doctrinali, ac rationali; quem ibidem copiosè hac de re disserentem consule. Nos etenim qui NOTAS tantum ac succinctas solummodò ELVCIDATIONES molimur, brevitatis studio beneuolæ Lectori commendati esse, cupimus.

*Nonnulli Pontifices varias Ordini ædificarunt Cartusias.*

Cæterum, nonnulli Romanorum Pontificum, nec probatione, nec commendatione, aut privilegiorum concessione satis contenti, ut patetnum erga præfatum Ordinem affectum euidentius ostenderent, atque orbi Christiano testatius facerent, quasdam ipsius Domos construxerunt, atque egregijs ædificijs non minus quam amplissimis annuis redditibus exornarunt, dotaueruntque. In quibus est Urbanus V. qui vnam ex præcipuis Romanæ Urbis Ecclesijs; nempe S.

Crucis in Hierusalem, Cartusianis incolendum assignauit, qui tamen ante nō multos annos, ob loci inconuenientiā auramq; minus salubrem, ad Thermas se recepēre Diocletianas, vbi nunc multò & salubrius & commodius, quieriusq; cōmorantur. Innocentius quoq; Tertius, quandam in honorem Diui Bartholomæi Cartusiam erigi curauit. Nec non & Ioannes XXII. Domū boni p̄ssus Ordini Cartusiensi, super Durentiam propē Auinionem, in qua & tumultatus est, cōdidit. Similiter & Innocentius istius nominis VI. vltra Rhodanum iuxta Auinionem in villa noua eidem Ordini Cartusiam erexit, *Vallem benedictionis* nuncupatam: in qua humo quoque mandari voluit, ac sepeliri. Insuper & alij complures Summi Pontifices (verbis vtor Dionysij nostri Rickelij) ad reparationem & restaurationem *Libro de morum quarundam Ordinis Cartusiensis delectarū*, multa contulerunt subsidia, aliorumq; Ordinum monasteria *præconio sentando Ordinis Cartus. Artic. 7. in fine.* quedam deformata, collapsa, ac desolata, huic Ordini incorporarunt. Quin & alij eximij, aliquot diuersarum Prælati Ecclesiarum, Principes quoq; spectatæ probitatis cōplures; vtpote Reges Franciæ, Angliæ, Bohemiæ, Hungariæ, Arragoniæ, varias suis in regnis Cartusias construxerunt. Quod nunquam vtique attentassent, nisi Ordinem ipsum sanctum, probatum, confirmatumq; exploratè cognitum habuissent.

Vnde non de nihilo profecto est, quod Thomas Bozius, vir equidem præstanti doctrina, summa eruditione, atq; ingenio, iudicio, literarumq; monumentis cum primis celebris, huiuscemodi encomium de sacro Cartusiensi

ordine, eiusdemq; primo initiatore, ac reliquis nonnullis Viris eiusdem familiæ doctissimis, iam olim hisce verbis, quibus etiam nostra hæc Prælia cōcludemus, protulerit: sic enim ait;  
*a Bruno Colonienſis, vir calo delapſus, cœſta-  
 lē hominum ſolitariorum primus ab Orbe con-  
 dito auſus eſt inſtituere, maxima Germanica no-  
 bilitatis laude: vt eſſent ſcilicet, qui ab omnibus  
 rebus terrenis omnino abſtracti, toti in rerum di-  
 uinarum contemplatione & obtutu deſigerentur.*  
*Quamuis Romualdus etiam hoc ſit aggreſſus; ſed  
 non tanto, vt apparet, vel exitu vel conatu. Hoc  
 autem Bruno feliciter eſt aggreſſus, vt non in Car-  
 tuſia ſola (agri Gratianopolitani loco) hoc perfe-  
 cerit, verum etiam in Anglia, reliqua Gallia, Ger-  
 mania, Italia, Hiſpania, aut ſi qua ſunt alia re-  
 giones, quæ Conuentus habeant huiusmodi Viro-  
 rum celeberrimos. Neq; verò vna atate aut ſecu-  
 lo id ille diuino eſt munere affecutus, vt inſtituti  
 ſui plurimos diuerſis in locis imitatores habue-  
 rit: ſed quinque iam ſecula exacta numeramus,  
 quo tempore innumeri prodierunt tanta laudis  
 Viri ex Ordine ipſius. Hinc factum, vt pauci ordi-  
 nes Religioſorum ſint, qui tot è ſuis ciere poſſunt, à  
 quibus adeò celeſtium contemplandorum ratio ſit  
 illuſtrata, vt à ſcriptoribus Cartuſianis &c. Atq;  
 vt omittamus alios, referamus ſolos Germanos,  
 neq; omnes tamē, ſed atate noſtræ propinquioreſ.  
 Igitur quales, quaſo, quantiſq; Ludolphus Saxo,  
 Hèricus de Coëſfeldia, Ioannes Tengeremūdanus,*

Her-

*a Lib. 22. de  
 ſignis Eccleſ.  
 cap. 3. ſigno  
 35. pag. 1037.  
 Celſo. edition.*

*Cartuſianus  
 Ordo vltra  
 quinque ſecula  
 ſecula.*

*Recenſentur  
 Cartuſiani  
 aliquot Ger-*



Hermannus de Petra, Henricus de Hasia, Gerardus Sredamus, Bartholomaeus Ruremundanus, Jacobus Iunterbuykus, Iacobus Mosander, Dionysius Rukelius, Ioannes Haghen, siue de Indagine, Iacobus Gruytroedius, Henricus de Piro, Henricus Prudens, Henricus Arnoldi, Ioannes de lapide, quæ Trithemius inter præcipuos Gymnasi Tubingensis (veinam hæc Schola etiamnum hoc seculo consimilis & fidei & pietatis scriptores proferret) ponit auctores: Vernerus insuper Roeluinckius, Lauræus Surius, Ioānes Lanffergius? Quos quidem Viros omni vitæ sanctimoniam, atque eruditionis laude præstantes Bozius nominatim cum percensuisset, & Cartusianæ vitæ præconium prosequens, hæc totidem demum verbis subiungit: *tunc attribui posse videretur Cartusianorum familijs, quod nunquam sic eorū mores à primæua institutione sunt collapsi, ut eorū leges in deteriores faciem, nedum vivendi normam, sint immutatae. Quod multis Ordinibus non ita contigit, qui longè ab antiqua puritate, vel saltem vitæ austeritate, visi sunt deflectisse.* Huc usque Bozius, non quidem professione Cartusianus (ne quis tam eximiam Cartusienſis Ordinis laudem suspectam habeat, si à domestico proferatur) sed congregationis Oratorij præbyter, cui nihil cum Ordine nostro commune aut familiare est. Et hæc quidem pro elucidatione libri huius primi Chronici Dorlandi sufficiant.

# ELVCIDATIO, NES, SEV NOTAE IN LL BRVM II. CHRONICI CARTUSIENSIS.

## § I. Argumentum huius Libri.

**Q**uemadmodum totus liber primus in enar-  
randis rebus, à D. BRVNONE præclare  
sancteq; gestis consumitur; ita hic secundus qui  
consequitur, nil nisi B. HVGONIS Gratiano-  
politanæ Ecclesiæ admirandæ sanctitatis Anti-  
stitis, Vitam moresq; complectitur. Quæ qui-  
dem omnia Dorlandus compendiosè excerp-  
sisse videtur ex ijs, quæ D. GVIGO, quintus Ma-  
ioris Cartusæ Præfectus, iussu ac voluntate In-  
nocentij Papæ II. literis consignauit; quæ uti  
Tomo secundo Surijs sub die 1. Aprilis ad lōgum  
reperiuntur, ita minori quoque illustratione  
opus habet. Vnde cum in superioribus aliquan-  
tò diffusius prima Ordinis incunabula profe-  
cuti sumus, hūc eò iam nunc succinctiores eri-  
mus.

## § II. Etsi complures in Ordine Car- tusiensi exstiterint HVGONES, hūc tamen Gratianopolitanæ Ecclesiæ Antistitem præ ceteris celebriorem fuisse habitum.

*Quinque Hu-  
gones, in or-  
dine Cartusi-  
ensi celebres.*

**L**

**F**ateor equidem, complures primæua Ordi-  
nis ætate, vel saltem non longè post, floruisse  
in eo Hugones. Fuit enim ex primis D. BRV-  
NONIS socijs Hugo quidam, quem, quòd solus  
inter

inter eos Sacerdotio initiatus esset, Capellanū *In vita S.*  
 vocitabant. Fuit deinde & alius, qui B. HVGON *Brunoni apud*  
 NI Gratianopolitano in Episcopatu ibidē suc- *Saricum § 5.*  
 cessit, & postmodum Archiepiscopatu Viennēsi *II.*  
 in Gallijs præfedit. Quin & Lincolnienf. cele- *De quo Dor-*  
 bris Anglicani regni Ecclesia, Hugonem Episco- *landus lib. 4.*  
 pum, de quo in libro 3. Dorlandus agit, concele- *cap. 8.*  
 brat. Ne quid interim taceam de quarto illo, *III.*  
 qui post GVIGONEM, totius Ordinis Genera- *IV.*  
 latum biennio tenuit. Verum illius, quo de hūc  
 agimus, cū laus ac nominis fama lōgē sit cele- *V.*  
 berrima, vtpote Ordinis promotoris, directo-  
 ris, adiutoris ac D. Brunonis Mecenatis optimi,  
 hinc cæteris suis referuatis locis, de hoc solo  
 nobis pertractandum est. Huius autem virtutes  
 breui compendio ita noster perstringit a Dor-  
 landus: *Si laudatur castitas, quis illo mundior? Si*  
*sermonis veritas, quis in loquendo cautior? Si*  
*Dei Charitas, quis feruentior? Si dilectio proximi,*  
*quis benignior? Si humilitas, quis deiectionior? Si ele-*  
*emosyna, quis largior? Si oratio, quis deuotior? Si*  
*lachrymarum gratia, in quo effusior? Si contem-*  
*platio, in quo sublimior? Si tolerantia, quis in tri-*  
*bulatione fortior? Si iustitia, quis districtior? Si*  
*prudencia, quis circumspectior? Si deniq; tempe-*  
*rantia, quis moderatior?* Quas tamē sanctissimi  
 huius Præfulis virtutes, iam olim totidem ver-  
 bis dudum ante recitat b Anthoninus; & ante b *In Historia*  
 cum Vincentius in speculo historiali; nec non *parte 3. Tit.*  
 & Guigo in eius vita apud Sarium §. 7. *15. cap. 22.*  
*in princip.*

¶ III. An B. HUGO ex Cartusiano, factus sit Episcopus; an verò ex Episcopo Cartusianus.

**D**E primo paragraphi huius membro nunquam mihi in mentem venit, vel leuiter saltem ambigere, nisi quod apud a Volaterranum repperi, B. Hugonem ex D. Brunonis socijs vnũ fuisse, ac primũ Cartusienſis instituti Abbatem, deinde verò Præſulem Gratianopolitanũ effectum: quorum nec hoc, nec illud verum eſſe poteſt. Neq; enim hic B. Hugo vel Cartuſianæ religionis Præſectus (Abbatem ipſe nuncupat) nunquam fuit, vel ex Præſecto designatus Episcopus, ſed potius contrarium egiſſe putatur, vt nimirum Episcopalis officij ſarcina reiecta, atq; in alios tranſlata, Carthuſianæ ſe quieti dederet. Nam illum Anno Domini octogefimo ſupra milleſimum (tunc autem necdum vllum Ordinis huius fundamentũ collocari erat cœptum, ſed biennio poſt) in Auinionenſi Concilio creatum fuiſſe Episcopum, accuratiſſimus noſtræ tempeſtatis Eccleſiaſticorum ſcriptor Annalium, teſtis mihi eſt Baronius: ſic. n. ait: *b Hugonem Dienſem Episcopum* (fuit hic aliquãdiu Sedis Apoſtolicæ in Gallijs legatus) *trãſlatum fuiſſe in cathedram Lugdunenſem, & creatum eius ciuitatis Archiepiscopum, teſtantur acta S. HUGONIS Episcopi Gratianopolitani.* In quibus pariter habetur, hoc anno (nẽpe 1080) ab eodem Hugone eſſe celebratum Conciliũ Auinionenſe, in quo inter alia reperitur, creatum ibi fuiſſe S. HUGONEM Episcopum Gratianopolita-

a Lib. 21. Anthropologie; pag. 478. Lapsus Raphael. Volaterrani.

b Ad annum Dom. 1080. num. 78.

Tom. 2. Suriij 1. April. S. 3.

*politianum: quem ponit sedisse annos quinquaginta duos, diemq; obuisse, Anno Domini millesimo centesimo trigesimo secundo.*

Cæterum, an hic B. Hugo Cartusianam quoque incolere cum D. Brunone, viro sibi intimè charo, solitudinè cœperit, non abnuat vel idem Baronius, vel etiam vetustiores aliquot probatæ fidei Scriptores: inter quos cum primis est Sigebertus Gemblacensis, qui eodem cum Hugone seculo in viuis fuit. Cuius hæc sunt verba; BRVNO natione Theutonicus ex vrbe Colonia, literis apprime eruditus, Rhemensis Ecclesiæ Canonici, & Scholarum Magister, relicto seculo, heremum Cartusia fundat, propositumq; monastica conuersationis satius arduum instituit. Cuius sancti propositi cooperator & amulator HUGO Gratianopolitanus Episcopus, ab eodem Brunone habitum Monachicum sumpsit, cunctiq; ibi habitantibus insigne exemplum præbuit. Cuius sententiæ non inuitus quoque adstipulatur Nauclerus, ad annum Dom. 1086. Generatione 37. fol. 733. Et Christianus Massius; dicens, Ordinem Cartusiensem initium sumpsisse à D. BRVNONE, cooperante B. Hugone Gratianopolitano Pontifice, qui tandem relicto (inquit) Pontificatu; sub ipso BRVNONE factus est Monachus. Quo pacto verò ante obitum Pontificatus renuntiauerit, & alium quendam eiusdem secum nominis sibi substitui curauerit, non flet is, qui vitam eius ad posteros, fide sanè quàm optima, transiussit; epistola nimirum ad Innocentium Papam II. idque hisce potissimum verbis: Hugo

*An B. Hugo Cartusiane vite institutum sit amplexus, illorumque donatus habitu*

*In Chronico, ad annum Dom. 1084.*

*Lib. 16. Cbrq. nicorum Mundi.*

*Guigo in pro-* ex nobis Monachum, ita ei (huic nimirum Gratia-  
*logo vite S.<sup>e</sup>* nopolitano Hugoni) In Ecclesiastico regimine suc-  
*Hugonis.* cessit, ut propter diuturnam ac vehementem infirmita-  
*Tom. 2. Surij* tem ipsius, in eum locum, ipso preunte, vestraque pietate  
*1. April.* iubente, priusquam obiret ipse, consecraretur.

*Inuenitur in*  
*opribus D.*  
*Brunonis ad*  
*finem.*

*Lib. 2. cap. 2.*  
*pag. 39.*

Neque verò etiam Raphael Volaterranus infi-  
 cias ire audet, quin hic B. Hugo Gratianopoli-  
 tanus, & habitu & professione nostras fuerit.  
 Quod tamen aliquanto expressius testatur per-  
 uetustus quidam autor, qui carmine res gestas  
 D. BRUNONIS est prosecutus, hisce nimirum  
 versibus:

*Hugo autem nusquam potuit desistere ceptis,*  
*Quos semel adiunxit, fouit quoq, semper & auxit,*  
*Ingiter inter eos studuit consistere, claustra*  
*Conditus, albentes tunicas quoq, sumpsit ab illis.*

Ita namq; in plurimis antiquissimis licet pictu-  
 ris cernere; fateturque ipse insuper Dorlandus,  
 Guilhelmū S. Theofredi Abbatem subinde con-  
 questum D. Brunoni, B. Hugonem qui tunc ean-  
 dem tecum cellam incolebat (bini quippe, ob  
 domiciliorum defectum, simul habitabant) tam  
 humiliter in Cartusia vixisse, ut omnia fere sibi  
 feruitiorum genera, alternis vicibus obeunda,  
 præriperet. In tantum namq; deuotus optatam  
 illam Cartusianam solitudinem incolebat, &  
 sedulus, ut eum M. Bruno nonnunquam exire  
 compelleret.

#### § IV. De virtutibus ac moribus Sanctis- simi huius Præfulis Hugonis.

**E**tsi breui (ut supra memorauī) compendio,  
 eximias præstantissimarum virtutum opes,  
 quibus

quibus beatissimus Antistes à Deo bonorū omnium largitore cumulatus fuerit, Dorlandus perstringat, summa tantum secutus fastigia rerum, attamen haud quaquam silet, quàm innocenti pueritia adoleuerit, quàm inuitus ad Episcopalis apicem dignitatis ascenderit, quàm in corrigendis deprauatis cleri moribus inuigilauerit, quam verus in verbis, quàm constans in factis fuerit, quàm erga D. Brunonem, eiusq; socios, humanus, quàm in excipiendis aliorum confessionibus benignus, quàm in peruigili solitariae vitae cultu strenuus ac demissus, quam deniq; in Episcopatus resignatione promptus ac alacer; adeo vt neque alij quidem Ecclesiasticarum Scriptores historiarum, tam admirandas eius virtutes silentio inuoluere potuerint. Commemorat namq; illius laudes *a* Vincētius in Speculo, *b* Anthoninus in Chronico, *c* Volaterranus in Commentario; tribuens hoc eius commendationi, quod totos quinquaginta annos nunquam curiosè alicuius faciem conspiciere mulieris voluerit: exemplo nimirū B. Iobi, *d* *pangentis fœdus cum oculis suis, vt ne cogitaret quidem de virgine.* Nam cum impudicus oculus, impudici cordis (teste Augustino) sit nuntius, hinc peccati mors, facilè per hasce solet oculorum irrepere fenestras. Vnde volens B. Hugo tam suæ consulere salutem, quàm subditorum suorum omnium vtilitati pariter ac ædificationi, diligenter sibi à mulierum familiaritate cauit; sciens nec Sapientem, nec Prophetam, nec Iudicem, nec hospitē Dei, nec filios, nec ipsum manibus Dei formatū prothoplastū, potuisse euadere blanditias,

*a* Lib. 27. Speculi historial. cap. 8.

*b* parte 2. Tit. 15. cap. 22. §. in princip.

*c* Lib. 21.

*d* Iob 31. 1.

*e* Ierem. 9. 21.



ditias, vel fraudes mulierum; ne dum si Clerici illarum familiaritati, aspectui, frequentioriꝝ colloquio sese importunè ingerant. Quos quidem meritò D. Bernardus, qui eodem cum B. Hugone seculo vixit, illique perquam familiaris extitit, hisce increpat verbis: *Cum femina semper esse, & non cognoscere feminam, nonne plus est, quam mortuum suscitare? Quod minus est non potes, & quod minus est, vñ credam tibi? Quotidiè latus tuū ad latus iuencula est in mensa. Lectus tuus ad lectum eius in camera, oculi tui ad illius oculos in colloquio, manus tua ad manus ipsius in opere, & cōtinens vis putar? Esto vt sis, sed ego suspicionem non careo. Scādalo mihi es, tolle scādali causam, quo te probes verum, vt iactas, Euangelij amulatorem. Qui scandalizauerit vñum de Ecclesia, nonne Euangelium condemnat illum? At tu Ecclesiam scandalizas. Verum vt, hæc hæctenus, sic iam nunc ad obitum sacratissimi huius Præfalis acceleremus.*

Lib. 27.

Speculi histo-

rials cap. 12.

a part. 2. hist.

tit. 15. c. 22.

in princip.

e Lib. Chron.

Cartus. cap. 8.

pag. 66.

d Tom. 11.

anncl. anno

1080. n. 78.

## § V. De obitu illius, ac canonizatione.

**C**onsentiunt in eo autores omnes, B. nimirum Hugonem migrasse è corpore anno ab incarnatione Dom. millesimo centesimo tricesimo secūdo, ætatis porrò suæ ad minus octogesimò, mense 4. consecrationis autem ad minus quinquagesimo secūdo. Ita namque pari consensu scriptum reliquere a Vincentius, b Antho-  
nias, c Dorlandus, nec non & d Baronius ipse. Obijt autem Calendis Aprilis, sexta ante Palmarum Dominicā feria, circa gallicinium, vir  
nimirum

nimirum inter sui æui Episcopos rerum præ-  
clarè gestarum gloria celeberrimus. De cuius  
vitæ sanctimonia Innocentius Papa II. utpote  
testis oculus, huiuscemodi protulit testimo-  
nium: *Diuini respondentis beneficijs, cognita vita  
eius, & auditu, quæ per B. Hugonis merita fixit,  
miraculus, superna maiestatis clementiam collau-  
damus, & Archiepiscoporum, Episcoporum &  
Cardinaliū, atq; aliorum qui nobiscū aderant, cō-  
municato consilio, IPSVM INTER SAN-  
CTOS ET ELECTOS HONORARI  
PRAECEPIMVS, & diem eius cum gaudio  
solemniter celebrari.* Reliquit autē Episcopatus  
sui successorem alium quendam eiusdem & in-  
stituti & nominis, uti supra §. i. à nobis commemo-  
ratum est, Præsulem per quam eximium, uti  
ante obitum diu multumque desiderauerat, ac  
summis imisque precibus impetrauerat. Porro  
B. Hugonis memoriam posteris annis singulis  
rediuiuam, celebrans eius natalem Kalendis A-  
prilis S. Ecclesia Catholica, in Ecclesiasticis ta-  
bulis, eiuscemodi verbis, religiosè conseruat.  
*Gratianopoli S. HUGONIS Episcopi, qui multis  
annis in solitudine vitam exigens, Cartusianorum  
primus hospes fuit, ac comes, & MIRACVLO-  
RVM GLORIA CLARVS, MIGRA-  
VIT AD DOMINVM.*

*In Epist. ad  
Guigonem,  
Maioris Ec-  
clesiae Prae-  
sulum; qua  
precipit illi,  
ut vitam D.  
Hugonis liti-  
ris fideliter  
consignet.*

*Tom. 2. Saris-  
b. Aprilis.  
Relatus est  
in numerum  
Sanctorum,  
non longè post  
obitum.*

*Succesit illi  
in Episcopatu  
alius quidam  
Hugo, æque  
Cartusianus.*

*In Martyrol.  
Romano, iussu  
Grego. XIII.  
recuso.*

§ VI. Quæ nam Cartuliæ, atq; alia re-  
ligiosorum domicilia, B. Hugone  
viuente atque auxilium fertèe, ere-  
ctæ constructæque sint.

Non

**N**on satis habuit B. Hugo, quod D. Brunoni, eiusdemque socijs Maiorem adsignaret inhabitandam Cartusiam, verum etiam alia nonnulla religiosorum voluit promouere domici-

*Tom. 2. Surij* lia. De quo ita Guigo in eius vita: *Vt enim tacca-*  
*1. April. S.* *mus, quæ Clero pariter & plebi per eum bona prouene-*  
*17.* *merunt, heremus Cartusie, Calesiensis Abbatia, Excubiarum heremus, Regularium Canoniorum apud Misere-*  
*Monasteria* *num, & apud S. Georgium domus, ipso aditente cepe-*  
*eius opera* *rant, ipso spiritaliter & corporaliter fouente profecerat.*  
*constructa.*

*Lib. 6. Epist.* fit epistolam, ita & Petrus Cluniacensis Abbas,  
*25.* qui eadē vixit ætate Maioreuicæ meminit Cartusie. Domus verò Portarū, quæ & ipsa in Bur-

*Tom 3. Surij,* gundia partibus sita est, semel aut iterū fit mē-  
*26. Iunij, §* tio in vita S. Anthelmi, Bellicensis Episcopi. Cæ-  
*3. & 10.* terarum verò primarium ordinis Domorum antiquitatem, situm ac elegantiam, tūc accuratiori licebit calamo depingere, cū illarum

Primates, qui hac tempestate ijs præsentent  
 lo Dei ac ordinis inflammati, benigna  
 manu subsidium nobis cōbis  
 contulerint.

49

# ELVCIDATIO,

NES, SEV NOTAE IN LI.  
BRVM III. CHRONICI  
CARTVSIENSIS.

§ I. Argumentum huius libri.

**S**icuti liber secundus vitam B. Hugonis Grati-  
anopolitani compēdiosē describit, ita iam  
nunc tertio hoc libro eximīæ quædam virtutes  
D. Hugonis Lincolniensis à Dorlando enarran-  
tur: quæ tamen multo copiosius Tom. 6. Suriij  
17. Nouemb. reperiuntur, extracta nimirum ex  
quinque illis libris, quos de beatissimi huius viri  
vita scripsit anonymus quidam, qui aliquot an-  
nōrū curriculo familiariter cum eo vixit. Quos  
equidē manuscriptos, in nostra hac Colonienſi  
Bibliotheca, insigni antiquorū simul ac recen-  
tium librorum suppellectili instructa, studiosē  
adseruamus.

§ II. Ex quibus auctoribus res gestæ  
sanctissimi huius viri petendæ ex-  
piscandæque sint.

**D**E hoc ita a Molanus in Notis ad Martyro-  
logium Vsuardi: *Hugones Cartusiane vite duo* a Die 17.  
*in Catalogo Britannico nominantur Scriptores: Syluester* Nouemb.  
*nimirum Giraldus, Cambrensis, qui claruit anno Domini*  
*1210. & Adamus Cartusianus, Doctor Theologus, qui*  
*claruisse fertur anno 1340. Adserit quoque idem*  
Molanus, quinque integros manuscriptos ex-  
tare, ac penes Cartusianos reperiri libros de re-  
bus gestis huius B. Hugonis: quorum equidem  
D libro-

librorum in superiori memini §. atque ex ijs videtur Dorlandus suos hosce decerpisse ramos. Quin & a Petrus Sutor multa quoq; præclara de hoc B. Hugone recenſet. Similiter & integris aliquot annorum centurijs ante illum fol. 5. 17. & b Mattheus Parisius, in historia sua Anglicana, ad annum Dom. MCC. *Huius quoque admirabilis viri gesta continentur paſſimq; habentur* (verba ſunt Molani) præſertim in eo opere, quod Archidiaconus Lincolniensis de ſanctis mirandisq; Actibus, ac miraculis eius ſcripſit. Quod tamen nobis videre, aut legere necdum licuit; eſſi eius meminerit Petrus Sutor, pag. 521. lin. 3. à fine.

§ III. Primariæ aliquot virtutes B. Hugonis; cuius religioſo comprimis neceſſariæ.

**Q**uanto cum ſervore homini religioſo melioris vitæ capeſſenda ſit ſemita, liquet maxime beatiffimi huius viri exemplo, qui ad Sacerdotium promotus, deuotiſſime tanti ſoluit debitum officij; adeo vt induci non quideret, etiam ne in maximo quidem periculo, quod præces horarias aut præueniret, aut differret: quod etiam uſq; ad vitæ finem exactè ſeruauit.

a In vita ipſius apud Sutorium cap. 4.

b Cum enim aliquando cum Prælatiſ quibuſdam in itinere conſtitutus, moneretur vt ante lucem furgētes, loca prædonibus infeſta necdum diluſcente aurora furtim præterirēt; quod, inquit, ibimus, Matutinis necdum præcibus abſolutis? Illis autem reſpondentibus, nunc properandum, & poſtea de illarum recitatione cogitandum, periculum namq; eſſe in mora, & parum abeſſe quin capian-

capiantur. Ad quos ille: *qui capit, ait, capiat; & quæ  
timet, timeat. Ego hinc non exibo, donec solito more pre-  
ces matutinas persolvero. Sed quid quæso contigit?*  
illi itinere mox sese accingentes, in prædones  
incidere; Episcopo eadem via, lectis precibus  
paulo post innocuè proficiscere. & Solebat quo-  
que idem B. Hugo ad ædificationem suorum di-  
cere, *postquam Cartusianæ vitæ institutum amplexus  
esset, vix semel sibi morantiae negligentiam* (\* Moran-  
tiam vocant Monachi; eiusmodi negligentem  
incuriam, ob quam fratrum Conventus moram  
aliquam sustinere, ac cum tædio expectare co-  
gatur) *subrepsisse. Quam verò studiosè voluerit  
religiosos omnes à mûdanis abesse colloquijs,  
seculique rumoribus indagandis, patet ex eo,  
quod aliquod veniēs ad Cartusiam d Arueriam  
(est quoque hæc vna ex antiquioribus) ea vide-  
licet tempestate, cum iam paulo ante ante lon-  
gum illud iter confecisset, in quo pacem concili-  
lauerat inter Franciæ, & Ioannem Angliæ Re-  
ges, interrogatusq; de modo initæ pacis, respō-  
deret; Rumores audire & referre, etsi liceret Episco-  
pis, Monachis tamen non licere. Porro tam fuit in pre-  
cibus, deuotisq; suspirijs assiduus, vt etiā dor-  
miens & creberrimè submurmuraret, Amen, amē;  
tanquam præmissæ orationis clausulam. Si solus  
in cella ederet, liber expansus ante oculos sem-  
per fuit: f refectorium verò diebus Dominicis  
ingressus, prout ceteros docuit, oculos in men-  
sa, manus in scutella, aures ad librum, cor ad  
Deum habebat. g Pacis verò amator & conser-  
uator in tantum fuit, vt bono pacis in hac vitâ  
nihil præferendum, nec seditionis & turbatio-*

e Ibid. ca. 4.

\* Facit hoc  
ad explica-  
tionem loci  
istius margli-  
nalis, qui pag.  
74. Dorlandi  
reperitur.  
d Ibid. capi-  
codem.

Mira grandæ  
eius assidui-  
tas.

e cap. 8.

f Ibid.

Optima sunt  
hæc documta.  
sa pro reli-  
giosis.

g Cap. 11.

Studioſiſſi-  
mus eſt p-  
concordia e.

nis poſſe quidquam amplius fugiendum adſe-  
reret. Itaque quoſlibet indifferenter monebat  
Prælatos, vt vnitatis & concordia: vinculū ſuis  
cum ſubditis inuiolabiliter conſeruarent: ſi fa-  
cerent, nunquam internā pectoris ſecuritatem  
perderent, quæ ſempiternam nobis tranquill-  
tatem conciliat. *h* De ſingulari eius cura & ſol-  
licitudine erga moſtuorum ſepulturam, id cō-

*h* cap. 15.  
Mortuū ſe-  
peliēdis ſtre-  
nuē incumbit.

pertiſſimum eſt, tam in Nouo quàm Veteri In-  
ſtrumento vix quēquam illi in hoc humanita-  
tis ſtudio fuiſſe quodammodo parem, ne dum  
ſuperiorem: adeo vt non immeritō de illo di-  
catur; *ſi plures vt periffet, plures ſi p- liſſet*. Atq; ideo  
ipſe quoq; tam celebrem poſtea meruit ſepul-

*i* cap. 31.

turam, vt & *i* Reges & Archiepiſcopi eius fere-  
tro humeros ſupponere ſuos magnoperè geſti-  
erint. Magna inſuper ſubditos beneuolentia &  
humanitate proſequēbatur; præcipue verò pec-  
catores, quos tanta commiſeratione, vt ſangu-  
nem pro eorum ſalute, ſi opus fuiſſet, profun-  
dere non d- titatſſet. *k* Fuit verò non minus ze-  
loſus, contra quoſlibet alios pauperum oppres-  
ſores, Eccleſiaſticaq; libertatis violatores, quos  
indifferenter abſq; ylla perſonarum acceptio-  
ne arguebat, admonēbat, & ſi contumaces per-  
ſiſtērent, etiam excommunicationis ſententia  
feriebat. Adeo vt etiam inter micantes gladios,  
nudo ſæpius capite ſteterit imperterritus, & ne

*k* cap. 20.  
Zelus eius  
aduerſus li-  
bert. in Ec-  
cleſiaſtica  
violatores.

Contemnit  
ſæpè mortem  
imentatam.

ad momentū quidem ab obiurgationibus ceſ-  
ſauerit, vbicunq; id res, pro iuſtitia defenſione,  
poſtulare videretur. Cæterum, Regi Richardo,  
qui Henrico in imperio ſucceſſit, eiq; maximas  
ſæpè difficultates faceſſiuit, quanta cum dexte-

ritate



ritate, animiq; constantia, pro Ecclesiasticæ libertatis immunitate, sese opposuerit, superfluum fuerit hic recensere. Id etenim ex 1 Surio, & ex 1 cap. 16. 18. Dorlando, nec non & n Matthæo Paris, Angelicarum rerum scriptore, sufficienter constat, 19. 11. adeo ut actum agere nolumus. o Quanta autem in cap. 11. deuotione fuerit erga tremendum, terq; sanctissimum altaris Sacramentum, ex hoc solo factis liquet, quod crebro pius Dominus in forma speciosissimi pueruli, sacrificandi illi visibiliter apparere est dignatus: quod quidem religiosi quibusdam personis diuino nutu non raro intueri concessum fuit. Quemadmodum etiam ex Dorlando constare potest, cap. 8. pag. 96.

*Christus saceris operanti in specie pueruli apparet.*

#### § IV. De eius ægritudine, morte, ac sepultura,

Post longa tandem huius vitæ certamina, cum iam tempus aduertaret transitus eius ex hoc mundo ad Patrem, acri febre correptus, magna cum animi fiducia dixit; *malè profectò nobiscum ageretur, si nunquam moriendum foret.* Vnde in omni sua ægritudine, quamuis violentissimè torqueretur, inuicto semper fuit animo, adeo ut medicis stupefacti, dicerent; *reuera spiritus hominis huius, sustentat imbecillum corpus eius.* Orationi deinceps mens eius intenta fuit. Eodem verò die quo Episcopus consecratus fuerat, etiam sacro delibutus est oleo; nempe ferijs B. Matthæi Apostoli, æquè ac Euangelistæ. Cum autem quintus decimus Kalendarum Decembris dies appropinquasset, lachrimantibus filiis dixit, ut funeri necessaria præpararent. Insit quoq; ut non Lō-

*Extrema vniuersis Sacramentum percipit.*

*Iubet funeri necessariæ præparari.*

*Non vult Lædoniæ ubi morbo corripit cœpit, humaretur, dopia, sed sed vt Lincolnia in primariam ædem trāsatus, Lincolnia in sepulturæ ibidem traderetur. Obijt verò circa Cathedralis annum Domini millesimum ducentessimum, cū sua Ecclesia iam sexagenarius esset, exegissetq; in Episcopatu annos quindecim, menses duos.*

*Sepultura Quam verò gloriosam habuerit sepulturam, eius per quam celebresq; exequias, non meis hîc verbis attexā, honorifica ac sed potius vetusti cuiusdem rerum Anglicarum gloria.* Scriptoris, nempe Matthæi Parisij, Monachi Albanensis, qui postquam eximias aliquot sanctissimi huius Præfulis virtutes, ac res verè illustres enarrasset, tandem subiungens; a conuen-

*2 pag. 196. bist Anglic. runt, inquit, ad colloquium apud Lincolniam Rex & corpus S. Anglorum Iohannes, & Rex Scotorum VVilhelmi Hugonis Lincolniæ ad cum, cum vniuersa nobilitate tam Cleri, quā populi vtriusq; regni vndecimo Kalendas Decembris. Et eodem die perlatū est ibidem corpus Sanctissimi Hugonis Episcopi tumultandum: cui occurrentes Reges memorati, & tres Archiepiscopi, Hubertus videlicet Cantuariensis, Gaufridus Eboracensis, & Bernardus Raguensis, cum tredecim Episcopis, Comitibus & Baronibus, & Clericis inst-*

*Observa viri sanctissimi corpus, qui Archiepiscopi Regesq; reuerenter suscepunt, ceruicesque eidem subiecerint.* runt, corpus sanctissimū susceperunt. Quod ipsi Reges tum Comitibus, & cæteris Principibus portauerunt in humeris suis, vsq; ad atrium Cathedralis Ecclesie. Ad ostium autem Ecclesie susceperunt illud Archiepiscopi præfati, & Episcopi: & sic per ministeriū Prælatorum perlatum est vsq; in chorum, ubi honorifice est pernoctatum. Sed ne quis miretur, cur Omnipotens Deus tam celebri sepultura

pultura mirificare voluerit sanctum suū, adeo  
 vt non inconuenienter verba possimus hīc ap-  
 tare Prophetica, & erit sepulchrū eius gloriosum, is *Esa. 11. 10.*  
 iam secum consideret, quid nam sacrilego isti  
 Iasoni diuina perurgente vindicta euenerit, nē-  
 pe vt, qui insepultos multos abiecerat, ipse quoq;  
 illamentatus, & insepultus abijceretur, sepultura *2. Machab. 5.*  
 neq; peregrina vsus, neq; patrio sepulchro partici- *10.*  
 pans. Sic ē contra, huic B. Hugoni omnes quos  
 reperire potuit mortuos sepelienti, tam glorio-  
 sa, præ cæteris aliquot Sanctis, sepultura à Re-  
 gib. ac Principibus, ab Archiepiscopis & Epif-  
 copis, Comitibus ac Baronibus, clericis ac ple-  
 beis præstita impensa q; fuit. Quemadmodum  
 etiam idem Matthias Paris sublequentibus his-  
 ce testatur verbis. Solebat hic Pontifex dum viueret,  
 in mortuis sepeliendis tam diligens humanitatis officium  
 exhibere, vt nullum mortuum præteriret, cuius sepultu-  
 re ministerium sibi competens videretur. Vnde Dominus  
 qui nouit retributione condigna iustorum merita remu-  
 nerare, tam honorabilem ei exhibuit sepulturam, vt ho-  
 norem illum retribuisse supradicto merito videatur. Of-  
 ficiū namq; exequiarū tanta celebritate per-  
 actum est, vt Episcopi lectiones, Abbates versus  
 seu responsoria recitarent. Ecce hoc tam inau-  
 dito sepulturæ honore condignus est habitus  
 B. Hugo, quem Rex cœli, qui sibi arbitratur esse  
 factum, quidquid vni ex minimis ipsius præsta-  
 tur, honorare voluit. Cuius epitaphium ciuile-  
 modi quoq; condecoratum est inscriptione.

*Pontificum baculis, Monachorū norma, scolariū  
 Consultor, Regū malleus, H V G O fuit.*

§ V. De eiusdem translatione, atq; in  
Diuorum numerum relatione, ce-  
lebriq; miraculorū illustratione.

*Honorium  
III. B. Hu-  
gonem Diuo-  
rum adscrip-  
sit cathologo.*

**P**orro anno CHRISTI millesimo ducente-  
simo octogesimo, qui fuit à Beati viri obitu  
ferè octogesimus sextus, pridie nonarum Octo-  
bris, hoc est ipso diuo Brunoni sacro, corpus  
eius eleuatum translatumque est; cum iam ante  
ad instantiā Regis Angliæ, ab Honorio III. Pon-  
tifice maximo Diuorū esset cathologo adscrip-  
tus. Agitur verò in Ecclesia natalis eius dies per  
annos singulos iugi memoria reperendus. De  
quo ita Romano in Martyrologio: In Britan-  
nia S. HUGONIS, Episcopi & Confesso-  
ris, qui ex Monacho Cartusiano ad Eccle-  
siam Lincolniensem regendam vocatus,  
multis claruit miraculis, & sancto fine  
quieuit.

Quæ verò hæc miracula sint, quibus B. Hugo  
tam viuus quàm mortuus claruit, videat Lector  
apud Surium, in fine vitæ illius, & Dorlandum  
cap. 9. & 13. Matthæum quoque Paris. fol. 197. Pe-  
trum Sutores li. 2. vitæ Cartus. Tract. 3, ca. 5. pag.  
522. Cuius equidem verbis præsentem hunc con-  
cludemus paragraphum, *Tot, inquit, & tanta fecit.*

*An Cartusiani adhucq; faciunt miracula B. Hugo, ut non solum ad proban-  
miraculis vn- dam eius sanctimoniam sufficere debeant, verumetiam  
quam clarue- ad repellendum eorum temeritatē, qui impudenter men-  
runt, vnde a- tiuntur, nulla à Cartusianis miracula fuisse edita. Subdit  
pud Sutores, verò rem etiam admiratione dignam, cuius ra-  
tulo in textu men eò fidelior testis esse potest, quò pluribus  
designato. annis Parisiensi præfuit Cartusæ: in qua dicit  
imagi-*

imaginationem quandam huius beatissimi Presulis adseruari; ad quam languentes delati infantiuli, pristinae valetudinis robur recuperent.

Cap. VI. Dorlandi, pag. 88. describitur amplitudo Diocesis Lincolnensis, cuius Episcopatum egit B. Hugo; de qua consule Gerardi Mercatoris Atlantem, aliosque qui de re Geographica ex professo scripsere,

Eodem quoque capite; pag. 92. linea 4. dicitur B. Hugo latus ad mortem accelerasse, sicuti cygnus cantando fati superat horrorem. De quo vide Pierium Valerianum in Hieroglyphicis; nam cygnus cantus etiam locum Proverbio fecit: hinc Quidius,

*Dulcia def. & modulatur carmina lingua,*

*Cantator cygnus funeris ipse sui.*

Cantat autem non ex tristitia, ut ait Plato, sed potius lœtitia propinquante fato; unde Cicero cygnos Apollini sacros esse fabulatur, ob vaticinium finis eorum. Cygnus itaque allegoricè animæ probæ viri comparari potest, qui latus mortem obit.

Cæterum quod in fine pag. 91. dicitur: B. Hieronymum leonem pro solatio habuisse, mirum quibusdam videri queat; cum nō desint qui explodant antiquam illam de leoni asini custode, fabellam. Tale namque de B. Hieronymo apud probatæ fidei Scriptores non facillè reperietur; 1 Ioannes quippe cum illud (a) Gerasimo Abbati in Prato *Missam Eui-* Spirituali adscribatur. Quod tamen pictores *ratu, ca 107.* passim Hieronymum adiuncto leone depin- *Prati Spirit.* gant, hieroglyphicè haud malè poterit intelli- *b Proverb.* gi; ut quemadmodum *b* leo fortissimus bestia- 30. 30.



rum ad nullius expauescit occursum, sic ille intrepidè varijs se hæreticorum monstris opposuerit, nempe Vigilantio, Heluidio, Ioviniano, & cæc. Vel quod in vastam Syriæ solitudinem secedens, quadriennium illic in diuinorum lectione librorum, cælestisq; beatitudinis contemplatione consumpserit, assidua se abstinentia cômacerans. Leonem enim B. Hieronymus Marco attribuit, qui Euangelium suum à solitudine auspicatur. B. verò Aegydius ceruino aliquandiu lacte alitum fuisse, testantur illi, qui eius res gestas bona fide conscribunt, ipsumque adeo Breniarium Romanum, die 1. Septemb.

*De hyperico  
seu herba  
perforata.*

*Lib. 3. in  
Dioscor. cap.  
156. pag. 479  
editionis Ve-  
netæ, anno  
1558.*

CAP. IX. pag. 102. in med. fit mentio herbæ hyperici, quam illius esse virtutis mulieri cuidam, ab incubo infestatæ persuadere voluit, vt immundum posset abigere spiritum: quæ an tali sit facultate prædita, necdû apud vllum probatæ fidei medicum reperire licuit. Describit quidem eam Mathioli Senensis, suis in Dioscoridem doctissimis Commentarijs, verum profundum apud illû rei huius est silentium. Nasctur, inquit, frequentissima in Italia, & à perforatâ folijs Perforata vulgo à nostris nominatur; folia enim innumeris scatent foraminibus, vsque adeò minutis, vt visum effugiât, nisi ipsa folia soli obiecta inspiciantur: neq; altior deorsum aliitudine adsurgit, folijs ericæ, minoribus tamen, & subpinguibus, caulibus rufescentibus, odore suavi, ac grato. De quo Plinius lib. 26. cap. 8. Hyperici verò vires memoriæ prodidit Galenus lib. 8. simplicium medicamentorum. Græcè vocatur ὑπερικόν, Latine perforata, Germania

*Sant Johans Arant.*

CAP. X. Pag. 103. linea 3. à fine dicitur B. Hugo ad instar Moyſi cornutam geſtaſſe faciem, quod nullatenus ſecundum literam debet intelligi, ſed quod ex frequenti orationis, hoc eſt, diuinæ colloctionis uſu, huiuſcemodi cælitus obtinuerit gratiam, ut qui cum illo ſermocinabantur, arbitrantur vultum illius quaſi diuinum quendam præ ſe ferre ſplendorom; quemadmodum illi qui ſedentes in cōcilio, ac diſputantes cum a Stephano, *viderunt faciem eius tanquam faciem Angeli.* Neque verò etiam arbitrandum eſt, Moyſen faciem verè cornutam habuiſſe, ſed potius radijs quibuſdam illuſtratam. Quod ex verbis ipſis potiſſimum intelligitur; quæ Hebraicè hunc in modum habent. v Mosce lo iadah chi karan hor panaiu beddabere ito; hoc eſt, & ignorabat Moyſes, quod cutis faciei ſuæ eſſet radians, vel ut alia habet litera, *ſplendida.* Non enim cornua è fronte egrediebantur, ſed & frons, & naſus, & mentum ſplēdore quodam coruſcabant, radiabantque. Vnde rectè admodum Septuaginta Interpretes hunc Exodi locum verterunt, *Καὶ Μωϋσῆς οὐκ ᾔδει δεδοξασταὶ ὁ ὄψις τοῦ χρωρὸς τοῦ προσώπου αὐτοῦ.* *Videatur Et Moyſes ignorabat, quod glorificatus eſſet aſpectus cuius faciei ſuæ.* Rident itaq; nos, & execrantur Iudæi, quoties Moyſen Chriſtianorum in templis cornuta depictum facie conſpiciunt; quaſi nos eum diabolum quendam, uti ſtulte ipſi interpretantur, eſſe exiſtimemus.

2 Actor. 6. 19

An Moyſes

habuerit fa-

ciem verè

cornutam-

b Exod. 34.

29.

Videatur

Hieronymus

ab Oleaſtro

in hunc Exodē

locū. Et Mo-

lanus de pi-

cturis &amp; ima-

gin. cap. 85.



# ELVCIDATIO NES IN LIBRVM QVARTVM CHRONICI CARTVSIENSIS.

Argumentum huius Libri.

**P**ostquam tribus præcedētibus libris vitam duorum Præsulum Hugonū Dorlādus enarrasset, & præcipuè ipsius Ordinis initiatoris D. Brunonis, primi Maioris Cartusie Præfecti, iam nunc quarto hoc libro ex ordine aliquot recensetur eiusdem loci Prioris, qui post B. Brunonē eandem illam rexere Cartusiam: quæ cum nostri propositi mater sit & origo, hinc quicumq; in istius loci Præfectum seu Priorem eligitur, is etiam illa gaudet prærogatiua, vt totius Cartusienſis Ordinis Generalis sit Minister; penes quem suprema rerum omnium sit potestas: qui semper in alma residens Cartusia, ex æquo ius omnibus dicit, annisque singulis Generali illic præsidet Capitulo.

**C**A P. I. De B. Lauduino, quem D. Bruno ab Urbano Pontifice ad urbem euocatus, in suum substituit locum. Hic etenim est vnus ex septem primis ordinis cādīdatis: qui in absentia B. Brunonis suos in arrepto fluctuare vitæ proposito conspiciens, sedulo ad constantiam eos est cohortatus, vtī constat ex pag. 135. Dorlandi. Apparens enim eis D. Petrus Apostolus, consiliū salutare suggessit, quatenus horas Canonicas in honorem sacratissimæ Virginis quotidie decantarent, quod deinde etiam clerus vniuersus, vtī ex decretis Claremontens. Cōcilij constat, imitandum suscepit.

*Cur Cartusia  
ni quotidie  
horas D. Vir-  
gini separa-  
tim persol-  
nam.*

**CAPVT**

CAPVT II. Agitur iam de profectioe B. Lauduini ad D. Brunonem, in Calabria solitudine degentem: quo cum postquam plurima de ratione Carthusianæ propagandæ religionis, alijsque negotijs contulisset, iamque reditum ad maiorem Cartusiam pararet, in itinere ab Antipapa Gilberto, quem nonnulli Gibertum, alij verò Guibertum nominant, est interceptus, diroque carceri mancipatus: de quo ita a Surius: *Cum à sanctissimo viro (Brunonem intelligit) rediret, in manus Giberti scismatici incidit, & cū non posset à sententia deduci, pro iustitia defensione in custodia detentus est: vnde pauld post dimissus, non multo interiecto tempore, in pollutum Christo spiritum reddidit. Hæc illic.*

Cæterum quis nam hic Guibertus sit, operæ pretium fuerit scire. Ingentem quippe malorum seditionumque stragem in Ecclesiam inuexit; utpote scismaticus, Antipapa, & frequenti excommunicationis fulmine à diuersis Christi Vicarijs fideiū numero segregatus. De hoc namq; ita b Baronius: *Vidit planè inauditum hætenus portētum Roma; nempe viuente ipso legitimo, Orthodoxo Gregorio VII. Papa, iam à toto Christiano orbe per annos vndecim recepto, atq; culto Pontifice, superinduci in Petri Cathedram ac consecrari sape ante depositum, & execratum. Sapius Guibertum Archiepiscopum Rauennatem, decoro nomine Clementem III. vocitatum. Quod factum tradunt XI. Kalend. April. feria 6. ante Palmarum Dominicam; licet alij id factum dicant anno sequen-*

a Tom. 1. die

6. Octob. S

Hæc autem

Comitis.

Canisius in

Martyrolog.

31. Martij,

putat eum in carcere expirasse.

De Guiberto-  
Pseudo ponti-  
fice.

b Tom. XI.

ad annum

Dom. 1083.

num. 2.

*in Cathedramq, locant hunc; Clemens falsè vocatur.*

cap. 11.

*Hic est Guibertus, fallax, vastator apertus  
Ecclesia Christi, merito quem signat abyssus  
Bestia, quam vidit dilectus in c Apocalypsi.*

Insper & Tomo duodecimo, qui vltimus Baronij annalium foetus est, complectens nimirum res gestas annorum circiter octoginta, iamque Moguntiae sub prelo defudat, de eodem in hunc d Anno Dom. loquitur d modum: Gloriabatur Guibertus Anti-  
1100. num. 1. papa sub suo regimine extinctos tres Pontifices: nempe Gregorium VIII. Victorem III. & Urbanum II. quem tamen hoc anno contigit ex hac vita ad inferos morte repentina perducì. De quo ita Domnizot

*Hic per viginti tres annos deniq, Christi  
Ecclesiam nisu toto turbavit iniquo.*

e Generat.

37. anno 1106

pag. 731.

Leodiensibus  
præcipitur ut  
cadaver Hen-  
rici Imp. a-  
pud se sepul-  
tum, effodiât,

Verum enimvero quàm ignominiosam tam hinc quam eius fautor ac promotor Henricus Imperator sortitus sit sepulturam, Naucerus suis nobis verbis enarret. Sic enim e aita Diuulgata Hērici Imperatoris morte, omnes qui questus gratia eidem adharendo, suas animas venales exposuerant, deditiōni Regi simul & communioni Catholicæ sine mora subiiciuntur. Leodienses autem hac recipiuntur conditione in communionem, quod cadaver ipsius execrati per se pridie in Monasterio tumulatum, effoderent; & absque ullo sepultura vel exequiarum communione, in loco non consecrato

trato deponerent. Comprobantibus his qui aderāt atq; in locum  
 Archiepiscopis & Episcopis: quia, quibus viuis Ec- non sacrum  
 clesia non communicat, illis etiam nec mortuis cō- conijciant.  
 municandum est. Quo facto, paulo post corpus ip-  
 sius Spiram ductum, & in sarcophago lapideo,  
 Regis consensu positum, extra Ecclesiam per quin-  
 quenium mansit inhumatum, in capella S. Aſſe  
 Martyris collocatum, eod quod in excommunica-  
 tione mortuus fuit. Pari modo etiam grauius se-  
 uitum est in Guibertum Antipapam, cuius ossa  
 mandato Papa de sepulchro suo, vbi per sex annos  
 sepulta erant in Ecclesia Rauennate, exhumata  
 sunt, & inde proiecta. Hic finis, hic interitus Hen-  
 rici atque Guiberti Antipapa: qui ambo censuras  
 Ecclesie pro nullo ducentes, maledicti, atque in-  
 ter hereticos sunt habiti. Vidisti ergo iam hic  
 beneuole Lector, quam infelicem vitæ exitum  
 consecutus sit hic Pseudopapa Guibertus, qui  
 hunc Sanctissimum virum Lauduinum per fas  
 & nefas, in suam pertrahere sententiam, ad-  
 mortis etiam vinculis ac carceribus, omni stu-  
 dio est conatus.

Fuit verò hic Lauduinus, natione Thuscus,  
 patria Lucensis, diciturque eodem anno obiisse,  
 quo infelix iste Guibertus expirauit, hoc est  
 anno centesimo supra millesimum: vno nimi-  
 rum anno antequam Diuus BR VNO hinc ad  
 superos emigraret; aded vt ad annos circiter  
 decem Maioris Cartusie Præfecturam admir-  
 strauerit.

Idem planè  
 conigit Gui-  
 berto Anti-  
 pape, post-  
 quam sexen-  
 nio sepulchra-  
 fuisset tradi-  
 tus.

B. Lauduinus  
 Canisij inser-  
 tus est mar-  
 tyrologio die  
 ultimo Mar-  
 tij.

CAPVT III. De B. Guigone, quinto Maioris Ordinis Cartusie Præfectus, Ordinisq; Generali. Hic est celebris ille Guigo, qui iubente Innocentio I I. B. Hugonis Gratianopol. Episcopi vitam; vti superius lib. 2. §. 1. dictum est, conscripsit, quique alia nonnulla in lucem præterea protulit: de quibus ita a Posssevinus; **G V I G O**, inquit, natione Gallus, patria Delphinus, primaria Cartusia quintus à B. BRUNONE Præfectus; cuius honorifica mentio fit in D. Bernardi b Cisterciensis vita; & ad quem eiusdem Bernardi c duæ exstant Epistola, varias & graues scripsit Meditationes, librum item de Cōtemplatione; qui nondum in lucem prodijt, sed in eadem Cartusia (Maiori) adseruatur, & cæt. Neque solum D. Bernardus sanctum hunc virum suis inuisit epistolis, verum etiam celebris ille Cluniacensis Ordinis Primas, ac vir doctissimus, Petrus cognomento Venerabilis: vti licet videre lib. 4. epist. 12. & lib. 3. epist. 24.

a In Apparat.  
tu sacro,  
Tom. 1.

b Lib. 3. cap.  
1. in fine.  
c Est Epist.  
11. & 12.

d Lib. 2. vitæ  
Cartus. Tract.  
1. cap. 7. pag.  
59.

Ceterum quàm diu præfuerit, quamq; præclare de Ordine ipso sit meritis, constat ex Petro Sutore, qui eiuscemodi de illo fert testimonium d: Guigo de Castro, Valentinenſis diœceſis, claris ortus parentibus, ingenio præſtans, memoria tenax, clarus eloquio, exhortatione effi-aciſſimus, literis ſecularibus & diuinis mirum in modum eruditus, nec minus conuerſatione quàm doctrina venerabilis, V. poſt Brunonem Maiorũ Cartuſiæ Prior effectus, viginti ſeptem annos, vel circiter, domum illam prudentiſſimè rexit, & antecellorẽ ſuas

*Suos fama & auctoritate longè præcessit. Aedificia penè omnia aut fecit noua, aut vetusta instaurauit. Rigorem quoq; Ordinis obseruauit ad vnguē. Qua propter diua dante gratia, plurimos meruit habere sequaces. Siquidem tempore illius sex aut septem Cartusienfis Ordinis domus exordium, incrementumq; non exiguum sumpserunt. Videlicet domus \* Portarum, Excubiarum, Durbonis, Sylua benedicta, Maioreui, & Arueria. Domus quoq; montis Dei anno vita eius vltimo, consilio eius exstrui cæpit. Composuit etiam, ac pulchro ordine digessit Cartusianorum statuta, ipsasq; D. Hieronymi doctissimas epistolas emaculationes in lucem promulgauit. De quo alio insuper in loco ita præfatus Sutor: G V I G O, inquit, quinquagesimum ætatis agens annum, conuersionis verò trigessimam, Prioratus autem sui vigesimū septimum, vel circiter, non sine sanctuati opinione spiritum Domino reddidit, anno Domini trigesimo septimo supra millesimum centesimum, Ab inchoatione verò Ordinis tertio & quinquagesimo.*

*+ Horum eandem etiam Dorlandus meminit pag. 143. liu. 8.*

*Quo ætatis ac regiminis anno obierit. e Lib. 2. cap. 5. pag. 509.*

Interim verò quàm sanctæ f Conuersationis laicos, re ac nomine Conuersos, post se B. Guigo reliquerit, cōstat non solum ex ijs quæ Dorlandus lib. 4. cap. 3. pag. 148. commemorat, verū etiam ex Petro Blesensi, qui eadem fermè ætate literarum monumentis perquam celebris extitit; ideoq; suis quæ oculis coram conspexit, ea ad omnem posteritatis memoriam propagare haud quaquam dubitauit: Explanans etenim

*Quàm insignis pietate luici, & maxime Conuersi, sub B. Guigone in ordine Cartus. extiterint.*

Vide ultimā  
editionem  
Petri Blefens.  
Moguntie,  
anno 1600.  
pag. 497.

Eximia san-  
ctitas laici  
cuiusdam  
Cartus. Ge-  
rardi.

Nulla litera-  
rum præditi-  
one,  
cognitione,  
accuratissime  
de Christianæ  
fidei articulis  
respondet.

secundum caput libri Iob, ita ait: *Nudiustertius*  
vidi quendam GERARDUM nomine, Cartusi-  
ensis Ordinis fratrem. Qui super omnia desiderabilia sua iam per septennium desiderauerat mori;  
cupiens exire de carcere, & de vinculis huius car-  
nis, &c. Hic singulis noctibus in principio vigilia-  
rum surgebat, imo anticipabat vigilias noctis. Ego,  
& quidam alij, qui eramus cum eo, dabamus re-  
quiem temporibus nostris, & palpebris nostris dor-  
mitionem. Ipse autem pernoctabat in oratione,  
semper tamen cum fletu & gemitu. Vix aliqua  
hora comedebat panem sine lachrymis, sed & po-  
culum suum cum fletu miscebat. In omni opere suo  
suspirabat ad Christum, despiciens terram, suspi-  
ciens cælum, utens mundo quasi non utens, &c.  
Et licet laicus esset, & literas non nouisset, habe-  
bat tamen scriptam in corde suo digno Dei scien-  
tiam vitæ & disciplinæ. Sanè docuerat eum, qui  
docet hominem scientiam: & utinam literati  
omnes sic essent docibiles Dei, & infudisset illis  
gratia, quod non contulit disciplina. Deum testor,  
non minus circumspicere & sanè, de articulis fidei  
Christianæ respondebat, quam si maximam vitæ  
sua partem in scholis Parisiensibus expendisset. In  
schola siquidem illius eruditus fuerat, qui docuit  
& inflammavit Apostolos. Hæc ille. Cæterum  
de insigni quoque pietate alterius istius Gerar-  
di (nisi fortè hic vnus idemque cum illò sit) Co-  
mitis nimirum Niuernensis; vide Dorlandum  
capite 14. huius libri quarti. Item de Petro Fre-  
coldi,



coldi, patre nimirum Clementis IV. Rom. Pontific. Ordinis nostri Conuerso ; vide eundem Dorlandum lib. 4. ca. 3. pag. 156. in margine, nec non & Petrum Sutorem lib. 2. vitæ Cartus. Tractatu 3. cap. 5. pag. 524.

Porro quod hoc eodem capite, pagina nimirum 153. Dorlandus adserit ; anno vicesimo sexto prioratus B. GVIGONIS ; procurante humani generis hoste, aliquot religionum cellas tanta niuium mole obrutas fuisse, vt nonnulli illorum miserè sint extincti ; id etiã referunt æui illius scriptores. E quorum numero primus est Petrus Venerabilis ; Cluniacensis doctissimus Abbas. Qui ad B. Guigonem, reliquosque maioris istius Cartusie fratres consolatoriam super hac re scribens epistolam, inter cetera ita ait : *Audite, dilectissimi, & vix cre-  
dita Apostolici numeri, & celestis collegij vestri tam  
subita & inopinata immunitio ; fateor quasi in extasi  
raptus, diu stupui, &c.* Concludens deinde epistolam ; quoniam, inquit, *supremi Iudici ea vi tentatio-  
nis vos ex parte aggredi placuit, qua Iob iustus tentatus  
est* (suppressis nimirum ædium mole liberis) *&  
quia tanti vos habuit celestis censura ; vt ad tanti viri  
flagella perferenda vos idoneos indicaret, libeat in sub-  
mersione cellarum, & oppressione fratrum, omni cordis  
tranquillitate clamare ; quod ille à vento dispersi domo  
subuersa, à filiis ac filiabus eius ruina extinctis, adorans  
dixit ; Dominus dedit, Dominus abstulit, sicut  
Domino placuit, ita factum est : sic nomen Do-  
mini benedictum.* Hæc ille. Recenset quoque hanc cladem Sutor, licet eam anno tertio & vicesimo Prioratus B. GVIGONIS dicat acci-

*Quo pacto  
aliquot Maio-  
ris Cartusie  
Patres ingen-  
ti niuium mo-  
le sint oppres-  
si, extinctiq.*

*2 Epist. 14.  
lib. 4.*

*Iob. 1. vers.  
19.*

*b Lib. 2. Tra-* disse. *b Tunc enim niues de altissimis* (inquit) *mon-*  
*estas. 3. cap. 5. bus impetu subito incredibiliq̃ue mole ruentes, celsasq̃;*  
*pag. 5. pag. omnes præter vnā: vasta congerie operientes, sex Mo-*

*c Pag. 153. in*  
*medio.*

*d Extrat Tom.*  
*3. Suriij, die*  
*26. Iunij. §. 5.*

*Suriij Tom.*  
*6. 4. Decemb.*  
*Et post illum*  
*Bredenb. lib.*  
*4. Collat. c. 1.*

Indus dicit post diem duodecimum spirātem ad-  
huc repertum, Sutor Auduinum nominat; vsus,  
vt opinor, Chronico Priorum Maioris Cartu-  
siæ, quod penes nos manu scriptū adseruamus.  
Verū nos solitæ studentes breuitati, tam de  
hac horrenda triuali strage, quā eximijs B.  
Guigonis virtutibus, auidum lectorem ad vi-  
tam S. d Anthelmi remittimus; in qua vtriusque  
rei fit commemoratio.

At verò quod pag. 154. Dorlandus dicit, Lo-  
tharingum istum fratrem, meritis sanctissimæ  
BARBARÆ Virginis, id à Deo obtinuisse, vt  
non nisi sacrosanctis Ecclesiæ Sacramentis pro-  
bè munitus, hinc ad aliam vitam emigrauerit,  
non debet cuiquam vel lectu mirum, vel credi-  
tu impossibile videri; consideranti nimirum,  
quā mirabili euentu hæc eadem Beatissima  
Christi Martyr BARBARA Henricum Kocki-  
um, Gorcomiensem istum lanionem, qui se eius  
tutelæ commiserat, anno Domini 1448. misera-  
bili incendio ambustum; ne dicam exustū, tam  
diū in vita conseruauerit, vt non nisi facta exo-  
mologesi, sacroq̃ue percepto viatico, diem obi-  
ret suum.

C A P. VI. pag. 157. Incipit hic Dorlandus  
recensere vitam sanctissimi Viri ANTHEL-  
MI, ex VII. Maioris Cartusiæ Præfecto, Belli-  
censis Ecclesiæ Episcopi celeberrimi, plurimo-  
rumq̃;

rumque miraculorum gloria præstantissimi. Cuius vitam, ac res præclare gestas, à quodam eius æquali, ac populari amico, qui nomē suum modestiæ causa subiceri voluit, in lucem prolatas, eleganti stylo recensuit Surius, Tomo nimirum 3. de Probatīs Sanctorum historijs, die 26. Iunij. Ad quam lectorem remittimus.

Cæterum quod hic dicitur pag. 157. linea 6. à fine, Anthelmum hunc rogatū Hugonis Episcopi Gratianopolitani, ex Domō Portarum, nouitiatus sui tempore, ad Maiorē fuisse translatus Carthusiam, non arbitrandum est, hunc Hugonem fuisse primum illum Gratianopol. Antistitem, quo iuuantē ac comitante D. BERNARDINO Ordinis huius fundamenta iecit; de quo nimirum toto secundo libro Dorlandus agit, verum alterum illum, de quo §. 2. lib. secundo NOTARVM mentionem fecimus, quod scilicet seniori illi in eodem Gratianopolitano Episcopatu successerit, tandemque etiam Vienneſis Archiepiſcopus effectus sit. Anthelmus namque vixit sub Alexandro III. Rom. Pontifice, circa annum 1160. ſenior verò Hugo obiit anno Domini 1131. vti ſuperius à nobis commemoratum est. Neque vero etiam Anthelmus GVIGONI in regimine Cartusiæ immediate successit, vti Dorlandus videtur innuere, cap. 4. lin. 1. sed alius quidam Hugo, Guigonis nimirum discipulus intermedius fuit: qui tamen post biennium, vltro petijt isto ſe onere releuari, ſicuti & factum. Hunc ergo B. ſubſecutus Anthelmus, ad annos circiter bis ſenos Cartusiæ Maiori, imò Ordini vniuerſo magna cum

*Dorlandus  
lib. cap. 8.*

*\*De eodem  
cap. 15. NOTARVM  
mentio quoque  
habetur.*

a Auctor vi-  
tae apud Suri-  
um, cap. 7.

laude ac vitae sanctimonia praefuit. de quo ni-  
mirum a legitur, quod CARTVSIAE termi-  
nos dilatauerit, itaq; obstruxerit, vt nullus mu-  
lieribus pateret ingressus: structuras quoq; nō-  
nullas meliores reddiderit; nec non & aquae  
ductus multo labore prolixis spatijs ad culinā  
cellasq; fratrum deriuauerit. Quibus verò cla-  
ruerit miraculis, non est hic nostri instituti di-  
cere; quippe cum ea non solum apud Surium  
capite 27. vitae illius ad longum reperiantur,  
verum etiam apud Dorlandum cap. 7. huius-  
eiusdem libri, pag. 174.

f Pag. 180.  
lin. 2.

CAP. VIII. pag. 180. Hic iam agitur de alio  
illo HVGONE, ex Episcopo Gratianopol. Vi-  
ensis Ecclesiae designato Archiepiscopo: quem  
tamen non constat vllq; vnquam tempore ma-  
ioris Carthusiae Prioratum gessisse, sed alium  
quendam Hugonem, discipulum nimirum S.  
GVIGONIS. adeo vt in argumēto, seu inscrip-  
tione capitis huius, ob eandem nominis cla-  
turam seu synonymiam, librariorum vitio er-  
ratum sit.

b Tom. 3. 26.  
Iunij.

CAP. IX. 81. Bernardi Prioris Cartusiae Por-  
tarum eximia laudum praeconia non solū Dor-  
landus hoc capite summam perstringit, verū  
etiam auctor vitae B. Antelmi apud b Surium ca.  
19. & 10. nec non & cap. 2. adeo vt dicat eius so-  
lius opera innumeros a deuijs vitiorum calli-  
bus ad diuinā seruitutis obsequium esse perdu-  
ctos. Hic est enim ille qui duos illos insignes  
Christianae plebis antistites ad Ordinis gremi-  
um admisit: nempe B. Anthelmum Bellicen-  
sem, & Stephanum Diensem, de quo capite se-  
quenti.

quenti, Hic inquam ille est Bernardus, quem è-  
ius. synchonus ac synonimus Clareuallensis  
Abbas, INNOCENTIO II. Romano Ponti-  
fici, hisce per epistolam verbis commendat: *a* *Epist. 155.*

*Dilectum Deo & hominibus Bernardum de Por-  
tu, Pater Venerande, vocatione vestra cogi ad o-  
pus, & onus Episcopale audiuius. Probabili res,  
ac digna planè vestro apostolatu; ponere in lumi-  
ne lumen absconditum, ne sibi soli viuatur, qui & a-  
lios ad vitam trahere possit. Vsq; quo namque  
latet & ardet ita summodò, qui & lucere valet?*  
Porro vtrum in Gallia Cisalpina, seu Lombar-  
dia, an verò alibi Episcopus exstiterit, incom-  
pertum habeo, nisi quod Petrus Canisius suo in  
Martirologio ita de eo scriptum reliquerit: *b* *Cõ-* *b Die 16. Ka-*  
*memoratio B. BERNARDI, qui ex Carthusie (Por-* *lend. Ianuar.*  
*tarum) Priore, Diensis factus Episcopus, varijs claruit*  
*miraculis: addens in margine annum Domini*  
*1140. Cæterum de eius miraculis c* *Lib. de vi-*  
*immeritò, vsurpat hosce Baptiste Mantuani* *ris illust. Ord.*  
*versiculos:* *Cartus.*

*Qui venit agrotus, redit ad sua limina liber,*

*Et miseros homines ossa sepulta iuuat.*

*Laripedes, oculis capti, nodisq; podagra,*

*Diuinam illabi testificantur opem.*

*Summa virum probitas, simul & miracula San-  
ctum,*

*Esse probant, fidei si sit habenda fides.*

CAP. X. STEPANI huius Diensis Episcopi  
vitam tribus conscriptam folijs, apud d Surium  
licet videre. à puero namque coepit manifesta  
edere indicia, se ad sacrum Carthusianorum

*De B. Step-  
hano Diensi.*

*d Tom. 5. die  
7. Septem. de  
quo etiam Ca-  
nisijs in Ger-  
manico suo  
Martyrolog.  
eodem die.*

institutum coelitus præparari: cum nimirum ferijs sextis materna reculans vbera, à lacticiinijs, exemplo Diui Nicolai magni Myrarum Episcopi, abstineret. Adeo namque Carthusiani ab esu lacticiniorum diebus istis sibi temperant, ut etiamsi celeberrima Dominicæ Natiuitatis solemnitas, in diem Veneris incideret (quando videlicet secularibus ob tantæ letitiæ festum etiam carnibus vesci, quibusdam in locis permittitur) ipsi tamen nullo pacto hanc tam laudatam, Ordinis sui consuetudinem infringerent, violarentur. Cæterum migravit hic Sanctissimus Præsul ad Dominum septimo Iduum Septembris, anno salutis millesimo ducentesimo tertio decimo, ætatis suæ quinquagesimo octauo, cōuersionis trigesimo secundo Episcopatus verò sexto.

PAG. 186. in fine dicitur in eadem Portarum Carthusia, vnde Stephanus Diensis Episcopus prodijt, plurimos eximiæ sanctitatis Viros existisse: quemadmodum harum rerum Lectori auido ad liquidum constare poterit, si inspicere dignabitur cap. 3. vitæ præfati Stephani; To. 5. Suriij: nec non & cap. 10. vitæ B. Anthelmi, Tom. 3. Protulit enim sola hæc Carthusia tres admirandæ sanctitatis Episcopos; nempe Anthelmum Bellicensem, Stephanum Diensem, & Bernardum, eiusdem loci Præsulem, vti vult Canisius.

CAP. XIV. pag. 201. Post obitum B. Anthelmi (quem Sutor a Ancelinum nominat) BASILIUS successit: de quo hæc apud Sutorem reperiuntur. *b* BASILIUS Maioris Carthusiæ, Prior

VIII. multa scientia praeclarus, eximiusq; virtutibus tumulatus, domum CARTUSIAE Maioris, cui tres & viginti annos (Dorlandus nonnihil superaddit) praefuit, totumque Ordinem prudentissimè gubernans, in spiritualibus temporalibusq; non parum ampliavit. Multas etenim constitutiones ad ordinis conseruationem pertinentes, edidit, Multos quoq; lingua calamoq; ad mundi contemptum aeternamq; vitam incitauit: & demum multos ad ordinem, qui suo tempore plurimū incrementi accepit. Deniq; cum praeclari regiminis exemplum, & suae quoq; vitae monumenta posteritati dimisisset, tandem deficiēs in senectute bona, post labores sudoresq; sacra militia peracta, migravit ad Christum, circa annum Domini millesimum centesimum septuagesimum tertium, sepultusq; est cum miraculorum splendore multo, quae sanctitati illius testimonia perhibuerunt. Haec ille; cui etiam adstipulatur Martyrologium Capisij, 18. Kalend. Iulij. Refert quoque Dionysius Carthusianus, articulo octauo de praconio ordinis Carthusiensis, B. DOMINICVM Praedicatoriae familiae primum initiatorem, ad hunc nostrum venisse BASILIVM, atque ab eodem consilium accepisse de modo praedicandi aduersus haereticos, nec non & de institutione ac habitu ordinis sui: adeo vt hinc forsitan factum sit, quod tanta inter Dominicanos ac Cartusianos vestium reperiatur conformitas. Quod vero Dorlandus dicit, hūc Basilium nostrum praeter alia faciendam scripsisse solitariae vitae Epitome,

B. Basilium obiit circa annū Domini 1173. 14. Iunij.

C pag. 201. in fine.



CAETERVM quod eodem hoc capite pag. 202. prædicatur insignis virtus Gerardi cuiusdã laici, qui ex Niuernensi Comite Conuersus est effectus, nescio an hic idem ille sit, de quo suprà cap. 3. ex Petro Blesensi meminimus. Vt ut est, præclarum sanè exhibuit humilitatis exemplũ, quando opibus honoribusque relictis, libenter se omnium minimum fecit, vt Christum Iucrificeret; occurrens nimirum filio suo in sordidissimo habitu velleraque ouium recenter tonsarum ceruicibus deferens. Quemadmodum consimile ferè exemplum de quodam Adolpho Holsatiæ Comite & Krantzius cõmemorat, qui mundo circa annum Domini quadragesimum post mille ducentos nuntium remittens, Minorum est ingressus Ordinem; non erubescens ostiatim lac in hydria emendicare. Cui cùm quodam tempore filij in equis sublimes publica via vbi declinare non poterat, casu occurrissent, iamq; humanitus aliquid sentiret, ita vt rubore perfundi inciperet, tãdem robur mentis aduocans, cùm adhuc in conspectu esset filiorum, hydriam super caput leuatam euertens, totum se à vertice lacte perfudit, dixitque: *Infelix, erubuiſti Christi paupertatem, baiulare lac in manibus, nunc vel in capite ostende quid portaueris.* Quis non iure miretur, inquit Krantzius, tantam humilitatem, patientiam mansuetudinem? Verum mirari Comit̃is huius exemplum desinimus, quando nimirum nostra ætate etiam in Ducibus eiusmodi licuit spectare exempla, maximè autem in Francisco Borgia, tertio Societatis I E S V Præposito Generali, qui cùm

esset

*Dorlandus*  
pag. 204. in  
princip.

*d In Saxonia*  
lib. 8. cap. 7.

esset Gothalanæ Prorex, ac Gandiæ Dux, post Societatis ingressum non detrectavit neq; erubuit etiam vilissimas obire functiones, nempe ligna & aquam in culinam deferre ignem accendere, verrere pauimentum, lances olasque mundare, cæteraque id genus. Imo Calensi in collegio Lusitanæ, quod oppidum vulgo *Portum* appellant, Belgæ verò kalys Malys, ostiarii officio perfunctus, cum porcū iugulatum, elemosynæ vice obtulissent, humeris sublatum tacitus in superiorem domus partem, per gradus non sine labore portavit. Quod alij cum mirarentur, facti commendationem sic elusit: *Quid mirum, inquit, si porcū porcū commodè tuleris?* Non dissimile nimirum est, quod de Carolomanno Cassinenses referunt annales. Qui Imperio se abdicans, regnumque Pipino fratri relinquens, Romam, Zacharia Pontifice Maximo clauum tenente, venit, atque, in Cassino monte Benedictinis se Sodalibus iunxit. Oves verò, Abbatis iussu, fortè pasceus, claudicantem unam, quod gregem consequi non posset, humeris summa cum animi voluntate sustulit: quemadmodum & Gerardus noster libens in filij sui conspectum prodijt, exornatus scilicet aurei loco torquis, exuvijs ouium recenter tonsarum, quarum stillaptia in humeros velleræ lubenter sustulit baiulauitque; nedum quod scartens vermibus, vel vnum ex ijs adimi sibi à filio permetteret: exëplo nimirum sanctissimæ illius solitarie foeminæ, re ac nomine BONAE, cuius ex pectore cum innumeri prodirent vermes, B. Dominicus ex animo illi compassus, ob-

nixè

*Lib. 2. vita  
eius, ca. 1. p. 6.*

*Ibidem lib,  
4. cap. p. 218*

*Ioan. Nauclerus  
Tom. 2.  
Generat. 25.*

*in fine. Et sic  
ron. Platini li.  
2. de bono sta-  
tus. relig. cap.  
26.*

*Quo pacto hic  
idem Carlo-  
mannus, noni-  
tiatus tempo-  
re, insigni sit  
exceptus ala-  
pæ à coquo vi-  
de apud Regi-  
non Pruniæ.  
ad ann. Domi-  
ni 1246.*

*Faciunt hæc  
ad elucidatio-  
nem p. 204.  
in fine.*

*Lib. 2. vite* nixè rogauit, vt vnum ex his benignè ei largire-  
*S. Domin. ca.* tur. At illa noluit, & nisi fidem daret, se confe-  
*ys. tom. 4.* stim redditurum. Et is quidem ingens erat,  
*Surij, 5. Aug.* atroq; capite. Quem vt B. DOMINICVS ac-  
 cipiens, digitis versaret, eumque accuratius in-  
 spiceret, subito in gemmam pretiosissimam est  
 conuersus. Cæterum istius generis gemmis et-  
 iam exornatum fuisse legimus, insignem illam  
 B. THONAE Cantuariensis Archiepiscopi,  
*Tom. 6. Surij* iuxta ac Martyris, interulam. De qua nimirum  
*29. Decembr.* M. Eduardus, eius contemporaneus, atque ocu-  
*ca. 25. vite* latus necis inspector: *Postero, inquit, interfec- tionis*  
*eius.* *die, Martyris corpus mundissimum quidam loturi,*  
*ad nudam carnem inueniunt cilicium adeo pedi-*  
*culis refertum, vt martyrium quod pridie vir san-*  
*ctus perpeffus erat, isto tolerabilius videretur.*  
 Quartò igitur satius fuerit, amore CHRISTI,  
 pauculos cum hoc Niuernensi Comite patien-  
 ter in corpore morsicantes sustinere vermes,  
 quàm incidere tandem in istum damnatorum  
*Es. 66. 24.* hominum locum, *vbi vermis eorum non mori-*  
*etur. & ignis eorum non extinguetur, sed erunt*  
*vsque ad satietatem visionis omni carni?*

Quin & hoc eodem capite, circa finem pag.  
 205. refert DORLANDVS B. BASILIYN in  
 consopienda carnis tentatione ita opitulatum  
 S. HVGONI, Lincolnienfi Præsuli, vt quasi ex-  
 ectus, nullos deinde huiuscemodi stimulos am-  
 plius persenserit. Cui simile omnino est, quod  
 de B. Equitio commemorat Gregorius. Quem,  
 cùm iuuentutis suæ tempore, acri certamine  
 carnis incentiua fatigaret, quadam nocte pre-

*f. Lib. 1. Dial.*  
*c. 4. in princ.*

cibus

cibus diuini numinis gratiam implorantem, vi-  
tus est adire Angelus, qui eum ita emascularer,  
vt de cætero ab huius generis tentationibus a-  
lienus omninò existeret, ac si sexum in corpore  
circumferre non videretur. Quod & Sereno  
Abbati accidisse, apud Cassianum collatione  
septima legitur.

CAP. XV. pag. 206. B. IANCELINVS, qui  
hic dicitur Basilio successisse, decimus fuit Ge-  
neralis, vnde vnus solummodò fuit intermedi-  
us, nempe Hugo quidam, de quo ita in Catha-  
logo PRIORVM Maioris Cartusiæ scriptum  
reperi: *Circa. annum Domini millesimum sep-  
tuagesimum quartum, in PRIORATV Basilio  
successit D. Hugo, Monachus dictæ domus. Qui v-  
trum fuerit ille, de quo a supra narratum est, an a De eodem  
verò alius eiusdem nominis, incompertum habetur. Nam non nisi duobus annis PRIOR exi-  
stens, contemplationi ac quieti impense deditus, à  
Capitulo Generali absolutionē petijt, & accepit.* *Hugone etiā  
nos supra in  
Notis dixi-  
mus, paulo an-  
te cap. 8. ad  
signum \**  
Itaque hoc Magistratu sese abdicante, subsequen-  
tus est. Vir eximijs maximarum virtutum or-  
namentis præditus, IANCELINVS, vel vt a-  
lij vocant Ancelinus: De cuius præclaris vir-  
tutibus vide Anthoninum parte 2. Tit. 15. ca. 22.  
S.2. Illic enim idem hoc miraculum refertur,  
quod hic apud DORLANDVM reperitur pa.  
205. quo pacto nimirum B. IANCELINVS in  
virtute obedientiæ defuncto cuidam Cartusia-  
no præceperit, ne vlla amplius ederet miracu-  
la: quod putat accidisse circa annum Domini  
millesimum centesimum septuagesimum quin-  
tum.

tum. Porro cū hic IANCELINVS Maiori præfset Cartusie, contigit Stephanum [Dien-  
seim ab eodem compelli, Ecclesie istius Episco-  
patum suscipere, vti habes in eius vita Tom. 5.  
Surijs, 7. Septemb. §. 8. De quō quidem IANCE-  
*g Lib. 2. vita* LINO; in huncmodum Sutor: *g IANCELI-*  
*Cartus. tract.* NVS Maioris Cartusie PRIOR X. tam eximia  
*3. c. 5. p. 524.* sanctitatis; tantiq; meriti ac præstantis virtutis  
 extitit, vt vnus de antiquis Sanctis Patribus depu-  
 taretur. Hic (quod dictu quoq; mirum est) sar-  
 cinam PRIORATVS Maioris Cartusie ad an-  
 nos circiter sexaginta tam laudabiliter gessit, vt  
 in stuporem videntes, audiētesq; omnes verteren-  
 tur. Hic quoq; sacri Ordinis habitu Petrum Frē-  
 coldi, Patrem, CLEMENTIS IV. Summi Pon-  
 tific. donauit. De quo DORLANDVS lib. 4. cap.  
*Sutor. ibidem* 4. pag. 156. Verum hic IANCELINVS post  
*pag. 526.* diuturnos ærutinosq; huius vitæ labores tan-  
 dem in senectute sancta deficiens, anno Domini  
 millesimo ducentesimo trigesimo tertio per-  
 petuam quietem habiturus, paradisiacas adiuit  
 fedes. Cuius equidem laudabilem mentionem  
 facit suo in Martyrologio Canisius, quarto Ka-  
 lend. Martij.

CAP. XVI. pag. 211. Fuit hic Martinus huius  
 nominis primus; qui Iancelino succelsit, præ-  
 fuitque annos circiter tredecim: sub cuius regi-  
 mine referunt maioris Cartusie annales acci-  
 disse Toleti in Hispanijs id; quod Dorlandus  
 habet pag. 214. de libro illo triplici idiōmate  
 conscripto: quem postquam Iudæis in rupe de-  
 litescentem reperisset, inibi que Christi Salua-  
 toris

toris haberi mentionem comperisset, Baptif-  
matis Sacramento confestim initiatus est.

CAETERVM quod pag. 212. commemoratur  
exemplum istius anachoretæ in extasin rapti,  
illud idem quoque reperitur apud Dionys. Ri-  
ckelium art. 7. de Præconio Ord. Cartus.

CAP. XVII. pag. 215. Quod hic Dorlandus di-  
cit, BOSONEM, paucis intermedijs, successisse  
P. Martino, sciendum est, quatuor inter hunc &  
illum Generales extitisse: nempe Bernardum,  
Rifferium, \* Gerardum, & Guilielmum: quô-  
rum primus præfuit annis circiter octonis, se-  
cundus vñdenis, tertius senis, quartus plus mi-  
nus quinis. + al. Girardum

PORRO, quod pag. 217. huius eiusdem capi-  
tis in Templarios inuehitur Dorlandus, quasi  
qui Iudæis ac paganis peiores, vñâ nocte inter-  
necione deleti sint, atque ad tartara relegati à  
quibusdam in dubium vocatur, adeo vt nonnul-  
li tam horum quam antiquorum temporum  
scriptores reperiântur, qui eos iniuste de super-  
ficis terræ sublâtos opinentur: Inter quos cum  
primis videtur esse B. Antoninus, b Nauclerus, a pars. 3. tit.  
Volaterranus, in vita Clementis V. Sabellicus 21. cap. 3. in  
in historiarum rhâpsodiâ, Ioannes Botatius li- princip.  
bro de ruina Principum, nec non & Papirius b Tom. 2. ge-  
Massonius lib. 3. annalium Francorum pag. 365. her. 44. ann.  
& Ioannes Villaneus. Cæterum Templarij, seu 1307. p. 873.  
templaris militiæ Ordo, cœpit anno Domini Templari quæ  
vicesimo supra millesimum centesimum: inde fuerint, &  
que nomen traxit, quod iuxta templum Domi- quando exor-  
ni Hierosolymis, in palatio regio à prima eo- ti, del. ti que.  
rum institutione commemorandi domicilium ha-  
berent.

CAPVT III. De B. Guigone, quinto Maioris Ordinis Cartusie Præfectus, Ordinisq; Generali. Hic est celebris ille Guigo, qui iubente Innocentio I I. B. Hugonis Gratianopol. Episcopi vitam, vti superius lib. 2. §. 1. dictum est, conscripsit, quique alia nonnulla in lucem præterea protulit: de quibus ita a Possleuinus;

a In Appara.  
tu sacro,  
Tom. 1.

b Lib. 3. cap.  
1. in fine.  
c Est Epist.  
11. & 12.

GVIGO, inquit, natione Gallus, patria Delphinus, primaria Cartusia quintus à B. BRUNONE Præfectus: cuius honorifica mentio fit in D. Bernardi b Cisterciensis vita; & ad quem eiusdem Bernardi c duæ exstant Epistolæ, varias & graues scripsit Meditationes, librum item de Contemplatione: qui nondum in lucem prodijt, sed in eadem Cartusia (Maiori) adseruatur, & cæt. Neque solum D. Bernardus sanctum hunc virum suis inuisit epistolis, verum etiam celebris ille Cluniacensis Ordinis Primas, ac vir doctissimus, Petrus cognomento Venerabilis: vti licet videre lib. 4. epist. 12. & lib. 3. epist. 24.

d Lib. 2. vitæ  
Cartus. Tract.  
1. cap. 7. pag.  
59.

Cæterum quàm diu præfuerit, quàmq; præclarè de Ordine ipso sit meritis, constat ex Petro Sutore, qui eiuscemodi de illo fert testimonium d: Guigo de Castro, Valentiniensis diœcesis, claris ortus parentibus, ingenio præstans, memoria tenax, clarus eloquio, exhortatione efficacissimus, literis secularibus & diuinis mirum in modum eruditus, nec minus conuersatione quàm doctrina venerabilis, V. post Brunonem Maioræ Cartusie Prior effectus, viginti septem annos, vel circiter, domum illam prudentissimè rexit, & antecessores suas



*Suos fama & auctoritate longè præcessit. Aedificia penè omnia aut fecit noua, aut vetusta instaurauit. Rigorem quoq; Ordinis obseruauit ad vnguè. Quapropter diua dante gratia, plurimos meruit habere sequaces. Siquidem tempore illius sex aut septem Cartusiensis Ordinis domus exordium, incrementumq; non exiguum sumpserunt. Videlicet domus \*Portarum, Excubiarum, Durbonis, Sylua benedicta, Maioreui, & Arueria. Domus quoq; montis Dei anno vita eius ultimo, consilio eius exstrui cœpit. Composuit etiam, ac pulchro ordine digessit Cartusianorum statuta, ipsasq; D. Hieronymi doctissimas epistolas emaculationes in lucem promulgauit. De quò alio inscripser in loco ita præfatus Sutor G V I G O, inquit, quinquagesimum ætatis agens annum, conuersionis verò trigésimum. Prioratus autem sui vigésimū septimum, vel circiter, non sine sanctitatis opinione spiritum Domino reddidit, anno Domini trigésimo septimo supra millesimum centesimum, Ab inchoatione verò Ordinis tertio & quinquagesimo.*

*\* Horum eandem etiam Dorlandus meminit pag. 143. liu. 8.*

*Quo ætatis ac regiminis anno obierit. e Lib. 2. cap. 5. pag. 509.*

Interim verò quàm sanctæ & Conuersationis laicos, re ac nomine Conuersos, post se B. Guigo reliquerit, cõstat non solum ex ijs quæ Dorlandus lib. 4. cap. 3. pag. 148. commemorat, verum etiam ex Petro Blesensi, qui eadem fermè ætate literarum monumentis perquam celebris extitit; ideoque suis quæ oculis coram conspexit, ea ad omnem posteritatis memoriam propagare haud quaquam dubitauit: Explanans etenim

*Quàm insignis pietate laici, & maxime Conuersi, sub B. Guigone in ordine Cartusi. extiterint.*

Vide ultimā  
editionem  
Petri Blesens.  
Moguntie,  
anno 1600.  
pag. 497.

Eximia san-  
ctitas laici  
cuiusdam  
Cartas. Ge-  
rardi.

Nulla litera-  
rum præditi  
cognitione,  
accuratissime  
de Christiana  
fidei articulis  
respondet.

secundum caput libri Iob, ita ait: Nudiustertius  
vidi quendam GERARDVM nomine, Cartusi-  
ensis Ordinis fratrem. Qui super omnia desiderā-  
bilia sua iam per septennium desiderauerat mori;  
cupiens exire de carcere, & de vinculis huius car-  
nis, &c. Hic singulis noctibus in principio vigilia-  
rum surgebat, imo anticipabat vigilias noctis. Ego,  
& quidam alij, qui eramus cum eo, dabamus re-  
quiem temporibus nostris, & palpebris nostris dor-  
mitionem. Ipse autem pernoctabat in oratione,  
semper tamen cum fletu & gemitu. Vix aliqua  
hora comedebat panem sine lachrymis, sed & po-  
culum suum cum fletu miscebat. In omni opere suo  
suspirabat ad Christum, despiciens terram, suspi-  
ciens cælum, vtens mundo quasi non vtens, &c.  
Et licet laicus esset, & literas non nouisset, habe-  
bat tamen scriptam in corde suo digno Dei scienti-  
am vitæ & disciplina. Sanè docuerat eum, qui  
docet hominem scientiam: & vtinam literati  
omnes sic essent docibiles Dei, & infudisset illis  
gratia, quod non contulit disciplina. Deum testor,  
non minus circumspicere & sanè, de articulis fidei  
Christiana respondebat, quam si maximam vitæ  
sua partem in scholis Parisiensibus expendisset. In  
schola siquidem illius eruditus fuerat, qui docuit  
& inflammavit Apostolos. Hæc ille. Cæterum  
de insigni quoque pietate alterius istius Gerar-  
di (nisi fortè hic vnus idemque cum illò sit) Co-  
mitis nimirum Niuernensis; vide Dorlandum  
capite 14. huius libri quarti. Item de Petro Fre-  
coldi,

colidi, patre nimirum Clementis IV. Rom. Pontific. Ordinis nostri Conuerso, vide eundem Dorlandum lib. 4. ca. 3. pag. 156. in margine, nec non & Petrum Sutorem lib. 2. vitæ Cartus. Tractatu 3. cap. 5. pag. 524.

Porro quod hoc eodem capite, pagina nimirum 153. Dorlandus adserit; anno vicesimo sexto prioratus B. GVIGONIS; procurante humani generis hoste, aliquot religiosorum cellas tanta niuium mole obrutas fuisse, ut nonnulli illorum miserè sint extincti; id etiã referunt æui illius scriptores. E quorum numero cum primis est Petrus Venerabilis; Cluniacensis doctissimus Abbas. Qui ad B. Guigonem, reliquosque maioris istius Cartusie fratres consolatoriam super hac re scribens epistolam, inter cetera ita ait: *Audita, dilectissimi, & vix cre-  
dita Apostolici numeri, & celestis collegij vestri iam  
subita & inopinata immunitione, fateor quasi in extasi  
raptus; diu stupui, &c.* Concludens deinde epistolam; quoniam, inquit, *supremo Iudici ea via tentatio-  
nis vos ex parte aggredi placuit; qua Iob iustus tentatus  
est (suppressis nimirum ædium mole liberis) &  
quia tanti vos habuit celestis censura; ut ad tanti viri  
flagella perferenda vos idoneos indicaret, libeat in sub-  
uersione cellarum, & oppressione fratrum; omni cordis  
tranquillitate clamare; quod ille à vento dispersi domo  
subuersa, à filiis ac filiabus eius ruina extinctis, adorans  
dixit; Dominus dedit; Dominus abstulit, sicut  
Domino placuit, ita factum est: sit nomén Do-  
mini benedictum.* Hæc ille. Recenset quoque hanc cladem Sutor; licet eam anno tertio & vicesimo Prioratus B. GVIGONIS dicar acci-

*Quo pacto aliquot Maioribus Cartusie Patres ingenti niuium mole sint oppressi, extinctiq;*

*2 Epist. 19. lib. 4.*

*Iob. 1. vers. 19.*

**b Lib. 2. Tra-** disse. **b** Tunc enim niues de altissimis (inquit) monti-  
**Etat. 3. cap. 5.** bus impetu subito incredibiliq[ue] mole ruentes, celsasq[ue]  
**pag. 5. pag.** omnes præter vnā vastā congerie operientes, sex Mo-  
 nachos, vnumq[ue] Nouitium, horrendo turbine obrue-  
 runt. Illum verò Lotharingum, quem c Dorlan-

**c Pag. 153. in** dus dicit post diem duodecimum spirātem ad-  
**medio.** huc repertum, Sutor Auduinum nominat; vsus,  
 vti opinor, Chronico Priorum Maioris Cartu-  
 siæ, quod penes nos manu scriptū adseruamus.  
 Verū nos solitæ studētes breuitati, tam de  
 hac horrenda triuali strage, quā eximijs B.  
 Guigonis virtutibus, auidum lectorem ad vi-  
**d Extrat Tom.** tam S. d Anthelnu remittimus; in qua vtriusque  
**3. Surij, die** rei fit commemoratio.

**26. Iunij. §. 5.** At verò quod pag. 154. Dorlandus dicit, Lo-  
 tharingum istum fratrem, meritis sanctissimæ  
 BARBARÆ Virginis, id à Deo obtinuisse, vt  
 non nisi sacrosanctis Ecclesiæ Sacramentis pro-  
 bē munitus, hinc ad aliam vitam emigrauerit,  
 non debet cuiquam vel lectu mirum, vel credi-  
 tu impossibile videri; consideranti nimirum,  
 quā mirabili euentu hæc eadem Beatissima  
 Christi Martyr BARBARA Henricum Kocki-  
**Surij Tom.** um, Gorcomiēsensem istum lanionem, qui se eius  
**6. 4. Decemb.** tutelæ commiserat, anno Domini 1448. misera-  
**Et post illum** bili incendio ambustum, ne dicam exustū, tam  
**Bredenb. lib.** diū in vita conseruauerit, vt non nisi facta exo-  
**4. collat. c. 1.** mologesi, sacroq[ue] percepto viatico, diem obi-  
 ret suum.

**C A P. VI. pag. 57.** Incipit hic Dorlandus  
 recensere vitam sanctissimi Viri ANTHEL-  
 MI, ex VII. Maioris Cartusiæ Præfecto, Belli-  
 census Ecclesiæ Episcopi celeberrimi, plurimo-  
 rumq[ue]

rumque miraculorum gloria præstantissimi. Cuius vitam, ac res præclarè gestas, à quodam eius æquali, ac populari amico, qui nomē suum modestiæ causâ subterire voluit, in lucem prolatas, eleganti stylo recensuit Surius, Tomo nimirum 3. de Probatis Sanctorum historijs, die 26. Iunij. Ad quam lectorem remittimus.

Cæterum quod hic dicitur pag. 157. linea 6. à fine, Anthelmum hunc rogatū Hugonis Episcopi Gratianopolitani, ex Domō Portarum, nouitiatus sui tempore, ad Maiorē fuisse translatus Carthusiam, non arbitrandum est, hunc Hugonem fuisse primum illum Gratianopol. Antistitem, quo iuuante ac comitante D. B. K. V. N. O. Ordinis huius fundamenta iecit; de quo nimirum toto secundo libro Dorlandus agit, verum alterum illum, de quo §. 2. lib. secundo NOTARVM mentionem fecimus, quod scilicet seniori illi in eodem Gratianopolitano Episcopatu successerit, tandemque etiam Vienneſis Archiepiſcopus effectus sit. Anthelmus namque vixit sub Alexandro III. Rom. Pontifice, circa annum 1160. senior verò Hugo obiit anno Domini 1131. vti superius à nobis commemoratum est. Neque vero etiam Anthelmus GVIGONI in regimine Cartusiæ immediate successit, vti Dorlandus videtur innuere, cap. 4. lin. 2. sed alius quidam Hugo, Guigonis nimirum discipulus, intermedius fuit: qui tamen post biennium, ultro petijt isto se onere releuari, sicuti & factum. Hunc ergo B. subsecutus Anthelmus, ad annos circiter bis senos Cartusiæ Maiori, imò Ordini vniuerso magna cum

*Dorlandus  
lib. cap. 8.*

*\*De eodem  
cap. 15. NOTARVM  
mentio quoque  
habetur.*

*a Auctor vi-  
tae apud Suri-  
um, cap. 7.*

laude ac vitae sanctimonia praefuit. de quo ni-  
mirum *a* legitur, quod CARTVSIAE termi-  
nos dilatauerit, itaq; obstruxerit, vt nullus mu-  
lieribus pateret ingressus: structuras quoq; nō  
nullas meliores reddiderit; nec non & aquae  
ductus multo labore prolixis spatijs ad culinā  
cellasq; fratrum deriuauerit. Quibus verò cla-  
ruerit miraculis, non est hic nostri instituti di-  
cere; quippe cum ea non solum apud Surium  
capite 27. vitae illius ad longum reperiantur,  
verum etiam apud Dorlandum cap. 7. huius-  
iusdem libri, pag. 174.

*f Pag. 180.  
lin. 2.*

CAP. VIII. pag. 180. Hic iam agitur de alio  
illo HUGONE, ex Episcopo Gratianopol. Vi-  
ensis Ecclesiae designato Archiepiscopo: quem  
tamen non constat vlla vnquam tempore ma-  
ioris Carthusiae Prioratum gessisse, sed alium  
quendam Hugonem, discipulum nimirum S.  
GVIGONIS. adeo vt in argumēto, seu inscrip-  
tione f capitis huius, ob eandem nominis cla-  
turam seu synonymiam, librariorum vicio er-  
ratum sit.

*b Tom. 3. 26.  
Iunij.*

CAP. IX. 81. Bernardi Prioris Cartusiae Por-  
tarum eximia laudum praeconia non solū Dor-  
landus hoc capite summatim perstringit, verū  
etiam auctor vitae B. Antelmi apud *b* Surium ca.  
10. & 10. nec non & cap. 2. adeo vt dicat eius so-  
lius opera innumeros a deuijs vitiorum calli-  
bus ad diuinā seruitutis obsequium esse perdu-  
ctos. Hic est enim ille qui duos illos insignes  
Christianae plebis antistites ad Ordinis gremi-  
um admisit: nempe B. Anthelelmum Bellicen-  
sem, & Stephanum Diensem; de quo capite se-  
quenci.

quenti. Hic inquam ille est Bernardus, quem eius synchro-  
nus ac synonimus Clareuallensis  
Abbas, INNOCENTIO II. Romano Ponti-  
fici, hisce per epistolam verbis commendat: *a* *Episi. 155.*

*Dilectum Deo & hominibus Bernardum de Por-  
tu, Pater Venerande, vocatione vestra cogi ad o-  
pus, & omnis Episcopale audiuius. Probabilis res,  
ac digna planè vestro Apostolatu; ponere in lumi-  
ne lumen absconditum, ne sibi soli viuat, qui & a-  
lios ad vitam trahere possit. Vsq; quo namque  
latet & ardet tātummodò, qui & lucere valet?*  
Porro vtrum in Gallia Cisalpina, seu Lombar-  
dia, an verò alibi Episcopus exstiterit, incom-  
pertum habeo, nisi quod Petrus Canisius suo in  
Martirologio ita de eo scriptū reliquerit: *b* *Cō-*  
*memoratio B. BERNARDI, qui ex Carthusie (Por-*  
*tarum) Priore, Diensis factus Episcopus, varijs claruit*  
*miraculis: addens in margine annum Domini*  
*1140. Cæterum de eius miraculis c* *Bostius non*  
*immeritò, vsurpat hosce Baptiste Mantuani*  
*versiculos:*

*Qui venit agrotus, vedit ad sua limina liber,*

*Et miseros homines ossa sepulta iuuat.*

*Loripedes, oculis capti, nodisq; podagra,*

*Diuinam illabi testificantur opem.*

*Summa virum probitas, simul & miracula San-  
ctum,*

*Esse probant, fidei si sit habenda fides.*

CAP. X. STEPANI huius Diensis Episcopi  
vitam tribus conscriptam folijs, apud d Surium  
licet videre. à puero namque coepit manifesta  
edere indicia, se ad sacrum Carthusianorum

*b* *Die 16. Ka-  
lend. Ianuar.*

*c* *Lib. de vi-  
ris illust. Ord.  
Cartus.*

*De B. Step-  
hano Diensi.  
d* *Tom. 5. die  
7. Septem. de  
quo etiam Ca-  
nisijs in Ger-  
manico suo  
Martyrolog.  
eodem die.*



VIII. multa scientia praeclarus, eximiusq; virtutibus iumulatus, domum CARTVSIÆ Maioris, cui tres & viginti annos (Dorlandus nonnihil super addit) prae fuit, totumque Ordinem prudentissimè gubernans, in spiritualibus temporalibusq; non parum ampliavit. Multas etenim constitutiones ad ordinis conservationem pertinentes, edidit, Multos quoq; lingua calamoq; ad mundi contemptum aeternamq; vitam incitavit: & demum multos ad ordinem, qui suo tempore plurimū incrementi accepit. Deniq; cum praeclari regiminis exemplum, & suae quoq; vitae monumenta posteritati dimisisset, tandem deficiēs in senectute bona, post labores sudoresq; sacra militia peracta, migravit ad Christum, circa annum Domini millesimum centesimum septuagesimum tertium, sepultusq; est cum miraculorum splendore multo, quae sanctitati illius testimonia perhibuerunt. Hæc ille; cui etiam adstipulatur Martyrologium Capnisi, 18. Kalend. Iulij. Refert quoque Dionysius Carthusianus, articulo octavo de præconio ordinis Carthusiensis, B. DOMINICVM Prædicatoriæ familiæ primum iniciatorem, ad hunc nostrum venisse BASILIVM, atque ab eodem consilium accepisse de modo prædicandi aduersus hæreticos, nec non & de institutione ac habitu ordinis sui: adeo ut hinc forsitan factum sit, quod tanta inter Dominicanos ac Cartusianos vestium reperiatur conformitas. Quod vero Dorlandus dicit, hunc Basilium nostrum præter alia faciendam scripsisse solitariæ vitæ Epitome,

B. Basilium obiit circa annū Domini 1173. 14. Iunij.

C pag. 201. in fine.

CAETERVM quod eodem hoc capite pag. 202. prædicatur insignis virtus Gerardi cuiusdã laici, qui ex Niuernensi Comite Conuersus est effectus, nescio an hic idem ille sit, de quo supra cap. 3. ex Petro Blesensi meminimus. Vt ut est, præclarum sanè exhibuit humilitatis exemplũ, quando opibus honoribusque relictis, libenter se omnium minimum fecit, vt Christum lucrifaceret; occurrens nimirum filio suo in sordidissimo habitu velleraque ouium recenter tonsarum ceruicibus deferens. Quemadmodum consimile ferè exemplum de quodam Adolpho Holfatiæ Comite d Krantzius cõmemorat, qui mundo circa annum Domini quadragesimum post mille ducentos nuntium remittens, Minorum est ingressus Ordinem; non erubescens ostiatim lac in hydria emendicare. Cui cùm quodam tempore filij in equis sublimes publica via vbi declinare non poterat, casu occurrissent, iamq; humanitus aliquid sentiret, ita vt rubore perfundi inciperet, tãdem robur mentis aduocans, cùm adhuc in conspectu esset filiorum, hydriam super caput leuatam euertens, totum se à vertice lacte perfudit, dixitque: *Infelix, erubuisisti Christi paupertatem, baiulare lac in manibus, nunc vel in capite ostende quid portaueris.* Quis non iure miretur, inquit Krantzius, tantam humilitatem, patientiam mansuetudinem?

Verum mirari Comit̃is huius exemplum desinimus, quando nimirum nostra ætate etiam in Ducibus eiusmodi licuit spectare exempla, maximè autem in Francisco Borgia, tercio Societatis I E S V Præposito Generali, qui cùm  
esset

*Dorlandus  
pag. 204. in  
princip.*

*d In Saxonia  
lib. 8. cap. 7.*

esset Gothalanæ Prorex, ac Gandiæ Dux, post Societatis ingressum non detrectavit neq; erubuit etiam vilissimas obire functiones, nempe lignæ & aquam in culinam deferre ignem accendere, verrere pavimentum, lances olasque mundare, cæteraque id genus. Imo Calensi in collegio Lusitanæ, quod oppidum vulgo *Portum* appellant, Belgæ verò kalys Malys, ostiarii officio perfunctus, cum porcū iugulatum, elemosynæ vice obtulissent, humeris sublatum tacitus in superiorem domus partem, per gradus non sine labore portavit. Quod alij cum mirarentur, facti commendationem sic elusit; *Quid mirum, inquit, si porcum porcus commodè tuleris?* Non dissimile nimirum est, quod de Carlomanno Casinenses referunt annales. Qui Imperio se abdicans, regnumque Pipino fratri relinquens, Romam, Zacharia Pontifice Maximo clauum tenente, venit, atque, in Cassino monte Benedictinis se Sodalibus iunxit. Oves verò, Abbatis iussu, fortè pascens, claudicantem vnam, quod gregem consequi non posset, humeris summa cum animi voluntate sustulit: quemadmodum & Gerardus noster libens in filij sui conspectum prodijt, exornatus scilicet aurej loco torquis, exuvijs ouium recenter tonsarum, quarum stillaptia in humeros vellerà lubenter sustulit baiulavitque; nedum quod scartens vermibus, vel vnum ex ijs adimi sibi à filio permetteret: exēplo nimirum sanctissimæ illius solitariæ foeminæ, re ac nomine *BONAE*, cuius ex pectore cum innumeri prodirent vermes, B. Dominicus ex animo illi compassus, ob-

nixē

*Lib. 2. vite  
eius, ca. 1. pa.*

*Ibidem lib.  
4. cap. pa. 212*

*Ioan. Naucler  
us Tom. 2.*

*Generat. 25.*

*in fine. Et Hiie*

*ron. Platus li.*

*2. de bono sta*

*tu. relig. cap.*

*26.*

*Quo p. llo hic*

*idem Carla.*

*manni, noni-*

*tiatus tempo-*

*re, insigni sit*

*exceptus ala-*

*pa. 2 coquo vi*

*de apud Regi-*

*noni Pruniis.*

*ad am. Domi*

*ni 1246.*

*Faciunt hæc*

*ad elucidatio*

*nem pa. 104.*

*in fine.*

cibus diuini numinis gratiam implorantem, virtus est adire Angelus, qui eum ita emascularet, ut de cætero ab huius generis tentationibus alienus omninò existeret, ac si sexum in corpore circumferre non videretur. Quod & Sereno Abbati accidisse, apud Cassianum collatione septima legitur.

CAP. XV. pag. 206. B. IANCELINVS, qui hic dicitur Basilio successisse, decimus fuit Generalis, vnde vnus solummodò fuit intermedius, nempe Hugo quidam, de quo ita in Cathalogo PRIORVM Maioris Cartusie scriptum reperi: *Circa annum Domini millesimum septuagesimum quartum, in PRIORATV Basilio successit D. Hugo, Monachus dictæ domus. Qui vtrum fuerit ille, de quo a supra narratum est, an a De eodem verò alius eiusdem nominis, incertum habetur. Hugone etiam Nam non nisi duobus annis PRIOR existens, contemplationi ac quieti impense deditus, à Capitulo Generali absolutionem petiit, & accepit. Ita que hoc Magistratu sese abdicante, subsequutus est. Vir eximijs maximarum virtutum ornamentis præditus, IANCELINVS, vel ut alij vocant Ancelinus: De cuius præclaris virtutibus vide Anthonium parte 2. Tit. 15. ca. 22. §. 2. Illic enim idem hoc miraculum refertur, quod hic apud DORLANDVM reperitur pag. 205. quo pacto nimirum B. IANCELINVS in virtute obedientie defuncto cuidam Cartusiano præceperit, ne vlla amplius ederet miracula: quod putat accidisse circa annum Domini millesimum centesimum septuagesimum quintum.*

*a De eodem  
Hugone etiam  
nos supra in  
Notis diximus,  
paulo ante cap. 8. ad  
signum \**

tum. Porro cum hic IANCELINVS Maiori præfesset Cartusie, contigit Stephanum [Dien-  
sein ab eodem compelli, Ecclesie istius Episco-  
patum suscipere, uti habes in eius vita Tom. 5:  
Suriij, 7. Septemb. §. 8. De quo quidem IANCE-

*g Lib. 2. vite* LINO; in hunc modum Sutor: *g IANCELI-*  
*Carus. tract.* NVS Maioris Cartusie PRIOR X. tam eximia  
*3. c. 5. p. 524.* sanctitatis; tantiq; meriti ac præstantis virtutis

extitit, ut vnus de antiquis Sanctis Patribus depu-  
taretur. Hic (quod dictu quoq; mirum est) sar-  
cinam PRIORATVS Maioris Cartusie ad an-  
nos circiter sexaginta tam laudabiliter gessit, ut  
in stuporem videntes, audietesq; omnes verteren-  
tur. Hic quoq; sacri Ordinis habitu Petrum Fré-  
coldi, Patrem, CLEMENTIS IV. Summi Pon-  
tis. donauit. De quo DORLANDVS lib. 4. cap.  
4. pag. 156. Verum hic IANCELINVS post  
diuturnos ærutinosq; huius vitæ labores tan-  
dem in senectute sancta deficiens, anno Domini  
millesimo ducentesimo trigesimo tertio per-  
petuam quietem habiturus, paradisiacas adiuit  
sedes. Cuius equidem laudabilem mentionem  
facit suo in Martyrologio Canisius, quarto Ka-  
lend. Martij;

*Sutor. ibidem*  
*pag. 526.*

CAP. XVI. pag. 211. Fuit hic Martinus huius  
nominis primus; qui Iancelino successit, præ-  
fuitque annos circiter tredecim: sub cuius regi-  
mine referunt maioris Cartusie annales acci-  
disse Toleti in Hispanijs id; quod Dorlandus  
habet pag. 214. de libro illo triplici idioma-  
te conscripto: quem postquam Iudæis in rupe de-  
litescentem reperisset, inibi que Christi Salua-  
toris

toris haberi mentionem comperisset, Baptis-  
matis Sacramento confestim initiatus est.

CAETERVM quod pag. 212. commemoratur  
exemplum istius anachoretæ in extasin rapti,  
illud idem quoque reperitur apud Dionys. Ri-  
ckelium art. 7. de Præconio Ord. Cartus.

CAP. XVII. pag. 215. Quod hic Dorlandus di-  
cit, BOSONEM, paucis intermedijs, successisse  
P. Martino, sciendum est, quatuor inter hunc &  
illum Generales extitisse: nempe Bernardum,  
Rifferium, \* Gerardum, & Guilielmum: quo-  
rum primus præfuit annis circiter octonis, se-  
cundus vñdenis, tertius senis, quartus plus mi-  
nus quinis. + al. Girardus

PÖRRO, quod pag. 217. huius eiusdem capi-  
tis in Templarios inuehitur Dorlandus, quasi  
qui Iudæis ac paganis peiores, vñ nocte inter-  
necione deleti sint, atque ad tartara relegati à  
quibusdam in dubium vocatur; adeo vt nonnul-  
li tam horum quam antiquorum temporum  
scriptores reperiantur, qui eos iniuste de super-  
ficis terræ sublato opinentur: Inter quos cum  
primis videtur esse B. Antoninus, b Nauclerus, a *part. 3. tit.*  
Volaterranus, in vita Clémentis V. Sabellicus *21. cap. 3. in*  
in historiæ rhâpsodiâ, Ioannes Botatius li- *princip.*  
bro de ruina Principum, nec non & Papirius b *Tom. 2. ge-*  
Massonius lib. 3. annalium Francorum pag. 365. *her. 44. ann.*  
& Ioannes Villaneus. Cæterum Templarij, seu *1307. p. 873.*  
templaris militiæ Ordo, cœpit anno Domini *Templari qui*  
vicefimo supra millesimum centesimum: inde- *fuerint, &*  
que nomen traxit, quod iuxta templum Domi- *quando exor-*  
ni Hierosolymis, in palatio regio à prima eo- *ti, delictique.*  
rum institutione commemorandi domicilium ha-  
berent.

berent. Quemadmodum auctor est Guilielmus  
 e Lib. 12. c. 7. Tyrensis Archiepiscopus, in sua belli sacri hi-  
 storia. Quos varijs equidem Sermonibus D.  
 Bernardus ad benè beateque viuendum est co-  
 hortatus. Verum cùm iam immodicis aucti opi-  
 bus, etiam de hæresi suspecti haberentur, sum-  
 mi Pontificis CLEMENTIS V. Patrumque de-  
 creto, ad Regis Francorum Philippi Pulchri in-  
 stigitationem; in Oecuménica Viennensi Syno-  
 do, à trecentis Episcopis anno Domini millesi-  
 mo trecentesimo vndecimo celebrata, damna-  
 ti, flammisq; adiudicati sunt; eorumque insti-  
 tutum; quod iam ducentis fermè annis perdu-  
 rauerat, abrogatum: adeo vt bona ipsorum Rho-  
 dijs assignarentur militibus, quod in primis ad  
 Sarracenos defecisse dicerentur. De quo ita Pla-  
 tina in principio vitæ CLEMENTIS V. Rom.  
 Pontif. Rescitum quoq; eodem ferè tempore est,  
 Templarios olim Christi milites, à nostris ad Sar-  
 racenos defecisse. Hanc ob rem interfecti illi sunt,  
 qui comprehendi potuère; eorumq; bona partim  
 Rodijs militibus, qui insulam paulo ante occu-  
 pauerant, partim verò nouis Religionibus sunt  
 attributa. De Templarijs quoque conquestus est  
 Alexander III. in Concilio Lateranensi part. 1.  
 c. 9. & potissimum quod abutentes priuilegijs  
 à Sede Apostolica sibi concessis, robur Episco-  
 palis authoritatis enervarent. Hinc Aliuarus Pé-  
 23. paulo post lagius de planctu Ecclesiæ: Templarij, inquit  
 princip. capi- propter eorum flagitia ab Ecclesia reprobati sunt,  
 16. Quæ verò hæc eorum flagitia hæresesque fue-  
 rint, videat Lector apud Gabrielem Prateolum  
 Marcosium, pag. 459.

CAETE-



CAETERVM de Beato BOSONE consule  
 Petrus Sutorem, confirmantem idem quod hic *e Lib. 2. vitæ*  
 à Dorlando pag. 218. adseritur; nempe super e- *Cartus. tract.*  
 ius sepulchro herbarum quandam enasci, varijs *3. ca. 5. pag.*  
 medentem ægritudinibus, maximè verò febr- *536.*  
 citantibus. Obijt verò circa annum Domini ter-  
 tium decimum post mille trecentos. Quem &  
 f Canisius suo inferens Martyrologio, dicit tam *f quarto non*  
 in vita, quàm post obitum, insigni miraculorū *nas Martij.*  
 gloria resplenduisse.

CAP. XVIII. pag. 218. BOSONI in regimine *Quinques ex-*  
 successit Haymo siue Aymo, sub quo miserè *usta fuit do-*  
 deflagrauit ipsa alma mater CARTVSIA, quæ *mus Maiorū*  
 diuersis temporibus quina sustinuit incendia. *Cartusie.*  
*I.*  
 Primò quidem quando hic HAYMO præfuit, si- *II.*  
 cuti habet Dorlandus, pag. 219. Deinde sub Guil-  
 helmo Rainaldi, vigesimo quarto Ordinis Ge-  
 nerali, circa annum Domini 1372. De quo idem  
 Dorlandus pag. 252. Tertiò sub Francisco Maref- *III.*  
 me, vigesimo octauo Generali, anno circiter  
 Domini 1444: *IV.*  
 Quartò sub Patre Anthonio, trige-  
 simo Generali, circa annum Domini plus mi-  
 nus 1474. *V.*  
 Vltimum verò incendium contigit sub  
 R. Patre HIERONYMO MARCHANT, anno  
 vt puto Domini 1593. in peruiiglio omnium SS.  
 manifestè cõstet, humani generis hostem adeò  
 vt hinc tam eximie sanctitatis locum vehemen-  
 ter odisse, quem voracibus flammis tam liben-  
 ter abolitum videret.

CAP. XIX. De eximia PETRI FAVERII  
 sanctimonia, vide Petrum Sutorem libr. 2. vitæ  
 Cartus. tract. 3. ca. 5. pag. 527. nec non & Petrum  
 Canis. suo in Martyrolog. 3. Kalend. Maij.

† *canis. in*  
*Mart die 15.*  
*Decemb.*

CAP. XX. De Patre CLARO, decimo nono Ordinis Generali, itemque + Ioanne Tornerio, miraculis claro, vide eundem Sutorem, loco iā nominato, pag. 529.

CAP. XXI. Similiter & de hoc P. Iacobo, pa. 530. quem dicit multis clarum miraculis, obijſſe circa annum Domini sexagesimum secundum supra millesimum trecentesium.

a *Lib. 2. p. 18.*  
 532.

CAP. XXII. De Ioanne Birellio eadem quoq; commemorat a Sutor, quæ & Dorlandus: nempe quo pacto, cum maior purpuratorum Patrū numerus, post obitum CLEMENTIS VI. (hic autem apud Auinionem anno Dominicæ Natiuitatis 1352. vitam cum morte commutauit) eum ad Pontificiæ dignitatis culmen euehere cogitaret, à Petragoricensi Cardinali aliter persuasi, sententiam mutauerint. Quem quidem eundem reor esse Cardinalem, pro cuius animæ refrigerio Ordo Cartusiensis in singulis domibus peculiare annuatim persoluit Tricenariū. De quo ita M. Anthonius Ciaconius in vitis Summorum Pontificum, Romæ anno 1601. editis: *b Talairandus Comes Petragoricensis, Vasco, Gallus, Presbyter, Cardinalis S. Petri ad Vincula* it. *Eudoxia, Prior Presbyterorum.* Itaq; huic Talairando debetur, quod magno totius Christianæ Reip. bono INNOCENTIVS VI. Clementi in Pontificatu successerit: qui etsi BIRELLIVM nostrum in Cardinalium referre numerum voluerit, is tamen suæ & humilitatis & professionis memor, summo studio hunc à se Cardinalitiæ dignitatis gradū reiecit. Ceterum

b *Pag. 711.*  
*Obijt hic Cardinalis Auinione anno Dom. 1364.*

*Recusat Cardinalatum P. Birellini.*

terum, quæ de Pontio, Decretorum Doctore, Dorlandus pa. 233. commemorat, eadem quoq; Sutor suo confirmat testimonio, pa. 532. qui hûc Patrem Birellium miraculis clarum obiisse dicit in ipsa Epiphaniæ solennitate, anno nimirû virginei partus sexagesimo post mille trecetos.

Porro, quàm rigidus sibi ipsi hic S. Pater fuerit, cõstat ex hirsuto hispidoq; illo cilicio, quo vsum eum fuisse Dorlandus pagina 240. commemorat: *Erat enim, inquit, nodosum, asperissimo pilo contextû, & instar Camisia vnde quaq; clausum, atq; vsq; ad poplites descendens. Quæ admodum etiam de B. Thomæ Cantuariens. Archiepiscopo eius refert contemporaneus & Edwardus, dicens sanctissimi huius viri cilicium ad genua vsque prominuisse, ac strictè admodum femur coarctasse. Tale quid etiam in vita d Gerardi Magni reperitur; licet de Lanspergio nostro fide digni referant scriptores, eum loriceam ferream aliquandiu ad nudam carnem gestasse. Verum quale cilicij genus sibi effinxerit B. Edmundus Cantuariens. Archiep. videat Lector Tom. 6. Suriij 16. Nouembr. c. 2. 9. vitæ eius. Et Tom. 5. die 14. in vita Domini Loricati c. 4.*

pag. 240. circa finem; Lapidis, super quo defunctorum aluuntur corpora, frequens est mētio apud Cæsarium Heisterbacensem, auctorē quæ *speculi* istius *Monachorum*, quod sub nomine D. Bernardi inter opera eius reperitur, vbi inter cætera etiā monemur, vt *tædio affecti, componamus nos meditando supra petram, in qua lauantur martiri, cogitemusque apud nos, quo pacto tractentur ibi sepeliendi, qui nunc in tergum, nunc in faciem versantur, &c.*

CTom. 6. Suriij, die 29. Decemb. cap. 25.

d Thom. Cantuariens. cap. 7. vitæ eius.

Adeo ut non solum apud Cartusianos, verum etiam alios passim religiosos. hæc defunctorum lauantorum corporum consuetudo in usu olim fuerit.

a Lib. 2. vite  
Cartus. pag.  
337.

CAP. XXIII. Helisarij, siue Elisarij res gestas licet apud a Sutorem videre: quem Dorlandus pa. 242. dicit asperrima hyeme semper ferè discalceatum, detectoque capite incessisse, in magnis nimirum quæ illic in Maiori Cartusia rigent frigoribus, ac perpetuis quasi niuib. Quemadmodum colligi potest ex ijs, quæ libr. I. NOTARVM diximus, §. 6. pag. 19.

b 2. parte no-  
ue Collect.  
Statutor. cap.  
10. n. 1.

PORRO, quod pag. 246. dicitur, fratres, pro more Ordinis, feria sexta, quæ & Helisarius ad Dominum migravit cum pane & aqua refecti essent, facto per tabulam signo, ad ægrotantis cellam conuenisse; sciendum, olim in usu fuisse, ut b qualibet secunda, quarta, & sexta feria pane duntaxat & aqua contenti essemus. Quod quia nostris temporibus in dissuetudinem abiit, idcirco Ordinis statuta volunt, ut semel ad minus in septimana qualibet abstinētia seruetur: non prohibendo interim illos, qui pro laudata veteri consuetudine ternam possunt ac volunt obseruare, modò superiorum accedat consensus, approbatioque.

c pag. 747.  
lin. 1. Rom.  
editi. anno  
1601.

Pag. 244. lin. 7. Querenti mihi, quis nam hic fuerit Mimatensis Cardinalis, qui huius P. Helisarij, propinquus extitisse dicitur, occurrit id quod apud Ciaconium legitur in rebus gestis VRBANI PAPAE V. hisce nimirum verbis: *e* F. Anglicus Grimaldi, de Grisaco, diœcesis Mimatensis, Gallus, Papa fratris filius, Canonicus regulari,

*lari, monasterij S. Rufi prope Valentiam, ex Episcopo Auinionensi, Presbyter Cardinalis S. Petri ad Vincula et. Eudoxia, postea Episcopus Albanus, Picensi, Umbria, Hetruria, Campania maritima Legatus, & Vicarius Generalis in temporalibus, ab Urbano V. patruo creatus, quum in Italiam venisset, obiit Auinione XVI. Kalend. Maij, anno 1387.*

Itaq; verisimile est, hunc Mimatensem Cardinalem, nepotem P. Helisarij extitisse: quippe qui annis viginti post auunculum seu patruum suum vita functus sit. Nam Helisarius obiit anno Domini 1367. in festo S. Barnabæ Apostoli.

CAP. XXIV. pag. 247. De Patre Guilielmo \* Rainaldi ita Sutor: *a Fuit hic, inquit, Maioris Cartusia Prior vicesimus quartus, scientia, moribus, multisq; virtutibus perornatus, tantæq; opinionis, ut Cardinalatus ei oblatu sit, quem tamen recusavit. In electione quoq; summi Pontificis undecim habuit suffragia. Porro eius industria iugiq; sollicitudine domus CARTVSIÆ fortuito incendio combusta, & ad nihilum ferè redacta, longè melius quàm antea fuerat, instaurata est. In qua & triginta quinq; annos laudabiliter viuens, totius Ordinis habenas strenuè prudenterq; moderatus est. Obiit verò anno Domini millesimo quadringentesimo secundo.*

PORRO quod pag. 253. lin. 3. à fine dicitur sub hoc Patre Guilielmo Rainaldi horrendum in Ecclesia exortum fuisse schisma; de eo in nostri Ordinis Chronicis ita scriptum reperio: *Anno decimo prioratus huius Reuerendi Patris, qui fuit*

\* al. Rainaldi.

2 Lib. 2. vita Cartus. Tract.

3. cap. 7. pag. 564.

Guilielmi Rainaldi virtutes.

Recusat Cardinalatum.

Habet 11.

voces ad Pâ-tificatum.

Reedificat

Maiorem

Cartus.

De eius scriptis vide ibid.

Sutorem.

Obiit anno

1402.



annus Christi millesimus trecentessimus septuagesimus septimus, post obitum D. GREGORII Papæ XI. exortum fuit schisma satis durum. Nam ex violentia ciuium Romanorum quidem Bartholomæus Barenſis intrusus est ad Papatum. Contra quem de communi Cardinalium consensu electus est D. CLEMENS Papa VII. Cuius schismatis occasione circa annum millesimum trecentessimum septuagesimum nonum Ordo noster fuit diuisus, ita vt vna pars præfato Bartholomæo, tunc VRBANO VI. altera D. CLEMENTI VII. adbareret. Et sic remansit Ordo diuisus spatio annorum triginta & vnus, vsq; post celebratum Concilium Pisanum, tunc enim anno Domini 1410. denud fuit reunitus. Atque hoc est quod Dorlandus hic ait, præfatum Patrem Reinaldi tum ratione schismatis, tum etiam exustæ Cartusiæ, plurimas sui regimis tempore sustinuisse molestias. Cæterum de hoc diutino molestoque schismate ita Ciaconius, d CLEMENS VII. Antipapa conclemēt. VII. tra VRBANVM VI. creatus, Auinione annos nonendecim, menses vndecim, dies viginti nouē, antipapa ad annuum Dom. VVēce slao Cesare summi sacerdotij iura in schismate vsurpauit: quo nullum aut deterius, aut prolixius, quoue maioribus odijs, & acrioribus dissensionibus certatum sit, humana potest memoria recordari. Hæc Alphonsus Ciaconius, qui deinde aliquantò post prosequens res gestas Antipapæ Petri de Luna, Benedicti XIII. nomen sibi malè vsurpantis, dicit, illum anno 15. sui Antipontificatus, qui fuit annus Domini 1409. tredecim creasse

d In vita

clēmēt. VII.

antipapa ad

annuum Dom.

1378. pag.

789.

creasse Cardinales; inter quos ait fuisse etiam  
 Cartusianum quendam, quem uti sine nomine  
 in medium producit, sic fortassis etiam sine au-  
 ditoritate. Quippe cum Ordo Cartusiensis è coe-  
 tu suo non nisi vnicum duntaxat S. R. E. Cardi-  
 nalem habuerit, nempe Nicolaum Albergatiū;  
 de cuius insigni præconio capite primo libri  
 septimi agendum nobis erit. Interim tamen ip-  
 sius Ciaconij verba hæc sunt: *e F. N. Monachus Cartusianus, Hispanus, Presbyter Cardinalis tt. S.... Hunc cum Iuliano Dobla* (qui & ipse ab hoc  
 eodem Benedicto Antipapa Cardinalis crea-  
 tus erat) *schisma eiurare negantes, Petrus Fuxius*  
*Cardinalis legationis Hispanica, carcere inclusus,*  
*ubi miserè perierunt, adeo ut potius Anticardina-*  
*les quam veri Catholica Ecclesia cardines censen-*  
*di sint.*

c pag. 838.

CAP. XXV. pag. 254. Huius XXV. GENERA-  
 LIS laudes ac res gestas ita breuiter comme-  
 morat Sutorius: a Bonifacius Ferrarius B. Vin-  
 centij famosi Prædicatoris frater, vir in diuinis  
 scripturis eruditus, & secularium quoq. litera-  
 rum non ignarus, Iuris Canonici Doctor percele-  
 bris, & sanctimonie sublimitate egregius, vnus de  
 septem Regentibus regnum Valentie fuit, postea  
 verò Cartusianus effectus, à sancto fratre suo vita  
 & conuersatione non degenerans, post quatuor  
 annos PRIOR CARTVSIAE effectus, tan-  
 tum zelum habuit, ut statuta Ordinis ferè semper  
 in manibus haberet, &c. Tanta deniq. prudentia  
 exitit, ut Benedictus 13. Papa dictus, eum, quā-

1 Lib. 2. vita  
 Cartus. tract.  
 3. cap. 7. pag.  
 564.  
 Bonifacius  
 Ferrarius 25.  
 Generalis.



*Dorlandus  
pag. 204. in  
princip.*

*d In Saxonia  
lib. 8. cap. 7.*

CAETERVM quod eodem hoc capite pag. 202. prædicatur insignis virtus Gerardi cuiusdã laici, qui ex Niuernensi Comite Conuersus est effectus, nescio an hic idem ille sit, de quo supra cap. 3. ex Petro Blesensi meminimus. Vt ut est, præclarum sanè exhibuit humilitatis exemplũ, quando opibus honoribusque relictis, libenter se omnium minimum fecit, vt Christum Iucrificeret; occurrens nimirum filio suo in sordidissimo habitu velleraque ouium recenter tonsarum ceruicibus deferens. Quemadmodum consimile ferè exemplum de quodam Adolpho Holsatiæ Comite d Krantzius cõmemorat, qui mundo circa annum Domini quadragesimum post mille ducentos nuntium remittens, Minorum est ingressus Ordinem; non erubescens ostiatim lac in hydria emendicare. Cui cùm quodam tempore filij in equis sublimes publica via vbi declinare non poterat, casu occurrissent, iamq; humanitus aliquid sentiret, ita vt rubore perfundi inciperet, tãdem robur mentis aduocans, cùm adhuc in conspectu esset filiorum, hydriam super caput leuatam euertens, totum se à vertice lacte perfudit, dixitque: *Infelix, erubuiſti Christi paupertatem, baiulare lac in manibus, nunc vel in capite ostende quid portaueris.* Quis non iure miretur, inquit Krantzius, tantam humilitatem, patientiam mansuetudinem? Verum mirari Comit̃is huius exemplum desinimus, quando nimirum nostra ætate etiam in Ducibus eiuscemodi licuit spectare exempla, maximè autem in Francisco Borgia, tertio Societatis I E S V Præposito Generali, qui cùm esset

esset Gothalanix Prorex, ac Gandix Dux, post Societatis ingressum non detrectavit neq; erubuit etiam vilissimas obire functiones, nempe ligna & aquam in culinam deferre ignem accendere, verrere pauimentum, lances olasque mundare, ceteraque id genus. Imo Calensi in collegio Lusitanix, quod oppidum vulgo *Portum* appellant, Belgæ verò kalys Malys, ostiarii officio perfunctus, cum porcū iugulatum, elemosynæ vice obtulissent, humeris sublatum tacitus in superiorem domus partem, per gradus non sine labore portavit. Quod alij cum mirarentur, facti commendationem sic elusit: *Quid mirum, inquit, si porcum porcus commodè tuleris?* Non dissimile nimirum est, quod de Carlomanno Cassinenses referunt annales. Qui Imperio se abdicans, regnumque Pipino fratri relinquens, Romam, Zacharia Pontifice Maximo clauum tenente, venit, atque, in Cassino monte Benedictinis se Sodalibus iunxit. Oves verò, Abbatis iussu, fortè pascens, claudicantem unam, quod gregem consequi non posset, humeris summa cum animi voluntate sustulit: quemadmodum & Gerardus noster libens in filij sui conspectum prodijt, exornatus scilicet aurei loco torquis, exuvijs onium recenter tonsarum, quarum stillantiâ in humeros vellerâ lubenter sustulit baiulavitque; nedum quod scaterens vermibus, vel unum ex ijs adimi sibi à filio permetteret: exēplo nimirum sanctissimæ illius solitariae foeminæ, re ac nomine **B O N A E**, cuius ex pectore cum innumeri prodirent vermes, B. Dominicus ex animo illi compassius, ob-

nixè

*Lib. 2. vite eius, ca. 1. pa.*

*Ibidem lib. 4. cap. pa. 212*

*Ioan. Nauclerus Tom. 2.*

*Generat. 25.*

*in fine. Et Hie*

*ron. Platus li.*

*2. de bono sta*

*ms. relig. cap.*

*26.*

*Quo passo hic*

*idem Carlo.*

*mannus, noni-*

*tiatus tempo-*

*re, insigni sit*

*exceptus ala-*

*pa à coquo vi*

*de apud Regi-*

*nonè Pruniès.*

*ad ama. Domi*

*ni 1246.*

*Faciunt hæc*

*ad elucidatio*

*nem pa. 204.*

*in fine.*

cibus diuini numinis gratiam implorantem, vitus est adire Angelus, qui eum ita emalcularet, vt de cætero ab huius generis tentationibus alienus omninò existeret, ac si sexum in corpore circumferre non videretur. Quod & Sereno Abbati accidisse, apud Cassianum collatione septima legitur.

CAP. XV. pag. 206. B. IANCELINVS, qui hic dicitur Basilio successisse, decimus fuit Generalis, vnde vnus solummodò fuit intermedius, nempe Hugo quidam, de quo ita in Cathalogo PRIORVM Maioris Cartusiæ scriptum reperi: *Circa. annum Domini millesimum septuagesimum quartum, in PRIORATV Basilio successit D. Hugo, Monachus dictæ domus. Qui vtrum fuerit ille, de quo a supra narratum est, an verò alius eiusdem nominis, incompertum habetur. Nam non nisi duobus annis PRIOR existens, contemplationi ac quieti impense deditus, à Capitulo Generali absolutionem petijt, & accepit. Itaque hoc Magistratu sese abdicante, subsequutus est. Vir eximijs maximarum virtutum ornamentis præditus, IANCELINVS, vel vt alij vocant Ancelintus: De cuius præclaris virtutibus vide Anthoninum parte 2. Tit. 15. ca. 22. §. 2. Illic enim idem hoc miraculum refertur, quod hic apud DORLANDVM reperitur pag. 205. quo pacto nimirum B. IANCELINVS in virtute obedientiæ defuncto cuidam Cartusiano præceperit, ne vlla amplius ederet miracula: quod putat accidisse circa annum Domini millesimum centesimum septuagesimum quintum.*

a De eodem Hugone etiã nos supra in Notis diximus, paulo ante cap. 8. ad signum \*

tum. Porro cū hic IANCELINVS Maiori  
præfesset Cartusie, contigit Stephanum [Dien-  
seim ab eodē compelli, Ecclesiæ istius Episco-  
patum suscipere, vti habes in eius vitā Tom. 5.  
Surijs, 7. Septemb. §. 8. De quō quidem IANCE-  
g Lib. 2. vite  
Cartus. tract.  
3. c. 5. p. 524.
 LINO; in hunc modum Sutor: g IANCELI-  
Sutor. ibidem  
pag. 526.
 NVS Maioris Cartusie PRIOR X. tam eximia  
sanctitatis, tantiq; meriti ac præstantis virtutis  
extitit, vt vnus de antiquis Sanctis Patribus depu-  
taretur. Hic (quod dictū quoq; mirum est) sar-  
cinam PRIORATVS Maioru Cartusie ad an-  
nos circiter sexaginta tam laudabiliter gessit, vt  
in stuporem videntes, audiētesq; omnes verterē-  
tur. Hic quoq; sacri Ordinis habitu Petrum Frē-  
coldi, Patrem, CLEMENTIS IV. Summi Pon-  
tif. donauit. De quo DORLANDVS lib. 4. cap.  
4. pag. 156. Verum hic IANCELINVS post  
diuturnos ærutinosq; huius vitæ labōres tū-  
dem in senectute sancta deficiens, anno Domini  
millesimo ducentesimo trigésimo tertio per-  
petuam quietem habiturus, paradisiānas adiuit  
sedes. Cuius equidē laudabilem mentionem  
facit suo in Martýrologio Canisius, quarto Ka-  
lend. Martij;

CAP. XVI. pag. 211. Fuit hic Martinus huius  
nominis primus, qui Iancelino successit, præ-  
fuitq; annos circiter tredecim: sub cuius regi-  
mine referunt maiōris Cartusie annales acci-  
disse Toleti in Hispanijs id; quod Dorlandus  
habet pag. 214. de libro illo triplici idiōmate  
conscripto: quem postquam Iudæis in rūpe de-  
litescentem reperisset, inibiq; Christi Salua-  
toris

toris haberi mentionem comperisset, Baptis-  
matis Sacramento confestim initiatus est.

CAETERVM quod pag. 212. commemoratur  
exemplum istius anachoretæ in extasin rapti,  
illud idem quoque reperitur apud Dionys. Ri-  
ckelium art. 7. de Præconio Ord. Cartus.

CAP. XVII. pag. 215. Quod hic Dorlandus di-  
cit, BOSONEM, paucis intermedijs, successisse  
P. Martino, sciendum est, quatuor inter hunc &  
illum Generales extitisse: nempe Bernardum,  
Rifferium, \* Gerardum, & Guilielmum: quô- <sup>+ al. Girardus</sup>  
rum primus præfuit annis circiter octonis, se-  
cundus vndenis, tertius senis, quartus plus mi-  
nus quinis.

PORRO, quod pag. 217. huius eiusdem capi-  
tis in Templarios inuehitur Dorlandus, quasi  
qui Iudæis ac paganis peiores, vna nocte inter-  
necione deleti sint, atque ad tartara relegati à  
quibusdam in dubium vocatur; adeo ut nonnul-  
li tam horum quam antiquorum temporum  
scriptores reperiuntur, qui eos iniuste de super-  
ficis terræ sublato opinentur: Inter quos cum  
primis videtur esse B. Antoninus, <sup>a pars. 3. tit.</sup>  
Volaterranus, in vita Clementis V. Sabellicus <sup>21. cap. 3. in</sup>  
in historiæ rhapsodiâ, Ioannes Botatius li- <sup>princip.</sup>  
bro de ruina Principum, nec non & Papirius <sup>b Tom. 2. ge-</sup>  
Massonius lib. 3. annalium Francorum pag. 365. <sup>ner. 44. ann.</sup>  
& Ioannes Villaneus. Cæterum Templarij, seu <sup>1307. p. 873.</sup>  
templaris militiæ Ordo, cœpit anno Domini <sup>Templari qui</sup>  
vicefimo supra millesimum centesimum: inde <sup>fuerint, &</sup>  
que nomen traxit, quod iuxta templum Domi- <sup>quando exor-</sup>  
ni Hierosolymis, in palatio regio à prima eo- <sup>ti, delictique.</sup>  
rum institutione commemorandi domicilium ha-  
berent.

*Lib. 12. c. 7.* berent. Quēmadmodum auctor est Guilielmus Tyrensis Archiepiscopus, in sua belli sacri historia. Quos varijs equidem Sermonibus D. Bernardus ad benè beateque viuendum est cohortatus. Verum cū iam immodicis aucti opibus, etiam de hæresi suspecti haberentur, summi Pontificis CLEMENTIS V. Patrumque decreto, ad Regis Francorum Philippi Pulchri instigationem; in Oecuménica Viennensi Synodo, à trecentis Episcopis anno Domini millesimo trecentesimo vndecimo celebrata, damnati, flammisq̃ adiudicati sunt; eorumq̃ institutum, quod iam ducentis fermè annis perdurauerat, abrogatum: adeo vt bona ipsorum Rhodijs adsignarentur militibus, quod in primis ad Sarracenos defecisse dicerentur. De quo ita Platina in principio vitæ CLEMENTIS V. Rom. Pontif. Rescitum quoq; eodem ferè tempore est, Templarios olim Christi milites, à nostris ad Sarracenos defecisse. Hanc ob rem interfecti illi sunt, qui comprehendi potuere; eorumq; bona partim Rodijs militibus, qui insulam paulo ante occupauerant, partim verò nouis Religionibus sunt attributa. De Templarijs quoque conquestus est Alexander III. in Concilio Lateranensi part. 1. c. 9. & potissimum quod abutentes priuilegijs à Sede Apostolica sibi concesss, robur Episcopalis auctoritatis enervarent. Hinc Aluarius Pelayus de planctu Ecclesiæ Templarij, inquit propter eorū flagitia ab Ecclesia reprobati sunt, Quæ verò hæc eorum flagitia hæresesque fuerint, videat Lector apud Gabrielem Prætorium Marcossium, pag. 459.

*In Concilio Viennensi 300. Patrib. damnantur.*

*Ad Sarracenos eos defecisse constat.*

*Lib. 2. cap. 23. paulo post princip. capituli.*

CAETERVM de Beato BOSONE consule

Petrũ Sutores, confirmanem idem quod hic e Lib. 2. vitæ  
à Dorlando pag. 218. adfctitur; nempe super e- Cartuf. tract.  
ius sepulchro herbam quandam enafci, varijs 3. ca. 5. pag.  
medentem ægitudinibus, maximè verò febr- 536.  
citantibus. Obijt verò circa annum Domini ter-  
tium decimum post mille trecentos. Quem &  
f Canisius suo inferens Martyrologio, dicit tam f quarto noni  
in vita, quàm post obitum, insigni miraculorũ nas Martij.  
gloria resplenduisse.

CAP. XVIII. pag. 218. BOSONI in regimine Quinq̃ies ex-  
fuccessit Haymo siue Aymo, sub quo miserè nsta fuit do-  
deflagrauit ipsa alma mater CARTVSIÀ, quæ mus Maiorũ  
diuersis temporibus quina sustinuit incendia. Cartusie.  
Primò quidem quando hic HAÏMO præfuit, si- I.  
cuti habet Dorlandus, pag. 219. Deinde sub Guil- II.  
helmo Rainaldi, vigesimo quarto Ordinis Ge-  
nerali, circa annum Domini 1372. De quo idem III.  
Dorlandus pag. 252. Tertiò sub Francisco Mares-  
me, vigesimo octauo Generali, anno circiter IV.  
Domini 1444. Quartò sub Patre Anthonio, trige- V.  
simo Generali, circa annum Domini plus mi-  
nus 1474. Vltimũ verò incendium contigit sub  
R. Patre HIERONYMO MARCHANT, anno  
vt puto Domini 1593. in peruigilio omnium SS.  
manifestè cõstet, humani generis hostem adeò  
vt hinc tam eximię sanctitatis locum vehemen-  
ter odisse, quem voracibus flammis tam liben-  
ter abolitum videret.

CAP. XIX. De eximia PETRI FAVERII  
sanctimonia, vide Petrum Sutores libr. 2. vitæ  
Cartuf. tract. 3. ca. 5. pag. 527. nec non & Petrum  
Canis. suo in Martyrolog. 3. Kalend. Maij.

F

CAP.



† Canis. in  
Mart die 15.  
Decemb.

CAP. XX. De Patre CLARO, decimo nono  
Ordinis Generali, itemque † Ioanne Tornerio,  
miraculis claro, vide eundem Sutorem, loco iā  
nominato, pag. 529.

CAP. XXI. Similiter & de hoc P. Iacobo, pa.  
530. quem dicit multis clarum miraculis, obiisse  
circa annum Domini sexagesimum secundum  
supra millesimum trecentesium.

2 Lib. 2. pag.  
532.

CAP. XXII. De Ioanne Birellio eadem quoq;  
cominemorat a Sutor, quæ & Dorlandus: nem-  
pe quo pacto, cum maior purpuratorum Patrū  
numerus, post obitum. CLEMENTIS VI. (hic  
autem apud Auinionem anno Dominicæ Nati-  
uitatis 1352. vitam cum morte commutauit) eum  
ad Pontificiæ dignitatis culmen euehere cogi-  
taret, à Petragoricensi Cardinali aliter persua-  
si, sententiam mutauerint. Quem quidem eun-  
dem reor esse Cardinalem, pro cuius animæ re-  
frigerio Ordo Cartusiensis in singulis domi-  
bus peculiare annuatim persoluit Tricenariū.  
De quo ita M. Anthonius Ciacconius in vitis  
Summorum Pontificum, Romæ anno 1601. edi-  
tis: *b Talairandus Comes Petragoricensis, Vasco,*  
*Gallus, Presbyter, Cardinalis S. Petri ad Vincula*  
*tt. Eudoxia, Prior Presbyterorum.* Itaq; huic  
Talairando debetur, quod magno totius Chri-  
stianæ Reip. bono INNOCENTIVS VI. Cle-  
menti in Pontificatu successerit: qui etsi BI-  
RELLIVM nostrum in Cardinalium referre  
numerus voluerit, is tamen suæ & humilita-  
tis & professionis memor, summo studio hunc  
à se Cardinalitiæ dignitatis gradū reiecit. Cz-

b pag. 711.  
Obijt hic Car-  
dinalis Aui-  
nionæ anno  
Dom. 1364.

Recusat Car-  
dinalatum P.  
Birellini.

cerum

terum, quæ de Pontio, Decretorum Doctore, Dorlandus p. 233. commemorat, eadem quoq; Sutor suo confirmat testimonio, p. 532. qui hunc Patrem Birellium miraculis clarum obiisse dicit in ipsa Epiphaniæ solennitate, anno nimirum virginæ partus sexagesimo post mille trecetos.

Porro, quàm rigidus sibi ipsi hic S. Pater fuerit, constat ex hirsuto hispidoq; illo cilicio, quo usum eum fuisse Dorlandus pagina 240. commemorat: *Erat enim, inquit, nodosum, asperimo pilo contextum, & instar Camisæ unde quaq; clausum, atq; usq; ad poplites descendens.* Quæ admodum etiam de B. Thomæ Cantuariens. Archiepiscopo eius refert contemporaneus & Edwardus, dicens sanctissimi huius viri cilicium ad genna usque prominuisse, ac strictè admodum femur coarctasse. Tale quid etiam in vita d. Gerardi Magni reperitur; licet de Lanspergio nostro fide digni referant scriptores, eum lorica ferream aliquandiu ad nudam carnem gestasse. Verum quale cilicij genus sibi effinxerit B. Edmundus Cantuariens. Archiep. videat Lector Tom. 6. Surij 16. Nouembr. ca. 9. vitæ eius. Et Tom. 5. die 14. in vita Dominici Loricati c. 4.

pag. 240. circa finem; Lapidis, super quo defunctorum aluuntur corpora, frequens est mentio apud Cæsarium Heisterbacensem, auctoremque speculi istius *Monachorum*, quod sub nomine D. Bernardi inter opera eius reperitur, ubi inter cætera etiã monemur, ut *tædio affecti, componamus nos meditando supra petram, in qua lauantur mortui, cogitemusque apud nos, quo pacto tractentur ibi sepeliendi, qui nunc in tergum, nunc in faciem versantur, &c.*

d Tom. 6. Surij, die 29. Decemb. cap. 25.

d Thom. Cantuariens. cap. 7. vitæ eius.

# 84 ELUCIDAT. IN LIB. IV.

Adeo ut non solum apud Cartusianos, verum etiam alios passim religiosos. hæc defunctorum lauandorum corporum consuetudo in usu olim fuerit.

a Lib. 2. vita  
Cartus. pag.  
337.

CAP. XXIII. Helisarij, siue Elisarij res gestas licet apud a Sutoresm videre: quem Dorlandus pa. 242. dicit asperrima hyeme semper ferè discalceatum, detectoque capite incessisse, in magnis nimirum quæ illic in Maiori Cartusia rigent frigoribus, ac perpetuis quasi niuib. Quemadmodum colligi potest ex ijs, quæ libr. I. NOTARVM diximus, §. 6. pag. 19.

b 2. parte no-  
ua Collect.  
Statutor. cap.  
10. n. 1.

PORRO, quod pag. 246. dicitur, fratres, pro more Ordinis, feria sexta, qua & Helisarius ad Dominum migravit cum pane & aqua refecti essent, facto per tabulam signo, ad ægrotantis cellam convenisse; sciendum, olim in usu fuisse, ut b qualibet secunda, quarta, & sexta feria pane duntaxat & aqua contenti essemus. Quod quia nostris temporibus in dissuetudinem abiit, idcirco Ordinis statuta volunt, ut semel ad minus in septimana qualibet abstinētia seruetur: non prohibendo interim illos, qui pro laudata veteri consuetudine ternam possunt ac volunt observare, modò superiorum accedat consensus, approbatioque.

c pag. 747.  
lin. 1. Rom.  
editum. anno  
1601.

Pag. 244. lin. 7. Querenti mihi, quis nam hic fuerit Mimatensis Cardinalis, qui huius P. Helisarij, propinquus extitisse dicitur, occurrit id quod apud Ciaconium legitur in rebus gestis VRBANI PAPAE V. hisce nimirum verbis: c F. Anglicus Grimaldi, de Grisaco, d: æcessis Mimatensis, Gallus, Papa fratris filius, Canonicus regulari,

Lari, monasterij S. Rufi prope Valentiam, ex Episcopo Avinionensi, Presbyter Cardinalis S. Petri ad Vincula tr. Eudoxia. postea Episcopus Albanus, Picensi, Umbria, Hetruria, Campania maritima Legatus, & Vicarius Generalis in temporalibus, ab Urbano V. patruo creatus, quum in Italiam venisset, obiit Avinione XVI. Kalend. Majj, anno 1387.

Itaq; verisimile est, hunc Mimatensem Cardinalem, nepotem P. Helisarii extitisse: quippe qui annis viginti post auunculum seu patrum suum vita functus sit. Nam Helisarius obiit anno Domini 1367. in festo S. Barnabæ Apostoli.

CAP. XXIV. pag. 247. De Patre Guilielmo  
\* Rainaldi ita Sutor: a Fuit hic, inquit, Maioris Cartusie Prior vicesimus quartus, scientia, moribus, multisq; virtutibus perornatus, tantaq; opinionis, ut Cardinalatus ei oblatum sit, quem tamen recusavit. In electione quoq; summi Pontificis undecim habuit suffragia. Porro eius industria iugiq; sollicitudine domus CARTVSIÆ foruito incendio combusta, & ad nihilum ferè redacta, longè melius quàm antea fuerat, instaurata est. In qua & triginta quinq; annos laudabiliter vivens, totius Ordinis habenas strenuè prudenterq; moderatus est. Obiit verò anno Domini millesimo quadringentesimo secundo.

PORRO quod pag. 353. lin. 3. à fine dicitur sub hoc Patre Guilielmo Rainaldi horrendum in Ecclesia exortum fuisse schisma; de eo in nostri Ordinis Chronicis ita scriptum reperio: Anno decimo Prioratus huius Reuerendi Patris, qui fuit

\* al. Rainaldi.  
2 Lib. 2. vita Cartusj. Tract.  
3. cap. 7. pag. 564.  
Guilielmi Rainaldi virtutes.  
Recusat Cardinalatum.  
Habet 11. voces ad Pontificatum.  
Reedificat Maiorem Cartusj.  
De eius scriptis vide ibid. Srtorem.  
Obiit anno 1402.

annus Cbristi millesimus trecentessimus septuagesimus septimus, post obitum D. GREGORII Papa XI. exortum fuit schisma satis durum. Nam ex violentia ciuium Romanorum quidem Bartholomæus Barenfis intrusus est ad Papatum. Contra quem de communi Cardinalium consensu electus est D. CLEMENS Papa VII. Cuius schismatis occasione circa annum millesimum trecentessimum septuagesimum nonum Ordo noster fuit diuisus, ita vt vna pars præfato Bartholomæo, tunc VRBANO VI. altera D. CLEMENTI VII. adbareret. Et sic remansit Ordo diuisus spatio annorum triginta & vnus, vsq; post celebratum Concilium Pisanum, tunc enim anno Domini 1410. denud fuit reunitus. Atque hoc est quod Dorlandus hic ait, præfatum Patrem Reinaldi tum ratione schismatis, tum etiam exultæ Cartusæ, plurimas sui regimis tempore sustinuisse molestias. Cæterum de hoc diutino molestoque schismate ita Ciaconius, d CLEMENS VII. Antipapa contra VRBANVM VI. creatus, Auinione annos nonendecim, menses vndecim, dies viginti nouē, annus Dom. VVēce slao Cesare summi sacerdotij iura in schismate vsurpauit: quo nullum aut deterius, aut prolixius, quoue maioribus odijs, & acrioribus dissensionibus certatum sit, humana potest memoria recordari. Hæc Alphonsus Ciaconius, qui deinde aliquantò post prosequens res gestas Antipapæ Petri de Luna, Benedicti XIII. nomen sibi malè vsurpantis, dicit, illum anno 15. sui Antipontificatus, qui fuit annus Domini 1409. tredecim creasse

d In vita

clēmēt. VII.

antipapa ad

annum Dom.

1378. pag.

789.

creasse Cardinales; inter quos ait fuisse etiam Cartusianum quendam, quem uti sine nomine in medium producit, sic fortassis etiam sine auctoritate. Quippe cum Ordo Cartusienfis è cœtu suo non nisi unicum duntaxat S. R. E. Cardinalem habuerit, nempe Nicolaum Albergatiũ; de cuius insigni præconio capite primo libri septimi agendum nobis erit. Interim tamen ipsius Ciacconij verba hæc sunt: *e F. N. Monachus Cartusianus, Hispanus, Presbyter Cardinalis tr. S.... Hunc cum Iuliano Dobra*(qui & ipse ab hoc eodem Benedicto Antipapa Cardinalis creatus erat)*schisma eiurare negantes, Petrus Fuxius Cardinalis legationis Hispanica, carcere inclusit, ubi miserè perierunt, adeo ut potius Anticardinales quam veri Catholica Ecclesie cardines censerent di sint.* c pag. 838.

CAP. XXV. pag. 254. Huius XXV. GENERALIS laudes ac res gestas ita breuiter commemorat Sutorius: a Bonifacius Ferrarius B. Vincentij famosi Prædicatoris frater, vir in diuinis scripturis eruditus, & secularium quoque literarum non ignarus, Iuris Canonici Doctor per celeberris, & sanctimoniam sublimitate egregius, vnus de septem Regentibus regnum Valentia fuit, postea verò Cartusianus effectus, à sancto fratre suo vita & conuersatione non degenerans, post quatuor annos PRIOR CARTVSIAE effectus, tantum zelum habuit, ut statuta Ordinis ferè semper in manibus haberet, &c. Tanta denique prudentia extitit, ut Benedictus 13. Papa dictus, eum, quã-

3 Lib. 2. vite  
Cartus. tract.  
3. cap. 7. pag.  
564.  
Bonifacius  
Ferrarius 25.  
Generalis.

De hoc Rom.  
Pontif. schif-  
mate vide  
vitam B. Vin-  
centij Ferrar-  
rij, lib. 2. cap.  
2. Tom. 2. Su-  
rij, 5. Aprilis.

uis renitentem pro se Legatum ad Concilium Pi-  
sanum (ad quod citatus fuerat) mittendum cura-  
uerit. At verò cum venire tardaret, Generale Cō-  
cilium tantas moras non ferens, tam Benedictum  
ipsum, quàm Gregorium ( qui de Papatu contem-  
debant ) deposuit. In Concilio namque Pisano,  
anno Domini 1409. celebrato, tam Benedictus  
XIII. quàm Gregorius XII. veluti collusores ac  
præuaricatores, à suis absoluti sunt officijs, ter-  
tiusq; in vtriusq; locum successus, nempe Ale-  
xander Papa V.

Reperiuntur  
Tomo 2. Surij  
die 5. Aprilis.

Hieron. Pla-  
tus de bono  
stat. Relig. li.  
2. cap. 30.  
pag. 614.

Pag 255. lin. 9. à fine. [Hæc est ille magnus  
Vincentius, Apostolica sublimitate nō impar.]  
Quàm eximie sanctitatis hic Vincentius, Boni-  
facij nostri germanus frater fuerit, quamque  
Apostolicæ conuersationis, scire cupientibus  
constare potest ex tribus istis libris, quos Pe-  
trus Rauzanus Panormitanus de reb<sup>9</sup> eius san-  
ctissimè gestis conscripsit *Fuit enim, inquit, vir  
Apostolicus; qui veluti Sol ceteras stellas claritate, sic  
ipse vitæ sanctimonia verbi Dei præconio, ac variorum  
miraculorum fulgore ceteros superauit. Illud siqui-  
dem constat, ipsius duntaxat prædicatione su-  
pra viginti quinque Saracenorum millia ad  
Christum fuisse adducta; Christianorum verò  
perditorum, qui se ad bonam frugem recepe-  
runt, plus quam centum millia. Quodd non pa-  
rum facit ad laudē totius Ferrarianæ prosa-  
piæ, ex cuius stirpe duo tam præclaræ religio-  
nis ornamenta prodiere: nempe Vincentius ac  
Bonifacius: quorum vti primus Dominicanam  
suis concionibus illustrauit familiam, sancte-  
que*



que in Domino anno 1418. obdormiuit, sic alter totius, Carthusiensis Ordinis præfecturam ad annos circiter octo diligenter prudenterque administravit, plurimosque monasticæ professionis habitu donavit. Quos enim frater suus prædicando ad poenitentiam prouocabat, hoc Bonifacius Ordinis gremio libenter inferebat. Scripsit autem hic BONIFACIUS inter cætera nobilem quandam tractatum, *Cur in ordine CARTVSIENSI pauci reperiātur Canonizati, & miracula publicè non fiant.* Item, *de Confirmatione & approbatione Ordinis Cartusienfis*, uti ex Eifengrenio citat sacro suo in apparatu Anton. Possseui- nus.

*Lucubrati-  
nes huius l.  
Bonifacij.*

Pag. 259. [Hæc enim tunc graui schismate laborabat.] Quam graui schismate Ecclesia an- norum aliquot spatio laborauerit, quidve in hoc consopiendo conatus sit hic Pater noster BONIFACIUS efficere, diximus supra ca. vi- gesimoquinto.

CAP. 26. pag. 260. Quandoquidem Dorlan- dus confusè in hoc capite nonnullos in mediū profert, nostri Ordinis GENERALES, idcir- co operæ præteritum me facturum credidi, si bre- uem eorundem hic CATALOGVM pertexā: incipiendo nimirum ab ipso Diuo BRVN- NI, primario tanti Operis architecto, atq; ad modernum R. Patrem nostrū BRVNONEM, etiamnum fideliter foeliciterque Cartusianæ huic familiæ præidentem, perducendo; addito semper Disticho numerali, ex quo cognosci queat, quando quisque eorum Ordini præesse coeperit.

**BREVIS ET SVC-  
CINTVS OMNIVM AC SIN-  
GVLORVM GENERALIVM, QVOS  
sacer Cartusienſis Ordo in vni-  
uerſum habuit,  
CATALOGVS**

**I. Generalis.** **DIVVS BRVNO** patria Colonienſis ordinem cœpit fundare Cartuſienſem circa annum Domini, 1048. obiitque miraculorum gloria illuſtris; adeo vt iam olim in Beatorum ſit adſcriptus conſortium. Eius ſcripta non niſi ſemel ante annos circiter nonaginta in lucem prolata, iam nunc denuò in eius natali ſolo recudenda veniunt. Migravit ad Dominum, anno 1101. Cartuſianum verò ſolitudinem incolere cœpit anno Domini circa ſolemnitatem S. Ioannis Baptiſtæ, anno ſcilicet ſalutis noſtræ milieſimo octogefimo quarto, prout ſequēs Carmen numerale indicat:

*Eſt annuſ Domini 1084.* **BrVno ſe CeffVſ Cantatos DoCtVſ agones  
RegVLa & arChltypon CartVſlenſe ſVlt.**

**II.** **LAVDVINVS** patria Thuſcus (Luca namque oriundus fuit) B. BRVNONE Romæ Apoſtolica authoritate euocato, CARTVSIAM ad annos circiter decem adminiſtravit, rediensque ex Calabria, vbi D. BRVNONEM cōſilij cauſſa inuiſerat, in Guiberti antipapæ manus incidit, à quo in carcerem vinculaque coniectus, paulo poſt obiit anno nimirum Domini 1100. Quando verò Cartuſiæ præfici cœperit, ſequens indicat Diſtichon.

*Pro-*

*Protophenos LaVDVInVs pletatis Vt hares,*

*Officij, ac tltVLI patrla sancta oLit.*

PETRVS cognomento Franciscus, successit anno Domini millesimo centesimo primo, diciturque fuisse Flandria, seu potius Artesia oriundus, nempe Bethunia: qui cum anno duntaxat præfuisset vno, Rachelis amplexus Lic deformitati præferens, ad optatam solitudinis portum est regressus.

III.

*In CLITVs EX ISTO PetrVs speciosVs honore*

*PLENIVs EX ISTO siDere VELLE LoCo.*

IOANNES I. qui & ipse natione Thuscus fuit, annis circiter octo præfuit. Cuius regiminis tempus, ex hoc potest colligi Disticho.

IV.

*VIVIDA Ioannis Celebri s GVLTVra sVbaños,*

*SVbseqVltVr SaLTVs Cogere rastro pati.*

GVIGO. De huius beatissimi scriptis, moribus, ac vitæ conversatione, copiosius diximus in NOTIS huius eiusdem lib. 4. c. 3. Obijt verò non sine insigni vitæ sanctimonia anno nimirum Domini trigesimo septimo supra millesimum centesimum, Præfecturæ autem suæ vicesimo septimo, aut præter propter. Vnde quando præfuisse coeperit patet ex sequenti Disticho.

V.

*GVtgo SacerVICtV, LltterIs, VrenteqVe ZeLo,*

*AC VltVte VaLens, BrVno secVndVs erat.*

HVG O I. De hoc diximus paulo ante caput 8. NOTARVM quarti huius libri, quo pacto nimirum cum biennio præfuisset, absolui ab officio petierit, atque alium sibi substitui; quod accidit circa annum Domini millesimum tricesimum nonum, ut & sequenti liquet Versiculo.

VI.

1098.

*Est pla CarV sIa generatio, origo benigna;**ILLInC floresCens sVrCVLVs HVgo fVIt.*

*Disticha nu-  
meralia conii-  
nent annorum  
tempus, quan-  
do præesse cæ-  
perint.*

An. 1132.

VIII.

ANTHELMVS Episcopus Bellicensis ( de quo ad longum Dorlandus lib. 4. pag. 157. cap. 4. & sequentibus, item Surius Tom. 3. die 26. Iunii.) præfuit ad annos circiter duodecim, obijtque plurimis clarus miraculis, anno Domini 1131. Quando verò Maioris Cartusie Prioratum initi-  
re cœperit, sequens indicat Distichon:  
FœLLX HVgo SIlEs, qVla In arDVa qVæqVe  
VoCatVr

VirtVs, CVIVs apex InfVLa BeLloVaCl?

BASILIVS. De huius sanctissimi Patris rebus præclare gestis copiosius egimus paulo ante, capite 14. Fuit verò GENERALIS ordinis ad annos circiter tres & viginti, obijtque circa annum Domini millesimum centesimum septuagesimum tertium.

An. 1152.

IX.

RegIVs est VIGor & noMen tIbI, regla VIta,  
CorqVe tenaX æqVI, IVre præsto tVIS.

HVGO IL. successit anno Domini millesimo septuagesimo plus minus tertio, nempe post obitum Basilij. Verum verò fuerit ille, què in hoc Catalogo sexto loco posuimus, atque ab officio absolui petijisse diximus, iamque denuò ad eandem functionem reuocatus sit, pro incomper-  
to habetur.

An. 1175.

X.

Antropos IrrIla est, sLorentes sVppetIt orDo  
HVgones, per qVos nec perIVnDo perIt.

IANCELINVS circa annum Domini millesimum cêtesimum septuagesimū sextum Hugoni succedens, ad annos plus minus sexaginta non sine insigni laude, ac vitæ sanctimonia præ-  
fuit.

fuit, uti constare potest ex ijs quæ diximus ad caput 15. obiit verò circa annum Domini millesimum ducentesium trecesimum tertium.

SVb tanto neget \* An CeLLino Patre qVIs effe? \* *Al. Iance*  
 ManIbVs æthereIs IVIta IVbere potest. *nus.*

MARTINVS I. De hoc Dorlandus cap. 16. *Ann. 1177.*  
 pag. 211. præfuit quæ annis plus minus tredecim. *XI.*  
 De quo hoc numerale Distichon.

GLorla Vera VIros fVerat Mart Inc, tot Inter *Ann. 1235.*  
 SanCtos atqVe pIos VreLe SVo.

BERNARDVS I. Anno Domini millesimo *XII.*  
 ducentesimo quadagesimo octauo, vel circa,  
 successit in regimine P. Bernardus, qui ad annos  
 circiter octo ordinis tenuit gubernacula.

QVI Vepres Inter Boreæ qVoqVe saXa Laref- *Ann. 1248.*  
 qVe

NarDVS oDoratIs ante Locata IVgIs.

\* RIFERIVS per annos circiter undecim *XIII.*  
 maiorem Cartusiam gubernavit, obiitque ad *\* alias Riffe-*  
 annum plus minus Domini millesimum ducen- *rius.*  
 tesimum sexagesimum septimum.

Proprla RIferIVM sat gesta LoqVVntur VBI- *Ann. 1256.*  
 VIs,

QVI Leges & IVs CartVsIense noVar.

Quod ut melius intelligatur, ponemus hic *a lib. 2. vite*  
 verba Petri Sutoris: quæ ita habent. *Cartus. Tract.*  
*3. c. 7. pa. 561.*  
 Rifferius ser-  
 tius decimus maioris Cartusie PRIOR, vir reco-  
 lende memorie, omnibus literis tam diuinis quàm  
 humanis admodum eruditus, doctrina, ingenio, &  
 exhortatione efficacissimus, CARTVSIENSIS  
 propositi CONSVETVDINES (quæ modò an-  
 tiqua statuta dicuntur) ampliavit, correxit, in

94 ELUCIDAT. IN LIB. III.

vnū cōgessit, ternasq; in partes aptissimè distin-  
xit: Tanta deniq; styli venustate grauitateq; scri-  
psit, vt & Casareas Leges ad viuū referre, &  
omnes sui temporis scriptores, styli nobilitate su-  
perasse non dubitetur.

XIV.

GERARDVS hic cū sex admodum annis  
ad ordinis clauum concedisset, laudabiliter quē  
maiori Cartusie præfuisse, beato in Domino si-  
ne quieuit.

An. 1267.

Et nostro narrat Vs er Is pater a L Me Labore,  
Apt Vs es ha C Lata se De Gerar De fr VI.

XV.

GVILIELMVS I. Hic cū per annos circiter  
quinque præfuisse, obiit anno Domini millesi-  
mo ducentesimo septuagesimo octauo.

An. 1273.

Pastor I referes IVsto GVILIE L Me reposta,  
Annona Lenes h Vbere pascis o Ves.

XVI.

BO SO. De hoc superius in NOTES nostris  
ad cap. 17. Dorlandi: obiit verò non sine eximie  
sanctitatis opinione circa annum Domini ter-  
tium decimum post mille trecentos: cū iam  
ordinem vniuersum rexisset ad annos circiter  
quinque supra triginta,

An. 1278.

\* Suscitauit e-  
nim mortuum

Argento pretio Ve egeas a Vro Vé, qVID In Det  
Fra Cta Boso \* Par Cæ IVngere FILA potes.

XVII.

HAYMO, siue Aymo. De hoc quoque vide  
caput 18. Quindecim enim annis cū præfuis-  
set, ad cellæ quietem redire petens, compos fa-  
ctus est voti. Cū prius magnas habuisset cum  
nobilibus quibusdam, de quibus tamen foelici-  
ter triumphauit, difficultates controuersiasq;  
Ad quod etiam sequens alludit.

SVND



SVnt nhlLo fVrlæ,robVr fæ CLlqVe poten- *Ann 1304.*  
tes; *XVIII.*

FortIor eXosIs VIrlbVs HaYMo potes.

IACOBVS de Viuiaco. De hoc refert Sutor lib. 2. tract. 3. cap. 7. pag. 530. quod tante fuerit sapientie, discretionis, consilij, atque istum in modum cõtemplationi deditus, vt qui cùm eo verba facerent, Angelum se Dei reperisse crederet, vnde & imis summisq; precibus semel iterumq; obtinuit, vt ab officij sarcina posset amoueri: quod licet difficulter, consecutus est tamen. Ad quod sequens alludit Destichon.

QVIs ferat aVre bona, qVoD CeLLas seDI-  
bVs IpsIs

Antehabeo? Veras res IaCobe probo.

CLARVS (de quo Dorlandus cap. 20.) obiit anno Domini, fuitque antea PRIOR Cartusie Pariensiensis. Verum GENERALIS constitutus, præfuit ordini annis quinque vel sex.

*XIX.*

AnnIs CognItIone CLaro prænoMIne Vita  
Vrens & præIens ergo qVoVs qVe Lates?

IACOBVS secundum Generalis, qui tamen post quinquenium denuò absolutionem petijt, & accepit; vti sequens innuit Destichon.

*XX.*

VnDe IaCobe reDISperqVrlt gLorIa par Vos  
SIC rapVIsse nefas, Vt repVLIsse nefas.

HENRICVS cognomento Poleti antea Prior Parisiensis, succelsit Iacobo Viuiaco anno Domini millesimo trecentesimo quadagesimo tertio, rexitque Cartusianam familiam tribus annis, & postmodum Lutetiam Parisiorum reuersus, ibidem obiit; iuxta id quod habet Destichon.

*XXI.*

Fratri-



96 ELUCIDATIO IN LIB. IV.

Anno 1343.

FratribVs HenricVM ternos LargitVr In  
annos

*Acuperia ac rVrsVs plgnVs aVara rapit.*

XXII.

IOANNES II. cognomento Birellius (de quo capite 22. dictum) aliquot habuit ad Pontificatum suffragia, vtpote eximie sanctitatis vir, qui plurimum ordini profuit annis istis quatuordecim quibus & præfuit: obiit verò non finemiraculorum gloria anno Virginei partus sexagesimo post mille trecentos, ipsa Epiphaniæ solennitate.

Anno 1346.

*SVAViter & LAVtè Grates nVtrique Birell-  
LVM;*

*EffLVit hinc IVsto gratia tanta Viro.*

XXIII.

HELISARIUS (de quo similiter capite 23. diximus postquam annis circiter quinque magna cum laude sanctitatisque opinione Cartusiæ rexisset, obiit anno Domini millesimo trecentesimo sexagesimo septimo in die S. Barnabæ Apostoli, hoc est xi. Iunij.

Anno 1360.

*ELIsa soboles Pater est Helisarius ore.*

*Corporea horrefcens, æthera Mente ferit.*

XXIV.

GVILIELMVS II. cognomento Reinaldi (de quo Dorlandus capite 24. pag. 247. & nos in NOTIS) ex Priore vallis bonæ factus ordinis totus Generalis, Cardinalatum sibi oblatum recusavit. Quin immo etiam summum ad Pontificatum undecim habuisse suffragia dicitur: sed malens in sua delitescere Cartusiana quiete, cum ad annos circiter triginta quinque prudenter laudabiliterque ordinis negotia administrasset, pie sancteque in Domino obdormiuit, anno  
nimi-

nimirum partæ salutis millesimo quadringentesimo secundo, die quinta mensis Iunii.

*Annos 12 p La Citi s scitè no V a singls, & apt I An. 1366.*

*Ingen II stabl Les Das Rayna LDe notas.*

XXV.

BONIFACIUS ex nobili Ferrariorum oriundus familia celebre sibi per ordinem vniuersum conscivit nomen, quemadmodum ex Dorlando & Sutore superius fuit indicatum. Egerrat enim antea PRIOREM in domo Portæ cœli prope Valentiam, nobilem scilicet Hispaniarum Urbem. Verum in GENERALATV ad annos circiter octo constitutus, vltro cessit officio, anno nimirum Redempti Orbis decimo supra millesimum quadringentesimum celebris Iuris vtriusque Doctori ad quod sequens alludit Distichon.

(1p/I

*IVre In VtroqVe VaLens DoctVs BonifacIVs An. 1403.*

*LaVs fVlt, alter IVs se De ab IIsse bono.*

IOANNES III. de Griffomonte, natione Saxo, ex Priore domus Parisiensis, sedente capitulo Generali, anno millesimo quadringentesimo decimo, electus est in totius Ordinis GENERALEM, fecitq; officio suo, toto decem annorum curriculo, satis; sepultus cum Patribus suis anno millesimo quadringentesimo decimo.

XXVI.

*SolVs Iohannes Cœlestis gratia sola,*

An. 1410.

*Lasa Integra feret paCis a Mata bona.*

GVILERINVS (quæ Sutor & alij Gulielmū de Mota nuncupant, fuitq; istius nominis III.) admirandæ humilitatis, summæq; pietatis extitit, adeo vt vna cōtentus tunica, in victu potuq; magnum frugalitatis præberet exemplum. De

XXVII.

G

cuius

cuius eximij virtutib. cōsulat Lector Sutorē li.  
2. de vita Cart trac. 3. c. 5. p. 541. Ibi nāq; reperiet,  
quanta miraculorum gloria ante, & post obitū  
(hic autem fuit anno supra millesimum qua-  
dringentesimum trigesimo septimo, 18. Iunij.)  
floruerit: quod & sequens innuit Distichon:

Anno 1420.

*QVantV s eras V iVens, qVantV s GVILet Ine  
sepV LtV s,*

XXVIII.

*Temporis elapsi sacTa VtriVsqVe CanVnt.*

FRANCISCVS huius nominis I. cognomen-  
to *Miresme* ex Priore montis hilaris, quæ  
Cartusia iuxta Barcinonem in Valentix regno  
sitā est, in GENERALEM adsumptus, vir fuit  
non solum pietate clarus, verum prudentiæ o-  
pinione, & eruditionis laude cum primis cele-  
bris ita vt tempore Concilij Basileensis decem  
habuisse ad Pontificatum suffragia dicatur. Hic  
etiam ædificauit in maioris Cartusix confinio  
in honorem Deiparæ Virginis pulcherrimam  
Capellam, quæ etiamnum magno illic in pretio  
habetur, vocaturque B. Mariæ de Casalibus, O-  
biit autem die S. Vincentij Martyris, Anno Do-  
mini millesimo quadringentesimo sexagesimo  
tertio cum annis circiter viginti quinque Or-  
dinis curam gessisset.

Anno 1438.

*FranCisCofrVstra Ingestos qVIs CreDIt ho-  
nores?*

XXIX.

*QVId nIsI VItVtes aspera Vra Creant?*

IOANES IV. patria Neomagensis (quæ insig-  
nis Geldriæ vrbs est) cognomento Roefendal,  
cum esset professor ac Prior domus Vallis bene-  
dictionis propè Auinionē, electus est anno Do-  
mini 1463. mēse Februario, in totius ordinis Ge-  
nera-

hieraſalem. Obijtq; ſenex ac plenus dierum anno reparatæ ſalutis milleſimo quadringenteſimo ſeptuageſimo ſecundo in feſto S. Annæ, quod eſt 26. Iulij. AEtatis autem ſuæ ferè nonageſimo, regiminis vero nono: qui à multis *Angelicus* vocabatur, ad quod ſequēs quoque alludit Diſtichō.

*VIVat Ioannes Vlt a hVnc reVerentia, VILis*

*\*EXpers factoris nVnCVpat AngelicVM. \*Anno 1462.*

ANTONIUS I. Hic quoq; ex eiſdem Auiſionenſis domus Priore creatus eſt maioris Cartuſiæ, ſeu totius ordinis PRÆFECTVS; idque anno Domini milleſimo quadringenteſimo ſeptuageſimo ſecundo, obiit autem iſtius eiſdē ſeculi octogeſimo primo, die quarta decima menſis Februarij, ita v̄t annis plus minus houem præſuerit.

*ProDit occaſVS Abbas AntonIVs oris,*

*Anno 1472.*

*AEgyptVS ſi Leat GALLia Docta præſt*

Huc vſq; ſe extendebat Chronicon PRIO-  
RVM maioris Cartuſiæ, ſive GENERALIVM  
quod penes nos manuſcriptum habemus: vnde iā  
reliquorū potius nomina, quàm vel patria, vel vita  
conuerſatio enumeranda erunt.

ANTONIUS II. Quo anno hic regiminis XXXI.  
habenas ſuſceperit, conſtat ex numerali, quod  
ſequitur, Diſticho.

*Laſa ter hVbertas, ſi Magno AntonIVs aLter Anno 1482.*

*SVſſeCtVS, Flores frV Cſi FICantIs agrI.*

PETRVS II. cognomēto Rufus ſcripſit in Pſal XXXII.  
terium & in Cantica cuius Præſulatus tempus,  
ſequens indicat verſus:

G s

Plm

Anno 1495. PLVS reliqVIs aLLIs soClos nI PetrVs aMasset  
 Cartusia neqVe sIC enVtrIIsset oVes.

Obijt verò an. 1503. De quo vide Sutorem lib.

XXXIII. 2. vitæ Cart. pag. 527.

FRANCISCVS II. Hic est ille celebris I. V.  
 Doctor à Puteo trahens nomen de quo Sixtus  
 Senensis libro quarto Bibliothecæ sanctæ ita  
 scribit: *Franciscus Putcanus*, CARTVSIAE  
 Prior 33. viri<sup>usq</sup>, iuris DOCTOR prae<sup>st</sup>antissi-  
 mus. & in sacris scripturis exercitatus, composuit  
 ad imitationem Diui Thomæ Aquinatis Auream  
 Cathenam super Psalmos. In qua explanationes  
 Patrû Latinæ Ecclesiæ in Psalterium, adiectis et-  
 iam eorum nominibus, maxima diligentia, miroq;  
 artificio congregauit. Prodiit hæc cathena Parisijs  
 in folio, anno 1529. Curauit etiam imprimi Basi-  
 lex apud Amorbachium antiqua ordinis statu-  
 ta, anno Domini 1510. Quin & Diui Brunonis  
 canonizationem vt vocant, anno 1514. studiosè  
 procurauit, recuperauitq; ordini domum SS.  
 Stephani & Brunonis in Calabria sitam. Fuit ve-  
 rò patria Lugdunensis, & duorum Episcoporû,  
 Valentiaë scilicet & Gratianop. à multis annis  
 Officialis. Verum cùm ætate iam quinquagena-  
 rius esset, relictis rebus omnibus mundanis, di-  
 uino se, maiori in Cartusia famulatu adduxit.  
 Neque longè post, ad domus eiusdem Prioratû  
 est euectus. Quam quidem octodecim annorû  
 curriculo tanta quum prudentia gubernauit, vt  
 posteris omnib. perpetuâ suâ memoriâ relique-  
 rit. Excessit verò rebus humanis anno vicesimo  
 primo post sesquimillesimum, mense Sept. Qui,  
 quos

quoniā statuta suo tēpore typis mandari præcepit, hinc eiusmodi meruit numerale Distich. *Anno 1304.*  
*Cartusianus hic est, qui suppleat arte re-*  
*trusa,*

*Et sanè exCVlat sancta statuta patrVM.* XXXIV.

GVLIELMVS III. cognomento Bibaucius, honesto imo & splēdido loco in Flandria natus, cū esset puer annorū nouem, Louanium à parentibus studiorum causa missus tantos ibidē in literis fecit progressus, ut ingētem omnibus admirationē excitaret. Erat enim ingenio acri ac vehemēti, memoria vero tam tenaci, ut quidquid semel apprehendisset, nulla temporis diuturnitate euanesceret. Quā verò dulcis eloquio fuerit, diuinarumq; peritus literarum, Conciones illæ Capitulares, quas in præcipuis quibusdam anni Solemnitatibus publicè in Conuentu habuit, liquido testantur, impressæ nimirū anno 1539. studio Iudoci Hessi, Erphordianæ domus priore, quibus etiamnum ordo plerisq; in Domibus vtiur. Cēterum Bibaucius adulta iam ætate beneficio Principis, cuius liberos erudiebat, ad summos honores ac dignitates euectus, soli Deo placere desiderās, Cartusianæ se familiæ Gandaui addixit: & tandem Generalis ordinis designatus, ad maiorem se conferre Cartusiam, obediētiæ compellente præcepto, debuit: cui ad annos circiter tredecim magna cum laude præfuit.

*Efficit aternos plerosq; vescentia parta,* *Anno 1541.*  
*Ve Lregnantis bonos, hæc GVILIELMUS senes.*

IOANNES V. cognomento Gailhardus, est XXXV.  
 idem ille, cui anno Domini 1539. dedicauit P. Iu-  
 G 3 docus

102 ELVCIDAT. IN LIB. IV.

docus Hæssus conciones Capitulares Guilhelmi Bebauci; cœpitq; præesse circa annum Domini 1534. iuxta id quod habet Distichon.

*Os Canēs\* solVM, Ce Lebrata scientia, Virtus*

Anno 1620.

*Ioannes tleVLI nobilitatVS erat.*

XXXVI.

PETRVS III. Huius quoque regiminis tempus, sequens indicat Versus.

*ECCE thronVS Petro est ex forti pectore posCVnt.*

An. 1541.

*Irre qVleta patris MVnla CartVstæ.*

XXXVII.

IOANNES VI. Similiter, & de hoc deuotissimo patre nihil habemus aliud, nisi vt sequenti eum condecoremus Disticho.

*CVr est prælatus, qVallis, qVantVsqVe VeLapio.*

An. 1594.

*NOMine Ioannes VatICInare pLaGet?*

XXXVIII.

DAMIANVS, consimili quoque honore & hunc R. Patrem dignabimur: Huic quippe anno Dom. 1553. dedicauit P. Bruno à Loer Conciones Lanspergij de Sanctis.

An. 1553.

*HVbere VatIseget Vena, reVerens IaVlæ,*

*Interea ex IgVItæ DAMIane nVtrI.*

XXXIX.

PETRVS IV. cognomento Sardenus, præesse cœpit anno Domini 1554. cui deinde anno sequenti epistola quadam dedicatoria, minoribus Ioannis Lanspergij operibus præfixa, publice congratulatus est præfatus P. Bruno Loherius, huius nostræ domus Vicarius doctissimus iuxta ac pientissimus.

Anno 1554.

*CrIspenVr VemI, MoVeasVr iVrba proceLLæ,*

*SaXo exXIsa Petro CartVstana petra est.*

XL.

BERNARDVS II. cognomento Carrissus, cuius supra mentionem fecimus lib. I. Notarum S. p. Hic ad annos circiter viginti maiori præfuit Cartusia, neq; solū præfuit, sed & plurimū profuit.



fuit. Dedit namque operā, ut Homiliaria Ordinis, quibus nocturnis plerumque temporibus in diuino officio utimur, & hactenus non nisi manu scripta exabant, regali folio magnificentissimè Lugduni Galliarum, maioris Cartusie expensis, ann. Domini 1585. imprimerentur, adhibitis exquisitissimis elegantissimisque, iconibus Theobaldi Ancelini. Quin & Lutetie Parisiorum spectabili caractere, chartaque probatissima Nouam Cartusiensium Statutorum Collectionem an. 1582. prælo mandari curauit, apud Henricum Theoderici, via Iacobeā, sub Sole aureo. Taceo de nostri instituti breuiarijs ac Diurnalibus: in quibus reuidentis reuidentisque magnam præfatus Pater diligentiam posuit: quoad usq; graui pressus senio, vitam pientissimè finiret, anno nimirum Domini 1587,

*Nescio si redeat Cælo Bernardus ab alto,*

An. 1566.

*Sive recens alter proslit arce poli.*

XL.

HIERONYMVS I. cognomento Lignanus, præter alia quæ vniuerso præstitit Ordini commoda, curauit expensis maioris Cartusie in magno folio cum cantu imprimi HYMNOS omnes, quibus per totius anni circulū utimur; idque per Theobaldum Ancelinum an. Do. 1588. quo & mortuus est, adeo ut vix biennio præfuerit.

(parce,

*Fert litera vnā recens, ut egens vate hybere*

An. 1583.

*Hoc quoque valeat nomen habere sit lo.*

HIERONYMVS II. cognomento Marchāt, ex Priori Cartusie Lugdunensis ob eximiam pietatem, insignemque vitæ sanctimoniam an-

XLII.

no Domini 1588. in totius Ordinis **GENE-  
RALEM** est electus, cui præfuit vsque ad an-  
num nonagesimum quartum.

*Anno 1594. Talis CartVsla soboLes HleronIMVs aCtIs  
CVLIs, Vt raplat, VeLV loLenter, epos.*

**XXXIII.**

**IOANNES** Michael, istius nominis VII. pa-  
tria Constantiensis cum antea plurimis annis  
laudabiliter Cartusie Pariensi præfuisse, tan-  
dem ad totius ordinis præfecturam promoueri  
meruit. Cui nō minus piorum scripture libro-  
rum, quā integerrimę vitę cōversatione pro-  
fuit. Edidit enim *Exercitia spiritualia Triplicis vie.*  
*Item Enchiridion quotidianorum spiritualium exerci-*  
*torum:* nec non & *Decachordum Psalterium.* Cuius  
celeberrimo quoque nomini inscripta est ante  
annos decem Gregoriana Confessio: adeo ut si  
quis tanti Patris virtutum breue quoddam cu-  
piat habere compendium, dedicatorem huius  
Confessionis queat cōsulere epistolam: vel po-  
tius pientissima huius deuotissimi Patris scri-  
pta, quæ calamo exarauit, publicique iuris effe-  
cit ad quæ sequens alludit numerale Distichon.

*Anno 1594. Noster pLenus honos Ioannes fV Lget In alto.  
SVaVIVs bVnC oCVLIs, aC ManV ar ante  
Leges.*

**BRUNO II.**

**BRUNO II.** cognomento Daffringues, patria  
Audomaropolitanus, foelici nomine an. iubilæi  
proximō, qui fuit humanę salutis 1600. commu-  
ni Patrum conscriptorum suffragio, ex priore  
Auinionensi in totius ordinis **GENE-RALEM**  
est ad scitus; cū antea in seculo degens ob in-  
signem iuris peritiā aliquāndiu Auinionen-

sis

sis, Curia fuisset OFFICIALIS. Qui tamen exemplo Bonifacij Ferrarij, nec non & Francisci Puteani, celeberrimorum Iuris vtriusq, Doctorum integerrimorum nimirum predecessorum suorum, spretis mundi honoribus, dignitatumque titulis, ad horrendam maioris Cartusie heremum, quasi ad tutissimum salutis portum libens volensque confugit, In qua etiamnum, tanquam in sublimi specula ANTISTES constitutus, ordini praestit vniverso, grauiter primi antecessoris sui DIVI BRVNONIS vestigijs insistent, vti olim hisce lusimus versiculis.

BRUNO DAFFRINGVES *hoc sanctum claudit ouile.*

*Moribus antiquis se suosq, regens.*

Verum vt etiam numerali carmine eiusdem Reuerendi Patris (cui vitam apprecamur longæuam, ac valetudinem tantis laboribus paræ) electionis annum, vti in superioribus omnibus Generalibus Ordinis Ministris fecimus, exprimamus, ac primum sacri ordinis SANCITISSIMUM Præsulem secundo, huius eiusdem foelicissimi nominis iungamus, eccum hoc.

NUNCCLTO, NUNC EXECTAPETO NAVALC CARL. Anno 1600.  
na.

*Prora Mibi BrVno, BrVnoqVe pVppIs arat;*

FINIS LIBRI IV. NOTARVM.

# ELVCIDATIO, NES IN LIBRVM QVINTVM CHRONICI CARTVSIENSIS.

**C**AP. I. pag. 267. B. Euangelista Marcum ferro sibi ipsi pollicem ademisse, & si non solum Dorlandus hic referat, ipseque Marcus Marulus lib. 1. rerum memorabilium, cap. 6. allegando nimirum testimonium D. Hieronymi, in Prolog. ante Marcum, tamen (si Baronio fides habetur) non nisi mera est fabula: hæc namque formalia ipsius sunt verba: *a illa vulgi ore potius*

*An verum sit  
B. Euangelista  
Marcum  
seipsum pollicem  
truncasse.*

*2 Tom. I. An  
ual. an. Domi  
ni 45. in fine.*

*decantata, quam maiorum auctoritate adserta  
fabella reijcitur, qua dicitur, Marcum aded repugnasse ne Episcopus fieret, quantumlibet esset rogatus à Petro, ut ea de causa pollicem sibi ipse præsciderit: hoc etenim quod à quodam Anachoreta factum esse constat, Marco Euangelista imprudenter nimis adscribitur; In eadem quoque sententia est doctissimus ille Louaniensis Theologus D. Ioannes Molanus, dum ait; b Si quis cupiat*

*b Lib. de Pi-  
cturis & Imagi-  
nibus, in fi-  
ne cap. 38.*

*Marcum Euangelistam absq; dextro pollice pingere, picturam hanc Episcopalis forcè auctoritatis reijciet. Quia non tantum primo Canone Nicani Concilij prohibitum est seipsum mutilare, sed etiam Sacra Scriptura auctoritate. Tum quoque c Isidorus id non tam adserit, quam ab alijs referri dicit. Quod quidem desumpsisse putatur ex præfatione non Hieronymi, sed Græci cuiusdam in Marcum; quæ sic habet: Amputasse autem sibi post fidem pollicem Marcus dicitur, ut*

*c Cap. 8. de  
Patribus Te-  
stamentis.*

*Sacer-*

*Sacerdotio reprobu haberetur.* Hæc ibi. Cate-  
rnm \* Ammonium heremitam, quod attinet  
cuius hic etiam Dorlandus meminit, de eo sic  
passim refertur, quod Originis Didymiq; disci-  
pulus cum esset, aurem sibi præsciderit, ne Epis-  
copali idoneus officio haberetur, qui cum ni-  
hilominus ad eandem vrgeretur functionem,  
respondisse, se linguam quoque sibi amputatu-  
rum ni missum eam facerent. Sic namque ha-  
bet d aurelius Cassiodorus, nec nõ & Lausiaca e  
Palladij Historia. Interim verò Petronij huius,  
quem Dorlandus putat pollicem sibi abscidisse  
fit mentio Tom. 3. Surij, 20. Maij, in vita nimirum  
f Bernardini Senensis. Vbi cum recensentur exi-  
mix aliquot sanctitatis Viri, qui ex celebri illa  
hospitali Domo de la Scala, prodierunt inter cæ-  
teros etiã hic B. Petronius de Petronijs connu-  
meratur. Vnde cõstat illũ vixisse ciica an. Do.  
1420. Obijt namque præfatus Bernardinus sub  
Eugenio IV. anno scilicet Virginiei partus 1444.

CAP. III. & IIII. Agitur duobus hisce capiti-  
bus de duabus admirandæ pietatis Virginibus,  
ac nostri instituti Monialibus, de quibus nihil  
præterea apud alios reperire licuit, nisi quod  
Canisius suo in Martyrologio vtriusque memi-  
nerit; dicens: S. Margarethæ obitus diem in-  
cidere in 30. Aprilis; Beatricis verò in 13. Fe-  
bruarij.

CAP. V. pag. 272. Ne cui mirum fortè vide-  
atur, quod pius hic Ruræmundanæ Cartusie re-  
ligiosus viderit Diuam Virginem cum filio ex  
altari ad se discendentem, referam hic consimi-  
le exem-

\* Dorlandus  
eadem pagina  
267. lin. pen-  
ult.

De Ammonio  
heremita, au-  
riculum sibi  
præscidente,  
d Lib. 8 c. 1.  
& Histor. 12.

f § 6.

le exemplum, quod circa annum Domini quadregesimum supra millesimum ducentesimum in Lusitania contigisse PP. Dominicanorum referunt Annales. Idque hisce verbis. *Circa annum Domini 1240. claruit cur vita inculpata & probatissima* F Bernardus, qui in Portugallia in Conuentu Sancterenensi Sacristam agens, puerulos aliquot nostrae religionis habitum gestantes, post Missarum peracta mysteria, lueris informabat ac moribus. Qui ex domibus maternis ientacula secum ferentes, postquam sacris aliquot inuierant, ad Capellam quandam in eadem Ecclesia diuertere, & ientaculum ibidem sumere consueuerant. Porro erat illic in alteri posita B. Virginis imago, & in sinu eius paruulus IESVS, qui semper paruulorum humilitate delectatur & simplicitate, qui de sinu matris descendens, cum illis ientaculum sumebat. Quod cum aliquot vicibus fecisset, paruuli ad Magistrum rem queruli deferunt, narrantes quod ille paruulus ad eorum ientaculum semper descenderet, nihilque in symbolum secum adferret. Verum prudens ac religiosus Pater, re ista ab innocentium ore percepta, eos instruxit ut puerulo ad se denuò descendenti dicerent, quatenus & se & Magistrum vicissim ad suum inuitaret ientaculum. Qui cum solennem Ascensu sui diem, Ihs adsignasset, tam pueri quam eorum instructor innocentem Deo, spiritum, post Missarum peracta solennia reddentes, ad eum lati peruenire, qui iubet paruulos venire ad se, dicens talium esse regnum caelorum.

CAP.

Inuenitur in  
Chronico P.

Anthoniij Se-

uens. impresso

Paris. apud

Nimellium an-

no 1585. &

ad finem Mi-

raculor. Petri

Venerab. re-

cusorum Du-

aci. an. 1595.

apud Bellerū.

Math. 19. v.

14.

CAP. VI. pag. 277. fit hic mētio Stephani cuiusdam insignis peccatoris, natione Flandri qui intercedente B. Maria Magdalena, suorum obtinuit veniam delictorum: de quo Iacobus de Voragine in festo S. Mariæ Magd. Quin & a Syluester Prieras Eliam Dominicanum quendam dicit ab eadem confortatum, ne suæ desereret habitationis domicilium. a Tom. 4. Sufferij 22. Iulij.

CAP. IX. pag. 281. redditur hic ratio, cur Ordo Cartusienſis post lectam Primam de Sanctissima Dei Genitrice, nudum subiungi officium voluerit; nempe, *Salve sancta parens*, quod quilibet priuatim in sua persoluit cella sine ullo solenni ritu aut consecratione. De quo ita etiam Ioannes Molanus in Natal. SS. Belgij, in vita S. Aiberti Confessoris, quæ est 2. Maij. *Meminerint*, inquit, *hac in parte imperitiores, Cartusianos Patres singulis nobilibus officium Misse, citra tamen celebrationem de B. Maria dicere*, Cuius etiam Petrus Sutor meminit lib. 2. vitæ Cartus. Tract. 4. cap. pag. 701.

CAP. XIII. pag. 286. Arnheimiensis hæc Cartusia, cuius hic meminit Dorlandus, à Duce Geldriæ olim sumptuosè ædificata, in hoc Belgico tumultu funditus est euerſa: licet quondam eximios aliquot habuerit & pietate & eruditione præstantes Viros. Cuius idcirco magna cum laude meminit b Thomas Campēsis, in vita Gerardi Magni, dicēs illum loci istius pietate captum, eo se contulisse, cellamque Cartusianorū amore incoluisse, carnemque ferocientem sat rigido cilicio spiritui subiugasse. Fuit autem hæc Cartusia *Domus Monachorum* ideo vocitata, quod eius fundator cum esset maximarum opum vir, b cap. 4. & 7. Domus Monachorum, unde vocitata Arnheimiensis Cartusia. Gerardi nide Mōnicha



titō ELVCIDAT. IN LIB. V.

& mirè compatiens ijs, qui ab hominū conuer-  
satione seiuncti, in solitaria vitæ quiete Regi  
Regum arctius famulantur; largiora voluerit  
ijsdem assignare habitandi domicilia; adeo vt  
pro regia magnificentia loci illius Monachis  
domos potius, quam cellulas fabricari iusserit:  
quæ tamen iam oēs (proh dolor) in fauillâ cine-  
resq; redactæ. Loci verò huius fundator fuit Rei-  
naldus 1. Geldriæ Dux qui obiit annō 1343. & v-  
xor eius Eleonora, Eduardi Angliæ Regis filia.

CAP. XXIII. in fine. Cur B. Gregorius Papā  
pingatur passim celebrans corā Dominicæ pas-  
sionis imaginē, videat Lector apud Ioannē Mo-  
lanū, cap. 61. de picturis & imaginibus; dicitur  
namq; Christus tali schomate B. Gregorio sacris  
operanti apparuisse.

CAP. XXVI. pag. 302. Videtur hoc exemplum  
diuersum esse ab illo, quod Petrus Sutor lib. 3.  
vitæ Cartusianæ hisce verbis enarrat. *a Roma*, in-  
quiens, *puerulus quidam materna egressus do-*  
*mo, dum per vicos vrbis vagaretur, & gurgitē seu*  
*puteum quendam despiceret, cadens in præceps*  
*submersus est. Quem anxia mater sollicitè perqui-*  
*rens, tandemq; fortè in gurgitem prospiciēs, cha-*  
*rißimi pignoris sui pileum super vndas natū antem*  
*animadvertit: tum grauissimis adfecta laboribus,*  
*in maximisq; singulibus plena, eiulare, aurās q;*  
*implete. Cæpit & prudentius feruentissimis precibus*  
*B. Nicolaum pulsare, totaq; illi mente extinctum*  
*filiū cōmendare. Res mira: resedit qui erat mor-*  
*tuus. Qui, inquam, obrutus aquis miserabiliter fue-*  
*rat deploratus, super aquas viuus hilari vultu pro-*

spc&as-

2. Traß. 3. ed.

4. pag. 301.

ſpectabatur. Quid plura? diligenter extractus ſine laſione inuenitur, gratie ingentes aguntur, rumor per urbem volitat, qui & Pontificis aures pulſat, ſolennis proceſſio pro gratiarum actione inſtituitur, concurritur, atq; in loco edito puer collocatur. Qui vagis oculis omnia luſtrans, CARTVSIANVM quendam qui tum aderat, inter ceteros animaduertens, citato grefſu eñ adiit, cucullamq; illius arripiens, in hac verba prorupit: De iſtis eſſe volo, de iſtis eſſe volo; in ſuperna etenim patria immenſum iſtorum numerum vidi, æterna illa gaudia iſtis plena coruſcant. *Quibus diſſis*, ſub cuculla deliteſcens, forſiterq; manu retinens vix dimoueri potuit. Subdit deniq; Sutor hæc palàm in omnium oculis Romæ eſſe geſta, dicitq;: *hec autem cum in villula vel oppidulo acta non ſint, ſed in Vrbe clariſſima, in Vrbe, inquam, illa quæ (ſi Poëta creditur)*

Mirum teſtimonium de Cartuſiane vite ſanctiſſima.

tantum alias inter caput extulit vrbes,

Quantum lenta ſolent inter viburna cupreſſi,  
ſatis oſtendunt, quàm ſit Deo Cartuſiana vita grata.

Virgil. in Bucol. Ecloga 1.

CAP. XXXVII. pag. 318. lin. 2. Quàm periculofa ſit procraftinatio, maximè ijs qui taciti ſecū priuatum aliquod ſeu ſimplex conceperunt votum, vel alias diuino inſtinctu ad religionis ingreſſum ſe pertrahi animaduertunt, patet euidenter ex epiſtola D. Bernardi centeſima octaua: in qua grauiter increpat Thomam de S. Audomaro, qui tranſgreſſus terminum quem poſuerat, religionis ingreſſum procraftinans, annuas adhuc flagitabat inducias: quem idcirco vir Sanctus hiſce alloquitur verbis; *Terminum poſuiſti, quem non oportuit tranſgredi. Tranſgreſſus eſ, quid*  
ad

ad me? Tuo Domino stas, aut cadis. Obsecro redi ad cor,  
 & aduerte hunc annum terminum, quem tu tibi indul-  
 sti in iniuriam Dei, non esse annum placabilem Domino;  
 sed discordiæ seminarium, iræ fomitem, nutrimentum a-  
 postasse, qui spiritum extinguat, gratiam intercludat, te-  
 pore adferat illum, qui Deo solet vomitum prouocare.  
 Heu, heu, videris mihi vno spiritu ambulare, sicut & vno

Exstat episto-  
 la D. Bernar-  
 di ad hunc  
 Thomam de  
 Beuerle, & q;  
 107.  
 b Homil. 12.  
 in Euangl.  
 Ibidem.

cenferi nomine cum altero illo Thoma, olim scilicet Pre-  
 positio de Beuerle, qui cum se similiter nostro Ordini, &  
 nostræ Domui toto desiderio deuouisset, cepit induciari,  
 & ita paulatim refrigescere, donec subita, & horrenda  
 morte præceptus, factus de medio est secularis, & præua-  
 ricator & duplo filius gehennæ. Rectè ergo B. Gre-  
 gorius olim dixit: b Qui pœnitenti veniam spondit,  
 peccanti diem crastinum non promisit. Quod ita se ha-  
 bere terribili admodum Chrisaurij cuiusdam  
 comprobatur exemplo, qui cum agone ac dæmo-  
 num cateruis acriter conflictans, horrenda vo-  
 ce proclamabat: Inducias vel vsque mane, inducias  
 vel vsq; mane. Sed cheu, in ipsis suis vocibus, de  
 habitaculo carnis anima confestim euulsa est.  
 Quàm ergo prudenter nos præmonet Ecclesia-  
 stes, dum ait: c Quodcumque facere potest manus tua, in-  
 stanter operare; quia nec opus, nec ratio, nec sapientia, nec  
 scientia erant apud inferos, quo tu properas. Et cœlestis  
 d Deu. 13. 21 ille Legifer; d cum votum voueris Domino Deo tuo,  
 non tardabis reddere: qui requiret illud Dominus Deus  
 tuus; & si moratus fueris, reputabitur tibi in peccatum.

c Cap. 9. v. 10

d Deu. 13. 21

c pag. 326.  
 An 6.

CAP. XLI. Disceptat hoc loco Dorlandus cū  
 illis, qui arbitrantur Cartusianos propriæ obse-  
 se valetudini, dum ab esu vsq; carniū penitus  
 abstinent; dicitq; e vitellis ouorum non minus  
 posse consulere valetudini, quàm carniū esu;  
 quæ

quæ etiam insignium aliquot medicorum est  
sententia. Quemadmodum latius probat Petrus  
Sutor lib. 1. vitæ Cartusianæ, pag. 182. maximè ve-  
rò cap. 8. Tract. 3. Vbi materiam hanc ex profel-  
so pertractans, insignes aliquot adducit rei Me-  
dicæ Doctores, huic Dorlandi sententiæ sub-  
scribentes, probatq; ex ipso D. Hieronymo ante  
diluvium (cuius etiam Dorlandus hac eadem  
pag. 326. lin. 10. meminit) non fuisse in usu apud  
primæuos illos Veteris Testamēti Patres (quo-  
rum tamen nonnulli ad tam longævum perue-  
nere ætatem, vt ipsam Mathusalem haud pro-  
cul à millesimo ætatis suæ anno abfuisse facere  
testentur literæ) carnium esum. Hinc est quod  
B. Hieronymus contra Iovinianum inter cætera  
sic ait: *g Ab exordio conditionis humana nec carnibus  
vescebamur, nec dabamus repudium, nec præputia nobis  
eripiebantur in signum. Hoc cursu vsq; ad diluvium per-  
venimus. Post diluvium autem cum datione Legis, quam  
implere nullus potuit, carnes ingestæ sunt ad vescendum.  
Imò & Philosophorum nonnulli; adeoq; & gē-  
tes natione Barbaræ, vt rerum difficilium con-  
templationi commodius possent vacare, non  
nisi vel agrestibus herbis, vel alio vulgaris cibi  
genere famem voluere depellere, adeo, vt om-  
nem carnium esum vtrò à se profligauerint. Quæ  
admodum de Pythagora, celebri in primis Phi-  
losopho constat: quem hoc pacto super hac re  
differentem ac cum ijs qui carnibus animalium  
vescebantur expostulantem, Naso introducit:*

*Hen quantum scelus est in viscere viscera condi,  
Tongestumq; avidum pinguescere corpore corpus,  
Akerimq; animantibus animantis vivere letho?*

¶

Scilicet

*Explicatur  
ter Dorlandi  
locus, quo ad-  
dit ante dilu-  
vium carnium  
esum visitatū  
non fuisse.*

*g Genes. 5. 27.*

*Ante diluvi-  
um homines  
non comedis-  
se carnes.*

*g lib. 1. comp.*

*Ionu. cap. 10*

*Lib. 13. Mo-  
am. 2.*

# 114 ELUCIDAT. IN LIB. V.

Scilicet in tantis opibus, quas optima matrum  
Terra creat; nil se nisi tristia mandere seuo.  
Vulnera dente iunat? ritumq; referre Cyclopum?

Sed ut videas quibus nos velit cibus vesci,  
quod ad philosophandum instructiores animo-  
que sagaciores reddamur, audi eundem, & si  
potes sequere:

Ibidem.

— sunt fruges, inquit, sum de Lucenia ramos  
Pondere poma suo, tumidaq; in vitibus vuae,  
Sunt herbae dulces, sunt quae mitescere flamma,  
Molliriq; queant; nec vobis lactem humor  
Eripitur, nec mella thymi redolentia flore.  
Prodiga diuitias, alimenta q; mitia tellus  
Suggerit, atq; epulas sine caede, & sanguine praebet.

Vide Francis-  
cū Petrosch.  
lib. 2. de vita  
solitaria, &c.  
6. cap. 1.

Cum hac cibi frugalitate vitam tolerasse iu-  
cundam videtur Dydimus ille, Brachmanarum  
Rex, qui in epistola ad Alexandrum Magnum ita  
scribit. Habebis maximas cum voluptate opes,  
si ita mecum viuere voles; non vescor animalium  
visceribus ut leones, nec intra pectus meum inclu-  
se quadrupedum aut volatiliū carnes putres-  
cunt, nec sumus mortuorum sepulchrum, sed proui-  
dentia naturalis omnes mihi fructus, ut lac mater  
infundit. Persarum quoq; à Xenophonte victus  
exponitur, quos negat ad panē adhibere quid-  
quam, praeter nasturtium: quanquam, si quaedam et-  
iam suauiora natura desideret, inquit h Cicero, quam  
multa ex terra, arboribusq; gignantur cum copia facili,  
tum suauitate praestantia? adde liccitatem, quae consequi-  
tur hanc victus continentiam, adde integritatem valetu-  
dinis, confer sudantis, refertos epulis, tanquam opimos  
boues, &c. Atque hinc est quod venter pinguis,

h Cicero libr.  
3. Tusc. quae st.  
band procul à  
fine.

ac carnis edulio benè saginatus, non solùm non gignat sensum tenuem, sed in Venerem despumet: adeo vt rectè D. dixerit Bernardus: *i Absti- i Serm. 66. in*  
*neo à carnibus, ne dum nimis nutriunt carnem, simul & Cant.*  
*carnis nutriant vitia. k Qui autem in carne sunt, k Rom. 8. 8.*  
 Deo, inquit Apostolus, placere non possunt.

Sed forsitan cum Iouiniano obijciat quis Car- **OBIECTIO.**  
 tusiano, cur carnes igitur à Deo creatæ sint, an **Tit. 1. 15.**  
 non iam munda mundis? an non opera Domini **Ecc. 39. 21.**  
 vniuersa bona valdè? Huic paucis cum I D. Hie- **SOLVTIO.**  
 ronymo responde, vt nimirum milites & athle- **I Hieron. lib.**  
 tæ, nautæ, fuctores, metallorumque fossores, & **2. aduersus Io**  
 cæteri duro operi mancipati homines; cibos **uinian. cap. 5.**  
 haberent competentes, quibus corporis pos- **m Ibid. cap.**  
 sent fouere fortitudinem. *m Quid autem necesse est, m Ibid. cap.*  
 inquit idè, viro sapienti, & Philosopho **CHRISTIANI 8. in fine.**

**STI**, tantam habere fortitudinem, quæ athletis  
 & militibus necessaria est; quam cum habuerit, ad  
 vitia pronocetur? Illi arbitrantur carnes sanitari  
 congruas, qui volunt abuti libidine; & in cænium  
 dimerfi voluptatum, ad coitum semper exæstuant.  
 Christiano (& præcipuè Cartusiano) sanitas  
 absq; viribus nimis necessaria est. Itaque cum  
 religiosi maximè incumbat mortificare mem-  
 bra sua quæ sunt super terram; carnemque spi-  
 ritui subijcere, ac semper mortificationem IE- **1. Cor. 4. 10**  
 SV Christi in corpore suo circumferre; hinc  
 non solùm **CARTUSIANI**; sed & Benedicti-  
 ni, imò & Cluniacenses, Cistercienses, aliæque  
 complures religiosorum familia; ab esu carni-  
 um abstinentes, leguminibus plerumque atque  
 cæleribus vitam parcè frugaliterque olim tole-

**Hæ rabant.**

*ibidem in  
princip. eius  
deus 8. cap.*

rabant: quæ uti libidinis seminarium minus inflammant, sic & facilioris sunt digestionis. De quibus vnumquemque nostrum salubriter monens Hieronymus, iubet ne tales accipiamus cibos, quos aut difficulter concoquere, aut comesos, magno partos, & labore perditos doleamus: *n. Hæterum verè, inquit, pomorum, ac leguminum, & facilior apparatus est, & arte inspendijsq; coquorum non indiget; & sine cura insuper humanum sustentat corpus, moderateq; sumptus (quia nec auidè donatur, quod irritamenta gula non habet) leuiori digestionè concoquitur. Nemo enim vno aut duobus cibis, huiusq; vilibus, vsq; ad inflationem ventris oneratur; quæ diuersitate carniuum, & saporis delectatione precipitur.*

*6 Tom. 6. Suvrij 18. Noembr. lib. 3. cap. 2. vitæ B. Odilonis. Horrenda dicitur Monachorum mors carnes contra regale præscriptum edere volentium*

CAETERVM, quàm seuerè diuinà animaduertent vindicta in illos, qui contra Legislatoris sui decretum, ad ollas redierint carniuum; ijsq; non sine ingenti monasticæ religionis dispendio sese ingurgitauerint, posset varijs comprobari exemplis. Nam Beatus Odo primus Cluniacensis Abbas, duo reuera terribilia Iohanni discipulo suo, qui eius vitam literis bona fide consignauit, exempla in hunc modum retulit. *O per hos dies, inquit, duo fratres admodum repentina extincti morte sunt, non tamen eodem vel loco, vel tempore. Alter eorum venit ad domum sororis sue, aitq; se mirum in modum esurire. Illic respondet soror, magnam sibi piscium copiam suppetere; comederet quos, & quando vellet. Ille propè indignabundus, ait se fastidire pisces;*



ces, quibus tot annis perpetuo usus esset, nec iam illis vesci se posse. Tum soror; en, inquit, in promptu nobis carnes sunt, ede quantum libet. Iussit ergo ille affari armum: sed interim tamen mora impatiens, particulam eius misit in prunas, & vino alato, auidè illam in os coniecit. Mox adest vitis cœlestis. Particula petulanter sumpta, heret in gutture, nec glutiri potest, nec rejici, strangulat hominem, & cogit infelicem expirare animam.

P Alter manè ad patris sui ades veniens, rogat num quid habeant, quod possint ipsi edendum apponere. Illis dicentibus, nondum esse adendi tempus, respondet iratus; hem tota nocte equitavi, ut explerem quod iussus sum, & vos ieiunare me cogit? Adferte, si quid habetis. Ajunt illi se habere pisces. At miser acrioribus etiam iracundia stimulis percitus, & factu tumidus, huc illuc circumfert oculos, videtq; gallinarum gregem ad pedes suos. Mox non sine furia quadam, arrepto baculo vnam ex eis, qua ei arrideret, percussit, oreq; rabido; hac mihi, inquit, modo piscis erit. Qui tunc illic aderant, non sine rubore ajunt ad eum: fortassis licet tibi, pater, vesci carnibus. At ille; volatilia, inquit, non sunt caro. Vnam enim habet cum piscibus originem, pariq; cum illis conditionis sunt, sicut habet quidam hymnus noster. Ad hac eius verba conticuerunt omnes. Deinde apposita est illi ass. galina, ex qua cum morsellum accepisset. Tum nec traicere in stomachum, nec exspuere potuit, repente è medio sublatu: Eheu, quam graue est,

P Refertur quoq; hoc exemplum à Patro Abbate Cluniacensi. cognomine venerabili lib. 6. Epist. 17.

Onequam Monachus, ac petulantem insipienti sui prænariatorem, irrioremque

*Epist. 17. lib. 6. in qua ex professo probat carniū esum duplici ratione Cluniacens. inhiberi.*

*q. cap. 2. circa finem.*

*Cartusianus carniū vescens, an mortaliter delinquat?*  
*Ita quoq. sentit Nanartus lib. 3. Consil. consil. 10. § 6. licet Emanuel Sa. in verbo Religio cōtrarium teneat: quem arbitror nostri Ordinis statuta non legisse.*  
*2. parte Nonæ Collect. Statutor. ca. 10. § 2. 4.*

incidere in manus Domini. *Hæc est certè, inquit, Petrus Cluniacensis, loco ad marginem citato, primi & sancti Patris tui Odonis de carnibus Monachorum sententia, hæc doctrina.* Sed quid mirum si Benedictini, Cluniacenses, ac Cistercienses olim à carniū esu abstinerint, cū etiam D. Athanasius fateatur sui temporis Monachos idem fecitasse? sicut enim in vita B. Anthonij ait: *q. sumebat panem & sal. poturq. aqua perparum; de carnibus verò & vino tacere melius puto, quàm quidquam dicere: quoniam nec apud plurimos quidem Monachorum istiusmodi esca in usu haberentur.*

Porro, peccetne mortaliter, an verò venialiter Cartusianus, agens nimirum contra hoc tã laudabile ac peruetustum sacri Ordinis institutum, inde vel facilè cōstare posse videtur, quod olim à priscis nostri instituti Patribus sancitum fuerit, ut qui hoc de non edendis carniibus præceptum violasse deprehensus fuisset, totius Ordinis societate excluderetur. Quod etsi hoc tēpore in usu non sit, grauis tamen Nouis Statutis de talibus sumitur pœna, qui huius tam laudabilis institutionis transgressor extiterit, carnes scilicet comedendo, seu alicui Ordinis personæ ministrando, aut comedentibus aut ministrantibus consentiendo, vel non prohibendo, prohibere cū potuerit: *adco ut si Prior, vel Vicarius, aut Procurator hoc fecerit, ipso facto tanquam sua professionis calumniator & transgressor (sunt ipsissima Statutorum verba) obedientiam, se officium quod ratione obedientie adma-*

adminiftrat, perdat, & vocibus, ac locis debitis, caterisq; obedientis Ordinis careat in aeternum. Si verò simplex Monachus, aut alia quavis persona Ordinis extiterit, voce, loco, ac obedientis carens perpetuò, ad Capituli Generalis voluntatem, carceri mancipetur. Et quis dicere audeat, pro veniali delicto, religiosum quempiam solennibus, obligatum votis, ab Ordine cum perpetua nominis sui infamia profligari, aut in carcerem conijci, omnique officij honore spoliari posse? Quid, an non & ipsa plurimorum annorum inueterata, atque à multis sanctis Patribus commendata, coelestique insuper miraculo comprobata consuetudo, pro lege meritissimo iure censenda habendaque est? Anno namque Domini quinquagesimo quarto supra millesimum ducentessimum Patres illi qui ad Generale conuenerant Capitulum spontè in duorum qui tum aderant Præsulum præsencia, carni-um esui perpetuò renuntiarunt, volueruntque huius rei publicum aliquod literarum extare monumentum huiusmodi conscriptum

verbis: *Nouerint vniuersi præsente paginam in-* *Originali ad-*  
*specturi, quod G. tunc temporis Prior CARTV-* *seruatur in*  
*siae, & ceteri Priores vniuersi eiusdem Ord-* *archiue mai-*  
*nis ad Generale Capitulum in CARTVSIA* *ris Cartusie,*  
*simul congregati, & in ipso Capitulo existentes;* *signatum per*  
*præsentibus Venerabilibus Patribus Rod. Dei gra-* *C. l.*  
*tia Tarentasiensi Archiepiscopo, & E. eadem gra-*  
*tia Episcopo Gratianopolitano, spontanei & vo-*  
*luntarij, non coacti tam pro se quam pro suis Con-*

uentibus vnanimiter & concorditer in pleno & Generali Capitulo & esui carniū perpetuū abrenuntiauerunt: adficiētes, quod si quis illorum siue Prior, siue Monachus contra huiusmodi statutum p̄sumptione temeraria (quod absit) venire p̄sumpserit, à societate & communione totius Ordinis, & ab ipso Ordine amotum se nouerit penitus, & exclusum.

a Eccl. 1.

HABEC illi, & prudēter quidē. Nā si Salomō vir sapientissimus, idemq; Rex potentissimus, & Propheta Dei, proposuit à vino carnem suam abstinere, quò tantò liberius animam suā transferre posset ad sapientiam. Si Daniel & b tres alij pueri escis Regijs vesci noluerunt vt essent ad caelestes hauriendas illustrationes magis idonei. Si denique c Rechabab paterno parentis iussui, à perpetuo vini vsu abstinerūt, ipseq;

b Dan. 1.

c Hierm. 35.  
8.

d 1. Cor. 8. 13

vas electionis constanter pronūciat, d non se manducaturum carnem in aeternum, si per escam fratrum quis piam scandalizetur, quis culpae Cartusianos meritò queat, si à delicatiori carniū esu in omne æuum abstinentes diuinarum se cupiant rerum commentationi aptiores reddere, carnemque spiritui commodius subijcere? Quin potius ob has, aliasque rariores poenitentiae exercitationes, id ordo promeruit Cartusienſis, vt Primatum inter reliquas religiosorum hominum familias non immeritò teneat. Nauarrus namque sacrorum Canonum interpret peritissimus, ac summi ingenij iudicijque vir, consultus à nonnullis, vtrum Cartusianorum religio strictior sit, arctiorque Minimorum quorum Statu-

ta habent, vt semper ab omni lacticiniorum vſu  
abſtinentes, nullis alijs quàm Quadrageſimali-  
bus vtantur cibis, excepto ægri tudinis tempo-  
re, quatuor potiſſimum rationes, cur fra-  
tres Minimi (huius autem ſanctiſſimi inſtituti  
initiator D. Franciſcus Paulanus circa annum  
Domini MCCCC.L. extitit) inferiores mino-  
resque nobis ſint. Quarum primam eam eſſe di-  
cit, quod Cartuſiana religio nullo vnquam tem-  
pore permittat carniū eſum, etiam in grauif-  
ſima, ac conclamata corporis ægri tudine. *Secun-*  
*da*, inquit, eſt, quod Cartuſianæ religionis iuge  
ſilentium, maximum ac quaſi intorabile cen-  
ſeatur onus: vnde Mantuanus Baptiſta ſilentia  
eorum, *eterna* vocauit ſilentia. Addit & hoc, quod  
cū homo ſit animal ſociale, ſeu politium, vt  
inquit Philoſophus, ipſi contra humanæ naturę  
procliuitatem; ſibi vim inferentes, ſoli in cella-  
lis ſuis deliteſcant. *Deinde* quod eorum clauſura  
quaſi perpetuus quidem reputetur carcer. Cr-  
terum Cartuſianos in nullo penitus caſu veſci  
poſſe carni bus, Minimis verò toties, quoties ad-  
uerſa eos valetudine conſictari contingat, ex  
vtrorumque ſtatutis conſtat. Vnde ſi in extrema  
morbi neceſſitate Cartuſianis carni bus veſci  
ex ordinis indulto permetteretur, non dubium  
quin ſucceſſu temporis paulatim (natura ete-  
nim hominum ad deteriora ſemper procliuſ)  
inciperent ſuperiores diſpenſare in caſibus mi-  
nus periculofis. Cumque Medici de induſtria  
plerumque augeant opinionem ac timorē mor-  
tis in ægri tudinibus, paſſim liberior omnium  
eſus apud male habentes introduceretur, vti in

*Nauarrus*  
*lib. 3. Confili-*  
*orum, confilio*  
*10. p. 2. 128.*  
*col. 2.*  
*Sim insignis*  
*vita Tom. 2.*  
*Surij, die 2.*  
*April. reperi-*  
*tur. Quatuor*  
*Nauarrus rati-*  
*ones, cur Mi-*  
*nimos Cartu-*  
*fianis eſſe mi-*  
*nores cenſuit.*  
*Prima.*  
*Secunda.*  
*Tertia.*

alijs ordinibus, maximè Benedictinorum, ac Cisterciensium factum, in confesso est. Vbi cum primū liceret in infirmarijs duntaxat carnes comedere, postea ad ipsum Refectorium commune potestas hæc translata fuit, non sine ingenti totius Monasticæ religionis iactura. Verum de non edendis carnibus in Ordine Cartusien- si; Ioannes Gerson integrum anno Domini 1410. Tractatum conscripsit; nec non & P. Bartholomæus, Ruremundanæ olim Cartusiæ Prior, qui vixit circa annum reparatæ salutis 1446. Consulat etiam Lector Dionysium Ryckeliū artic. XI. De Præconio ordinis Cartusien- sis, similiter & Petrum Suturem copiosè hac de re differentem lib. 1. Vitæ Cartusianæ, Tractatu 3. cap. 7. 8. & 9. Item Richardum Hallum Theologum Duacensem, in præclaro isto \* opere de quinque partita conscientia, libr. 3. cap. 47. & præcedenti. Franciscum quoque Victoriam in relect. 9. de temperantia, & relect. 10. de homicidio.

Prodiit  
Duaci apud  
Ioannem Bo-  
gardum  
anno 1598.

# ELVCIDATIO

## NES IN LIBRVM VI. CHRONICI CARTVSIENSIS.

### ARGVMENTVM HVIVS LIBRI.

In hoc libro sexto tractat Dorlandus, quo pacto nouelli nonnulli tyrones ad sacri Cartusienſis ordinis institutum ſeſe recipientes, ac leuitate deinde ducti, pedem referre incipientes, vel Diuinitus in ſua ſint confirmati propoſito, vel (quod horribilius eſt:) cœleſti perurgente vindicta, ſeuerè puniti: quorum tamen pleraque in Scala religioſorum Dionyſij Cartuſiani reperiuntur. In altera verò libri parte, de miraculoſa Cartuſiarum quarundam ædificatione agitur, de quo vide Petrum Sutoſem lib. 1. vitæ Cartuſianæ, tractatu 3. c. 2. pag. 65.

CAP. IV. pag. 33. Inter cætera quæ Nouitijs Cartuſienſem ingredi ordinem cupientibus à Priore Statuta proponi volunt, etiam illud eſt, *ſi tantum literaturæ habeat quantum ſufficiat religioſo 2. parte Statu- ad Sacerdotium promouendo, & ſi cantare poſſit: at- cap. 17. §. 10.* que hoc eſt, quod Dorlandus hic inſinuare intendit, dum ait, Priorem ab hoc Flandro adoleſcente percontatū, an ſufficientis eſſet literaturæ, peritusque cantus.

CAP. XXI. pag. 362. Colon. Cartuſia, in qua hæc ſcribimus, foundationem ſuam acceptam refert D. VValramo Coloniënſi Archiepiſcopo, Gerardi Iuliacenſis Comitſ (nec dum enim

Du-



Duces ista tunc nouerat ditio) filio, Qui duplici excitatus stimulo, hanc tam celebre Cartusiano Ordini cœpit ædificare domicilium. Dolebat namque eximius Præsul, quod cùm Colonia plurimis esset Diuorum exornata Ecclesijs Monasterijsque, nullum tamen illic publicum pietatis monumentum B. BR VNO illic haberet, maximè cùm Coloniz oriundus, sanctissimi Ordinis esset initiator, ac primarius institutor. Deinde etiam locum illum, in quo D. Seuerinus, Vbiorum Præsul olim celeberrimus, vna cùm B. Euergisto cœlestem de S. Martini Turo-nensis transitu harmoniam auida aure percepe-rat, insigni aliquo Martinianæ victoriæ tro-phæo illustrandum condecorandumque operæ prætium existimabat, quo tantæ rei memoria nullus æui vetustate ex hominum animis elabe-retur. Cùm enim die quodam Dominico loca sancta orandi gratia, matutinalibus expleis officijs, circuiret, suauissimus Angelorum concentus repentè auribus illius insonuit. Ade-rat autem tunc illi Archidiaconus eius Euergis-lus, qui postmodum in Pontificatu eidem suc-cessit. Quem cùm rei huius ignarum admonu-isset, attentam præbere aurem, iamque etiam ipse psallentium audire voces occiperet, sub-iunxit Præsul, Dominus meus M A R T I - N V S corporeis solutus vinculis, Angelico comi-tatus ministerio, latus ad cælum migrat. Ha-rum itaque rerum præfatus memor VValra-mus, empto à D. Seuerini Canonicus fundo, hunc quem modo incolimus locum, perpetuè nobis

Diuinitas edo-  
retur S. Seue-  
rinus de fali-  
i D. Martini  
d superos  
transitu.  
ide hac a-  
ud Suriū To.  
de rebm ge-  
is S. Seueri-  
23. Octob.

C  
C  
ce  
ce  
ed  
sce  
po  
rel  
in  
per  
Itaq  
tesit  
nien  
omn  
Viro  
postea  
nume  
in pri  
ingres  
gus;  
nonici  
mini  
Thoma  
tum re  
immer  
qui alia  
ac prof  
DOCT  
Domin  
limo. C  
cognon

nobis pietatis studio excolendum adsignauit. Qui quidem etiam cœlesti visione (ne quid de Cartusiæ construendæ loco ambigeret, iam ante fuerat edoctus: cùm nimirum coalitus vocem illam inaudisset: S. MARTINVS *vult hinc edificari*: vt vbi quondam illius ad cœlum conscensum Angelico concentu perceperat, illic postmodum talis commoraretur hominum religiosorum cœtus; qui Angelicam humana in carne vitam degentes; Regi Angelorum peruigiles die noctuque laudes concinerent. Itaque circa annum Domini millesimum tricentesimum trigesimum sextum erecta hæc Coloniensis Cartusia, præstantes deinde aliquot in omni pietatis ac eruditionis genere produxit Viros, literarum monumentis apud omnem posteritatis memoriam celebres. Ex quorum numero (vt cæteros interim missos faciamus) in primis sunt D. HENRICVS Kalkar, ante ingressum Ordinis insignis Parisiensis Theologus; atque ad Diuum Georgium Coloniae Canonici, qui in eiusd. Urbis Cartusiæ anno Domini millesimo quadragesimo octauo, in B. Thomæ Apostoli peruilegio creatori suo spiritum reddidit, ætate octogenarius. Cui non immerito subiungimus Henricum de Piro, qui alias HENRICVS BRVNŌNIS patria ac professione Coloniensis ac Iuris vtriusque DOCTOR celeberrimus, qui floruit anno Domini millesimo quatringsimesimo septuagesimo. Quem sequitur VVERNERVS Larius, cognomento Roelœuinck, vir in diuinarum

*Petrus Sator  
li. 1. vite Car-  
tusiæ tract 3. ca.  
2. pag. 66.*

*De horum illustrium Scri-  
ptis Virorum  
consulat lector  
Tricemianus, et  
Possenium in  
apparatu suo  
sacro.*

*In Cathalogo  
Scriptor.  
Ecclesi.*

*Quæ celebris  
Dinorum ali-  
quor reliquijs  
nobilitate sit  
hæc eadem Co-  
lon. Cartus. vi  
deat Lector  
in Sacratio  
Agrippine, e-  
dito Col. apud  
Bern. Gualre-  
rian. 1607.  
pag. 206. vt  
sequentijs.*

commentatione literarum exercitatissimus, dicit Trithemius se in sua inuississe cella, agentem nimirum annum septuagesimum, in Ordine verò Cartusienſi octauum supra quadragesimum. Eandem quoque Cartusiam florent ætate anno Domini millesimo quatragesimo octogesimo nono, ingressus est D. Petrus Blo-menvenna Lugduno Batauorum oriundus, qui cum sanctis suis prædecessoribus in pace con-queuit anno Domini millesimo quinquagesimo trigesimo sexto ipso Diui Hieronymi, cum iam longè ante ad Ordinis habitum suscepisset P. Ioannem Lanspergium; re ac nomine Iustini, qui & ipse obiit anno Domini millesimo quinquagesimo trigesimo nono. Cuius vestigijs, utpote Præceptoris ac directoris sui vigilanter admodum institit D. Laurentius Surius; quem post plurimos exantlatos labores abripuere hinc crudeles illæ Parcæ, anno Domini millesimo quingentesimo septuagesimo octauo, vigesimotertio Maij; ætatis quinquagesimo sexto, professionis verò trigesimo sexto.

SE D ne interim ingratiſſimus duobus germanis istis, DD. Theodoro, ac Brunoni à Loerim scrip Loen, scire operæ prærium fuerit, assiduis eorum laboribus id effectum, ut Dionysij Rickelij vitam P. Dio opera in lucem, non sine ingenti Christianæ Dyſij Cartus. Reipublicæ emolumento prodierint: quibus idcirco plurimum hoc nomine debet posteritas.

*Cæpta est hæc  
Cartus. adifi-*

CAP. XXII. pagin. 354. Recenset hic Dorlandus

deus foundationem Cartusie Arnhemienſis, de qua ſuperius nonnulla diximus ad caput decimi tertij libri quinti. Et Reuerendus Dominus Aubertus Miræus, ſcholasticus Cathedralis Eccleſie Antwerp. in opusculo *de Originibus Cartusi- arum.* Do. 1340.

CAP. XXIII. pag. 356. Redditur Ruremundanæ origo Cartusie; quæ & ipſa Viros aliquot olim habuit ſcriptis celebres. Inter quos primas facilè tenent P. Dionyſius Rickelius, de quo libro ſequenti pròlixius agitur, & P. Bartholomæus, vterque natione Theuto; quorum vti primus anno Domini 1471. hinc ad ſuperos etnigravit; ita alter ſub Friderico III. Imperatore, *Petrus Bartholomæi clu- culrationes* ſecundum Trithemij ſententiam floruit, hoc *est*, anno 1446. Qui etiam librorum ipſius Catalogum pertexit; & ex illo Eiſengreinus ac *omnes nos ſim- gulatim per-* Poſſeuinus. Accedit etiam ad commendationem huius eiſdem Bethleemiticæ Dòmus, *conſuimus li.* quod ſicuti in Anglia ſub Henrico Octauo octodecim Cartuſianæ familiæ religioſi ob *7. Notarum cap. 5.*

CHRISTI confeſſionem mortem intrepidi anno milleſimo quingentefimo trigefimo tertio & milleſimo quingentefimo trigefimo ſeptimo ſubierunt, ita & hic ſub Guilhelmo Aurai- co Comite Naſſouio; anno nimirum Domini milleſimo quingentefimo ſeptuageſimo ſecundo, die 23. Iulij, eandem ob cauſam duodecim ſint interempti. Quorum Martyrij palmam eleganti ſtilo proſecutus eſt Venerab. P. D. AR- NOLDVS HAVENSIVS, S. Theologiæ DO- CTOR perquam eximius, ac Gandenſis Cartu- ſie Prior integerrimus.

QVOD verò hic dicitur Bethleemitica Dò-  
mus lupanare olim fuisse contubernium, atque  
impudicitæ officina, nunc verò castissimæ Dei  
Genitrici, simul ac Virgini, dēdicata, ad instar  
Romani istius Panthei, de eo in Martyrologio  
Romano ita scriptum legitur. *Roma dedicatio  
Ecclesie S. MARIAE ad Martyres, quam B.  
Bonifacius Papa IV. expurgato Deorum omnium  
veterisano, quod Pantheon vocabatur, in hono-  
rem B. semper Virginis MARIAE, & om-  
nium Martyrum dedicavit, tempore Photij  
Imperatoris.* Vocatur autem hoc templum,

*Pantheon quā  
do, & à quo  
edificatum.*

ob figuram orbicularem, S. MARIA rotunda,  
estque ædificatum Augusti Cæsaris tempore à  
M. Agrippa tertio Consule; anno decimo ab  
ab Vrbe condita vicesimo septimo supra sep-  
tingentesimum, ante CHRISTI SALVATO-  
RIS aduentum anno vicesimo quinto. De quo  
hunc in modum Dio. libr. 53. historiæ Romanæ:  
*Pantheon, inquit, quod perfecit Agrippa, id sic  
dicitur fortassis, quod in simulachris Martis &  
Veneris multas Deorum imagines acciperet. Vt  
verò mihi videtur, quod forma connexa fastigia-  
tam cœli similitudinem ostenderet.* Addit quo-  
que Dorlandus, \* aram Apollinis à S. Be-  
nedito destructam, in Divi Baptistæ Ioannis  
honorem fuisse consecratam. Quemadmo-  
dum constare potest ex libr. 2. Dialog. B. Grego-  
rij, cap. 8.

pag. 3506.

Lin. 9.

CAP.



CAPVT XXIV. Pag. 356. De erectione  
 Cartusie Confluentine, BEATO Confessori  
 dicatæ, deque eius fundatore, ita in annalibus  
 Archiepiscoporum Treuirensium, à Petro Cra-  
 tepolio Colonie editis, scriptum repperi. *Bal-*  
*duvinus Comes Lutzenburgensis, Henrici VII.*  
*Imperatoris frater, vnanimi totius summi Cano-*  
*nicorum Senatus consensu. Anno Domini 1307.*  
*Hic non solum pontem illum lapideum super Mo-*  
*sellam prope Confluentiam construxit, verum et-*  
*iam duo PP. CARTVSIANORVM Cœnobii*  
*erexit: vnum nimirum iuxta Treuiri (in ho-*  
*norem D. Albani martyris:) alterum in monte*  
*S. BEATI prope Confluentiam; quibus & de*  
*viſtualibus abundè prospexit. Habet autem in-*  
*ter ceteras eximias aliquot Diuorum reliquias*  
*Confluentina hæc Carthusia etiam corpus S.*  
*† Noitburgis Virginis; quæ cum Colonie in*  
*æde D. Petri summo coram altari humata fo-*  
*ret, acerescentibus miraculorum signis aded*  
*illam condecorauit Ecclesiam, vt S. Noitbur-*  
*gis nomine vocitaretur. Floruit hæc sacra Vir-*  
*go anno Christi plus minus sepringentesimo,*  
*fuitque neptis B. Plectrudis, vxoris Pipini Du-*  
*cis: quarum Colonie in Capitulinâ Diuæ Vir-*  
*ginis æde omnipotenti Deo seruiuit, conuer-*  
*titq; celebre hoc à Agrippinensium ac Lotha-*  
*ringorum Ducum palatium in claustrum no-*  
*bilium Virginum, quæ etiamnum hâc tempe-*  
*state inibi conspiciuntur. Verum corpus Noit-*  
*burgis ad Cartusiam postmodum Confluenti-*  
*nam est delatum. De qua ita in Natalibus SS.*  
*Belgij Molanus; b Colonia depositio S. Nortbur-*

*Ponitur hic*  
*inter Archi-*  
*episc. Treui-*  
*renses*  
**XCII.**

*S + al. Nort-*  
*burgis.*

*Tom. 5. Sa-*  
*rij, die. 31.*

*Octobr. pagi-*  
*na vltima.*

*a Marcelli-*  
*nus in vita*

*S. S. isber-*  
*ti, cap. 22.*

*Tom. 2. Sa-*  
*rij, 1. Martij*

*o Tom. 5.*  
*Surij, 31.*

*Octob.*  
*b Pag. 241.*

*vlt. Octobr.*

gis virginis, qua translata est ad montē S. BEA-  
 TI, propē Confluentiam. Hæc inter Belgicas  
 Sanctas celebranda foret, si verē eam c. Barlan-  
 dus filiam Pipini Heristali Brabantia Ducis, ex  
 Plectrude nominaret. Sed propria Ecclesia, quæ  
 natalem eius celebrant, adfirmant claruisse  
 Colonia, in monasterio B. Maria: quod Plectrudis  
 non mater, sed matertera construxit. Hæc ille.

Argentinen-  
 sis Carusie  
 constructio  
 & destru-  
 ctio.

CAT. XXV. pag. 358. Argentinensem hanc  
 Cartusiam, cuius hic Dorlandus meminit, ci-  
 uium liberalitate diuino monitu constructā,  
 quis Catholicorū nupero Argentoratensi bel-  
 lo destructā funditus non doleat? quippe cum  
 fama nominis sui Germaniā impleuerit vni-  
 uersam, inclytāq; diuitijs non tantū religionis  
 sanctitate fuerit. Quanta etenim illic libera-  
 litate Christi pauperes sustentari soleant, pa-  
 tet ex eo, quod Ioannes Eckius, qui isto in loco  
 popularis ac gratiofus erat, liberā voce fatea-  
 tur, ante hanc Lutheranam pestem, maiorem  
 fuisse egenis datam eleemosynā in vnicā hac  
 Argentoratensi Cartusiā, quā modo fiat per  
 amplam (verbis vtor auctoris) & ditissimā ci-  
 uitatem Argentinam. Et quis iam illic vel vnā  
 panis micam percipit, quando nimirū omnia  
 in cinerem flammæque ita sunt redacta, vt  
 istius loci religiosi Molshemium confugere  
 sint coacti? Hic fructus est noui Euangelij, hæc  
 reformatæ Religionis deformitas, euertere  
 scilicet sinceræ pietatis domicilia, ipsosque  
 venerandos Christi Sacerdotes foras exula-  
 tum protrudere. De quorum conuersatione  
 & moribus iam olim Erasmus, qui in isto Ger-  
 mania

In replica  
 aduersus  
 scripta 2 Bu-  
 ceri pag. 20.  
 Ingolstadij  
 apud Ale-  
 xand. Weis-  
 senhorn.  
 anno. 1543.



maniz tractu (Friburgi nimirum ac Basiliz) vitam egit, imò & finiuit, ita in quadam loquitur epistola: *Video, inquit, genus hominum exoriri, a quo meus animus vehementer abhorret. Neminem video fieri meliorem, deteriores sanè omnes quotquot ego sanè nouerim, vt vehementer doleam me quondam in libris meis prædicasse libertatem spiritus. Ciuitates enim aliorum, à fine quot Germania implentur desertoribus Monasteriorum, sacerdotibus coniugatis, plerisque famelicis ac nudis, nec aliud quàm saltatur, editur, bibitur, cubatur: nec docent, nec discunt, nulla vita sobrietas, nulla sinceritas; vbicunque sunt, ibi iacent omnes bona disciplina cum pietate.*

*Exstat huius epistolæ fragmentum in Commentario P. Sudanij, à fine anni 1536. quo erasmus obiit.*

CAETERVM quia Argentinensis Cartusiz meminimus, debemus & Basileensis aliquam hinc mentionem facere. Quam quidem circa annum Domini 1406. fundatam, a Crætepolius auctor est. Dicit enim floruisse tunc Basileæ quendam Eximie pietatis, ac prudentiæ opinatione præstantem virum Iacobum Zybel, qui Tribunus plebis cum esset, elatâ vxore, liberisque orbatus, cœperit mundo nuntium remittere, diuinoque se seruitio suapte sponte addicere. Quod vt quietius commodiusque præstaret, in Basileensi vrbe suis ex facultatibus, quæ peramplè erant, Cartusiam construxit, in qua & non sine sanctitatis opinione vitam finiit. In eodem quoque loco plurimi insignes viri, qui tempore Basileensis Concilij, anno Domini 1431. inchoati, obierunt, sepulturæ sunt mandati. Floruit etiam illic

*Basileensis Cartusia, quando, & a quo fundata. In Catalogo Episcop. Moguntin.*

*Henricus  
Arnoldi  
scripsit chro-  
nicon Car-  
tus. Basiliës.*

quidã Henricus Arnoldi, natione Saxo, profes-  
sione Cartusianus, eruditione verò celebris.  
Quem præter alia insignia aliquot literarum  
monumenta, etiã chronicon Cartusie Basilien-  
sis conscripsisse testis est Trithemius; asserens  
eum ex hac vita migrasse anno 1487. sub Fride-  
rico III. Romanorum Imperatore. Hæc au-  
tem Basiliensis Domus etsi à nostris modò  
non incolitur, integra tamen etiamnum per-  
seuerat, æstque in ipsa vrbe, loco prorsus am-  
eno ac solitario: in qua, vti fama est, nocturnis  
horis ciues qui in moenibus excubias agunt;  
voces psallentium nonnunquã se exaudire ex-  
istimant, auitæ pietatis memoriã (nimis pro-  
dolor illic consopitam) illis refrigerantes.

*Tornacensis  
Cartusia.*

CAP. XXVII. pag. 362. De constructione  
celeberrimæ Tornacensis Domus eadem ha-  
bes apud Petrũ Sutorem li. i. vitæ Cartus. ca. 2.  
pag. 66. floretq; etiam nunc monasticæ religio-  
nis feruore; habens nimirum Priorẽ tam mo-  
rum humanitate, quàm eruditionis laude præ-  
stantem.

CAP. XXVIII. pag. 363. linea 3. à fine. Au-  
thorem iam nominat Dorlandus, vnde præce-  
dentia, hæc de miraculosâ diuersarum, Cartu-  
siarum foundatione exempla deprompserit;  
nempe Henricum Kalkariensem Colonienfis  
olim Cartusie doctissimum non minus quàm  
sanctissimum Priorem, qui de exordio adeo-  
que & progressu Cartusienfis Ordinis pe-  
culiarem quendam conscripsit Tractatum,  
quem etiamnum manu scriptum penes nos  
adseruamus, typis nunquam promulgatum.

In cuius frontispicio ita scriptum repperi:  
HENRICVS à Kalkar fuit Magister Parisien-  
sis, & antea Canonicus ad S. Georgium Colo-  
nia; intrauit autem Ordinem Cartusiensem  
atatis anno 37. in quo vixit annos 43. Obijt ve-  
rò anno 1408. in vigilia S. Thomæ Apostoli, cùm  
esset Octogenarius. Functus est Prioratu in Car-  
tusia Coloniensi, annis septem, in Argentinensi  
duodecim, in Ruramundensi quinque: exer-  
cens officium Visitatoris Prouinciæ ad annos bis  
denos: adèd vt in quinque Generalibus Capi-  
tulis Diffinitor fuerit, trinaquæ vice capitula-  
rem illic in infrequentissimâ conscriptorum Pa-  
trum coronâ Sermonem seu Orationem habue-  
rit. De illius verò scriptis consule Tritthe-  
mium, Eifengreinium, Posseuinum, & Su-  
torem libr. 1. vitæ Cartus. pag. 563. Habe-  
tur verò etiamnum hic Colonia in honore  
locus ille, in quo Diua Virga præfato P.  
Henrico apparuisse dicitur:

*Actas &  
obitus M.  
Henrici  
Kalkarien-  
sis.*

*Henrici Kal-  
kariensis fra-  
mentio in  
martyrolo-  
gio Petri  
Canisij, 20.  
Decembr.*

EODEM quoque hoc capite pag. 364. lin.  
12. fit mentio istius imaginis, quam Salua-  
tor noster Abagaro Edessæ Principi transmi-  
sit, quæ vti non humana fuit arte elaborata,  
sed ab ipsomet summo rerum architecto &  
opifice, ita plurimorum gloria, miraculo-  
rum perquam illustris extitit. Adèd vt Græ-  
ci de eadem celebrent anniuersariæ solem-  
nitatis diem decimo septimo Kalend. Septem-  
bris, vti ex eorum constat Menologio. De  
quo a Baronium consule: Qui etiam memi-  
nit b Veronicæ sudarij, in quo Christi  
facies expressa conspicitur, Romæquæ sum-

*a Tom. I.  
anno Domi-  
ni 31. ferè  
circa finem.  
b Ad annum*



mo cum honore in Apostolorū Principis Basilicā adseruatur. Cuius fortè delineationem Monstroliensēs Picardi consecuti sūnt, quem admodum hic Dorlandus videtur innuere.

De Domo

Montis Dei.

CAP. XXIX. pag. 366. Habes hic funda-

tionem famosissimæ istius ac nobilissimæ Domus Montis Dei; quæ tempore GVIGONIS quinti Maioris Cartusie Præfecti ædificata est. Quem quidem Guigonem constat secundum a Sutoris sententiam, anno Domini supra millesimum centesimo tricesimo septimo; ab inchoatione verò Ordinis tertio &

a Lib. 2. vi-

ta Cartus.

Tract. 3. c. 5.

pag. 509.

quinquagesimo, diem obiisse suum. Adeo ut hinc loci huius queat colligi vetustas; cuius equidem virtutis fama Diuus excitus Bernardus continere se non potuit, quin copiosam ac sanè diuinam ad eos de *Vita solitaria* conscriberet Epistolam seu Tractatum: cuius initium; *Fratribus de Monte DEI, Orientale lumen, & antiquum illum in religione Aegyptium*

An epistola

de vita soli-

taria ad fra-

tres montis

Dei verè

fit D. Ber-

nardi Clare-

ns.

uatis.

Lib. 28.

speculi hist.

cap. 99.

c Anthon.

parte 3. Tit.

13. 4. 4. 10.

*feruorem tenebris Occiduis, & Gallicanis frigoribus inferentibus, vitæ scilicet solitariae exemplar, & cælestis formam conuersationis, & cæt.* Hanc verò epistolam etū nonnulli videntur Guilielmo Abbati S. Theodorici velle adscribere, tamen & temporis longinquitas, & præstantissimorum Scriptorum authoritas aliter postulat. Nam B. b Vincentius, nec non Diuus Anthoninus semper eam Bernardi nomine citant: cuius posterioris verba hæc sunt: *c Bernardus in epistola ad Cartusienses, seu ad fratres de Monte Dei, quod idem est. Simi-*

*liter & Ioannes Gerson, & Dionysius Cartu-*

sianus

stanus artic. 5. de preconio Ordinis Cartusien-  
sis: cui subscribit Trithemius, dum enumerat *D. Bernard.*  
Diui Bernardi litterarum monumenta. Quin in *Tractatu*  
immò ipsemet author fatetur hanc à se episto- *de diligendo*  
lam ad Cartusienfes conscriptam, uti libro *Deo circa*  
Bernardinae Confessionis quarto comproba- *finem.*  
uimus, pagina nimirum 466. in fine. Fuisse enim  
D. Bernardum istius Cartusiae Patribus val-  
de familiarem, liquet ex epistola 190. ubi non-  
nulla Iordanis Cardinalis vitia recensens, in  
fine sic ait: *Decreueram ista tacere, sed venera-*  
*bilis Prior Montis Dei ad hoc me impulit, & ani-*  
*mauit ut scriberem.*

CAP. XXXII. pag. 375. De admiranda *Parisiensis*  
Parisiensis Cartusiae constructione consulat *Cartusia.*  
lector D. a Petrum Sutorem, qui uti antè Or- *a Lib. 1. vite*  
dinis ingressum celerrimus exitit SS. Theo- *Cartus. pag.*  
logiae Doctor, sic postmodum annis aliquot *64.*  
istius praefatae Cartusiae Moderator fuit, sese-  
que Erasmo opposuit, scribendo contra eum  
Antapologiam. Hic itaque dicit, Diuum Lu-  
douicum, sanctissimum Francorum Regem, qui  
ex hac virâ migravit anno Domini millesimo  
ducentesimo septuagesimo, locum hunc Car-  
tusianis Patribus incolendum assignasse. His  
eius nominis numeratur I X. & non V. uti  
alibi Typographorum errore positus repe-  
ritur. De quo non solum Gaufridus, sed *Sutrin*  
& Clichtouzeus, ipseque adeò Papirius Mas- *Tom. 4. die*  
sonius, necnon & Paulus Aemylius, gra- *25. Augusti.*  
uissimus sanè rerum scriptor Francorum, *b Lib. 7.*  
idque hisce verbis. *b Qui numinis Diuo-*  
*rumque nomen nefarie aut iurando, aut* *historia*  
*sol. 311.*  
*execrando*

Vide etiam  
historiam  
rerum Galli-  
earum Ro-  
berti Gagni-  
ni pag. 111.  
Francofurti  
apud We-  
theliū anno  
1577. editā.

e Lib. I.  
vita Cartus.  
pag. 101.  
Lepida de  
Rege Fran-  
corum histo-  
riola.

execrando vsurpabant, eorum fronti candenti  
lamina notam inurebat. Deprecantibus mag-  
nis viris pro quodam eius noxa conuicto, re-  
spondit se cupide id monumentum in fronte ge-  
sturum, si ea ratione purgari Francia eo in  
DEVM Opt. Max. scelere posset. Sacrorum  
Bibliorum lectione mirè delectabatur. Lutetia  
valetudinarium pro ade D. Virginis extruxit.  
Minoribus & Prædicatoribus nondum ad cul-  
men perductas sacras ades planè absoluit: ca-  
cis egentibus adem & domum; CARTHV-  
SIENSIBVS item & cœnobium, eadem  
Carmelitis: hac omninò Lutetia. Solent ergo  
Christianissimi Francorum Reges quando Pa-  
risijs degunt, deuotionis causa ad hanc sub-  
inde Cartusiam diuertere: adeò vt illic ac-  
cidisse arbitrer lepidam illam ac iucundis-  
simam historiolum, quam præfatus e Su-  
tor de quodam Galliarum Rege commemo-  
rat. Apud quem dum aulæ Proceres perpe-  
ram detulissent, largiores suis in cœnacu-  
lis (refectoria verba parum, latino nomi-  
namus) Cartusianos habere dapes, seu vt  
ipsi aiebant, pitantias. Statuens ipse rei  
huius, proprio experimento periculum face-  
re, Priorem adiit, eique animi sui inten-  
tionem patefecit. Quì cùm esset sagacis in-  
genij Vir, suasisit Regi, vt priuatim ieiunan-  
do paucos transigeret dies, cæteraque Or-  
dinis onera ad breue saltem temporis spa-  
tium volens libensque subiret, sicque tan-  
dem cura reliquis communem refectionis  
locum accederet. Dictum factum. Adit  
Car.

Cartusiam, laudibus diuinis Dominico die interest, sacrum deuotè audit. Quo finito, rabidâ confectus fame, ad mensam mox properandum frustra sibi persuadet. Sed quia Sextam prius in Choro decantandam intelligit, multa secum tacitus submurmurare, atq; ægrè hanc delationem ferre. Quid plura? Refectorium ingressus, quidquid appositum fuit, tuburcinando ingerit, auidusque deuorat, adeoque & exigua nimis pitantia visa fuit, quam plus æquo largiorem esse, sui paulò antè purpurati persuaferant. Vnde ad eosdem conuersus; *Sinite*, inquit, *Cartusianos suas edere pitantias*. *Sinite*, inquam, *carpere, quæ vacuis intestinis nequaquam superflua esse, vel breui experientia ipsemet comprobauit*.

EODEM quoque hoc capite, maximè verò pag. 376. lin. 3. fit mentio non soleri olim in aliquâ Cartusiensis Ordinis domo vltra duodecim admitti. Cuius vetustissimi Statuti meminit etiam Petrus Cluniacensis Abbas, lib. 2. Miraculor. cap. 28. Dum ait; *Et vt non esset eis* (Cartusianos intelligit) *quandoque necessariū, vel plus terræ, quàm dictum est, possessioni suæ addere, aut numerum iumentorum suorum vel pecorum augere, duodecim tantum Monachos, cum XIII, PRIORE, ac decem & octo Conuersis, paucisq; mercenarijs, nullo prorsus superaddito in sui Ordinis monasterijs esse perpetuò decreuerunt*. Verùm quandoquidem id nunc obsoleuit, permittitur, vt quotquot commodè queant ali, tot ad nostrum admittuntur consortium. Ita tamen vt nulla domus Ordinis de



cætero fundetur, nisi prius pro sustentatione Prioris ac XL Monachorū, proq; alijs oneribus portandis dotetur sufficientib; redditibus, vel prædiorum possessionibus. Cæterum in iam ædificatis, tot licet admittere, quotquot pro Domorum facultate sustentari sine gravamine possint. Adeo ut in solâ Parisensi Cartusia, cuius hic personarum frequentiam Dorlandus præ cæteris prædicat, quadraginta nonnunquam Religiosi (Coloniz vero ut plurimum quinque supra viginti, in almâ autem matre CARTVSIA interdum duplo plures) conspiciantur, diuinarum laudum præconijs die noctuq; alacriter insistentes.

CAP. XXXIII. pag. 376. Nullatenus mirari debet secularium quispiam, si audiat propè Brugas, nobilem Flandriz Urbem Monialium nostri Ordinis (tamen iam in ipsa commorantur ciuitate) esse Coenobium, Diuæ Annæ consecratum; cum in Franciz partibus istius generis frequentia admodum conspiciantur Monasteria: nempe Cartusia Poletarum, Saletarum, Prati mollis, Bertaudi, &c. Hinc etenim iam supra capite tertio & quarto libri quinti, audisti insignes duarum istarum sanctissimarum Carthusiensis institui Monialium, nempe Beatæ Margarætæ ac Beatricis, virtutis à Dorlando commemoratas.

CAPITE XXXIV. pag. 379. nonnulla, quasi Coronidis Conclusionisq; loco auctor subnectit; excusans se non solum quod Henricus Kalkariensis ex quo pleraque hæc se deprom-

promptissime fatetur, omnes miraculosas Domorum nostrarum fundationes scire non potuerit; sed quod ipse quoque nihil ex vano haustum cupiens, nonnulla etiam, quæ ad hanc rem facere poterant, missa fecerit: remittens interim Lectorem ad Tractatum D.

Ioannis \* Louanienſis, quem de Louanienſis Cartuſiæ exordio ſœliciſque progreſſu conſcriptum eſſe dicit: licet nunquam mihi ante hac videre illum contigerit, ſed potius Domũ ipſam; tam monaſticæ religionis diſciplina, quàm inſigni præſtantiffimorum aliquot iuuenum frequentia ſub Venerabili Patre Domino HERCVLE VVINCKELIO, loci iſtius Priore vigilantiffimo, ac Belgicæ Præſidii Viſitatore digniffimo ægregiè florentem: adeo ut pro ſeminario totius iſtius Præſidii merito haberi poſſit, ac debeat. Ut nihil hîc interrim dicam de commodiffima loci quiete, atque inſigni porticũ, ſeu ambitũ ſplẽdore ac magnificentiâ: De quo ita Lipſius eximius olim loci iſtius fautor & amicus: a CARTVSIANI, inquit, Louanienſes ceperunt circa annum Domini milleſimum quadringenteſimum octogefimum nonum: neque vnum auctorem operi inſcribunt. Alij alias cellas dederunt; ſed eminet Ioannes Ouerhoeſius Antuerpienſis, Naſſouiorũ Queſtor. Fuerunt & dua femina auxiliatrices, Margaretha, Eduardi Regis Angliæ ſoror, vidua noſtri Caroli Audacis; & Maria Magdalena Hamalia, vidua itẽ Guilielmi Croij, vtraq; pietate, & liberalitate in pios, inſignis. Eſt in hoc cœnobio Pectabilis portic⁹, magnitudine & opere, nec ſcio

\* Hic Ioannis Louanienſis fuit profeſſus domum S. Catharinæ propè Antuerpiam, egit aliquandiu Vicarium ac Procuratorẽ in Cartuſi. Louanienſis. Commendatio inſignis Cartuſiæ Louanienſis. a In deſcriptione Louanij, pag. 39.

an hinc

*an hic, aut finitimis in locis, alia comparanda.*  
 In hac Porticu, vti tabulis testamenti canerat,  
 sepultus est doctissimus ille Louaniensis Theo-  
 logus Martinus Dorpius, natione Batauus, qui  
 obiit anno quinto & vicesimo supra millesim-  
 um.

# ELVCIDATIO- NES IN LIBRVM VII. CHRONICI CARTVSIEN- SIS.

*Argumentum huius Libri.*

**E** Numerat Dorlandus septimo hoc libro  
 nonnullos Cartusianæ familiæ Patres,  
 qui vel eximiâ vitæ sanctimonia, vel e-  
 gregijs literarum monumentis celebre sibi  
 apud posteros nomen consciuere. E quorum  
 numero primum non immeritò locum occupa-  
 pat B. NICOLAUS ALBERGATVS S. R. E.  
 Cardinalis præstantissimus, ac Bononiensis  
 Ecclesiæ Episcopus famosissimus.

*Nicolaus  
 Albergatus  
 Cardinalis  
 speculū sine  
 macula.*

CAP. I. pag. 380. NICOLAI Albergati  
 meminit B. Anthoninus in Chronico parte se-  
 cunda Tit. 15. cap. 22. §. 2. in fine: idque hisce  
 verbis; *Ex hac religione (Cartusianorum) as-  
 sumptus est vix ille venerabilis NICOLAUS  
 nomine, Bononiensis, ad Episcopatum Bonien-  
 sem, & postea Cardinalatum a MARTINO  
 Papa V. semper seruans rigorem suæ religionis,  
 speculum sine macula omnibus curialibus & præ-  
 sidentibus pater pauperū. Inter Principes seculi*  
*dis-*

disidentes pacis reformator, schismatis impedi-  
tor. Demum sub Eugenio Papa Senis migravit ad  
Christum, ex infirmitate calculi. Cui exentera-  
to, repertus est lapis grossus ad modum oui in fun-  
do vesicae quasi incarnatus. Cæterum quanto in  
pretio eundem hunc calculum habuerit Euge-  
nius I V. Apostolicæ Sedis Antistes nequaquã  
silet Carolus Sigonius, sic enim ait: a Eugenio  
vt viuentem (Albergatum) magni fecerat, sic  
mortuum eximie coluit. Nam & calculum eius  
exemptum pro sacro munere sibi habuit, & is-  
ta ipse solennia soluit, corpusq; Cartusiam Flo-  
rentia transferri iussit. Ciuitas autem non ma-  
gnificis solum exequijs, sed etiam dolore ac la-  
chrymis, quanti illum aestimavit, ostendit. Hunc b  
eundem Albergatum dicit Sutor rerum huma-  
narum diuinarumque cognitione mirum in  
modum exornatum fuisse, aded vt sanctimo-  
nia præcipuus, fama percelebris, prudentiæ o-  
pinione præstantissimus extiterit. Quippè qui  
varias ad diuersos Christiani Orbis Procere  
obiit legationes. Destinatus namque fuit, vt c  
Mediolanenses inter ac Venetos fœdera pacis  
conciliaret, nec non & inter Angliæ Franciæ-  
que Reges. Quorum ille anno 1435. cranium  
S. Annæ dono ipsi obtulit: quod apud suos Bo-  
nonienses Cartusienses reuerenter deposuit.  
Eugenius verò I V. qui Martino V. in Pontifi-  
catu successit, Legatum eum misit in Germa-  
niam ad Albertum Cæsarem, anno 1438. Quin  
& Florentino subscripsisse Concilio legitur.  
Insuper & B. Bernardino Senensi (Sigonio re-  
ste) auctor fuisse dicitur, vt Bononiæ publicis  
infi,

Gravissimè  
cum calculo  
conflictatur.

a Lib. 4. de  
Episc. Bona-  
niens. est li-  
ber impres-  
sus in 4. Bo-  
noniæ, anno  
1586.

b Lib. 2. vi-  
te Cartus.  
tract. 3. c. 7.  
pag. 569.

c Sigonius  
loco super  
ius ad margi-  
nate.

insisteret concionibus. Cuius eximias virtutes ac res præclare gestas Alphonsus Ciaconius in insigni illo volumine, quo non solum Romanorum vitas Pontificū, sed & Cardinalium omnium nomina, insignia, obitumque recenseret, hisce verbis commemorat.

179.

FR. NICOLAUS ALBERGATUS, civis & Episcopus Bononiensis Ordinis Cartusianorum, Presbyter Cardinalis tituli Sancti Crucis in Hierusalem: qui humanioribus litteris instructus, quum postea iuri civili strenuè operam navasset, religionis fervore stimulatus, quum esset vir bonis moribus, & vita integritate conspicuus, religionem Cartusianorum professus, ita in ea, dum vixit, excelluit, & morum sanctitate in ceterorum exemplum refulsit, ut per omnes gradus sua religionis & dignitates ascendens, Bononiensi Ecclesiae, clero & populo postulante, dignè præsiceretur. Qua dignitate honestatus, non iam (ut plerumque efficerent solent) sua religionis aut habitum perosus, fratrum suorum consortia, aut familiaritates exhorruit, nec quicquam de prioris vite austeritate remisit, nec humilitati aut mansuetudini resignavit, sed eadem homini in conversatione facultas, eadem vita perfectio, & si fieri potuit, per amplior, atque illustrior fuit. Nihil enim quod ad religionis (quam esset professus) dignitatem, quod ad mansuetudinem, quodque ad rerum humanarum contemptum attinere videretur, omisit: quin potius eo magis se ut virtutum omnium exemplar ac formam exhibuit.

hibuit, quo iam non sui ipsius modo, sed vniuersi gregis sibi commissarationem se nouerat domino redditurum. Quare & populum moribus optimis instituit, tranquillitati & paci studens, amplissimisque eleemosynis sua gratia & virtute fouit; ob quod omnibus charus & gratissimus fuit. Vnde Martinus Quintus audiat tanti viri famam & sanctitatem, ipsum Romanum asciuit; quem Nuncium ad Regis Francorum & Anglia bello certantes, ut pacem inter eos proponeret, ut oratione sua, quam maxime pollebat, pacaret, misit: quod & feliciter prastitit. Romanum vero reuersus, Cardinalis à Martino creatur. † à quo le- † Anno  
 gatus iterum fuit ad Venetos, Florentinos, & 1428.  
 Ducein Mediolanum, ut eos inter se fœdere vineret. Mortuo aut Martino V. à successore eius Eugenio IV. ad diuersos Principes & Prouincias pro fidei negotijs missus, omnia fideliter & strenue gessit. Fuit vir pius & sanctus, & studiosorum amator: ex curis contubernio & schola duo Romani Pontificis prodire, nempe, Nicolaus V. & Pius II. ad Concilium Basileense legatus fuit cum plena potestate, ut locus pro futuro Concilio eligeretur, id maxime petentibus Græcis. Prasuit Legatus primæ Sessioni in Concilio Eugenio Ferraria inchoato, & Florentia finito, vbi & Græci conuenerunt. A Rege Anglia dono accepit craneum B. Anna matris Beata Virginis, quod Cartusiensibus donauit. Sancta Romana Ecclesia Camerarius fuit, ex calculo verò Senis in Tuscia obiit, corpus in Cartusianorum Cœnobio tumulatum. Hæc ille.



PORRÒ quando diem clauferit extremum idem quoque Ciaconius hisce quoque testatur verbis, dum enumerans Cardinales omnes qui sub Eugenio IV. Rom. Pontifice obiêre, inter cætera sic ait: *Fr. NICOLAUS a Albergatum Bononiensis, Ordinis Cartusianorum, Presb. Cardinalis Tituli S. Crucis in Hierusalem, obiit Senis septimo Idus Maij, anno Domini millesimo quadringentesimo quadragesimo tertio, Pontificatus Eugenij XIII. sepultus apud Cartusianos.* Eiusdem verò post mortem sanctitatis (vti Sigonius testatur) plurima fuêre documenta. Singulare autem illud, quod in somnis Thomæ Sarzeno alumno suo apparuit, illumq; Pontificem creandum prædixit, vti Frânciscus Philadelphus scribit in oratione ad Xistum Pontificem. Hic etenim Sarzenus tantoperè Mœcenatem suum Nicolaum Albergatum dilexit, vt iam Pontifex designatus, eius quoque sibi nomen adsciuerit, vocatus nimirum Nicolaus V. Quemadmodum vberius liquet ex ijs quæ Ciaconius de vita sanctissimi huius Pontificis literarum monumentis consignauit, pag. 917. dicens cum ex Albergati disciplina profluxisse, eiusq; & instructione & vitæ exemplo in talem virû euasisse, vt nec pietate in DEVM, nec amore & beneuolentia erga pios, nec vllò virtutis genere religiosissimis quibusq; Pontificibus inferior extiterit.

Pag. 383. lin. 11. [lege Bartholomæum Platinam.] Dorslādum hoc loco Platinę BARTHOLOMAEI tribuere prænomen, & non BAPTISTAE (vti Scriptorum nōnulli faciunt) haud quæ-

a Pag. 903.  
in fine.

† Fuit hic  
postea Ni-  
colaus V. no-  
minatus.



quaquam mirādum: sic enim ex proprijs ipsius subscriptionibus in Vaticana Bibliotheca adseruatis, & Cōmentarijs Cardinalis Papiensis liquet. Cæterum quæ Platina in cōmendationem NICOLAI ALBERGATI, vnici Ordinis nostri CARDINALIS, scribit, reperiuntur apud eundē in principio vitæ Nicolai V. Pont. vbi ita ait: *Sunt qui hunc scribant Pisis natum, Luca educatū, Bononia literas & bonas artes didicisse: maximè verò Philosophiā & Theologiā, adiutus beneficentia SANCTISSIMI VIRI NICOLAI ALBERGATI Cardinalis S. Crucis, adolescētis ingenio delectati. Hanc ob rem in Pontificatu hominis de se benè meriti nomen assumpsit. Cum verò magistri nomē in Gymnasio cōsecutus esset, acerrimis disputationibus probatus, Cardinalem S. Crucis secutus, familiæ TANTI VIRI æconomus est factus. Idem quoq; Platina fatetur PIVM II. ante Pontificatū AENEĀ SYLVIUM nominatum ex disciplina huius eiusdē ALBERGATI prodijisse: Nicolaum namq; S. Crucis Cardinālē, inquit, secutus est, Patrē certè optimū, ac OMNIUM OPINIONES SANCTISSIMUM, &c. Plura si quis de hoc NICOLA O desideret, Frācisçi Philelphi scripta perlegat, nec non in Anthonin. par. 3. ti. 22. c. 7. §. 3. CAP. II. pag. 384. Hic DOMINICVS, natione Pruthen<sup>9</sup>, professione verò Cartusianus, & alumnus domus Treuerēsis, non solū pietate fuit celebris, sed & plurima haudquaquam contemnendæ eruditionis opera conscripsit. Inter quæ præcipuè liber experientię eminet, in quo suppresso suo nomine, varias recenset*

*Nicolaum V. ante Pontificatum fuit æconomus Nicolai Albergati Cardinalis.*

*In principia vite Pij secundi Pontif.*

reuelationes, diuinitus sibi factas, estq; manu scriptus penes eos. Item *forus epulantis*, quem quia comedendo fermè & ruminando in cellæ solitudine composuit, tali condecorauit titulo. Scripsit proinde etiam *coronam B. Mariæ virginis*, in qua vitam ipsius lapidibus comparat pretiosis. Quin & *de vera humiliq; Obedientia* insignem quendam edidit Tractatum, estque etiam auctor Rhytmorum istorum de contemptu mundi, quorum initium est:

*Homo Dei creatura,  
Cur in carne moritura  
Est tam parua tibi cura,  
Pro aeterna gloria? &c.*

Obijt verò hic pater DOMINICVS ætatis suæ anno 73. ipso D. Thomæ Apostoli festo, reparatæ salutis 1461. Neque verò solus est, quem Treuerensis Cartusia spectatæ pietatis iuxta ac eruditionis virum habuit: verum etiam ibidem circa annum Domini vicesimum supra millesimū quadringentesimum floruit insignis iste IOANNES RODE, vir diuinarum humanarumque literarum cognitione adeò excultus, vt ad annos aliquot Treuerensis Curia OFFICIALIS fuerit, atque ibidem ad S. Simeonem DECANVS. Cùm autè mundo nuncium misisset, atque ad Cartusiam Treuirensē peragenda pēnitentiæ causa sese recepisset, non potuit tamē ita suas celare virtutes, quin Otho Archiepiscopus Treuirensis, autoritate Sūmi Pōtificis, eum ex Cartusia, vbi Priorem agebat, extraheret, ac S. Matthiæ Apost. Monasterio, q̃ extra Treuiros est, Abbatē præficeret. Ex cuius labore

*Commenda-  
tio Ioannis  
Rode.*

labore & industria id Bened ctino Ordine-  
molumentum accessit, quod Bursfeldiēsis refor-  
matio in Germania per eum sit facta. De qua in  
suis Benedictinorū per Belgium Cēnobiorum

† ORIGINIBVS optimē de Republ. Christia-

na ac re literaria meritis, D. AVBERTVS MI-

RAEVS, vir multis magnisq; animi dotib<sup>9</sup> or-

natissimus, atq; ob vitæ integritatē, morumq;

humanitatē Cathedralis Antuerpiens. Ecclesię

SCHOLASTICVS, vt vocant, meritisissimus.

Hic inquā Bursfeldēsis reformationis laudem

præfato IOANNI RODIO tribuens, hisce eū

commēdat verbis: *a Reformatio congregationis*

*Bursfeldensis cœpit anno 1420. quo Constantia in*

*Germania Synodus est congregata. Auctōr verò*

*reformationis huius fuit IOANNES RODIVS,*

*Abbas cœnobij S. Matthiæ apud Treuiros, qui ge-*

*neralis Ordinis Visitator à Constantiensi Synodo*

*constitutus, se ipsum in primis ac monasterium*

*reformaui, &c.* Obijt verò hic IOANNES

RODIVS in oppido diœcesis Argentinensis,

vulgò *Mouthaber* reuectus tamen ad S. Mat-

thiā an. Domini 1439. Kal. Decemb. ibidemq;

sepulturæ traditus ante aram Prothomartyris

Stephani, in abside dextra odei; ad cuius tumu-

lū rude huiuscemodi conspicitur epitaphium.

*Hic iacet intumbavas Ordinis, alta columna:*

*Abbas donatus, IOANNES RODE vocatus:*

*Collectis membris primo succumbo Decembris,*

*Tricesimo nono C. quater, M. quoque solo:*

CAP. III. pag. 387. Carmen seu Hymnum illū

dulcisonum, cuius deuotione tantoperè dele-

ctabatur Dominicus, quemq; ad imitationem

† *Prodierat*

*Antuerpiæ,*

*apud Hierā.*

*Verduffium.*

*An. 1606.*

a *In præsa-*

*tione ad Le-*

*ctorem.*

Ambrosiani Cantici, quod *Te Deum Laudamus* vulgò nuncupamus, in honorem Regine Cœlorum composuit, visum fuit hic de verbo ad verbum inferere, ita namque habet:

TE CŒLI REGINAM LAUDAMVS,  
 te mundi Dominam honoramus, TE laudant iure vniuersæ creaturæ, Matrem immensæ claritatis, Aulam Summæ Trinitatis, sole diuinitatis amicta, lunam supplantans benedicta, tota glorificata, his stellis es coronata: TV æterni Patris filia dilecta, tu filij Dei Genitrix electa; Sancta quoque sponsa Paracleti. Tibi omnes obediunt Angeli: TE cœli cœlorum inæstimabiliter ament; Tibi Cherubin & Seraphin ineffabili voce proclamant, SALVE, SALVE, SALVE ô Domina gloriæ. Pleni sunt cœli & terræ suauitatis gratiæ tuæ. TV Apostolorum Regina, TV Euangelistarum doctrina; TE Prophetarum laudabilis numerus, TE Patriarcharum veneratur cuneus. TV Martyrum victoria, TV Confessorum es gloria. TE paradisi rosæ Virgines formosæ laudent, & continentes in choro suo canentes: AVE Regina dulcissima, gaude Domina nostra dignissima: quæ gratiam Sanctis infundis, quæ liberas animas de profundis. TE ERGO & rei rogamus ô Genitrix DEI, succurre populo isti, quem pretiosus filij tui redemit  
 fan-

sanguinis IESV Christi. Supernâ fac cum Sanctis & nos gloria munerari. Per Te mereamur ô mater sancta piè semper consolari. Tot prærogatiuis sanctitatis coronata in gloria Patris. Tot priuilegijs dignitatis, gaudens iure Matris; iucundare, lætare, gaude, maior omni laude. ô clemens, ô pia, ô dulcis Virgo MARIA.

CAPITE IV. pag. 389. lin. penultima. [Est tractatus editus de vita, & cæt.] Tractatus hîc quem Dorlandus adserit editum, licet sibi nunquam visum, de vita nimirum ac rebus gestis Patris DOMINICI, penes nos manuscriptis in Coloniensi Cartusia adseruatur; continetque eximias aliquot reuelationes, quæ coelitus DOMINICO obtigêre, etsi ipse suo suppresso nomine eas recenseat, sicuti & alia nonnulla de vitæ suæ conuersatione: vocauitque eum librum EXPERIENTIÆ.

CAP. V. pag. 391. in medio. Enumerantur hîc à Dorlando aliquot P. Bartholomæi Prioris Ruræmundensis litterarum monumenta, quæ posteris reliquit: quorum non solum Posseuinus atque Eifengreinius, verum etiam Trithemius in Catalogo meminit. Etsi neuter eorum videatur omnia ac singula illius opera conspexisse. Quæ etenim in Coloniensi nostrâ bibliotheca Patris huius Bartholomæi scripta habemus manu exarata hæc sunt: De passionibus animæ. De virtutibus. De septē peccatis capitalibus. De Oratione. Oratione longa & deuota. Tractatus excitans ad deu-

*Scripta P.  
Bartholo-  
mæi Ruræ-  
mund quæ  
in Coloniensi  
Cartusia-  
nor. biblio-  
theca m. s.  
adseruan-  
tur.*



uotè celebrandum. De excellētis D. Virginis. De humilitate. De omnibus Sanctis. De fraterna correctione. Instructio quo pacto religiosus in publicis se habere tractatibus debeat. Liber collectaneorū ex diuersis SS. dictis. De auctoritate Concilij supra Papam. Sermones septē vtilissimi de Obedientia, dilectione, humilitate, penitentia, oratione. De laudibus religiosorū, obseruationeq; silentij. De non esu carniū apud Cisterciens. Fuit hic religiosus pater Traiecto ad Mosam oriūdu, obiitq; Coloniensi in Cartusia an. Dñi 1446. I v. Id. Iulij. Sub quo Ruræmundæ, Dionysius vixit Ryckelius: quo de sequenti cap. agendum nobis erit.

CAP. VI. pag. 392. in medio [Hi libri propriū syntagma desiderāt.] Ipsemet Dionysius cū adhuc sospes degeret, Elenchum librorū à se editorum omniū, aliorum rogatu conscripsit: quem quidē P. Theodoricus Loheri<sup>9</sup> adiecit ad vitā præfati Dionysij, editam nimirum Coloniae Vbiorū apud Iasparum Gennepaum an. Dñi 1532. Quam quidē, vtpotè non vtilitate duntaxat proñciā, sed & delectatione iucundam, hand longè post recudi, Deo benè volente, curabimus. Solus verò operum DIONYSII Catalogus ad duodecim sese extendit folia, in forma octauī (vt librarij vocant) impressus: adeo vt longè copiosior sit, quā is qui vel apud Trithemiū, vel Posseuinum, aliosve passim reperitur. Ita vt propemodū incredibile censerī posset, vnum hominē, maximè verò Cartusianum, prolixo horariorū precum officio, aliarumq; priuatarum exercitationum studio profectio-

fessionis ratione obligatum, tot ac tantas quivisse elaborare lucubrationes; nisi ipse eas oculis conspexissem meis, propriâ authoris manu exaratas.

CAP. VII. & sequentibus enumerantur reuelationes aliquot, DIONYSIO cœlitus patefactæ, de quibus in eius vita, cuius nuper meminimus, copiosius pertractatur.

CAETERVM quia linea prima huius eiusdē capit. 7. fit mentio festi Hypapantis; videat Lector nominis huius rationē in NOTIS BARONII ad Martyrol. Roman. IV. Non. Febr.

Pag. 399. lin. 7. [Hanc visionē videtur habuisse, quando Magnus Turcorū Imperator, &c.] Constantinopolitanæ Urbis excidium atq; ad Mahometistum defectionem, celeberrimique nominis S. SOPHIAE templi prophanationem hisce describit verbis Naclerus: a Anno Domini M.CCCC.LIII. quarto Kalen. Iunius Constantinopolis ciuitas Orientis, columnæ & vnicum Græcæ sapientiæ domicilium, à Mahomete Turco principe vltra 10. dies obfessa, expugnata est. Vtrum verò talia illic designata sint flagitia, qualia iam ante DIONYSIO diuinitus reuelata erant, ex sequentibus quæ apud eundem reperiuntur authorem, liquido constat. b In Constantinopoli namque, inquit, templum SOPHIAE, Iustiniani Caesaris opus, toto Orbe famosum, cui comparari alterum ne queat, nudatum sacra suppellectili, ad omnes spurcitiâs patuit, ossa Martyrum quæ fuerant illa in vrbe potissima, canibus suisq; obiecta. Sanctorum imagines aut luto sædata, aut ferro deletæ.

a Tom. 2. Chronographiæ Gene-  
rat. 49. ad annum Domini 1453.  
b Naclerus ibidem fol. 957.  
Hosce Mahometanorum mores in Ecclesijs demonstrandis ad vnguâ imitantur nostri cui Noster res.



*Altaria in templis ipsis diruta, aut lupanaria meretricum facta, aut equorum stabula, &c.* Itaque ut aliqua huius famosissimi Byzantini templi apud Brabantos perpetua extaret memoria, coepta est ista tempestate haud procul à Buscoducensi Vrbe Carthusia in honorem S. SOPHIAE ædificari, cuius uti noster hic DIONYSIVS primus fuit moderator, ita eandem iam nunc regit V. P. Ioannes Stelant, vir non solum natalium splendore generosus, sed & ingenij acumine, ac variarum cognitione linguarum, rerumque plurimarum experientia apprimè instructus.

CAP. XVI. pag. 420. Ioannes hic Hensbergensis, Antistes Leodicensis, quem Dionysius ob superbiam luxuriamque grauitèr à dæmonibustorqueri vidit, fuit istius Urbis Episcopus 52. De quo ita Cratepolius. *a Ioannes Comes de Hensberch ac Louwenturch, vir valde magnificus, anno Domini 1419. in Episcopum electus est, cum esset annorum 23. anno sequenti sacerdotio est initiatus. Ducentis equis albis magnificentiam suam ostendit. In coronatione verò Frederici Imperat. Romani Aquisgrani potentiam suam magnificentius declarauit. Hæc ille: sed ehu potentes potenter tormenta patiuntur, sicuti euentus rei in hoc infœlici homine ostendit.*

*a In Catal.  
Episcopor.  
Leodicens.  
Colonie in  
8. an. 1578.*

*Sap. 6. 7.*

*Dionysius  
Ryckelius  
quando ob-  
terit: nempe  
an. Domini  
1471.*

CAP. XXIV. pag. 435. in medio. Ponitur hic tempus obitus Patris Dionysij: quem constat vita suæctū anno Domini septuagesimo primo supra millesimū quadringentesimū, ipso nimirū festo, B. Gregorio Magno dicato. Quemadmodū testatur non solū Trithemius in Catalogo, vo-

go, verum etiā Theodoricus Loerius, qui eius vitā ac res gestas insigni opusculo conscripsit: in cuius calce ita habet. *In festo igitur D. Gregorij DIONYSIVS virtutum ac meritorum plenus circa horam duodecimam superatis humane vitæ miserijs, sanctam DEO animam reddidit anno Domini M. CCCC. LXXI. postquam in ordine Cartusiano octo supra quadraginta annos Christo militauerat, adeo vt plurimum hallucinatus sit D. Ioannes Molanus, & qui eū sequuntur, ponentes obitum illius anno 1401. Ita namq; in Natalibus Sanctorum Belgij ait: a Pag. 49.*  
*In festo die S. Gregorij Pontificis, anno millesimo quadragesimo primo, obiit DIONYSIVS de Leuv, natus in Richel, vico Hasbania: qui eruditione, sanctitate & reuelationibus claruit in Cartusie Ruremundensi* Qui quidem Hasbania vicus in diœcesi Leodiensi cōstitutus distat ab oppido S. Trudonis stadijs non minus viginti.

CAETERVM libet admirari neoterici cuiusdam Theologi (cuius tamen nomini parco, ne personam insectari videar) præcep̃s de DIONYSIO nostro iudicium; qui suo in Proœmio quod Malachia præfixit Prophetæ, non solum Dionysium negligentia socordiaque arguit, sed & Liranum aliosque nonnullos diuinarum literarum commentatores leui perstringens brachio, quasi in contemptum adducens; *Lirani, inquit, moralis expositio nō placet doctis, subtilior mihi aliquanto videtur Cardinalis Hugonis. Sed breuior est, & ieiunior.* DIONYSIVS Cartusianus, qui festinatione multa scribendi, nec in historiam, nec in allegoriam quidquam ac-

*Defenditur  
Dionysius à  
socordia ne-  
gligentiaq;.*

curatius aut politius attulit. Sed ex eis quæ in Hieronymo, & in Lirano videbat, vel quæ prope-  
ranti sine labore occurrebant, inelaboratos di-  
ctant commentarios. Denique ex ijs quæ vel no-  
stra, vel Patrum, aut etiam auorum memoria  
floruerunt, neminem habeo (quod meminerim)  
quem possim hoc quidē loco nominare. Hæc qui-  
dem ille: qui ut propria attolleret, aliena ma-  
luit deprimere, quàm (quod ingenui est animi)  
per quos profecerit, agnoscere. Porro alij lon-  
gè aliam de Dionysio ferentes sententiam, nō  
inuiti fatentur, cum in enodandis sacrarum  
codicibus scripturarum eximiam sanè ac se-  
dulam posuisse operam. Vbi namque Scriptu-  
ra est obscurior, aut sensus abstrusior (id quod  
in Prophetarum vaticinijs maximè vsu venit)  
ibi explicationem fusioresque adhibet inter-  
pretationem. Enimuerò familiare hoc illi v-  
bique est, quo intellectu difficiliora occur-  
rant, eadem accuratiori studio reddere clario-  
ra illustrioraque: nec vbi trepidant alij, in  
plerisque scripturæ locis hæere Ipse nam-  
que quadruplici ferè vbique sensu (quod rari  
prestitere) scripturas elucida. De quo eximius  
insignisque Colonienſis academix Theolo-  
gus Ioannes Romberghius, Kirſpenſis, in  
diuinis litteris apprimè exercitatus erudi-  
tusque, huiuscemodi ante complures annos  
protulit sententiam. *b* Noueritis velim hæc  
suauissima DIONYSII scripta, quibus car-  
mina diuini Vatis clara interpretatione in om-  
nem Scripturarum sensum enucleauit, non sine  
oblectatione animi me legisse. Porro hoc mihi  
pecu-

*Sententia  
Doctōris  
Ioannes  
Romberg,  
de Dionysio  
Cartusiano.  
In epistola  
præfixa com-  
mentarijs  
Dionys. in  
Psal. Colonia  
anno 1531.  
dicit.*

peculiare videntur habere, quod non modò intellectum instruunt, & mores componant, sed affectum vehementer inflamment. Quàm enim ad pietatem & deuotionem vltra omnigenam rerum Theologicarum scientiam valeat, vel is mihi testimonio erit, qui hac cœlesti ambrosia, & diuino nectare absque vlllo fastidio satiatus fuerit. Is siquidem facile testabitur in huiusmodi Commentarijs, sub cortice plus latentis energiae esse, & secretorum mysteria & sacramenta, quam prima fronte in speciem proferant. Quin imò Thomas Bozius, vix reuera doctissimus, ac magni nominis Theologus, audacter pronunciat, DIONYSIUM Cartusianum inter eminentissimos connumerandum Theologos, esseque instar omnium: quippe qui septem vnus summa præstitit, quæ ab vlllo Catholicorum hucusque præstita non videmus. c. Primò namque in singulos, inquit, diuina scriptura libros ERV-  
 DITA composuit COMMENTARIA, quæ  
 priscis haud cedant. Secundò, singulas quæ-  
 stiones ad Theologiam spectantes, argumentis  
 in vtramque partem doctissimè propositis disputans, Commentarijs editis in sententiarum libros. Tertiò, quidquid pertinet ad excolendos mores, omnium mortalium cuiuscunque sunt illi conditionis, sexus ac status, singulatim genera illorum distinguens & informans, proprijs libris est complexus. Quartò, quacunque pertinentia ad contemplationem cœlestium rerum varijs operibus est diligentissimè & latissimè persecutus. Quintò, aduersus Sarracenos &  
 alios

Itē Thomæ  
 Bozj, dicen-  
 tis, vnum  
 Dionysium  
 septem sum-  
 ma præstis-  
 se.

clib. 22. de  
 signis Eccles.  
 cap. 24. signo  
 31. pag. 1051.

I.

II.

III.

IIII.

V.



VI.

VII.

*Eugenij IV.  
Pontif. sen-  
tentia de  
Dionys. Car-  
tal.  
Item Nico-  
lai Cusani  
Cardinalis.*

alios quosuis fidei hostes volumina sua speciatim composuit. Sextò, homilias, ut vocant, edidit in festos Sanctorum dies, Euangeliorumquæ occurrentium lectiones. Septimò, Apocalypsin dedit in lucem, qua sibi plurima diuinitus ostensa enarrat: & in his Germania Septentrionisque, quem nunc lugemus, infelicißimum casum. Decessit autem tantus vir anno millesimo quadringentesimo septuagesimo primo. Quid igitur haud mirifice gloriatur Germania TANTO VIRO, quantum sanctimonia simul ornatum vix protulit vlla ætas, vlla gens ab Orbis ipsius fabricatione? Hæc quidem Bozius, cumulans nimirum Dionysium multò ampliori eruditionis sanctitatisquæ præconio, quàm nostrum quisquam facilè esset ausus attentare. Quin & Romanæ sedis antistes ac totius Christiani ouilis Pastor EUGENIVS IV. quando librorum Dionysij quendam sibi oblatum conspexit, dixisse fertur: LAETETVR MATER ECCLESIA, QVAE TALEM HABET FILIUM. Vnde & doctissimus ille Cardinalis Nicolaus Cusanus, eximiam illam eruditionem insigni cum pietate coniunxisse animaduertens, è monasterio abstractum, socium sibi legationis suæ aliquândiu adhibuit. Vnde talem tantumquæ virum & CARTUSIANA religio, & Ecclesia omnis Catholica, acceptū referre meritò debet per celebri AGRIPPINENS I Academia: in qua Philosophicis Theologicisque studijs præclarè imbutus, tantus euasit, ut in Heremo etiam Cartusiana intra angustæ cellæ conseptum delitescens, notus fieret orbi vniuerso. Vt præclare

clarè nobis Cartusianis omnibus inculcat V. Pater ARNOLDVS HAVENSIVS, Cartusie Gandensis Prior humanissimus; vir nimirum ob integritatem vitæ ac prudentiam singularem, aliasque eximias animi dotes isto officij genere dignissimus: idque in illa prædulci atque eleganti exhortatione seu parænesi de observantia disciplinæ regularis, vitæque solitariæ commendatione: quam Colonia apud Bernhardum Gualtherium hoc eodem anno typis per me promulgari voluit.

VERVM ne Apologiam in DIONYSII defensionem texuisse videar, missa libenter facio ea, quæ in illius commendationem apud Trithemium, Boetium, Posseuinum, Eisengreinium, aliosque passim reperiuntur; contentus nimirum testimonio duorum nostræ ætatis citra ullam controuersiam præstantissimorum doctissimorumque virorum. Quorum primus est Reuerend. P. Nicolaus Serarius, Societatis IESV Theologus perquæ eximius: cuius equidem viri memoriam, ob varias quas edidit doctissimas lucubrations, insignemque animi demissionem, simul ac morum humanitatem nulla vnquam delebit obliuio. Hic igitur talis tantusque vir accuratissimis suis in Tobiam Commentarijs, de peruigili DIONYSII nostri studio assiduoque labore sermonem instituens; *d Fuit, inquit, Patrum memoria VIR d Incap. 8.*  
*DOCTRINA AC SANCTITATE præstans Tob. quest.*  
 DIONYSIVS KICKELIVS. *Qui cum tam 15. pag. 147*  
*multa quanta ipse in operibus videmus lege-*  
*ret, scriberet, parum CARTVSIANO*  
*dig.*

dignam operam sumere, suorum nonnullis videbatur. Quibus tamen ille tractatulo vnico respondet, multa in literarum bonarum studio & cultu commoda inesse, hoc tamen vnum maximum, quod à carnis voluptatibus animum egregiè abstrahant. Alter est R. D. A V B E R T V S M I R A E V S, Antvverpiensis Ecclesiæ Scholasticus dignissimus; ad quem diligendæ virtutis singularis cum exquisita tam diuinarum quàm humanarum rerum scientia coniuncta, magnoperè me trahit; maximè cum non solum E L O G I A illustrium Belgij Scriptorum magna cū nominis sui gloria in lucem protulerit, verum nonnulla insuper quæ ad Ordinis nostri decorem ac commendationem faciunt etiamnum parturiat; adeò vt hoc nomine suspiciendus ac amandus nobis sit. Hic igitur dum suis in E L O G I I S auctores illos per certas classium distinctiones eleganti orationis genere enumerat, qui Belgicâ ditione oriundi, orbem scriptis illustrare, hosce inter & D I O N Y S I O debitum adsignans locum, ita de eo ait: *e Tot tamque eximia virtutes nomen tuum D I O N Y S I I commendant, vt difficilius sit in tuis laudibus exitum, quam principium inuenire. Quid enim in te primum mirer? Singularemne vitam S A N C T I M O N I A M, qua D O C T O R apud omnes audis E X T A T I C V S? an solertem illam in illustrandis vniuersis Sacra scriptura libris industriam, laboremque inexhaustum, quo alter penè Nydimus Chalcenterus plura posteritati legenda reliquisti, quàm*

*Item doctissimi Viri D. Auberti Miræi de eodem iudicium. Prodierunt hæc Elogia Antvverpiæ in 8. apud Belleram, anno. 1602. e Decade 4.*

*Dionysius solerter & industrie laborauit in illustrandis S. Scripturae libris.*

*vt*



*Vt legere quidquam alienum inter tot diurnas  
nocturnasque monasticas exercitationes po-  
tuisse videaris : ac retrò plura legisse , quàm  
vt scribendi otium suppeditaret ? An acerr-  
mam illam ac propè diuinam ingenij vim , men-  
risque aciem , qua DIONYSIUM tuum  
AREOPAGITAM , obscurum alijs atque  
inexplicabilem commentando planiorem red-  
didisti ? Vincit nimirum omne labor & inge-  
nium , &c.*

*Ergo alter meritò , succensa luce , Prome-  
thus.*

*Dixeris, historia Solq, iubarq, sacra.*

PORRO quod huius extatici Doctoris  
scripta in lucem prodierint, Cartusiae Colo-  
niensi, Diuæ Barbaræ in Vbijs sacrae quàm  
maximè debetur, vti ex carmine D. Lauren-  
tij Poin Nouiomagensis, quod subiungimus,  
liquet : Hic enim Dionysium à B. Barba-  
ra sanctissimæ Dei genitrici cum codice ob-  
latum introducens, ita Lectorem instruxit.

*Qui geniclatur humi, DOCTOR Dionysius ille  
est,*

*Cartusia amplexus nomine reg, statum :*

DOCTOR, ab ecstasibus, quas pertulit ipse  
frequentes,

*Haud sanè immeritò dictus & ECSTATI-  
CVS.*

*Sed quæ virgo suis geniclantem amplectitur vl-  
tis,*

*A dextris, & cui mystica turris adest?*

*Quæ*

*Quaque volumen, uti meditans, obtendit* **LE SV**

*Est Cartusiace summa patrona domus,  
Agrippinatum celebri notissima in Vrbe:*

**B Barbara**  
**est Cartusia**  
**Colonienfis**  
**patrona.**

*Cui domui, primum quod datus Author hic est  
In lucem, acceptum soli referatur oportet,  
Hac nisi enim egisset, fortè laterent adhuc.*

**Reperiuntur**  
**ultima pa-**  
**gina operum**  
**Ruysbrochij.**

*Idem quoque author alijs versibus posterita-  
ti cōgratulus de operibus Ioannis Ruysbro-  
chij, à Patre Laurentio Surio latinitate luceq;  
donatis, ita Agrippinensem alloquitur Cartu-  
siam, utpotè fertilem atque assiduam docto-  
rum virorum alumnā.*

*Euge beata Domus, sic sic nouit atibus horum  
Nequaquam seculorum pergit ob-ire-viam.  
Et similes post hac itidem sufferto labores,  
Mercedem studijs dignam habitura tuis.*

*Verum hæc in DIONYSII dixisse defen-  
sionem sufficiat. Non enim panegyrim adori-  
namus, non nostra proferimus, non nouitia  
excogitamus: sed quæ boni iudicij viri scrip-  
tis & olim & iam nunc typis promulgarunt,  
eadem ipsissimis eorum verbis posteritati re-  
plicamus.*

**Tom. 2.**  
**Surij.**  
**6. Febr.**

**CAP XXV. pag. 440.** [à qua & rosam pa-  
radisi pulcherrimā creditur accepisse.] Simi-  
le quid legitur in vita B. Dorotheæ Virginis,  
quæ cum esset Theophilo cuiusdam caussarum  
patrono pollicita, se missuram ipsi ex sponsi  
sui paradiso rosas malaque, mox postquam  
martyrij palmam foret adepta, promisso suo  
abunde

abundè fecit fatis. Verù de hoc V. Patre Laurentio, eiusque scriptis consulendus erit Arnoldus Bostius, quem proximis nundinis cum alijs nonnullis in lucem edere statuimus. Item Petrus Sutor lib. 2. vitæ Cartusi. tractat. 3. ca. 7. pag. 578.

CAP. XXVII. pag. 444. Quid nam hic Gerardus Bredanus librorum ad posteros transmiserit, vide apud eundem Sutorem, loco iam allegato, pag. 577. Sed & Antho-  
nius Posseuinus in apparatu suo ponit, Gerardum quendam Cartusianum, N. quem dicit Tractatum de Oratione conscripsisse, eumque frequenter à Nauarro in Enchiridio de Oratione & horis Canonicis citari. Cæterum floruit isto sæculo & alius quidam in Belgio Gerardus Cartusianus, patria Stredamus, qui cum esset domus Leodiensis Prior, nonnulla insignia reliquit opuscula, quæ à Trithemio, Bostio, Posseuino, Eilengreinio, necnon & Petro Sutore enumerantur. Verum Stredamus hic obiit anno Domini 1443. Sub Eugenio Papa IV. Bredanus verò anno 1474. De quo ita præfato loco, Sutor :

GERARDVS de Breda multa sacrarum literarum eruditione admirandus, vitæ sanctissima præclarus, dulcis eloquio, sententijs plenus, tum lingua tum penna cunctis opem ferre studuit. Singulos namque ut potuit adhortatus est ad bene, grauitè, castigateque viuendum, ad contemnenda fragilis fortuna bona, ad virtutes emulandas, ad superna bona iugiter expetenda.

Scripta Gerard. Stredami.

da. Scripsit quoque præter alia multa, vitam Domini nostri IESV Christi insigni ritmo. De sacro quoque corporis eius sacramento suauiter complura modulatus est. Idem super Psalmo *Exurgat Deus*, nobilem edidit tractatum.

CAP. XXVIII. pag. 445. linea quarta à fine. De litterarum monumentis ab hoc pio ac erudito Patre Guilielmo Apfelo relictis, consulendus erit Arnoldus Bostius, qui ea nominatim enumerat. Obijt verò eodem anno quo & P. Dionysius Rickelius, nempe 1471.

2. Lib. 2. vi-  
te Cartus.  
Tract. 3. cap.  
6. pag. 378.

CAP. XXXI. pag. 449. Henricus Loen, a sicuti de eo scriptum reliquit Petrus Sutor, Theologus fuit percelebris, pietateque ac prudentia cum primis insignis. Hic celebre illud Louanienle pædagogium, quod à Porco nomen trahit, primum instituit, atque annis aliquot rexit. Scripsit verò eleganter in totum Psalterium Dauidicum, in libros Ethicorum Aristotelis haud vulgaris eruditionis commentaria, & alia non pauca: de quibus consule Bostium ac Sutorem. Fatetur namque Bostius se vidisse aliquando eum Priorem domus Gratiae iuxta Bruxellas, & comperisse tam ædificatorio abundare sermone, ut secundus ei necdum comparuisset. Hunc Possëvinus ac Sixtus Senensis Henricum Longen nominant, dicuntque eum in Psalterium scripsisse, obijt verò A. Domini. 1481.

CAP.

CAP. XXXV. pag. 461. in medio. De hoc <sup>a. Lib. 2. vi-</sup> Stephano Senensi ita scribit Sutor <sup>a. Stepha-</sup> <sup>te Cartus.</sup>  
*nus de Senis pater memorabilis, cuius omnes* pag. 368.  
*(vt Bostius refert) splendoris ac dignitatis ple-*  
*na fuerunt actiones, copiosam animarum mes-*  
*sem horreis cœlestibus intulit. Qui & modestia,*  
*temperantia, ac prudentia (quæ virtutum au-*  
*riga est) semper ita usus fuit, vt ab omnibus e-*  
*gregia eius virtus celebraretur.*

Pag. [Exat horum verborum sua manu  
 conscriptus liber.] Hic Stephanus Cartusie  
 Ticinensis Prior, ante Ordinis ingressum  
 fuit Amanuensis Beatæ Catharinæ Senensis,  
 qui sacratissimæ huius Virginis operâ à se-  
 culi curis blanditijsque, ad sanctioris vitæ  
 propositum reuocatus, eius ex ore magnam  
 Dialogorum, qui typis excusi leguntur,  
 partem excipiens, literis consignauit, quem-  
 admodum Dorlandus hic testatur; ipseque  
 etiam Petrus <sup>b</sup> Sutor, dum ait: *Scriptis autem* <sup>b. loco supe-</sup>  
*inter reliqua præclarum opus de vita & mo-* <sup>rius in mar-</sup>  
*ribus sanctiss. Virg. Catharinæ de Senis, quam* <sup>gine adfig-</sup>  
*Pius II. Pontifex Maximus canonizationis* <sup>nato.</sup>  
*honore est dignatus.*

Pag. 463. lin. 3. [Tempore schismatis ex-  
 titit hic Dei seruus Generalis Prior. De hoc  
 schismate diximus superius ad caput 24.  
 libri 4. Dorlandi: nempe non solum in  
 Romana Ecclesia magnam fuisse dissensio-  
 nem ob nonnullos Pseudopontifices, verum  
 etiam in Ordine Cartusiensi nonnullam ex-

titisse animorum disfunctionem, adeo ut  
ad annos triginta non satis inter Patres con-  
ueniret, qui cui adhærere vellent. Nonnul-  
li etenim hunc Patrem Stephanum in to-  
tius Ordinis G E N E R A L E M sibi adsciue-  
rant; alij verò, & maxinè Hispani Bonifa-  
cio Ferrario, utpote patria Valentino adhz-  
rescebant. De quo ita in antiquis Ordinis  
codicibus scriptum reperio. D. Guilielmo  
(fuit autem hic vigesimus quartus Cartu-  
sianorum Generalis) qui noua Statuta com-  
pilauit, viam, vniuersæ carnis foeliciter in-  
gresso, Domum CARTUSIAE regendam sus-  
cepit D. Bonifacius Ferrarius, Decretorum  
Doctor solemnus. Euocatur autem à Benedi-  
cto XIII. durante schismate in Ecclesia &  
Ordine; dum pars, & non minor D. Step-  
hanus † Priorem domus vallis S. Ioannis Bapti-  
sta in Senz, tanquam Patrem Reuerendum  
(hoc namque dignitatis titulo suum prae-  
cipuè Generalem Ordo condecorat) habe-  
ret; & pars alia domui Maioris Cartusiae ad-  
hereret. Sublato itaque schismate ab Ecclesia,  
laborauerunt etiam Patres Germanicæ nati-  
onis Ordinem vnire. Atque ideo cum praefato  
D. STEPHANO Cartusiam maiorem in-  
trantes, tractauerunt ut D. Bonifacius Prior  
Cartusiae absens per literas; Dominus verò  
Stephanus Prior in Senz praesens viua vocis  
oraculo absolutionem ab officijs peterent, &  
acciperent. † Quo facto vnanimiter praesece-  
runt Cartusiae D. Ioannem de Grisomonte, na-  
tione

Porfiten  
ex Priore  
domus Gi-  
cinenf. fa-  
ctus fuit  
praefectus  
huius ar-  
diſciplinam  
Dorlandus  
putat vnum  
eundemque  
fuisse.

† Factum est  
hoc in publi-  
co Generali

*tionem Saxonem, virum verbis dulcem; moribus capitulo, an-  
mitem ac mansuetum: Hæc ibi. no Domini  
1410. cele-*

CAP. XXXVI. pag. 463. Huius Osvvini *brato.*  
ni Becani meminit Arnoldus Bostius, dicens *Osvvinus*  
illum ex professo Cartusie Gandensis (hæc *Becanus*  
autem uti olim ab hæreticis diruta fuit, sic *quis qualis-*  
iam nunc in Urbem translata, quotidie ma- *ne fuerit.*  
gis magisque adsurgit studio ac industria  
Ven. Patris Domini ARNOLDI HA-  
VENSII) designatum fuisse Priorem domus  
Diuionensis, quæ totius Burgundicæ Prouin-  
ciæ longè est celeberrima; addens insuper,  
nonnulla cum scripsisse in ius Canonicum,  
nec non & varios sermones, epistolas insig-  
niter eruditæ, vocans eum Gosvvinum, Cæ-  
terum de hoc eodem vide Petrum Sutorem  
lib. 2. trac. 3. cap. 7. pag. 568. ubi præclara ip-  
sius reperitur commendatio.

CAP. XXXVII. pag. 464. Albertus Le-  
ander, ex insigni Dominicanorum Patrum  
familia vir eruditus æquè ac pius, in libro  
quem edidit de descriptione Italiæ, scribit  
Venetos habuisse Episcopos numero quatu-  
or & quinquaginta, hoc est usque ad Lauren-  
tium Iustinianum. Quem deinde Pontifex  
Max. Eugenius IV. primum Venetiarum Pa-  
triarcham, ac Dalmatiæ Primatem procla-  
mauit. Itaque quotquot huic in regimine  
succedere, Patriarchali nominis decore in-  
signiti fuerunt. Vnde nostrum hunc ANTO-  
NIVM SYRIANVM (quem ipse Syrianum  
vocitat) adferit anno Domini quarto supra  
L 3 mille-

† Dondus  
putat fuisse  
Anno Do-  
mini. 1503.



ensem Ordinem dedecorarunt potius, quàm vitæ probitate exornarunt; humiliter contestans Lectorem, vt inde potius ædificationis sumat exemplum, quàm vt cum scandalo (quod paruulorum duntaxat est) ea vsurpet. Memor nimirum in sanctissimo illo duodecim Apostolorum consortio vnum extitisse Iudam, & inter septem ab Apostolis designatos Diaconos, Nicolaum repertum Antiochænum, impurissimæ scilicet sectæ inuen- *Homil. 38.*  
torem. Vnde pulchrè Gregorius: *in Euang.* Terrere, inquit, vos non debet, quod in Ecclesia & multi mali, & pauci sint boni; quia arca in vndis diluuij, quæ huius Ecclesiæ typum gesit, & ampla in inferioribus, & angusta in superioribus fuit. Sic in tritura arce grana sub paleis premuntur, sic flores inter spinas oriuntur; & rosa quæ redolet, crescit cum spina quæ pungit. Duos quippe filios habuit primus homo: vnus horum electus est, alter reprobatus fuit. Tres filios Noë arca continuit, sed duo ex his electi sunt, & vnus reprobus fuit. Duos Abraham filios habuit, sed vnus electus est, alter reprobatus. Duodecim filios habuit Iacob, sed ex his vnus per innocentiam venditus est, alij verò per malitiam venditores fratris fuerunt. & cæt. quæ eleganter ibidem prosequitur. Quid igitur mirum si etiam in famosa hac Cartusianorum PP. familia nonnunquam homines reperiantur minus religiosè viuentes, atque à primo pietatis feruore resilientes? Imò de hoc olim quidam hosce lusit versiculos:

*Præditus est tali genio Cartusius Ordo,  
Vt cito fucatos homines eliminat à se,  
Inuitosque diu nulla ratione referuet,  
Olla bona est spūmis, quæ se vacuauerit vltro.*

a lib. 4. Di-  
at cap. 55.

b Epist. 22.  
ad Eustoch.  
cap. 14. in  
fine.

CAP. XXXIX. pag. 470. lin. 8. [Pecunia tua tecum sit in perditionem.] Eodem modo ob tres aureos nummos, Iustum Monachum iussit B. Gregorius (in ipsius quippe Monasterio accidit) in sterquilinum vna cum pecunijs proijci. Nec non & D. Hieronymus simile memorat exemplum, subiungens tandem: *b nec hoc crudeliter quispiam putet factum: Tantus quippe per totam Ægyptum terror inuasit, vt vnā dimisisset solidam, criminis sit.* Dici quippe solet: Monachus habens obulum, non valet obulo.

CAP. XLVIII. Appendicis quasi loco subiungit iam auctor duo exempla, quorum vnum vti in Prædicatorum Ordine, sic alterum in Cruciferorum accidisse commemorat. Qui quidem generalia sua solent Capitula in diœcesi Leodiensi celebrare, in oppido nimirum Hoiensi, medio Namurcum inter & Leodium itinere, vbi ad Mosæ fluenta primum sui Ordinis habent Cœnobium.

Pero-

Peroratio Auctoris.

**H**AEC habui, Lector humanissime,  
quæ rogatu plurimorū ad CHRO-  
NICON DORLANDI adycerem.  
In quibus raptim concinnandis (neque  
enim paulò plus quàm bimestre habui-  
mus) sicuti festinandum magnoperè no-  
bis fuit, ita confidimus plerisque nostri  
Ordinis Primatibus rem cordi futurā,  
ut quæ hic rudi sunt incepta calamo, ea  
emendatius aliquando auctiusquæ ad  
Ordinis incrementum ornamentumquæ  
in lucem queant proferri. Quando ni-  
mirum quisque suarum quibus præest  
Origines Cartusiarum, ac subditorum  
suorum res per Orbem præclare gestas,  
liberali nobis manu communicare cœ-  
perit. Alioquin ad præsens usque tem-  
pus nulla mihi Ordinis domus in ratio-  
ne dati & accepti communicavit nisi  
sola GANDAVENSIS. Cuius PRAE-  
FECTVS, nempe Ven. Pater ARNOL-  
DVS HAVENSIVS, cum sit vir literis  
tam diuinis quàm humanis egregiè ex-  
cultus, ac literatorum hominum fau-  
tor integerrimus, rara quadam ac præ-  
clara

*clara hac eadem horâ sua nobis trans-*  
*misit Cartusia monumenta; digna pro-*  
*fectò qua meliori data oportunitate*  
*(hoc etenim momento quo hac scribi-*  
*mus, librarij manum de tabula tollen-*  
*tes, nouissimum produciunt folium) in*  
*lucem eant. Interim verò his frui le-*  
*ctor ac vale.*

Omnia S. Romanæ Ecclesiæ, Ordinisque  
cui me deuoui iudicio ac correctioni  
submissa sunt.

SOLI DEO HONOR ET  
GLORIA.

ERRA.

*Errata quæ irrepperunt, sic  
corrigantur.*

**P** Ag. 14. lin. 12. possent. p. 16. l. 2. suo. p.  
17. lin. 2. à fine. vt. p. 18. l. 1. magnas. p.  
24. l. 21. efficitur. p. 25. l. 23. ipsa. p. 40.  
lin. vlt. *dele*, in. p. 41. l. 10. omnium. p. 42. lin.  
16. Dumque. p. 49. l. 17. *deest*, despero. p. 51. l.  
5. tantum. Ibid. lin. 6. attrijs. p. 51. l. 21. faciebat.  
p. 53. l. 6. dedecore. p. 53. l. 23. magistra. p. 54.  
l. 7. *deest*, qui. Ibid. l. 11. contemptibilium, pag.  
54. lin. 17. *deest*, ei. pag. 55. l. 8. literatus. p. 55. li.  
13. *deest*, ab. Ibid. l. 16. mouebantur. p. 56. l. 16.  
complurima. p. 57. lin. 12. prouenerant. p. 58. l.  
13. gratanter. p. 58. 3. sententia. p. 63. l. 7. abit. p.  
63. l. 20. multa. p. 64. l. 22. exigat. pag. 70. l. 13.  
quidam. pag. 72. lin. 1. tuæ. pag. 76. lin. 12. in  
opus. pag. 76. lin. 22. erat. p. 91. lin. 7. ipsa. pag.  
100. lin. 1. sancti. p. 100. lin. 26. Cuius. p. 101. l.  
16. rediens. pag. 104. lin. 20. roborabat. pag.  
105. lin. 7. apprimè. pag. 106. lin. 4. quondam.  
pag. 107. lin. 24. tenacius. pag. 108. l. 21. abiectæ.  
pag. 115. lin. 12. *dele*, in. Ibid. lin. 18. procidens. pag.  
112. lin. 20. exiguas. pag. 118. lin. 29. sacramento.  
p. 119. l. 5. perditus. 121. l. 30. quia. p. 125. l. 16. mise-  
riam. p. 130. l. 25. ad. p. 147. lin. 20. Abbatis. p. 159.  
l. 14. *deest*, ob. p. 161. l. 2. negandum. p. 184. lin. 28.  
*dele*, est. p. 148. l. 6. Deo. p. 159. l. 22. arbore. p. 201.  
l. 28. sermone. p. 204. l. 18. intuetur. p. 204. lin. 26.  
*deest*, per. p. 205. l. 26. execuisset. p. 207. lin. 15. infu-  
dit. p. 210. l. 19. *deest*, occidunt. pag. 211. l. 17. *dele*.  
Hinc factum est. p. 214. l. 4. à fine. ligneis. p. 227.  
l. 12. *deest*, vt. p. 235. lin. 5. à fine. *deest*, qui. p. 242. l.  
14. frigoribus. p. 245. l. 26. euocari. p. 248. l. 17. *de*-  
*est*, ad. p. 252. l. 9. instituitis. p. 252. l. 2. solitus. p.  
253. l. 10. egit. p. 254. lin. vlt. ludis. p. 256. l. 10. mu-  
neraretur. Ibid. l. 7. trahens. p. 259. l. 3. vt. p. 261. l.  
19. *dele*



19. *dele*, vt. p. 262. l. 3. *deest*, viguerit. p. 265. l. 18. e-  
 rat p. 267. l. 12. collectos. p. 269. lin. 7. à fine; *deest*  
 Florem. p. 271. l. 3. nate p. 277. l. 20. sperno. p. 286.  
 l. 1. meminerint. p. 288. l. 12. *dele*; exuens. p. 291. l.  
 19. *deest*; cubitum. p. 292. l. 11 *deest*, a, & ibid lin. 13.  
*deest*, aut. p. 293. l. 3. Missam. p. 293. l. 29. *dele*, vt. p.  
 304. l. 2. praconium. p. 311. l. 18. sonum. p. 319. l. 9.  
*deest*, ne. p. 326. l. 22. Hieronymo. p. 330. l. 3. *deest*.  
 hunc vidit p. 340. l. 1. lenocinijs. p. 343. l. 14. qua.  
 p. 440. l. 6. à fine, sibi metipsi. p. 443. l. 3. Raso. p.  
 344. l. 23. leuitate. p. 351. l. 1. renes. p. 374. l. 2. opi-  
 tulator. p. 428. l. 5. narraturum. p. 460. l. 6. Valen-  
 cenarū. p. 381. l. 4. à fine, toti. p. 387. l. 17. raptus. p.  
 376. l. 10. à fine, sacrarum Virg.



